







V. Cl. 22672

HUGONIS GROTII

DE

COENÆ

ADMINISTRATONE

UBI

PASTORES non sunt,

Item An semper

COMMUNICANDUM

PER

SYMBOLA?

DISSERTATIO.

Cum diversorum

RESPONSIONIBUS,

Quarum Catalogum versa Pagina  
exhibebit.

---

LONDINI: Impensis R. Tooke, ad  
insigne Navis in Cœmeterio

D. Pauli. 1685.

Dissertatio (*H. Grotii*) de Cœ-  
næ Administrationē, &c. P. 1.

RESPONSIO

*Dionysii Petavii Aurelianensis*  
è S. J. de Potestate Confe-  
crandi & Sacrificandi Sacer-  
dotibus à Deo concessâ, deq;  
*Communione usurpandâ.* P. 33.

*Joan. Clopenburgii* ad posteriorem  
Dissertationis partem, è se-  
lectis ejusdem *Clopenburgii*  
Disputationibus. P. 103.

*Henrici Dodwelli* de Jure Laico-  
rum Sacerdotali, ad Dissert-  
ationis partem priorem.



---

# Ad Lectorem.

I. **D**Amus hic, Amice, Lector, singulares aliquot, in *difficilem* Tertulliani locum, *Disertationes*, nec tamen minus momentosam illum, quam *difficilem*. Pendet hinc nimirum *Ecclesiæ*, qualemcunque illamingas, *universa* *Disciplina*. Eodem redit seu *Monarchicum* *Ecclesiarum* singularum *Regimen* agnoscas, cum *Orthodoxis*; seu *Aristocraticum*, cum *Presbyteranis*; seu denique cum *Independentibus*, *Democraticum*. In eo conveniunt omnes qui saltem aliquam in *Ecclesiâ* *Potestatem* agnoscunt, in *Excommunicationis* *Jure* esse constituendam. Atqui nihil illa valeat necesse est, si, quæ hic è *Tertulliano* colligunt *Exuditi*, ea sint pro *Ecclesiæ* *Primævæ* *Principiis*, atque *Praxi*, concedenda. Demus enim

enim arceri aliquem ab Ecclesiæ  
Communione, & quidem à legiti-  
mâ arceri Ecclesiæ Potestate. Nihil  
erit cur de ejusdem communione re-  
cuperandâ admodum laboret; nihil  
certè quo teneretur ad graviores ali-  
quas, siquæ fortè imponderentur, condi-  
tiones, eo recuperationis nomine,  
suscipiendas, si vel unius fuissent  
duntaxat dici, nedum tot Annorum,  
quales in Ecclesiæ Primævæ disci-  
plinâ legimus; nihil denique quo quis  
invitus posset ad officium cogi, si  
præsertim alieniores à Christianis  
supponamus Imperatores. Qui enim  
invisibilem & sine Symbolis, Com-  
munionem satis tamen credit ad sa-  
lutem; non est quòd Symbola admo-  
dum avidè expectat, nedum ut  
illam Symbolorum Communionem  
durâ aliquâ conditione meretur.  
Quòd si quis illum cepisset impetus  
Communionem saltem aliquam, (eti-  
am sine Necessitate) expetendi; in  
prompta tamen esset quo suam illam  
cupidinem, (invitis etiam Ecclesiæ  
Officiariis) expleret. Si enim, ubi  
Sacer-

Sacerdotes non sunt, jam Laicis liceat Sacerdotium capessere; Quidni idem liceat, ubi sunt quidem Sacerdotes, qui tamen nolint Officio Sacerdotali satisfacere? Sic fiet, ut qui legitimâ Ecclesiæ Potestate ab ejusdem Communionem pelleretur, ita nihil pateretur damni ut esset potius cur sibi gratularetur, & in lucro poneret. E Laico in Sacerdotium evectus jam se posset (quod antea non licuit) baptizare, jam sibi Symbola Eucharistica ministrare, securus plane de damnosissimis Ecclesiasticæ Communionis recuperandæ conditionibus. Quæ tamen omnia ita certum est ab Ecclesiæ Tertullianæ sententiâ fuisse aliena, quàm certum est exploratumque arctissimam in eâ viguisse Disciplinam. Proinde mirum est tantum suo ingenio, tantum suis conjecturis, indulgere potuisse Viros alioqui eruditissimos, ut Tertulliano dogmata, ita ab Ecclesia praxi, ita ab ejusdem manifestissimis abhorrentia Principiis, affingerent.

2. Non est itaque Sequela illa  
Tertulliano ita imputanda quasi il-  
lam disertis verbis asseruerit; &  
tamen ita imputanda, ut ne quidem  
à Sequelâ ipsâ possit prorsus excusari  
Nos infra plenius ostendimus, dun-  
taxat ubi nullus esset omnino Sacer-  
dotum Confessus, permitti à Ter-  
tulliano Laicis omnem illam, de  
quâ agit, Sacerdotii Potestatem;  
proinde nullum esse prorsus locum  
Laicorum Officiis Sacerdotalibus  
in ditione ab Ecclesiasticis occupatâ,  
nec satis esse Ecclesiasticorum erro-  
rem in usu clavium ut ipsi ibi claves  
usurpent Laici, nedum ut vis inde  
aliqua perperam usurpatis clavibus  
accedat. Ita in ditionibus occupa-  
tis vim aliquam habent Ecclesiæ  
censuræ, si nec tunc poterint Symbo-  
lis Eucharisticis Laici carere, nec  
tunc itidem & sine Peccato sibi ad-  
ministrare, nec rata etiam foret illa  
administratio. Sic enim foret ne-  
cessarium ut conditionibus Ecclesia-  
sticorum sese permitterent. Ita  
nullum SCHISMATICIS in Tertul-  
liano

liano rectè intellecto præsidium. Sed  
ut dogmata illius minùs faveant,  
verba certè atque ratiocinia adeo in-  
cauta sunt, adeo præter æquum fervi-  
da, ut plùs videantur innuere, plus  
inferre, quàm voluit Tertullianus.  
Omnes Nos Deus ita voluit (in-  
quit) dispositos esse ut ubique Sa-  
cramentis ejus obeundis apti simus.  
Cur omnes Sacramentis obeundis ap-  
tos esse oportet, etiam minimè pere-  
grinatos? cur ubique, si in ditioni-  
bus duntaxat nondum occupatis,  
Sacramenta essent ab iis obeunda?  
Reverà id necessariò exigebat causa  
ipsa quam agebat hoc in loco Tertul-  
lianus. Nec enim raris admodum  
vitæ casibus Viri Universæ aptan-  
da sunt Officia, ut proinde malè  
Laicis in universum Monogamia  
imponenda esset pro Sacerdotalis Of-  
ficii Disciplinà, si tamen rarò Laicis  
licita essent Officia Sacerdotalia;  
malè minimè peregrinaturis, si in  
ditionibus duntaxat nondum oc-  
cupatis. Porro quicquid voluerit  
Tertullianus, plus certè probat  
(B) quam

quam adduxit ratio, siquid tamen  
Probent omnino nimia illæ probatio-  
nes. Si enim, pro Jure quodam suo,  
Officia Sacerdotalia, quo loco nul-  
lus est Sacerdotum confessus, pote-  
runt præstare Laici; nihil video  
quod obstat quo minùs eadem Officia  
præstare possint, etiam ubi adest  
Confessus, errante clave, Excom-  
municati. Jus certè novum nul-  
lum possunt sine novâ vindicare do-  
natione, nec verò novæ donationis  
aliquam vel speciem exhibet quòd  
nullus adsit Sacerdotum Confessus.  
Quo ergo Jure extra Confessum  
præditi sunt, eodem sub Confessu  
gaudeant necesse est. Proinde, clave  
errante, Excommunicatis (cum ab  
Ecclesiastici Sacerdotii Sacramentis  
excluduntur) nihil erit quod impe-  
diet quo minùs redeat illius Juris  
legitimum Exercitium. Sic nulla  
erit obligatio ad suscipiendas Ec-  
clesiasticæ Communionis onerosas con-  
ditiones. Sic etiam Sequela illa  
Disciplinæ incommoda, ut eam Ter-  
tullianus ipse nullus agnoscat; quâ  
tamen



tamen datis Tertulliani Principiis  
necessariò consequitur, quà commen-  
datior erit apud Adversarios, ab ip-  
so Tertulliani nomine, vitiosa illa  
omnis Argumentatio, commendatiora  
vitiosa illa (quibus nitiur) Principia  
ab ipso verbis disertissimis asserta:  
proinde non est quòd à Sequelâ illum  
penitus excusemus violatæ Ecclesiæ  
Disciplinæ, quin sit ea quoque ipsi  
Tertulliano aliquatenus imputanda.

3. Nec verò melius aut felicius  
huic incommodo occurrit ipse Groti-  
us. Quos putat Laicos in locis re-  
motissimis Sacerdotio functos, id  
Ecclesiæ permissu fecisse existimat,  
quem utique cessare simul atq; Pres-  
byteri aliunde haberi, aut ipsi illi  
Laici ad Ecclesias proficisci, & ibi per  
Episcopos Presbyteri fieri poterunt.  
Ita nullum (inquit) inde Schisma-  
tis periculum. Fateor equidem per-  
missa duntaxat ab Ecclesiâ Laicis  
Officia Sacerdotalia nullum creare  
Schismatis periculum. Nihil ta-  
men de eo Ecclesiæ permissu Tertul-  
lianus. Jus ille Sacerdotii Laicis  
(B 2) asserit

asserit, ut inferius ostendimus, idque  
verbis disertissimis. Jus nimirum  
idem quod ipsis tribuerat Ecclesiæ  
Sacerdotibus. Nec de permissu,  
sed de Jure, procedunt illius Argu-  
menta. Et ut possit in Ecclesiis oc-  
cupatis istiusmodi cessare permissus,  
non est tamen quod de Juris cessatione  
similiter statuamus. Manet enim  
sæpe Jus sublato etiam Juris exerci-  
tio. At Juris Sacerdotalis saltem  
exercitium Laicis ereptum satis  
esse putabunt Adversarii ad Ecclesiæ  
occupatæ Pacem. Id fortasse ali-  
quâ verisimilitudinis specie, siquam  
Obligationem probare possent quâ  
etiam in ditionibus occupatis tene-  
antur Laici ne Jura sua sacerdotalia  
exerceant. Atqui ut opus non sit  
Sacerdotio suo fungi Laicos ubi ad-  
sunt alii qui pro Officio fungantur;  
ut etiam indecorum habeatur atque  
inhonestum, inferioris Ordinis etiam  
Sacerdotes in iisdem cœtibus etiam  
communia Sacerdotii Jura exequi,  
ipsa illâ Ordinis ratione Supremis  
Sacerdotibus reservatâ; at nulla  
erit

erit certè ratio cur in separatis Con-  
venticulis Excommunicati Laici ab  
Officiis Sacerdotalibus temperandum  
censeant, si quis istiusmodi Officiorum  
Jura Laicis concedat. Quis enim  
illum jure reprehendet qui id tan-  
tum egerit quod Jure posse agere fa-  
teatur? Nec enim est quòd non ne-  
cessaria illa Laici putet Officia, Ex-  
communicati scilicet & ab Officiis  
Ecclesiasticis exclusi. Nec quòd vio-  
latum obtendat Ecclesiæ Ordinem.  
Quæ enim Jura sua solius Ordinis  
causâ cesserat superioribus in com-  
muni Synaxi Sacerdotibus; quid  
quæso impedit quò minus ipse in se-  
paratis Conventiculis exequatur,  
ubi nullus adest superior Sacerdos,  
ubi ipse omnium est supremus, ubi  
ipsa Ordinis ratio id ipsum necessa-  
riò postulat ut solus exequatur?  
Quòd ab Episcopis Presbyteros, ita  
Nos pendere arbitremur ut ne qui-  
dem communia Sacerdotii Officia  
Presbyteris (Episcopi, in cujus a-  
gunt ditione, injussu) permittenda  
sint; id nos aliunde quàm è commu-  
nis

nis Sacerdotii naturâ deducimus. *E Sacerdotii nimirum gradibus Juribusque supremi etiam gradûs propriis, è Monarchâ Unitatis Ecclesiasticæ Principio, ex Archetypi Sacerdotii concordia, ex Archetypi Pontificis repræsentatione, qui ni legitimè representetur, concidet visibilis Sacerdotii vis omnis atque efficacia, nec verò possit in Monarchæ ditione legitimè ab alio repræsentari quàm ab ipso Monarchâ. Quæ certè Jura in Sacerdotii Laici Hypothesibus nulum prorsus locum habent. Ut ergo nulla sit Adversariorum malignitas, sunt tamen Principia eorum per se ipsa malignissima, quæque proinde mereantur quam vides universam Refutationis diligentiam. Sunt enim istiusmodi quæ reverâ inserviant malignè sentientibus.*

Observ. 19. ad  
Libros Tertullian.  
an. è Codice  
MS. Agobardi  
emendatos.

4. Primus objectionem movit, ni fallor, omnium Rigaltius, Vir alioqui industrius & rei Criticæ peritissimus, quod verò ad res ipsas attinet, nescio certòne aliquo consilio, parum certè accuratus. Romanam ille profes-

professus Communionem partes ta-  
men agit plerunque Calvinisticas.  
Siquid occurrit in Autoribus à se  
editis quod cum receptis Ecclesiæ  
moribus, quod cum recepto Ecclesiæ,  
non suæ modò, sed Universæ, Re-  
gimine pugnare videatur, id notat  
scilicet diligentissimè. Eo id for-  
tasse animo ut Novarum sese Obser-  
vationum nomine Lectoribus com-  
mendaret. Non id certè fecit quod  
facturus erat Vir æquus & Pa-  
cis Ecclesiasticæ studiosus, ut  
Consequentis occurreret. Non lo-  
cos alios cum aliis, non cum mori-  
bus mores, non Principia cum Prin-  
cipiis, contendit, ut ita colligeret,  
non modò quid sibi velint Autoris  
verba, sed quid etiam Autor ipse  
senferit; quid, pro Principiorum  
suorum tenere, sentire debuerit. In  
nudis hæret verborum apicibus Ri-  
galtius, difficultatibus, ut plurimum  
movendis quàm solvendis attentior.  
Hæc ille Anno Æræ Christianæ  
vulgaris MDCXXVIII.

5. *Hujus observationem justo Libri (quem de Eucharistiâ, linguâ tamen Gallicâ, conscripsit) Capite refutare conatus est Gabriel Albaspinæus Episcopus Aurelianensis Antiquitatis Ecclesiasticæ studiosissimus. Idque eo quidem eventu ut Epistolâ quam eâ occasione dedit ad Episcopum Rigaltius, sibi satisfactum esse professus sit, seque, in eâdem, quâ Episcopus, fuisse sententiâ. Est tamen meritiò quòd suspicemur non ex animo hæc, sed invidiæ amoliendæ gratiâ, scripsisse Rigaltium. Exarsit enim crevitque indies inter illos inde nata inimicitia. Tandem Romam res delata est, scriptisque invicem, modò ab Episcopo, modò à Rigaltio, Epistolis apud Pontificem agitata, in eam tamen scriptis à Rigaltio sententiam, ut se potius quàm causam suam tueri videretur, & vicissim Episcopum impugnare quàm sententiam ab Episcopo defensam. Suspectum tamen certe de Prævaricatione Rigaltium constat habuisse Grotium. Finem tandem illi*

lit

liti imposuit, (quæ quidem solet dis-  
fidiorum inter mortales esse arbitra)  
mors Albaspinæ. Contigit ea A. D.  
MDCXXX.

6. Postea Rigaltii causam suscepit  
noster Anonymus, Grotius nimirum  
ipse, Vir certè Maximus & Catholicæ  
Pacis studiosissimus, si id unum excepe-  
ris, quòd fuerit in Calvinistas pau-  
lo subinfensior. Equidem antea fu-  
isse Rigaltio faventiores tam Gro-  
tium quàm Salmasium, ex prædictis  
Grotii constat Epistolis. Cum verò  
hanc ederet Dissertatiunculam, erat  
præterea quod Grotium hanc sal-  
tem ageret in causâ transversum.  
Moliebatur eo tempore Grotius quam  
dixi Pacem Ecclesiarum atque con-  
cordiam. Egregium profectò cona-  
tum ( si quidem conciliari posset  
Pax illa conditionibus licitis feren-  
disque; ) & excelsâ Viri indole ge-  
nerosòque dignissimum! Et cum dissi-  
dentium inter se Ecclesiarum Seque-  
strem sese atque Mediatorem inter-  
poneret, nequa interim subesset de  
partium quarumcunque studio verisi-  
milis suspicio; ab omni proinde

(C)

Cora-

*Communione credidit esse temperandum. Id cum periculofissimum videretur atque explicatu difficillimum, ut qui nullius Ecclesiæ particularis Communione frueretur, Catholicæ tamen Communionis particeps credi posset; Ut qui ab omni Ecclesiæ Catholicæ, saltem Visibili (de quâ solâ nobis judicare concessum est, atque inde de Invisibili statuere) Communione esset alienus, is interim Salutem aliaque Pacti Evangelici Divinarumque Promissionum jura, quæ tamen ipsis illis Externæ Communionis Symbolis transfigerentur, sibi posset vendicare: Inde manifestò constat quâ tandem Causæ suæ exigentiâ ad nova sibi effugia quærenda tantum illud incomparabilis Viri conversum fuerit ingenium. Non aliud illi fuisse consilium è secundâ, de Communione sine Symbolis, hujus Dissertatiunculæ parte facile colligimus. Inde etiam liquet jam alienum à Calvinianis hæc scripsisse Grotium. Pulsus enim à Calvinianis in Exilium ita tandem in hæc Pacis Universalis consilia studia-*  
*que*



que conversus est. Quid quòd Anno  
MDCXXXVIII. quo primùm sunt  
hæc nostra quæ damus Opuscula ab  
Autore in lucem emissa; quo Pon-  
tificiis favebat magis Grotius, cò  
certum est Calvinianis fuisse infen-  
siorem. Malè itaque Grotii nomen  
Autoritatemque venditavit nuperus  
Interpres Calvinianus qui hæc ipsa  
vertit Anglicè. Malè hic purum  
putum Grotium haberi gloriatus  
est, quasi nimirum, cum hæc scripsit,  
nec fuisset in Calvinianos animo in-  
fenso, nec in Pontificios benevolo. Et  
tamen siquam Autoritatem concilia-  
vit Adversariis Editione primâ  
Grotius, eam deinceps omnem postea  
Retractatione suâ prorsus abroga-  
vit. Inde discimus & addita fu-  
isse (ab Editore fortasse) nonnulla  
quæ ipse pro suis ne quidem agnos-  
cere potuerit; & quæ verè sua es-  
sent, re tamen meliùs expensâ, cum  
à Riveto objcierentur, ipsum nolle de-  
fendere. Grotium interea avidè  
secutus est Novator ipse, novarumque  
rerum studiosus, Episcopus.

Episc. Resp.  
ad LXIV.  
Quæst. 39.

8. Respondit Grotio sequenti  
Anno MDCXXXIX. Petavius,  
Dissertatione, quam hic subjunximus,  
satis luculentâ & Petavio dignâ,  
nec id Pontificiis modò Principiis,  
quanquam ipse Pontificius. Quæ  
hic respondet, ea ad Officii Ecclesi-  
astici sanctimoniam commendandam  
pleraque faciunt, omnium scilicet  
Hypotheseon communem, quæ qui-  
dem aliquam in Ecclesiâ Potestatem  
agnoscunt. Quòd tamen Laicis Bap-  
tismi Potestatem, etiam Necessita-  
tis in causâ, concedat; pro suæ id  
concessit Ecclesiæ Moribus, non Pri-  
mævæ, nedum Tertullianæ; ut  
proinde malè hæc deduxerit ad ex-  
plicandam sententiam Tertulliani,  
& coævæ Tertulliano Ecclesiæ. Id  
unum Pontificiæ Communionis ad-  
mixtum Principium mirum est quan-  
tùm universo ejus ratiocinio detraxe-  
rit. Inde enim collegit non esse Bap-  
tismum in Officiorum Sacerdotalium  
numero reponendum. Inde nec Ob-  
lationem illam quæ Baptismo con-  
jungitur, cum Sacerdotio propriè sic  
dicto

dicto commune quippiam habere. Inde alium aliquem quærendum esse vocis illius sensum quàm (qui maximè obuius esset atque vulgaris) quo S. S. denotat Eucharistiæ Sacramentum. Alienissima nimirum hæc omnia à mente Tertulliani, nec tamen Petavio propria, sed aliorum quoque plerumque qui Pontificiam Communionem profitentur.

8. Defendit rursus Grotii Interpretationem, Anno MDCXL. sed suppresso utriusque, tam Grotii quàm Rigaltii nomine, Walo Messalinus, magnus ille nempe Salmasius. Et quidem illum à Rigaltio sensisse testatus est diu antea Grotius in Epistolis. Sed non est quòd iudicium ejus magni faciamus. Rarè enim ille admodum, siqua forsàn omnino, cum magnâ deliberatione conscripsit, sed primo plerunque impetu, cum & memoriâ fidiissimâ, & fæcundissimo polleret ingenio. Inde est quòd nec modum fervet in Digressionibus, nec Sequelis aut Phænomenis plerunque prospiciat. Est tamen in hoc ipso

Apol. pro Li-  
ber. adv. Jo-  
vinian.

ipso Opere prætereà singulare quod  
æquitatem ejus faciat meritò suspe-  
ctam. Stylo usus est acerbissimo,  
& in destruendo est, quàm in astru-  
endo, ( pro Sectariorum more ) oc-  
cupatior. Quis est itaque qui mire-  
tur si & in alteram potiùs partem  
aliquando inclinârit, & inculpatæ  
tutelæ moderamen exceßerit? Diu  
est ex quo observavit S. Hierony-  
mus aliud esse quod quis asserat-  
δογματίζω, aliud quod ἐρασμώ. Nec  
se modò ita lapsum confessus est. A-  
lios plerosque Veteres ejusdem invi-  
diâ Accusationis oneravit.

Rivet. Apol.  
num. 45.

9. Grotio deinde An. MDCXLII.  
sefe objecerunt è Reformatis Rivetus  
atque Clopenburgius; ille quidem  
obiter, hic selectis ( quas hic da-  
mus ) Disputationibus, quæ tamen  
postremam duntaxat partem spectant  
Dissertationis Grotianæ. Successit  
illis Pontificius Georgius Ambianus  
in suis ad Tertullianum Annotatio-  
nibus. Tuetur ille quidem commu-  
nem Disciplinæ causam, nefas esse  
siquis Laicus, recentioribus Ecclesiæ  
Seculis,

Ad lib. de Ex-  
hort. c. 1.

*Seculis, Sacerdotali aliquo munere fungatur; ita tamen interim tuetur ut hoc idem Laicis, primævo nihilominus Apostolorum Seculo, licuisse confirmet. Testesque adhibet à Grotio prætermittos Pseud-Ambrosium atque Tertulliani exscriptorem Hieronymum. Ita fiet ut Juri duntaxat Ecclesiastico assignandum sit omne hoc Laicorum Ecclesiasticorumque munerum discrimen, quod magno redemptum vellent Adversarii. Magis itaque Adversariis ille, quàm Amicis, accensendus est.*

*II. 10. Ex hac ergo hujus Controversiæ Historiâ & progressu, id satis manifestò constat, omnes cujusunque Disciplinæ Ecclesiasticæ studiosos hanc causam veluti communem suscepisse defendendam, non Pontificios modò & Episcopalis in Ecclesiâ Regiminis assertores, sed & aliarum Disciplinarum Sectarios ab Episcopatu alienissimos. Nec vident interim iisdem se nos petere Argumentis quæ ipsi quoque solvere teneantur,*

Et pro falsis agnoscere, dum ab aliis vicissim impetuntur Adversariis. Proinde nemo hæc aliis poterit objicere ( si quidem sibi velit constare ) qui non omnem prorsus oppugnat Ecclesiæ Disciplinam. Constat præterea qui Laicorum Sacerdotium Et adversam Ecclesiasticæ Disciplinæ causam hætenus propugnârint, quàm illi fuerint de causæ partisque aliqujus studio merito suspecti, neglectisque non modò Æquitatis Regulis, sed firmi quoque solidique Rationum. Speraveram equidem post Albaspinæum, Petavium, Marcam, aliosque magni nominis Et famæ Viros, nihil mihi superfuturum quòd ad justæ Responsionis molem assurgeret. Proinde Petavium duntaxat Grotio adjungendum censui qui solus Grotio separato libello respondit. Is enim rarior occurrebat. Reliqui in suis quique quærendi voluminibus. Sed verò me fefellit mea expectatio, ut proinde Responsio nova fuerit adornanda. De Sacerdotio  
Laico-

Laicorum egimus non ita pridem in  
Dissertationibus Cyprianicis. Nec  
tamen videramus, cum illa scribere-  
remus, quæ scripserat antea de eo-  
dem Argumento Doctissimus Marca.  
De Tertulliano hic duntaxat agimus,  
& de Primævæ Ecclesiæ tam Sen-  
tentiâ, quàm etiam Consuetudine.

II. Quæ porro hic tradidimus de  
Jure Ecclesiæ Hierosolymitanæ pri-  
mario; de Domini Nostri & Fami-  
liæ Dominicæ, stirpisque Davidicæ,  
in eâ Sede, quoad superfuit, Jure  
Hæreditario, & quidem illo ad Tra-  
jani usque tempora deducto, quo Im-  
perante stirps illa funditus in Si-  
meone Cleopæ perierit: Hæc in-  
quam, modo vera comprobentur, nemo  
est quin deinde videat quàm sint Ro-  
manæ sedis Primatum à S. Petri  
Primatu deducendum labefactatura.  
Tantum enim aberit ut traduxerit  
Primatum aliquem S. Petrus ad Se-  
dis suæ posteros hæredes, ut ne qui-  
dem ipse Primatum istiusmodi in Ec-  
clesiâ Catholicâ unquam habuerit  
quem potuerit ad posteros trans-  
(D) mittere.

*mittere. Nec enim Collegii Apostolici Potestatem habuit primarius Apostolus, sed Collegii Universi Præses cui ipse etiam debebat obsequium primarius Apostolus. Demus itaque fuisse S. Petro primarium illum, quem tantoperè venditant Romanistæ, in Collegii Apostolici Confessu honorem. Nondum tamen consequetur, quod inde colligunt, fuisse summum, & sine omni prorsus æmulo, in Ecclesiâ Universâ, principatum. Parium enim duntaxat Collegiarum respectu fuit primarius ille Sedis honor, qualis olim fuit in Diaconorum Collegio Archidiaconi, in Presbyterorum alio Archipresbyteri. Nihil tamen vetabat quominus utriusque Collegii, tam Presbyterorum quàm Diaconorum, Principatum gereret, exors alia, ut appellat Hieronymus, altiorisque Collegii Potestas Episcopi. Sic etiam primarius cum Universo Apostolorum Collegio Apostolus, superiorem tamen agnoscebat, ne ipsis quidem Adversariis refragantibus, ipsum*



*ipsum Dominum, ut proinde alium  
neminem fuisse existiment, Domino  
superstite, in Ecclesiâ militante,  
Principem. Qui itaque Domino in  
Ecclesiâ Hierosolymitanâ, jure cog-  
nationis Hæreditario successerunt,  
eundem illi Principatum obtinuerint  
necesse est quem & ipse Dominus.  
Ergo S. Jacobo Alphæi, S. Si-  
meoni Cleopæ, Domini Hæredibus,  
obsequium debebant, non reliqui mo-  
dò Apostoli, sed S. etiam Petrus  
primarius Apostolus. Atqui horum,  
uti diximus, Successio ad Trajanum  
usque descendit. Nullum itaque Ec-  
clesiæ Catholicæ Principatum ha-  
buit unquam passus sub Nerone  
S. Petrus quem potuerit ad Pastores  
derivare.*

*12. Id unum video restare quod  
reponant in contrarium Adversarii,  
non equidem à Christo Domino ad  
S. Petrum, aut à S. Petro ad pro-  
ximos Romanæ Sedis Successores im-  
mediatè hunc emanasse Principatum:  
sed verò interposito temporis Suc-  
cessorumque intervallo, Trajano tan-*

dem Imperante, Romanæ Sedis, qui  
tunc eam occupavere, Præfulibus obve-  
nisse. Nempe Jure ipso Hæreditario,  
post Collegii Apostolici Præsidem,  
proximum esse Apostolum primari-  
um: Deficiente itaque Præsidis Hæ-  
rede sic demum devolutam esse Hæ-  
reditatem ad Hæredes Apostoli Pri-  
marii Romanos scilicet eorum Tem-  
porum Episcopos. Cæterum ut Præ-  
sidis Jus, pro illorum Seculorum  
Disciplinâ, fuerit Hæreditarium;  
non solebat tamen ad Hæredes des-  
cendere Jus Collegæ Primarii. Quæ  
enim eminebat inter Pares loci illa  
disparitas, Ætati potius quàm Fa-  
milix; plerunque attributa est. Sic  
enim fratres Josephus secum epu-  
lantes, ætatis habitâ ratione dis-  
ponebat. Inde vetustissimum Ebræ-  
orum morem discimus. Idem ad re-  
centiora N. T. Tempora descendit.  
In illo de Juniorum erga Seniores  
reverentiâ tantum præceptumque  
sæpe legimus. Inde inter Episcopos  
Collegas, Sedium nulla erat sed  
Ætatis plerunque dignitas. Sic in  
Ecclesiâ

*Ecclesiâ Africanâ, exceptâ Procon-  
sulis & Provinciæ Proconsularis Ur-  
be Cârthagine, reliquarum Provin-  
ciarum Metropoles fixæ nullæ erant,  
sed pro Ætate Episcopi. Nec aliam  
fuisse in quibusdam Ecclesiis Asia-  
ticis consuetudinem, constat ex Eu-  
sebio. Et verò ordinem illum qui  
inter Apostolos obtinebat Ætati tri-  
buit ipse Dominus. S. Luc. 22. 26.  
Sic itaque sublato per Martyrium  
S. Petro successerit reliquorum Apo-  
stolorum natu provectissimus. Su-  
perfuere certè non S. modò Joannes,  
sed & Philippus, ne de reliquis A-  
postolis quippiam affirmemus quorum  
nulla in probatæ fidei monumentis  
occurrit mentio. Et ut nullum de-  
inde in unum coierit Apostolorum  
Collegium, successisse tamen proba-  
bile est in eorum in Clero Hierosoly-  
mitano locum Domini cognatos Judæ  
posteror, ut alibi ostendimus, quo-  
rum nulla in Romanâ sede successio.  
Quid quòd reverentiæ essent illa,  
non Potestatis, juniorum in majores  
obsequia, qualia bonis ætateque con-  
fectis*

*fectis præstant etiam modesti Principes, cum tamen eorundem nullam agnoscant Potestatem. Accedit tandem ratio illa Juris Metropolitici, quam pro eorum Temporum moribus ibidem explicamus, quæ quidem in Civitatem Hierosolymitanam rectè quadrabat, nulla prorsus in Romanam. De Civitate Hierosolymitanâ rectè dictum Spiritualium ejus participes factas, quâ patebat Christianitas, Civitates Christianitatis Colonias, quòd nemo verè de Romanâ affirmârit.*

---

DISSER-

---

Grotii ipsius de sequenti Dissertatione sententia.

**L**ibellus iste, cui Respondit Reverendus D. Petavius, cujus sit Autoris nihil refert. Ego eum **TOTUM** pro meo non agnosco. Vor. pro Pace ad Art. V. inter Grotii Opusc. p. 658.

*Libellum illum, cui Vir Reverendus Dionysius Petavius respondit, merito pro suo non agnoscit Grotius. Nam & ADDITA sunt quæ Grotius nec SCRIPSIT nec PROBATA; & quæ ab ipso congesta erant, eo erant tempore congesta, quo Disputatio ista calebat inter Reverendissimam Episcopum Aurelianensem & Virum Amplissimum Nicolaum Rigaltium, non animo quicquam DEFENDENDI, sed inquirendi Eruditorum sententias. Neque tamen illud, quod apud*  
(E) Tertul

Tertullianum est, Laicorum in  
**NECESSITATE** Sacerdoti-  
um, D. Rivetum ejusque socios  
quicquam juvat. Administraba-  
tur enim illud de **CONSENSU**  
ipsius Ecclesiæ Universalis, ac pro-  
inde sine periculo **SCHISMATIS**.  
Et qui continuare eum morem va-  
lebant, accipiebant, simulatque  
poterant, Ordinationem ab **EPI-**  
**SCOPIS** legitimè constitutis.  
Rivet. Apolog. Discuss. p. 694.  
Non pugnat cum his quæ de Ordina-  
tionum **SUCCESSIONE**  
dicta sunt, Tertulliani locus re-  
ctè intellectus. Nam & illi Laici,  
qui in locis remotissimis **SACER-**  
**DOTIO** aliquatenus fungebantur,  
faciebant id (ut & suprà dictum  
est) ex Ecclesiæ **PERMISSU**:  
& cessabat is Permissus, simul at-  
que Presbyteri aliunde haberi, aut  
ipsi illi Laici ad Ecclesias proffi-  
cisci, & ibi per **EPISCOPOS**  
Presbyteri fieri poterant. Ita nul-  
lum inde **SCHISMATIS** peri-  
culum, quale in iis qui à semetip-  
sis

sis, aut à suâ Plebe facti, ( ut  
quidam volunt ) Presbyteri, con-  
tra ejus quæ erat Ecclesiæ volun-  
tatem, partem de solido sibi ab-  
duxere, & sibi retinent. Scri-  
ptum illud sine Scriptoris nomine,  
quod hic rursùm urget D. Rivetus,  
Grotius nec DEFENDIT, nec  
TENETUR defendere. Ac pro-  
inde malè inde infertur, eum al-  
terâ manu ædificare quod alterâ  
destruat.

Id ibid. p. 715.

---

## ERRATA

### *In Dissertatione H. DODWELLI de Sacerdotio Laicorum.*

**P** Ag. 15. l. 6. solts l. solus. p. 40. l. 16. indigisse  
l. indiguiffe. p. 49. l. 10. Sacerodtes. l. Sacer-  
dotes. p. 60. l. 20. dicentes l. discentes. p. 84. l. 2.  
fore l. fortè. p. 96. l. 17. exigerit l. exeg. l. 19.  
exegere l. exigere. p. 122. l. 21. Ecclesiastici. Etiam  
l. Ecclesiastici, etiam. p. 128. l. 3. ratia l. rata. p.  
134. l. 8. 9. l. Sacerdotii Presbyteralis. p. 171. l.  
15. tractatu l. tractu. p. 176. l. 2. illum l. illud.  
p. 189. l. 16. 17 l. 17. p. 198. l. 8. ~~auxt~~ l. ~~auxt~~.  
p. 204. l. 23. dele dicitur. p. 205. l. 3. quisquis l.  
quisque. p. 225. l. 19. Doni l. Domini. p. 224. l. 8. utr.  
ejecto l. ut, rejecto. p. 233. l. 6. Apo. l. Apol. p. 238. l.  
5. diirs l. diris. p. 245. l. 4. dilectorum l. delicto-  
rum. p. 279. l. 10. ~~avris~~ l. ~~avris~~. p. 286. l. 14.  
initio. In l. initio. in. p. 287. l. ult. quisquis l. quisque.  
p. 290. l. 13. Matttinis l. Matutinis, p. 293. l. 23  
~~Axumit~~. l. Axumit.



---

DISSERTATIO

*Hugonis Grotii*

D E

COENÆ

ADMINISTRATIONE.

---

t  
c  
l  
r  
h  
l  
c  
2  
2  
2  
2

## DISSERTATIO

D E

## C O E N Æ

Administratione ubi Pastores non sunt.

**E**Didit nuper vir doctissimus Nicolaus Rigaltius Tertulliani libros aliquos emendatos ad vetustum codicem, quem ante annos fere octingentos Agobardus Episcopus Lugdunensis suæ urbis Ecclesiæ dederat. Inter ea opera est illud, de Exhortatione castitatis, ubi defendit Tertullianus, ut erat ad omnia rigidus, à secundis nuptiis etiam laicos abstinere debere: quod ut probet, hoc adfert argumentum; verba enim ipsa adferam, eo magis quia in manuscrip-

to, quem inspexi, paulo aliter est quam edidit Rigaltius. Sic enim ille habet. *Sed dices ergo ceteris licet quos excipit. Vani erimus si putaverimus quod sacerdotibus non liceat, laicis licere. Nonne & laici sacerdotes sumus? Scriptum est, regnum quoque nos & Sacerdotes deo & patri suo fecit. Differentiam inter ordinem & plebem constituit Ecclesia & honor per ordinis confessum sanctificatus: A deo ubi Ecclesiastici ordinis non est Confessus, & offers & tinguis & sacerdos es tibi solus. Sed ubi tres, Ecclesia est, licet laici. Unusquisque enim sua fide vivit, nec est personarum acceptio apud Deum, quoniam non auditores legis iustificabuntur à Deo sed factores, secundum quod & Apostolus dicit. Igitur si habes jus sacerdotis in temetipso, ubi necesse est, habeas oportet etiam disciplinam sacerdotis ubi necesse sit habere jus sacerdotis. Digamus tinguis? digamus offers? quanto magis laico digamo capitale est agere pro sacerdote, quam ipsi sacerdoti digamo facto auferatur agere sacerdotem. Sed necessitati, inquis, indulgetur. Nulla necessitas excusatur*  
*que*

quæ potest non esse. Noli denique digamus deprehendi, & non committis in necessitatem administrandi quod non licet digamo. Omnes nos Deus ita voluit dispositos esse ut ubique sacramentis ejus obeundis apti simus. Hunc locum sic explicaverat Rigaltius ut diceret hoc eum velle, si Christianus cum familia sua in navi sit, & feratur in ea loca in quibus nulli sunt Christiani, nullus confessus ordinis, id est, πρεσβυτέριον, ipsum posse & offerre deo, nempe symbola dominicæ passionis, cum solenni gratiarum actione, & tingere id est Baptizare, & sacerdotem esse sibi, quia in illis etiam paucis sit Ecclesia, quomodo & Apostolus loquitur, Rom. xvi, 5. ad Philem. 2. Objecit se hic Rigaltio albaspinæus Episcopus Aurelianensis, qui ut privilegium presbyteratus tueatur, quovis potius modo vocem offerre sumi vult quam de eo quod paulus Apostolus i. ad Cor. x. dixit εὐλογεῖν, & xi, 24, εὐχαριστεῖν, quâ voce in eo sensu & Justinus Martyr utitur, pro quo vulgus nunc dicit consecrare.

Atqui

Atqui offerre & apud Tertullianum  
 & apud discipulum ejus Cyprianum  
 hoc sensu solere sumi nec ipse neget:  
 neque ullum proferet locum ubi of-  
 ferre alio sumatur significato, ubi con-  
 jungitur cum tingere, id est, bapti-  
 zare. Nullus enim est ritus alius ex-  
 tra hunc qui cum baptismo ex æquo  
 poni mereatur. Itaque non apud Ec-  
 clesiasticos tantum scriptores, maxime  
 cum baptismo æquatum, hunc sensum  
 habet, verum etiam in legibus; ut  
 Novella Justiniani CXXXVII, in  
 fine præfationis & capitis sexti initio.  
 Tum vero vis tota argumenti quo  
 utitur Tertullianus in eo consistit, ut  
 dicat nihil esse tam magnificum quod  
 à presbytero fiat, ad quod non & lai-  
 cus admitti debeat ubi presbyterium  
 non est. Id ut ostendat profert quæ  
 extra talem necessitatem laici non usur-  
 pabant, sed relinquebant solis presby-  
 teris, ut baptizare & solennibus uti  
 verbis, per quæ fit Eucharistia. Alibi  
 cum de baptismo tantum ageret idem  
 plane sed in illa specie dixit. *Dandi  
 quidem jus habet summus sacerdos qui est  
 Episcopus,*

*Episcopus, dehinc presbyteri & diaconi, non tamen sine Episcopi auctoritate, propter Ecclesiæ honorem, quo salvo salva pax est. Alioquin & laicis jus est. Quod ipse mox interpretatur. Sufficiat scilicet in necessitatibus ut utaris, sicuti aut loci, aut temporis, aut personæ conditio compellit. Cum ita sentiret de baptismo Tertullianus, non debere eum à laico nisi in presbyterorum penuria administrari, non illo de exhortatione loco subintulisset alterum illud de offerendo, nisi de oblatione egisset tali quæ extra necessitatem à laicis non usurpabatur, nimirum ob eam quam utrobique reddit causam, pacis ac constituti regiminis reverentiam. Non semel autem eo quem priorem recitavimus loco, sed bis, de baptismo ad oblationem tanquam ad aliquid aut par aut opinione hominum majus gradum fecit. Deinde notandum vel maxime, quod cum dicit, sua quemque fide vivere, & non auditores sed factores legis justificari, sentit mandatum de offerendo omnibus Christianis datum, non Apostolis quæ  
Apostolis,*

Apostolis, sed qua Christianis. Quomodo & Paulus illud Lucæ sui τοῦτο ποιεῖν εἰς τὴν ἑαυτοῦ ἀνάμνησιν interpretatur I Cor. XI. 24, 25, 26, 27, 28, 29. ubi apertissime hoc præceptum Christianis omnibus aptat. Est alius Tertulliani locus in Corona militis, in quo pauca verba sunt, sed ad id de quo agimus maximi ponderis. Nam & ibi quum de Baptismo egisset, pariter ut in illo altero loco ad Eucharistiam progreditur, ejusque celebrationem, ordinis non mandati dominici causa, vult peragi per presbyteros aut potius Episcopos, quos & Justinus vocat *εργασίας*. Nam cum ostendere vellet multa pacis & disciplinæ causa à primævo more variasse, ejusque effati sui argumentum dedisset, prægustationem lactis & mellis ante baptismum, abstinentiam aliquot dierum à lavacro post baptismum, ista verba subjungit. *Eucharistiæ sacramentum & in tempore victus, & omnibus mandatum à domino, etiam antelucanis cætibus, nec de aliorum manu quam præsentium sumimus. Eucharistiæ*



charistiæ ritum, à Domino ait traditum in ipso victus quotidiani, id est Cœnæ, tempore, & mandatum non certo ordini, sed Christianis omnibus datum. Quod in ipso cœnæ tempore à Domino mandatum dicit hunc ritum, simul intelligit à primis Christianis aliquandiu eodem modo fuisse celebratum: quod verum esse, nisi nunc aliud ageretur, multis veterum testimoniis posset ostendi; mansitque vestigium pristini moris in ipso die anniversario institutæ Cœnæ ad tempora usque Augustini. In eo vero quod mandatum omnibus dicit hunc ritum, hoc ipsum dicit quod in argumentum afferebat, in eo quem attulimus loco Exhortationis ad Castitatem. Neque vero hæc privata fuit Tertulliani sententia, sed communis Christianorum illius temporis: nam alioqui ex re non ab aliis credita, cum aliis agens, argumentum nonnisi stultè duxisset. Neque opinio tantum fuit, sed mos receptus à Christianis illius ætatis, ubi talis occasio se obtulerat. Itaque dicit *Tinguis, offers*, id est so-

les hoc facere. Verum hoc esse etiam  
 serior ætas nos docet. Nam cum ad  
 Indos, id est, ut interpretor, ad Æ-  
 thiopas, qui ex eo semper Alexandri-  
 num Patriarcham suspexerant, venis-  
 set ab Alexandria laicus Frumentius,  
 auctor fuit his quos ad Christum con-  
 verterat, & paucis qui cum ipso erant,  
 & Theodoreti utar verbis, Κατὰ τὸ  
 ῥωμάων ἔθνος συναγείρεσθαι τε καὶ ταῖς  
 ἱερεῶς ὀπτιλεῖν λειτουργίας, id est eo  
 more quo sub Romano Imperio fieri  
 solebat & convenire & sacra celebra-  
 re. At nemo ibi tunc Episcopus erat,  
 nemo Presbyter, imo primus cum E-  
 piscopi dignitate, qui postea presby-  
 teros ordinavit, eo missus est, post  
 reditum suum Alexandriam & rem re-  
 nuntiatam, ipse ille Frumentius ab A-  
 thanasio. Amplius dicam, etiam sœ-  
 minas, ubi non modo presbyterorum  
 sed & virorum cōpia esset nulla, com-  
 muni hoc jure usas & ipse credidit, &  
 alios credere voluit scriptor vetus  
 Martyrologii qui ad diem pridie Ca-  
 lendas Junias sic ait. *Romæ sanctæ  
 Petronellæ virginis. Hæc fuit filia  
 beatissimi*

beatissimi Petri Apostoli, quæ post multa miracula sanitatum, cum eam Flaccus Comes suo vellet sociare conjugio, tridui inducias postulans & cum sancta Felicilla collatanea sua continuis jejuniis atque orationibus vacans, tertio celebratis dominicæ oblationis mysteriis, mox ut Christi sacramentum accepit, reclinans se in lectulo amisit spiritum. Ne vero credamus, quod præcipue vult credi Aurelianensis Episcopus, ab initio Christianismi solis presbyteris jus fuisse Eucharistiam conficiendi aut consecrandi, ut loqui mos est, vel illud nos prohibet quod diaconos, sicut baptizasse legimus Act. viii, 36, (nam Philippum illum non Apostolum sed diaconum fuisse & veteres consentiunt, & ea quæ præcedunt capite eodem verse 5, & 14. satis evincunt) & apud Tertullianum loco illo quem de Baptismo jam adduximus, cui multi veterum addi possent, ita etiam ab illis factam Eucharistiam tam apertum est, ut mirum sit reperiri posse viros τῶν χριστιανῶν ἀρχαίων τοῦ ἐκ ἀγῶντος qui id negent, nisi

B 3

forte

forte dicere nullant magis quam negant. Nam in Laodicensi synodo, quæ Nicæensi haud multo est posterior, Canon est, qui sic habet: Οἱ πρῶτοι δὲ ἐπὶ τῆς ἁγίας ἁρτοῦ διδόναι ἔτε ποτήριον ἀλλογεῖν. ubi ὑπέρτας Dionysius Exiguus recte vertit subdiaconos, sic enim ait; *quod non oporteat subdiaconos panem dare vel calicem benedicere.* unde duo dicimus, ad id usque tempus, credo ob multitudinem communicantium crescentem in dies, sæpe & subdiaconos non tantum porrexisse panem, sed & pronuntiasse verba illa quibus calix benedicitur sive consecratur, deinde in posterum id, nondum diaconis, sed subdiaconis tantum interdictum. Idem nos docet synodus Ancyrana vetustissima synodorum quarum exstat mentio post illam Antiochenam qua condemnatus fuit Paulus Samosatensis. Nam de Diaconis qui idolis sacrificaverant sic statuit Canon ejus Synodi primus. Διακόνες ὁμοίως θύσαντας μὲν ὃ καὶ ταῦτα ἀναπαράσχοντας, πλὴν μὴ αὐτῶν ἔχειν, πεπαῖδαται ὃ αὐτοὶ πάσης τῆς ἱερέας λειτουργί-  
ας,

ας, τῶν τε τ' ἄρτον ἢ ποτήριον ἀναφέρειν  
 ἐ κηρύσσειν. Latine ita vertit Diony-

sius Exiguus, laudatus Cardinalibus  
 Baronio & Bellarmino, editus vero  
 nuper à viro clarissimo & de antiqui-

tate Ecclesiastica optime merito Chri-

stophoro Justello. *Diaconi similiter*

*qui sacrificaverunt, postea autem re-*

*luctati sunt, illum quidem honorem*

*habere, ipsos autem ab omni sacerdota-*

*li ministerio cessare, panem vel calicem*

*offerendi vel prædicandi. Ubi mani-*

*teste offerri ponitur eo sensu quo su-*

*pra apud Tertullianum, apud Cypria-*

*num aliosque, sæpe etiam in Novellis*

*dicto loco, idemque est quod in Lao-*

*dicensi Synodo ἀλογεῖν. Sunt in*

*Orientali India, tum in ora Malaba-*

*rum, tum alibi passim Christiani qui*

*sancti Thomæ & à semetipsis & à Lu-*

*sitanis appellantur, quos instituto-*

*rum veterum fuisse retinentissimos di-*

*scere licet ex ipsis illis libris quos Hi-*

*spani ediderunt, præsertim si ea quæ*

*illi narrant conferamus cum scriptis*

*antiquissimis Christianorum, quæ ip-*

*si nunquam viderant, & tamen eadem*

*faciunt.*

faciunt. Multa de illis narrat homo illis infestus, quod à Latinis ritibus dissideant, Antonius Govea: inter quæ & hoc est: Cum ante multa secula gravis in ipsos suscitata esset Paganorum regum persecutio, evenisse ut ea in Episcopos & presbyteros maxime incumberet, ita ut eorum nemo vivus relinqueretur. Itaque eos necessitate tali, qualem nobis ante oculos ponit Tertulianus, adactos, unum Diaconorum superstitem rogasse ut sacramenta administraret, quomodo Episcopi & presbyteri solebant: atque eum tali desiderio morem gessisse, quod ipsum culpât Hispanus, ut multa alia quæ non propria illorum sunt, sed cum vetustate communia; tantoque melius ab illis servata, quanto ibi est simplicitas syncerior & ignota in fidem dominatio. Nec aliter vox offerendi sumenda in Canone Synodi Arelatensis primæ habitæ imperante Constantino: *De diaconis quos cognovimus multis locis offerre, placuit minime fieri debere.* Hic diaconis interdici cœptum

ptum est, quod subdiaconis interdicit in Oriente synodus Laodiceæ: nimirum sufficiente jam per Galliam presbyterorum copia, quæ cum in Asia tanta non esset, haud mirum est, si ibi diaconi diutius in pristino illo jure manserunt. Sed & de laicorum, ubi presbyteri non aderant, Eucharistica inter se communione exempla extant etiam ævi serioris, quæ docent nuper admodum exolevisse eam quæ nunc oppugnatur sententiam. Nam Synodi in Trullo sic habet LVIII canon. *Λαϊκὸς πρεσβυτέρῳ παρόντι, ἢ ἀρχιερεὶ τῶν δεύων αὐτῷ μυστηρίων μετέδωκε, ἐβδόμη δὲ μίαν ἀποριζέσθω. Laicus si presbytero aut diacono semet sacrorum mysteriorum faciat participem, per hebdomada abstinet.* Ubi tria notanda, non interdici id laicis, nisi præsentem diacono aut presbytero, nec diacono interdici nisi presente presbytero, & pœnam tam brevem nullum facinus commissum, sed ordinem non satis accurate servatum testari. In libro qui inscriptus Sophronio, ideoque Σωφρονίου Λειτουργίων appellari solet, narratio

ratio exstat de sene laico anachoreta,  
quæ est in eo libro ordine CXCIX  
huiusmodi. διηγῆσαι το τις τῶν πατέρων

ὅτι τις τῶν γερόντων χαλκῶς καὶ ἀγχιθῶν ἐν  
τῷ πιεῖν αὐτὸν τὴν περὶ χομίδιον ἀγγέλλας  
ἔβλεψεν ἐκ τῶν δεξιῶν αὐτοῦ ὅτι ἐξ δυνά-  
μειν ἰσαμείνας Valere autem debet

hujus libri auctoritas apud illos qui  
Synodum Nicæensem secundam reci-  
piunt : ea enim illius testimonio uti-  
tur. Ut veniam ad ea quæ & loco

& tempore propiora sunt, Caroli id  
nomen quinti per Gallias regno vixit  
dux magni nominis Bertrandus Guef-  
clinus, de quo exstant scripta illius  
aut proximi temporis sermone eo qui  
haud dubie præ se ferat suæ ætatis  
indicia. Quo tempore adversus An-  
glorum ductorem prælium ei immi-  
nuit, hæc de militibus ejus narrantur.

*Et en icelle place se desjurerent de pain  
& de vin qu'ils avoyent aportes avec  
eux : Et prennoient les aucuns de iceux  
du pain, & le seignoyent du nom du  
sainct sacrement : Et apres qu'ils esto-  
ient confessez l'un à l'autre de leurs pe-  
chez le usoyent en lieu d' escommiche-  
ment*



*ment.* Hæc vox ultima illius sæculi usu communionem significat. Similia reperiuntur in antiquioribus fabulis, quas Romanas vocant, tum de Agmonis filiis, tum de aliis: quod genus scripta eruditis antiquariis non spernenda præbent morum & opinionum veterum vestigia. Neque verò est quod existimet Episcopus Aurelianus nunc demum existere qui hunc ritum eruant. Vidit eum qui nihil prope non vidit & exserte indicavit Erasmus epistolarum libro xxvi (exstant eæ tomo operum ejus tertio) epistola ad Cutbertum Tonsallum. *Constat, inquit, temporibus Apostolorum, fuisse synaxin, quam laici inter se faciebant adhibita precatone & benedictione; & eum panem (ut est probabile) appellabant corpus Domini, ut frequenter etiam in sacris literis eadem vox signo & rei signatæ accommodatur. Fieri enim potest ut de hac synaxi loquatur ibi Origenes. Nec usquam in Canonicis literis invenitur ubi Apostoli certo consecraverint corpus Domini ut nunc consecratur in altari, excepto uno loco*

C

prioris

*prioris ad Corinthios epistolæ XI: Et tamen in decimo capite, unde fluxerat Pauli sermo, non videtur agi de consecratione sacerdotali. His intellectis non difficile erit verum sensum dare alii Tertulliano loco quem varii variè torquent. Est is libro de velandis virginibus & sic habet. Non permittitur mulieri in Ecclesia loqui: sed nec docere, nec tingere, nec offerre, nec ullius virilis muneris, nedum sacerdotalis officii, sortem sibi vindicare. Usurpabant in hæreticorum paralyngogis mulieres ut publice populum docerent: ille tantum ait hoc abesse à recto, ut ne privatim quidem, sive in familia, aut docere debeant res sacras, aut baptizare, aut Eucharistiam precibus legitimis sanctificare, quia ut illud publice docere atque alia peragere sacerdotum est, ita privatim, ubi necessitas id exigit, viro- rum tamen est, ad quorum officium mulieres non debent admitti. Nam ita tenuisse Tertullianum, baptizare etiam privatim mulieribus non licere, apertissime liquet libro de Baptismo, quod*

quod tamen, ut & de docendo & offerendo alii haud dubie restrixerunt ad eam circumstantiam, ubi, si non sacerdotes, viri certe adsunt aut haberi possunt. Nam in carcere aut simili solitudine, ubi virorum quoque Christianorum nulla est copia, quosdam ne mulieribus quidem hæc officia omnino interdixisse, ex his quæ supra attulimus satis apparet.

*An semper communicandum  
per symbola.*

**Q**UOD de Johanne Antiocheno eo, cui postera ætas ob eloquentiæ præstantiam Chrysostomi dedit nomen, scriptum reliquit historiæ lib. VI. cap. 3. Socrates, cum Antiochiæ viventem in presbyteratu, cum duæ ibi essent factæ Ecclesiæ partes sub Meletii ac Paulini nomine, ita se subduxisse Meletianis post Meletii mortem, ut tamen alterius partis duci Paulino non communicaret, inque ea partium abstinentiâ quietum eum mansisse per triennium, causam nobis in-

C 2                      quirendi

quirendi dat, quâ ratione motus vir  
 pietatis, eruditionis, prudentiæ tan-  
 tæ id fecerit. Cujus exemplum secuti  
 sunt manente post Synodum Chalce-  
 donensem gravi per Ægyptum Orien-  
 temque dissidio, multi qui ob id no-  
 men sibi *Ἀλεξανδροῦ* dedere, quo-  
 rum meminit præter cæteros Leontius  
 Byzantius de sectis Libro: fuitque  
 eorum unus Johannes ille cognomi-  
 natus ob id Diacrinomenos, Ecclesi-  
 asticæ scriptor historiæ commemora-  
 tus à synodo septima Actione quinta.  
 Ac primum quidem quæri potest, an  
 institutio Christi de cœna præceptum  
 præsertim universale ac sine conditio-  
 ne, contineat. Non enim videtur  
 sine causâ vetus Ecclesia ei rei man-  
 dati potius quam præcepti dedisse no-  
 men. Ut stirpitus exquiratur res to-  
 ta, observanda institutionis ejus oc-  
 casio ex more sumpta Hebræorum,  
 cujus moris descriptio est apud Sca-  
 ligerum lib. v i. de Emendatione  
 temporum, & apud Paulum Fagium  
 ad Chaldaicam paraphrasin Deut.  
 cap. viii. Verissimum enim est,  
 quod

quod vir doctissimus Hugo Brochth ad Danielelem notavit, nullos à Christo institutos ritus novos. Baptismus in more erat Hebræorum, quoties aliquis ab Idololatriâ ad Judaïsmum accederet. Meminit sæpè Maimonides, & in hunc diem mos ille apud Judæos manet.† Johannes Baptista ut ostenderet Judæos, quam unius dei cultum profitentes, moribus eâ ætate non minus fuisse corruptis & à lege dei dissidentibus, quam ii erant qui falsos deos colebant, ac proinde expurgationis egentes, à pari ad par translato vetere baptizandi ritu id ipsum significavit. Servavit morem in utroque genere hominum Christus, additâ professione sui quoque nominis & promisso spiritus sancti. Manus imponere iis, pro quibus deum precabantur, ad significandam spem divinæ efficaciam, quæ iis optabatur, vetus erat apud Hebræos.

† Baptismus  
Johannis non  
primò neque  
absolutè divinæ  
institutionis  
est, sed ex hy-  
pothesi & con-  
ditione moris  
apud Judæos  
recepti, quate-  
nus iste ad id  
quod prædica-  
bat Johannes  
ritè transferri  
ac usurpari se  
sinebat.

bræos. Retinuere Apostoli: atque inde ritus orandi pro ægrotis, confirmandi baptizatos, ordinandi pastores, absolvendi criminum fontes, & quod nunc quoque in Oriente manuum impositione peragitur, Matrimonii benedicendi, velut in rivos plures uno ex fonte fluxit. Mos erat Hebræis, qui & nunc manet, festis diebus quos bonos vocant, vocare ad cœnam propinquos, vicinos aut amicos supra decem, infra viginta, quæ erat iusta sodalitas sive *φρατρία* exponente Josepho. Cœnæ fine panis melior ac frangi facilis adferebatur: de eo particulas convivator dividebat convivis: adferebatur & calix, qui & ipse à convivatore libatus ibat in orbem. Addebantur verba Deo gratias agentia, quod creasset panem ex terrâ ac fructum vitis *יְהוָה הָאֵלֹהִים אֲמָלַךְ*. Accedebat historiæ ad diem respondentis grata commemoratio, *ὁ μὲν θεὸς ἀλογίας* sive *ἀχαριστίας*, quæ duo idem valent; In Paschate pro exitu ex Ægypto: In Pentecoste pro datâ lege: in *σκηνοπηγίας*

μάαις pro ductu & alimentis per loca  
deserta. Christus adjici voluit mor-  
tis suæ cruentæ commemorationem.  
Itaque illud τὸ ποιεῖτε εἰς τὴν ἐμὴν ἀ-  
νάμνησιν, non est definitum imperium,  
sed intelligendum hoc, ὅταν ποιεῖτε,  
quoties festas cœnas habetis & more  
solito isto postcœnio eas clauditis.  
Id manifestum facit Paulus qui verba  
Christi explicans addit, τὸ ποιεῖτε,  
ὅσας ἀν πίνετε, εἰς τὴν ἐμὴν ἀνάμνησιν.

quod pari modo, ut no-  
tavit \* in altero mem-  
bro supplendum est: τὸ  
ποιεῖτε, ὅσας ἀν φάγε-  
τε, εἰς τὴν ἐμὴν ἀνάμνησιν.

\* Picharellus  
dissertatione  
eruditâ de Mis-  
sâ.

Et certè ve-  
teres Christiani, quoties tale convi-  
vium celebrabant, ante mortis Chri-  
sti commemorationem præmittebant  
gratias pro creatione rerum ac nomi-  
natim panis vinique ex more veteri.  
Ostendunt id Clementis quæ dicuntur  
constitutiones, lib. vii. c. 27. Ju-  
stinus ἵνα ἅματε διχαριστῶμεν τῷ θεῷ  
ὑπὲρ τε τοῦ ἡρώσμου ἐκκέναναι σιωπῆσαι  
τοῖς ἐν αὐτῷ θεῷ τὸ ἄνθρωπον, καὶ ὑπὲρ τοῦ  
ἀπὸ τοῦ κακίας, ἐν ᾧ γεγέννηται, ἡλὸς θερμότη-

ναὶ ἡμεῖς, & quæ sequuntur. Irenæus  
 lib. v. c. ii. Et quoniam membra  
 ejus sumus per creaturam nutrimur,  
 creaturam autem ipse nobis præstat,  
 & quæ sequuntur. Origenes 8.  
 adversus Celsum de Deo: ἡ γὰρ οὐ-  
 ργασιῶν πλήρεις ἐσμὲν καὶ δημιουργήματα  
 οἶτες αὐτῷ ὡς περνομένοι υἱὸν αὐτῷ κε-  
 δέντες ὅπως ποτε εἶναι καὶ ἔξω ἢ βίῃ παρὰ  
 παρ' αὐτῷ ἐλπίδας ἐκδεχόμενοι ἐσὶ καὶ  
 σύμβολον ἡμῶν τῆς πρὸς τὸ θεῖον οὐχ αἰσίου  
 ἀρετῆς, εὐχαριστία καὶ λέμεθα. Inde il-  
 lud in Milsâ latine: Deus qui humane  
 substantiæ dignitatem mirabiliter condi-  
 disti. Item, per Christum Dominum  
 nostrum per quem hæc omnia Domine  
 semper bona creas, &c. Proprie ergo  
 Hebræos, quibus mos erat celebrandi  
 talia postcœnia, Christus excitatos vo-  
 luit, ut ad beneficiorum aliorum gra-  
 tam commemorationem & suæ mortis  
 memoriam adjungerent. Paulus, Gen-  
 tium doctor, utilem ritum etiam ad  
 Gentes perduxit, occasione utius al-  
 terius moris, quem eadem gentes in  
 falso deorum cultu observaverant.  
 Moris enim erat apud eas, ut quoties  
 quis



quis sacrificasset, extorum pars ei red-  
deretur, ad quam vocabat convivās.  
Invenies eum morem apud Aristopha-  
nem aliquoties. unde nec illud abit,  
quod ad Plautum Scholiastes notat :  
καὶ ὁ νῦμνίαν οἱ πλείοσι δ' εἶπνον ἰστέρας  
ὡς θυσίαν τῇ Ἐχάτῃ προσέχοντες ὅτι τῇ  
θεοδοῖς ἐπίδου. αἱ δὲ πάντες ἤρχοντο πε-  
νώντες καὶ ἥδιον αὐτῶν. Hinc vocare  
aut adducere ad exta post sacrificii  
mentionem apud Plautum Milite Glo-  
rioso. Poenulo Lycus —

*Convivas volo* (sient :

*Reperire nobis commodos, qui una  
Interibi attulerint extra.*

Sticho Gelasimus : Jamne exta co-  
cta sunt ? quot agnis fecerat ?

Virgil. Eclog. III. Cum faciam vi-  
tulā pro frugibus, ipse venito.

Hunc morem Paulus, amoto vitio,  
ad eos qui Christianismum suscep-  
erant, traduxit, & Christi sequens  
præscriptum Luc. XIV. 13: paupe-  
res voluit divitum sumptu meliuscule  
quam pauperum erat vita haberi,  
unde ἀγάπης nomen. Tertullianus  
Apologetico : Cæna nostra de nomine

D

rationem

*rationem sui ostendit: id vocatur quod dilectio penes Græcos. Quantiscumque sumptibus constet, lucrum est pietatis nomine facere sumptum: siquidem inopes quosque refrigerio isto juvamus. Convivia talia in fine habebant, cum circumlatione panis & poculi, gratiarum actionem pro muneribus divinis, & speciatim pro morte Christi credentibus impensâ. Huc respiciens Tertullianus libro de corona, Eucharistiæ Sacramentum in tempore victus mandatum à Domino, non, ut postea fieri solitum, antelucanis cœtibus, notat. Primitivi moris apud Ægyptios diu retenti ac post mutati causam historicus Socrates ad quorundam temulentiam refert. Vestigia tamen mansisse illius moris in die ipso, quo Dominus cœnam suam instituerat, docet nos canon Concilii Carthaginensis tertii & Augustini ad Januarium epistola. Neque verò Paulus præceptum usquam vocat, sed institutum. παρέλαβον ὁ δὲ παρέδωκε. nec quosvis invitat, sed eos qui bene se exploraverint, an nempe in spiritu sint dilectionis,*

dilectionis, cujus symbolum habet ista panis vinique participatio. Jam verò est eaque fuit semper, etiam sub lege illâ rigidâ Mosis, symbolorum natura ut facile ex causa probabili omitti se ferant. Sic panes sacros, quos lex solis sacerdotibus addixerat, in suos usus vertit David. Sic & circumcisio, tam severè præcepta, & Paschalis ceremonia omissa totis annis XL quibus Hebræi per desertas Arabum terras ambularunt, nempe quod inter itinera parum commodè interventuri fuerant tot dies aut otio tribuendi aut medicando corpori. Vide Josuæ cap. v. Serpentem æneum à Mose factum, quod in non rectos usus vulgò verteretur, fre-

git Rex Ezechias.\*

Sic qui in decem erant tribubus, post Hieroboami tempora adire templum Hierosolymitanum desiere, contenti domi Deum colere, ne

\* Intellige hoc de piis Israelitis, puta prophetis & prophetarum filiis, &c. qui nati aut educati sub regibus impiis, in medio populi idololatrici habitare perseveraverunt; sic tamen ut impietatibus eorum nequaquam communicarent: ut legere est de

septem millibus qui non flexerant genua, &c.

Reges suos suspicaces irritarent. Adde  
 & II. Paral. xxx. 17, 18, & xxiv.  
 12, 13; collatis Lev. locis. vi. 26, 30,  
 & cap. 10, 17, 19, 20. & quæ habet  
 Maimonides ductore dubitantium  
 III. 41. Causæ autem iustissimæ  
 intermittendæ communionis, de quo  
 loqui cœpimus, symbolica, hæ videntur  
 esse: Si qui præpositi sunt Eccle-  
 siis aut expressè aut tacitè professio-  
 nes exigant quarundam assertionum,  
 quibus alterius conscientia non adsen-  
 tit. Ob hanc Hieronymus à Syriæ  
 pastorum communione abstinuit, quod  
 vereretur asserere tres esse in Deo hy-  
 postases, vocem istam ad substantiæ  
 significatum trahens, ut multæ illius  
 literæ, præsertim illæ ad Damasum  
 ostendunt. Deinde si communio sym-  
 bolica non modo usum, ad quem nata  
 est, non habeat, fovendæ ac testandæ  
 communionis cum omnibus piè Chri-  
 stianis, verum insuper tendat ad te-  
 standam partis duntaxat alicujus fœ-  
 derationem, rejectionemque aliorum  
 non minus piè ac Christianè viventium,  
 & ad salutem necessaria, quæ  
 non

non ita sunt multa, credentium. Accedere potest tertium, Chrysostomo præcipuè spectatum, quod interdum abstinens aliquis à partium communione, liberius solutiusque exercere potest Christianæ dilectionis officia adversus dissidentes. Quid verò æquius, quàm ubi conflictus est, signa cedere significatæ rei, putamen nucleo? Itaque est interdum, ubi cum Augustino dicere liceat, crede & manducasti, crede scilicet eâ fide, quæ per dilectionem operatur, quæ in Christianismo totum facit, ac nova obedientia vocatur, ut ostendunt collata inter se loca Pauli duo ad Gal. v. 6, & v. 1. 15, sed plerorumque hominum hic est mos.

*Τὸ μὴ πάρεργον ἔργον ὡς ποίούμεθα,*

*Τὸ δ' ἔργον ὡς πάρεργον ἐκπονούμεθα.*

Non respondebo hic ad id quod obijciunt nonnulli ex Joh. v. 1. cap. 53. quem qui de symbolica manducatione interpretati sunt, eò devenere, ut non modò recens natis infantibus exhiberent Eucharistica symbola, sed & nisi id fieret, æternas pœnas ipsis infantibus

infantibus crudeli scito denunciarent,  
 cum revera ibi manducare & bibere  
 nihil sit aliud quam intelligere,  
 meditari & in usum vertere, de quo  
 significato vocis מַנְחֵם doctè agit Mai-  
 monides ductore dubitantium i. cap.  
 29. Et fuisse vulgo quoque notum  
 ac receptum id loquendi genus, trans-  
 latum à corpore ad animum apparet  
 Jer. xv. 16. Ezech. i i i. 3. Prov.  
 i x. 5. Apocal. x. 9. Eccles. xv. 3.  
 xxiv. 29. Bene Philo: Τὸ φαγεῖν  
 σύμβολόν ἐστι τροφῆς ψυχικῆς: τρέφεται  
 δὲ ἡ ψυχὴ ἐναλλάττει τὰ χαλῶν καὶ σπράττει  
 τὰ κατωρθωμάτων. Et alibi: ἴσασιν οἱ κα-  
 κωτωνηγότες ἤδη, καὶ ὅτι ἡ φύσις ἰλεως πα-  
 λιν γινώσκονται, κληθέντες εἰς μετενοίαν δοί-  
 νης, ὅσα ἐξ ἧς αἱ γαστρὸς ἠδοναὶ πιμπλα-  
 μύνης τὸ σῶμα πλάνυσιν, ἀλλ' ἀφ' ἧς ἀλγί-  
 νοια ἐντρεφομένη καὶ ἐν χορδαῖν αρετῶν  
 γίθαι καὶ εὐφραίνειται. Et sic eum  
 quem diximus Johannis locum optimè  
 interpretatur Basilus Apologia ad Cæ-  
 sarianos, & Augustinus, cum eo sig-  
 nificari ait communicandum Domi-  
 nicæ passioni. Similis eorum error fuit,  
 qui locum Johannis alterum, ubi de

novâ

novâ geniturâ, quæ fit per spiritum mundantem, qui ibi *καθ' ἐν ἁγ. δυν.* aqua & spiritus vocatur, agitur, intellexere de conspicuo baptismo, ejusque eam esse crediderunt necessitatem, ut sine eo æternis pœnis infantes subjacerent, cum mollius de circumcissione Judæi sentiant, cujus omis- sâ pœnam non ad infantes, sed ad infantum parentes aiunt pertinere. At perspicaci lectori satis apparet agi ibi de hominibus adultis rationisque & emendationis capacibus. Quod Græci non ignoravêre: apud quos mos fuit ad plenam ætatem, annum puta vice- simum aut ultra differre baptismum: neque vulgus tantum, sed maxima Ecclesiæ columina ita fecere, ut ipse ille Chrysostomus matre haud dubiè natus Christianâ & ab eâ jam viduâ educatus, & Gregorius Nazianzenus natus parente utroque Christiano, patre etiam Episcopo, & ejus curâ de omnibus, quæ ad pietatem perti- nent, institutus.

DIONI-

K-327

1. The first of the three  
members of the  
series is the 3rd super  
order of the series.

P

A

PO

Com  
d  
C

Adv

n

Ja

P

LC



DIONYSII 843 L 2  
PETAVII

AURELIANENSIS

è Societate J E S U

D E

POTESTATE

Consecrandi & Sacrificandi Sacer-  
dotibus à Deo concessa: deque  
Communione usurpanda,

DIA TRIBA.

*Adversus novam Dissertationem Ano-  
nyni cujusdam; qui Christiani  
sacrificii consecrandi, offerendique  
potestatem etiam laicis attribuit.*

---

LONDINI: MDCLXXXV.

1

S

C

t  
q  
p  
n  
8

---

---

ILLUSTRISSIMO

Amplissimóque viro

PETRO  
SEGVIERIO  
FRANCIÆ  
CANCELLARIO.

**V**ETUS in Ecclesia mos fuit  
(Vir Illustrissime) ut Epi-  
scoporum Conciliis, tractan-  
disque fidei rebus adhiberen-  
tur laici ordinis principes viri; non  
qui controversiæ disceptatores, sed qui  
pacis inter partes conciliatores essent:  
ne quid indecorè, ac præter ordinem a-  
geretur. Sic in prima omnium Oecu-

E 2

menica

menica synodo Constantinus M. Imperator: in quarta, Marcianus, & Pulcheria: in sexta, Constantinus Pogonatus, Augusti omnes; ut recentiores alias taceam: in plerisque magistratus, & Comites adfuisse leguntur. Ego verò in hac, quam institui, fidei disputatione, tibi civilis juris, administrationisque principi, etiam judicis, arbitrique partes; nedum moderatoris ac pacificioris ultrò defero. Quas equidem ambas non minus iis in altercationibus, quæ stilo privatim; quàm quæ voce publicè exercentur, necessarias judico. Nam & apud idoneum propositæ rei æstimatorem propugnanda causa veritatis est: & ad hoc ipsum auctoritate est opus; quæ iræ, pervicaciæque modum statuatur: ne ab utili, ac modesta concertatione, res ad rixas, & contumelias vocetur. Ac quod universè

<sup>allust. in Bel-</sup>  
lo Catilin.

dixit apud Sallustium Cæsar; Omneis homines, qui de rebus dubiis consultant, ab ira, & odio vacuos esse debere. tum, haud facile animum verum providere, ubi illa officiant; id in illo genere disputationis

*num, quod ad religionem pertinet, haud paulò quàm in cæteris est verius. Declarat hoc præclara illa B. Hilarii sententia in decimo libro de Trinitate: ubi sic scribit: Immoderata est omnis susceptarum voluntatum pertinacia; & inflexo motu adversandi studium persistit, ubi non rationi voluntas subjicitur, nec studium doctrinæ impenditur; sed iis, quæ volumus, rationem conquirimus, & iis, quæ studemus, doctrinam comparamus. Iamque nominis potiùs, quàm naturæ erit doctrina, quæ fingitur: & non jam veri manebit ratio, sed placiti, quam sibi voluntas magis ad defensionem placentium coaptavit.*

*Quamobrem dum in hoc certamine nostro duas illas, quas dixi, opportunitates persequor, tu mihi ex omnibus occurristi, in quo totidem illa necessaria præsidia summè inesse videbantur. Primum dignitas, & auctoritas ea est in te, quæ impetum animi potest, & ardorem vel tacita continere. Accedit ad dijudicandi solertiam præstans divinarum rerum, ac Theologiæ cognitio:*  
*quam*

quam ego fama prius acceptam, usu postea, & colloquio, quod tecum iis de rebus habui, majorem opinione mea comperi. Memini enim aliquando me privato in congressu, sermoni cuidam tuo interesse, qui de abstrusissimis media ex Theologia questionibus cum viris doctis habebatur: ac tum ea te partim ponere in percontando; partim exponere, ac respondere, quæ nihil in iis novum esse tibi, nihil inauditum, aut ignotum ostenderent. Ac mihi sic in illa tota sermone versari videbare, ut subtilitate differendi, & acumine nihilo iis inferior esses, qui ætatem omnem his in doctrinis contriverant: explicandi verò perspicuitate, ac facilitate, longè omnibus antecelleres. Quocircà meliorem susceptæ hîc à me controversiæ judicem, quatenus neque intelligentiorem, neque graviorem, quàm tu es, optare potui neminem. Nam æquitati, quæ haud minus in judicando, quàm superiora illa, locum habet, planè confido tuæ: qui supremam hoc in regno, juris, æquique dispensationem non magis officio, quàm animi integritate, probitaté-  
que

que sustines. Quæ jam olim nota, & perspecta, antequam in summum illud dignitatis culmen ascenderes; multò, postquam eò provectus es, expressioribus documentis enituit.

Supereſt ut & cauſſa ipſa digna ſit, quæ ad tuam cognitionem deducatur. ( Non enim parvè de rebus tanta interpellanda eſt auctoritas ) & non injucundus ego in te adeundo, importunusque ſim. Sed in alterutro cunctari, id eſſet prudentiæ tuæ, aut bonitati diſſidere. Res primum agitur hîc omnium maxima, & graviffima; in qua non unum aliquod, & ſeparatum fidei caput vertitur: ſed tota ipſa, quanta eſt, Chriſtiana pietas, ac religio: Chriſtianum, inquam, nomen omne continetur. Non enim ambigi debet, quin ſi verum illud eſt, quod iſta, quam oppugnamus, Diſſertatio tuetur; hoc eſt, hi ſacerdotali fideles omnes, etiam profani, jure, ac conſecrandi poteſtati ſunt præditi; Chriſtiana, & Catholica prorsus Eccleſia labefaſcata concidat. Quæ cum humano corpori ſimillima ſit; ut non uno Apoſto-

Rom. 12. &  
1 Cor. 12.

*lus in loco prædicat; uti prius illud  
 absque membrorum ac facultatum varie-  
 tate; sic ista, sublata Ordinum, functi-  
 onumque distinctione, jam non solum  
 deformis est, ac fœda, sed  
 nulla. Siquidem corpus I Cor. 12.  
 non est unum, membrum,  
 sed multa (ait Apostolus) &, Quod  
 si essent omnia unum membrum ubi  
 corpus? Missa hoc loco facio flagitia  
 cetera Dissertationis ejusdem, quæ te  
 malo in nostro Confutatione legere. In  
 qua pressius fortasse, quàm pro tanto  
 argumenti merito, atque copia, de eo  
 sermonem feci. Sed habenda ratio fuit  
 tum occupationum tuarum;  
 quæ ut sacræ justius, quàm Sueton. in  
Tib. c. 27.  
 illæ Tiberii, appellari me-  
 rentur; sic eas longiore di-  
 stinere mora, contra sacra peccare est,  
 adeoque pene esse sacrilegum. tum verò  
 prudentiæ, ac præclaræ, ut suprà me-  
 mini; iis in studiis eruditionis tuæ:  
 quæ non plura ad rem penitus intelli-  
 gendam: ac ne ista quidem pauca desi-  
 derat. Jam quod alterum est, ac mea  
 potissimum interest, quo sis animo meam  
 hanc*



*hanc in appellando te fiduciam  
accepturus; tam verendum non est;  
quàm nec mihi de tua in me, ac li-  
terarum studiosos omnes humanitate:  
nec tibi de mea in te, cujus istud  
specimen extare volui, observantia  
& voluntate dubitandum. Vale. Lu-  
tetiae Parisiorum X. Cal. Jan.  
CICICXXXVIII.*

*Illustrissimæ Amplitudini T.*

Addictissimus, devotissimûsque,  
DIONYSIUS PETAVIUS  
è Societate JESU.

F

I N.



---

# INDEX CAPITUM

Hujus Diatribæ.

---

## CAPUT I.

**O**ccasio Disputationis ex loco  
quodam Tertulliani; qui Chri-  
stianos omnes Sacerdotes facere  
videtur. Præstruuntur nonnulla  
ad illam necessaria. quatenus ob-  
latio sine consecratione facta sit.  
De oblatione Laicorum. pag. 47.

## CAP. II.

Tertulliani locus explicatur adver-  
sus Anonymum, quomodo Laici  
obtulerint citra consecrationem,  
exponitur institutio sacerdotum.  
ex Evangelistis petita. p. 61.

## F 2 CAP. III.

### CAP. III.

*Cætera Dissertationis argumenta, ac loca veterum explicantur. De historia Frumentii, in qua multum lapsa Dissertatio est. Neque Feminas, neque inferiores sacerdote Clericos, consecrassè unquam. Nicænus, Laodicens, & Ancyranus Canones expositi. P. 97.*

### CAP. IV.

*De altera questione, quam Dissertatio continet: An semper communicandum per symbola: ubi de communione, & usu sacramentorum agitur. Non licere cuiquam ab Ecclesiæ communione discedere. Expenduntur causæ, propter quas interdum fas illud esse Dissertationis Auctor existimat. P. 79.*

### CAP. V.

## CAP. V.

*De duplici Scripturæ loco; altero  
Joannis sexto, in quo usus  
Eucharistiæ præcipitur: altero  
Joannis tertio; ex quo Baptismi  
necessitas adstruitur. Uterque  
falsò ab Dissertationis auctore ac-  
ceptus, sine baptismo parvulos in  
æternum perire.*

P. 120.

---

**Aprò.**

---

*Approbatio Doctorum sacrae Theologiae Parisiensis.*

**N**Os infra scripti in sacra facultate *Parisiensi* Doctores, testamur libellum, cui titulus est, **DIONYSII PETAVII** *Aurelianensis* è *Societate JESU*, de *potestate consecrandi & sacrificandi, &c.* à nobis lectum attentè, & omnino probatum, utpote qui nihil contineat *Orthodoxæ fidei* vel *Christianis moribus* dissonum, aut repugnans. Ita censuimus, subscripsimus.

*Parisis*, Novembris 15, 1638.

P. D'HARDIVILIER.  
C. PATU.

Do

---

De Potestate consecrandi &  
Sacrificandi Sacerdotibus à  
Deo concessa: deque com-  
munionē usurpandi Diatri-  
ba.

## C A P U T I.

*Occasio disputationis ex loco quo-  
dam Tertulliani; qui Christianos  
omnes Sacerdotes facere videtur.  
Præstruuntur nonnulla ad illam  
necessaria. quatenus oblatio sine  
consecratione facta est. De oblatio-  
ne Laicorum.*

**P**roximè venit in ma-  
nus meas Dissertatio  
cujusdam Anonymi *Amste-*  
*lodami* hoc anno edita; cu-  
jus duplex erat caput. Prius *de*  
*cœnæ administratione ubi Pasto-*  
*res*

*Apud I.  
Colum-  
nam An.  
1638.*

48 *De Potestate Consecrandi.*

*res non sunt, inscribitur. Posterius an semper communicandum per Symbola.*

In illo propositum hoc sibi Auctor habuit, consecrandi Dominici corporis potestatem ex æquo Christianis à Christo concessam omnibus fuisse, nonnullorum verò opinione etiam fæminis. Sed ita ut laici extra necessitatem minimè id usurpaverint. Ubi autem nullus esset Sacerdos, impune hoc non fecisse solùm; sed etiam potuisse facere. Similiter atque in Baptismo usu venit quem ubi nulla presbyterorum, aut virorum copia sit, feminis administrare licet. De altero capite pòst agemus: nunc à priore disputandi capiemus initium.

Hujus itaque dogmatis, quod consecrandi, conficiendique Dominici Sacramenti promiscuam potestatem Christianis omnibus facit; *Cap, 7* testis ac vindex ante omnes *Tertullianus* adducitur: Hic enim in libro de Exhortatione castitatis,



castitatis, cùm à secundis nuptiis non minùs laicos, quàm sacris addictos ministeriis absterrere vellet; *Nonne* (inquit) & *laici sacerdotes sumus?* Scriptum est, Regnum quoque nos, & sacerdotes Deo, & patri suo fecit. Differentiam inter ordinem & plebem constituit Ecclesiae auctoritas, & honor per ordinis confessum sanctificatus. Adeo ubi Ecclesiastici ordinis non est confessus, & offers, & tinguis, & sacerdos es tibi solus. Sed ubi tres, ecclesia est, licet laici. Unusquisque enim sua fide vivit, &c. Igitur si habes jus sacerdotis in temetipso, ubi necesse est, habeas oportet etiam disciplinam sacerdotis ubi necesse sit habere jus sacerdotis. Digamus tinguis? Digamus offers? &c. Ex hoc Tertulliani loco concludit Anonymus; laicos, sicubi necesse fuit, ac cùm nulla copia sacerdotis esset, non minùs ἀλογεῖν, & διαχειρῆν, id est consecrare, quàm baptismum impertiri potuisse. Quippè verbum offerendi apud Tertullianum hoc sensu solere sumi, ubi conjungitur cum tingere, id est baptizare. Adjungit & alios re-

G centiores

centiores Tertulliano moris ejusdem, ac juris auctores; quos subinde proferam.

Ut in Tertulliano sistamus gradum, & universè de nova hac opinione, quod nostrum sit judicium explicemus. primum illud defendimus; *offerendi* verbum, neque apud Tertullianum, neque apud Scriptores alios id semper valere, quod Anonymus affirmat, & verò debet affirmare; si quis disputatione ista promovere vult: hoc est *consecrare*, & *conficere* Dominicum sacramentum. quod solos aio non modò jure fecisse; sed etiam potuisse presbyteros: cæteros autem, tam inferioris gradus clericos, quàm laicos, si id usurparint unquam, nihil prorsus egisse.

Totus igitur in eo cardo quæstionis vertitur; utrum quoties *offerre* apud veteres illos legitur, actionem eam significet, quæ consecratio dicitur, & *δύλογία*, sive *δύχαισία*. Nam si ita res habet; non est cunctandum, quin consecrasse fateamur laicos, qui obtulisse dicuntur. Sin est, ut alia quæpiam

quæpiam functio, & à consecratione diversa eadem illa voce contineatur, non erit consequens quod Dissertationis Auctor existimat.

Atqui *offerendi* vocabulum, & *oblatio*, etiam cùm de re ad sacrificium, ac  $\lambda\theta\tau\omicron\upsilon\rho\gamma\acute{\iota}\alpha\nu$  pertinente apud antiquos accipitur; non semper consecrationem aut significat, aut inclusam, & comprehensam habet: sed aliquid aliud ab illa separatum ac diversum.

Etenim oblatio propriè, ac præcisè est rei alicujus representatio, quæ Deo donatur: neque necessariò mutationem ullam exprimit, quæ in oblata re fiat. Hebræi *oblationem* vocant קרבן quod nomen generale est, ac tam de inanimis, vitæque carentibus, quàm animatis dicitur. Quare illa etiam  $\delta\omega\epsilon\alpha$  complectitur, quæ ita, ut erant, consecrata Deo manebant: ut aurum, æs, & alia donaria, quæ in templo reservabantur: arque etiam frumentum, vinum, oleum, quod ad usus sacrorum, aut sacerdotum offerebatur. nec non pecuniam, quæ in gazophylacium mittebatur, ac thesaurum

sauro sacrum, qui propriè יִצְחָק  
Græcè ἱεροσάουρον Matth. xxvii. 6.  
dicitur. Quæ omnia cùm offeruntur,  
ac Deo dicantur, nullam mutationem  
patiuntur.

Sic in Christiana Ecclesia vetere ad  
altare offerri varia munuscula con-  
sueverant, uti mel, lac, aves, & ani-  
malia quædam, ac legumina. quæ de-  
inceps offerre prohibet canon tertius  
Apostolicus; ac novas duntaxat spi-  
cas permittit; nec non oleum, &  
thymiama. Quæ omnia non soli fi-  
deles offerebant: sed etiam Episco-  
pus, vel sacerdos ab illis accepta.  
quod verba Canonis indicant. Εἴ-  
πε ἐπίσκοπος, ἢ πρεσβύτερος ὅτι τὸ  
κατὰ Ἁγίασμα τὸ ἐν τῇ δοξᾷ ἐρ-  
θενέσθαι ἐπερὰ τοῦ. Quæ Dionysius  
ita vertit: Si quis Episcopus, aut pres-  
byter, præter ordinationem Domini,  
alia quædam in sacrificio offerat super  
altare, id est aut mel, aut lac, aut pro  
vino siccum; & confecta quædam, aut  
volatilia, aut animalia aliqua, aut le-  
gumina, contra constitutionem Domini  
faciens, congruo tempore deponatur. Ac  
subinde

subinde, *Offerri non liceat aliquid ad altare præter novas spicas, & uvas, & oleum ad luminaria, & thymiama, id est incensum, tempore, quo celebratur oblatio.* Hinc ergo constat, Episcopum, aut sacerdotem, qui veram, & incruentam oblationem, ac sacrificium offerebat; etiam alia præter illud obtulisse; in quibus nulla fiebat consecratio: eamque oblationem & ad altare factam, & eo tempore, quo divina mysteria peragebantur. Simul hoc obiter notandum, *offerendi* verbum latius patere, nec de solis usurpari symbolis Dominicæ Passionis, quæ non offeruntur solum; sed etiam consecratione mutantur. Sine qua mutatione non potest sacrificii ratio constare; ut accuratius in Scholis Theologi disputant.

Addam & illud ex usu Judæorum, & sermonis consuetudine; cum haberent genus quoddam oblationis; in quo id quod offerebatur Deo, ferro vel igne consumi, extinguere, exterminarique deberet; quod Græcè ἀνάδημα, Hebraicè קרבן appellatum est;

est; nihilominus hanc ipsam vocem *חֵלֶם* de iis interdum dici consuevisse, quæ integra, & intacta manebant; ut sunt agri, & prædia; ut ex Levitici xxvii. liquet.

Itaque cum ejusmodi in oblatione duplex interveniret actio; altera, qua cultui, honorique divino res illa dicabatur, & offerebatur: altera, qua res eadem perimebatur: qua ex actione nomen *Cherem* propriè est impositum; accidit tamen, ut hac posteriore dempta, sola prior communem appellationem obtineret. Ideò quoties nominari anathema, vel *cherem* audimus; non statim consequens est, aboleri, extinguique rem, de qua agitur; sed ex ejus natura, & conditione quid factum sit, prudenter erit æstimandum.

Ad hunc modum & de Christiana oblatione, altarisque sacrificio judicare convenit. Est enim, ut in antiquæ legis sacrificiis; sic in Novæ unico illo pars, sive actio duplex: una est quæ propriè oblatio, Græcè *προσφορά* dicitur; qui est ritus, in  
verbis,

verbis, aut actione aliqua consistens; quibus res quæ hæcenus profana erat, Deo traditur, & in ejus quasi mancipium transfertur. cujusmodi in Mo-  
saicæ legis sacrificiis fuit impositio manuum super hostiam: tum elevatio, & agitatio quarundam ejus partium ad quatuor mundi partes: quam Hebræi תנופה vocant; de qua R. Selomoh ad caput xxix. Exodi, ubi Scriptura ritus istos indicat, nec non Levitici i. & sequentibus.

Altera pars erat hostiæ mactatio, & combustio. Sic in Christiano sacrificio tam *προσφορά*, sive oblatio, quàm consecratio cernitur, qua panis, atque vini substantia deletur, & in Christi corpus, & sanguinem convertitur. Totum ipsum tamen sacrificium ab una & priori actione nomine accepto, vocatur oblatio.

Ac fieri potest, ut ex duabus, sola tantum usurpetur oblatio. quemadmodum in ea *ἀφ' αὐτοῦ* usu venit, quæ ἐν τῷ προσηγιασμένῳ à Græcis appellatur: qualem in Parasceue magna Latinæ Ecclesiæ consuetudo retinet.

Tum

Tum enim Dominicum corpus offertur sine consecratione, quæ pridie est facta. De hoc ergo λειτουργίας, sive oblationis genere si qua vel scripto, vel sermone mentio fieret, erraret profectò, qui cùm λειτουργίᾳ, oblationemque esse factam audiret, statim huic adjunctam fuisse consecrationem diceret.

Sciendum est præterea dupliciter ab consecratione divelli oblationem potuisse. Primum illo modo, quem dixi; cùm longè ante consecratus panis vivificus offertur. Secundò cùm ante consecrationem, ab laicis, etiam mulieribus offerebatur. Mos enim in Ecclesia veteri fuit, ut qui communicandi jus haberent, iidem panem & vinum in Ecclesiam portarent, & ibidem offerrent; quod etiam sacrificium vocat Cyprianus in libro de opere & eleemosyna: *Locuples, & dives es (inquit) & dominicum celebrare te credis, quæ carbonam omninò non respicis; quæ in dominicum sine sacrificio venis: quæ in partem de sacrificio, quod pauper obtulit, sumis.* Augustinus



gustinus Sermone 215. de Tempore. Oblationes, quæ in altario consecrentur offerre. Erubescere debet homo idoneus, si de aliena oblatione communicaverit. Hanc Græci canones *κοινωνία* vocant. cujus soli fideles jus habebant, qui neque abstinenti, neque poenitentes erant; sed integram dignitatem habebant. Atque hæc erat perfecta communio, ad quam poenitentes, & à sacris extorres aspirabant, ac per longissimi cruciatum temporis, squalorémque perveniebant; uti jus haberent oblationis, quam *κοινωνία* vocat *μὲν κοινωνία*. Itaque postremus, qui & quartus poenitentium gradus, quam *σύσπλον* vocabant; in quo divinis mysteriis, sine corporis Christi participatione interesse poterant, neque sub Missam catechumenorum unà cum aliis excludebantur; appellari solet *κοινωνία* *χωρὶς κοινωνίας*, ut in Nicæno canone xi. quæ Dionysius Latine sic concipit,

H

Nicænus canon. 11.  
Δύο ὃ ἐστὶ χωρὶς  
κοινωνίας κοινωνή-  
σαι τῷ λαῷ τῶν  
οὐκ ἐπισκευμένων.

*Quobus autem  
annis*

annis sine oblatione populo in oratione communicent. Et in Ancyrano canone xvi. simpliciter nominatur *προσφορὰ*. *συγγενέτωσθαι τῇ προσφορᾷ*, oblationem, vel communionem assequantur.

Ilerdense Concilium Canone ix: *Fidelibus in oblatione Eucharistiæ communicent.* vel, ut alia lectio, & quidem melior, exhibet, *in oblatione, & Eucharistia.* Nam ex xi. Canone Nicæno expressum illud est, quod habet, *κοινωνήσῃ μετὰ προσφορᾷ*. Ac ne quis existimet *προσφορὰν* in istis Canonibus, ipsam esse Eucharistiam, sive Christi corpus, quod à sacerdote est oblatum: non autem id quod à laicis fidelibus offertur; primùm expendat locutiones illas, *κοινωνήσῃ μετὰ προσφορᾷ*; quod non potest idem esse, ac participem esse corporis Christi, vel oblationis à sacerdote consecratæ. Nemo enim dixerit, *κοινωνήσῃ μετὰ σώματος Χριστοῦ*, pro eo quod est, *corporis Christi esse participem*: sed sine dubio idem illud est, ac *communicare cum oblatione*; hoc est *jus habere offerendi*.

rendi. Deinde Concilium Vafense I. Can. 2. statuit, ut si pœnitentes absq; communione in ipso cursu satisfacti-  
onis præventi fuerint, eorum oblatio recipiatur. Ubi non alia intelligi po-  
test oblatio, quàm quæ ab ipsis offer-  
tur. Sic etiam Arelatense II. Can. 12. decrevit, de eo qui in pœniten-  
tia positus vita excesserit, ut pro eo,  
quod honoravit pœnitentiam, obla-  
tio illius suscipiatur. Eodem & Eli-  
beritanus Canon xxviii. meo qui-  
dem iudicio spectat: *Episcopum pla-*  
*cuit ab eo, qui non communicat, mune-*  
*ra accipere non debere.* Nam τὸν ἐπι-  
σκοπὸν, hoc est oblationem interdi-  
cit; quæ solis permessa communionis  
juræ præditis. Sic & canone sequen-  
ti, energumeni nomen cum oblatione  
recitari prohibet ad altare. Sed hæc  
satis sunt. Non enim pluribus opus  
est; ut, quod canonum, ac discipli-  
næ veteris periti satis intelligunt, pro-  
bemus, laicos offerendi jus habuisse.  
Neque verò tam hebes erit quispiam,  
ut eosdem consecrasse putet. Nam  
qui hoc illis concessum fuisse vult Dis-

sertationis Auctor, non passim, & ubique, sed in summa necessitate, ac penuria sacerdotum licuisse confirmat. Atqui oblationes illæ, quas laicis canones attribuunt, media in Ecclesia, summæque in pace Christiani populi, coram Episcopis, ac Presbyteris fiebant. Non igitur consecratio perpetua comes erat oblationis. Certè Tertullianus ipse in libro de Monogamia, cap. x. de fidei vidua loquens, ait eam *offerre annuis diebus dormitionis* viri vita jam functi; hoc est oblationem *pro anima ejus* ad altare facere: quam nemo consecrassè dixerit Eucharistiam. Non est igitur idem semper *προσφέρειν*, quod *δύλογεῖν*, aut *ἀχαιεῖν*, hoc est consecrare, & ex pane, ac vino Christi corpus facere.

## CAPUT. II.

*Tertulliani locus explicatur adversus Anonymum. quomodo Laici obtulerint citra consecrationem. exponitur institutio sacerdotum ex Evangelistis petita.*

**H**IS præmuniti, ad Tertulliani locum accedamus: quod præcipuum firmamentum Dissertationis habet Auctor. Illius verba sic interpretatur; ut cum laici sine sacerdote alicubi fuerint, non minus consecrare, & offerre Christi corpus possint, quàm tingere, hoc est baptizare. Ac si id solus Tertullianus affirmaret ex suo sensu; nihil hoc magnoperè curandum esset. Responderi enim facile posset, quod & Hieronymus ait, *hominem Ecclesiæ non fuisse.* vel, ut Hilarius scribit, canone v. in Matthæum

thæum, consequentem errorem hominis detraxisse scriptis probabilibus auctoritatem. Quo ex genere probabilium scriptorum constat non esse librum de Exhortatione ad Castitatem; quem Montani implicatus erroribus contra Catholicam scripsit Ecclesiam. Verùm quia Tertullianus hujus instituti, ac moris sic meminit, ut eum passim apud omnes usitatum fuisse demonstret. Alioqui *ex re non ab aliis, credita, cum aliis agens, argumentum non nisi stultè duxisset*, ut ait Anonymus: Probat enim omnes Christianos, etiam laicos, sacerdotali lege teneri, quæ secundas nuptias prohibet; quoniam omnes sacerdotes sunt, & quæ sacerdotum propria sunt usurpant, si necessitas ferat; cujusmodi sunt offerre, ac tingere. Ideò non utar hac præscriptione; & hoc ultro concedam, de eo loqui Tertullianum, quod in parte Catholica fiebat; ac proinde laicos, cùm sacerdotum deerat copia, oblationem, ac baptismum administrasse. Verùm quod ejusmodi laicorum oblationem

lationem talem fuisse putat, qualis fuit sacerdotum; ut consecrationem annexam haberet, ac verum esset sacrificium: id verò falsum esse defendo. Neque hoc ex Tertulliani verbis fateri cogimur. Si quidem oblationem plerumque ab consecrandi actione sejunctam fuisse supra demonstravimus. Mos ille vetere in Ecclesia fuit, ut in Synaxibus, ac legitimis conventibus, qui Dominicis præsertim diebus habebantur; ut ex\*Plinio,

\* Plin. lib. 10.

& † Justino Martyre colligitur, Eucha-

ep. 97.

† Justin. Apol. 2.

ristiam id est corpus Dominicum, sive panem consecratum unusquisque fidelium acciperet, eoque pro eo ac vellet uteretur; hoc est vel statim absumeret; vel reservaret, ac domum deferret. Docet hoc Tertullianus in extremo libro de Oratione. *Accepto* (inquit) *corpore Domini, & reservato, utrumque salvum est, & participatio sacrificii, & executio officii.* Suadet enim ut stationum jejunia celebrant, à sacrificiis non absint, quod fieri quidam oportere putabant, eo quòd statio solvenda

venda sit, hoc est jejunium, *accepto corpore Domini.* Verum ita moderandam esse rem decernit, ut & sacrificio intersint, & Christi corpus, ac quod ibi distributum acceperint, reservent; ne jejunium solvant. Quinetiam Basilii M. in Epistola CCXXXIX. ad Casariam Patriciam, eandem consuetudinem ætate sua servatam esse confirmat in Ægypto, & Alexandria. *cujus verba paulò post referam.*

Cum igitur Christiani persecutionis metu in cryptis, ac latebris delitescerent, credo assensuros facile omnes, interdum usuvenisse, ut Christi corpus secum eò portarent; ac si nullus esset sacerdos, electus aliquis à laicorum numero, illud ipsum offerret Deo, certis ad id precibus adhibitis, quas in synaxibus audire consueverant, atque in omnes distribueret. Ita enim sacrificii, ac publicæ & legitimæ *ἀστυρίας* speciem quandam usurpabant; quæ magno ipsis esset solatio. Hoc tum illi faciebant, cum sacerdotum nullam omninò copiam habere poterant. Nam si commodè  
id



id posset fieri, ad illos sacerdos aliquis aspirabat; præsertim ad eos, qui propter Christi confessionem in carcere, ac custodia vincti detinebantur, quos confessores nominabant. Hujus rei locupletem dabo testem Cyprianum in Epistola v. ubi in adeundis visitandisque confessoribus cautione ac prudentia uti præcipit; ut ne *glomeratim, ac per multitudinem simul junctam*, ad eos accedatur; ne ex hoc ipso *invidia concitetur, & introeundi aditus denegetur*. Tum ut *presbyteri quoque, qui illuc apud confessores offerunt, singuli cum singulis diaconis per vices alternent: quia & mutatio personarum, & vicissitudo convenientium minuit invidiam*.

Hic Cypriani locus ad propositum nostrum, & hoc, quod instituimus, probandum aptissimus est. Nam si laici; immò etiam, ut apud dissertationis Auctorem quidam significant, mulieres; Absente sacerdote offerre, & consecrare poterant, quid attinebat ad illos confessores, qui in carcere, & ergastulis vincti erant, tanto

cum capitis periculo ventitare sacerdotes, & Diaconos, ut pro illis offerrent? Nimirum expedita res erat, & facilis; mandare illis, ut ipsimet sibi sacrificium celebrarent, hoc est consecrarent, & offerrent Christi corpus; ut ne Presbyteri minimè necessarium se in vitæ discrimen committerent, quo id illis præstarent, quod per se obire ipsi poterant. Non igitur prorsus omni sacerdotali potestate, ac functione laicos Tertullianus instruxit: neque consecrare, aut corpus Christi ore conficere, ut Hieronymus loquitur; posse illos credidit: sed offerre tantum. quod quia soli fere, ac publicè, & ordinario usu sacerdotes faciebant; ideò laicos, qui idem interdum, & in necessitate agerent, sacerdotes esse dixit, non præcisa, & exacta ratione, sed similitudine quadam, & declamatoria hyperbole.

Nunc argumenta, quibus novum illud commentum suadetur, expendamus. Horum illud est primum: Lucas Evangelista, cùm de institutione agit Dominici corporis, cap. xxii.

19. refert Christum ita jussisse, *Hoc facite in meam commemorationem.* Quod Paulus, 1 Cor. xi. 24, 25, 26, &c. ad omnes fideles, etiam laicos, pertinere significat. Nam commate 26. ex illo Christi mandato concludit sic: *Quotiescumque enim manducabitis panem hunc, & calicem bibetis, mortem Domini annuntiabitis, &c.* Quasi commemoratio illa, quam fieri Christus præcipit, ipsis etiam laicis injecta sit, à quibus eam fieri testatur Apostolus.

Hic longior, & perplexior, quàm pro instituta brevitate, quæstio commovebitur, si de Lucæ, ac Pauli verborum sensu disputare voluero, ac docere, quemadmodum Christus illis ipsis verbis, *Hoc facite in meam commemorationem,* Apostolos sacerdotes instituerit, & offerre corpus suum, ac sanguinem, hoc est sacrificare jussit. quod Tridentinum Concilium decrevit Sess. 22. Canone secundo: & longè antè Gaudentius Brixianus docuerat Sermone II. ad Neophytos. qui verba illa Christi de-

I 2

clarans;

clarans; Ideò (inquit) discipulis fidelibus mandat, quos primos & Ecclesia sua constituit sacerdotes, ut indefinenter ista vitæ æternæ mysteria exercerent, quæ necesse est à cunctis sacerdotibus per cunctas totius orbis Ecclesias celebrari, usquequo iterum Christus de cælis adveniat. Quare missum illud hoc loco faciam: & hoc unum afferam, quod ad infringendam vim illius argumentationis satis esse possit. Christus Dominus cùm sacramentum, & sacrificium corporis, & sanguinis sui nocte illa institueret, ac traderet, duo quædam egit; alterum per sese, ac directè; alterum obliquè, ac velut ex consequenti. Horum primum in eo situm erat, ut Apostolis, ac sacerdotibus mandaret, ipsum ut sacramentum, & sacrificium conficerent, & offerrent, adeoque consecrarent. Hoc enim propriè ac directè verbis istis exprimitur: *Hoc facite in meam commemorationem*: quod ad eos, qui actioni illi intererant, Apostolos refertur. Alterum ad omnes fideles, etiam laicos sexus utriusque pertinebat;

bat; ut & ipsi in sumenda, participandaque Eucharistia, pro suo modulo, ac statu, passionis Christi memoriam adumbrarent. Quod & Gaudentius in secundo illo, quem laudavimus, Sermone meminit; cujus verba quia præsentem ad rem valde pertinent, hîc necessario describam. Nam post illa verba, quæ proximè ~~ante~~ posui, in quibus Apostolos à Christo sacerdotes illa ipsa nocte, qua sacramentum corporis sui, & sanguinis condidit, institutos ait, incontinenti ista subjicit: *Quo & ipsi sacerdotes, & omnes pariter fidelium populi exemplar passionis Christi ante oculos habentes quotidie, & gerentes in manibus, ore etiam sumentes, ac pectore, redemptionis nostræ indelebili memoriâ teneamus.* Sed & Augustinus in tertio de Doctrina Christiana, capite xvi Christum ait, iis verbis; *Nisi manducaveritis carnem filii hominis, &c. præcepisse passioni Domini esse communicandum, & suaviter, atque utiliter recondendum in memoriâ, quod pro nobis caro ejus crucifixa, & vulnerata sit.*

Utrique

Utrique igitur, & sacerdotes, & laici quod faciunt, in Christi memoriam faciunt, ejusque passionis: sed hi sumendo duntaxat; illi consecrando, ac sumendo. Neque necesse est, ut quod in commune obeunt utrique, eodem ab singulis modo transigatur. Fingamus enim illa ipsa verba; *Hoc facite in meam commemorationem*, ad fideles omnes tam sacerdotes, quàm laicos à Christo esse dicta; an ideò consequens erit, eadem omnes ratione quod præceptum est exequi? Non opinor. Etenim iis etiam in mandatis, quæ universè, infinitèque omnibus edita videntur, cautione est opus, ut ratio habeatur quid cuique generi hominum, & conditioni, ac personæ congruat. Quod prudenter animadversum est ab Augustino eodem illo in libro, capite decimo-septimo. *Erit igitur etiam hoc (inquit) in observationibus intelligendarum scripturarum, ut sciamus alia omnibus communiter præcipi; alia singulis quibusque generibus personarum.* Idque adeò quotidiano usu contritum est. Nam  
cùm

cùm dicimus Cæsarem, exempli causa,  
cum copiis suis in Pharsalicis campis  
adversus Pompeium certasse, atque  
hostium multa millia cecidisse, a-  
liter hoc ab Imperatore ipso; ali-  
ter à militibus gestum intelligunt  
omnes, qui aliquid intel-  
ligunt. Aut cùm Samuel 1 Reg. 15.

Dei jussu Saùli præcepit  
ita: *Nunc ergo vade, & percutite Ama-  
lec, & demolire universa ejus, &c.  
sed interfice à viro usque ad mulierem, &c.*  
quamvis hoc præceptum, & ejus ex-  
ecutio ad omnem exercitum non mi-  
nùs, quàm ad regem spectaret, nemo  
tamen adeò desipiat, ut eodem modo  
putet quod injunctum erat, ab utris-  
que præstari debuisse: ut suapte ma-  
nu, quod miles fecit, Rex ipse hostes  
jugularet, urbes ac domos everteret,  
bobus & asinis necem inferret. Quip-  
pè sic illi præcepto obtemperari vo-  
luit Propheta, ut quæ cujusque partes  
erant in agendo, eas quisque servaret;  
dux & imperator præcipiendo, ac re-  
gendo; miles manum admovendo.  
Quod igitur communis hominum in  
vita

vita sensus habet, id in illo Domini præcepto de repræsentanda passionis suæ memoria valere necesse est: ut aliter id sacerdotes, aliter laicos agere ac tractare voluerit, non promiscuè omnia omnes exequi. Sanè cùm in veteris Testamenti libris legimus profanos homines obtulisse sacrificia, & immolasse victimas; velut 2. Paralip. 7. 4. *Rex autem (inquit) & omnis populus, immolabant victimas coram Domino;* non potest eodem modo, ac sensu accipi, atque cùm dicitur idem ab Aarone, ejusve posteris esse factum, quibus solis constat sacrificare, hoc est victimas immolare licuisse. Pro eorum itaque, de quibus agitur, statu, & conditione edictorum moderanda sententia est. Quare idem & de verbis illis judicium esse debet, quibus in novo Testamento, offerendi, vel sacrificandi usus atque functio etiam laicis accommodari videtur: ut non eodem modo, quo sacerdotes, id intelligantur facere.

Sequitur Tertulliani locus ex libro de Corona militis, ex quo Dissertationis



onis Auctor effici putat, ex instituto Christi promiscuam omnibus fidelibus potestatem esse factam consecrandi corporis Christi. Sic enim Tertullianus capite tertio. *Eucharistiæ sacramentum & in tempore victus, & omnibus mandatum à Domino etiam antelucanis cætibus, nec de aliorum manu, quàm præsentium sumimus.* Ubi ex Tertulliani mente sic institutum existimat Eucharistiæ sacramentum, ut omnibus passim illius consecrandi potestas facta sit; nisi quod ea jure Ecclesiastico, ac traditione restricta est, & solis permessa præsentibus, hoc est sacerdotibus. Quod etiam & in baptismo valere ex ejusdem sententia Tertulliani putat, qui in libro de Baptismo cap. 17. dandi jus baptismi etiam laicis esse dicit: sed ita ut in necessitatibus duntaxat eo jure utantur; cæteris temporibus, id Episcopo, aut Clericis relinquunt, ut pax Ecclesiæ servetur. Hinc Dissertatio colligit, *morem etiam receptum à Christianis illius ætatis fuisse, ubi talis occasio se obtulerat, non*  
K minus

74      *De potestate consecrandi,*  
minus offerendi, id est sacrificandi  
consecrandique, quod laicos attinet,  
quam baptizandi.

Verum falsa est, ne quid acerbius  
dicam, ista ratiocinatio. Primum  
enim, demus hoc, quod Tertullianus  
ait, *Eucharistiæ sacramentum manda-*  
*tum omnibus à Domino*, sic intelli-  
gendum, nihil ut de ejus consecra-  
tione, confectioneque sit expressè  
cautum, & institutum: sed infinitè,  
universèque mandaverit omnibus, *Ac-*  
*cipite, &, Hoc facite in meam com-*  
*memorationem*: non tamen sequetur  
hoc, quod dissertatio docet, laicis,  
aut mulieribus à Christo permissum  
esse, ut consecrare, vel offerre, hoc  
est sacrificare possint: sed hoc solum,  
quod non gravatè concedam; ejus,  
quod confusè, ac minus expressè  
Christus mandaverat, Traditionem  
interpretem fuisse; quæ nos docuit,  
neminem consecrare posse Christi  
corpus, nisi qui *sacramentum ordina-*  
*tionis* habet, ut appellat Augustinus  
libro de bono conjugali cap. 24. quod  
& non minus esse sacramentum, quàm  
est

est baptismus alibi dicit, in secundo contra Parmen. cap. 13. & utrobique neutrum iterari posse confirmat. Unde & Col. 62. 1.

Hieronymus in Dialogo

contra Luciferianos, Hilarium schismaticum ait, cum ab Ecclesia recessisset, ac non nisi Diaconus esset, *Eucharistiam conficere non potuisse, Episcopos, & Presbyteros non habentem.*

Cæterum potest & alio sensu Tertulliani locus ille accipi, ut de consecratione Eucharistiæ non loquatur, sed sumptione. Cum enim Christus accipere simpliciter jusserit, neque quo tradente, consecrata jam utique & confecta, sit accipienda dixerit, videbatur laicis permittum, ut undecumque, & ubicumque positam ipsi sibi caperent; sic ut in convivii fieri assolet. Nam appositæ ex mensa dapæ unusquisque accipit, nec de manu invitatoris, ac domini necessario illas expectat. Hoc igitur & in sacrosancto illo epulo concessum videri poterat à Christo, ut consecratam Eucharistiam, & in altari, mensæve pro-

positam sibi quisque fidelium tolleret; non autem ut de manu præsidentis acciperet. quod Traditione sola auctore institutum, atque usu receptum Tertullianus admonet. & Justinus Martyr in Dialogo cum Tryphone morem hunc Ecclesiæ veteris indicat fuisse in sacris Synaxibus, & sacrificiis celebrandis, ut benedictione consecratam à præsule Eucharistiam Diaconi acciperent, & in populum distribuerent. Basilii in Epistola c cxxxix. sciscitanti, ut apparet, Patriciæ Cæsariæ an suapte manu laico liceret communionem capere; quatenus id facere moris esset ætate sua demonstrat. Cujus verba quoniam ad id, de quo agimus, opportunissima sunt, non erit otiosum hîc describere. τὸ δὲ ἐν ταῖς τῷ διωγμῷ χαμερῆς (ait) ἐναγχαζέσθαι τινα μὴ παρόντος ἱερέως, ἢ λητουργοῦ. πῶς κοινωνίαν λαμβάνειν τῇ ἰδίᾳ χειρὶ μηδ' αὐτῷ εἶναι βαρὺ, περὶ τὸν ἐστὶν ἀποδείκνυσθαι. ὅτι τὸ τὴν μακρὰν σωήδεσιν τῷ δι' αὐτῶν περὶ τῶν πιστῶν αὐτῶν. πρὸς τοὺς οἱ καὶ τὰς ἐρήμους μονάζοντες, ἐν ταῖς μὴ ἐστὶν ἱερόν, κοινωνίᾳ οἱ καὶ κατέχοντες αὐτῶν.

ἀφ' ἑαυτῶν μεταλαμβάνουσιν ἐν Ἀλεξάν-  
 δρείᾳ ὅ, & ἐν Αἰγύπτῳ ἕκαστος καὶ τῆς ἐν  
 λαῷ πολυώτων, ὡς ὅπῃ τὸ πλεῖστον, ἔχει κοι-  
 τωρίαν ἐν τῷ οἴκῳ αὐτοῦ. ἀπαξ γὰρ πῖν  
 θυσιᾷ τῆς ἱερέως πελειώσαντος, & δεδο-  
 κῆτος, ὁ λαὸς αὐτὴν ὡς ὅλῳ ὁμοῦ καθ'  
 ἕκαστην μεταλαμβάνων, ὥστε τὰ δεδοκῆ-  
 τος εἰκότως μεταλαμβάνειν, & ὑποδέχε-  
 σθαι πιστὸν ὀφείλει. καὶ γὰρ & ἐν ἐκκλη-  
 σίᾳ ὁ ἱερεὺς ἐπιδίδουσιν τὴν μερίδα, & κα-  
 τὰ αὐτὴν ὁ ὑποδεχόμενος μετ' ἱερέως  
 ἀπάσῃ, & ἔτω προσέχῃ τῷ σώματι τῇ  
 ἰδίᾳ χερί. Ταυτὸν τοίνυν ἐστὶ τῇ διωκείᾳ,  
 εἴτε μίαν μερίδα δέξεται πρὸς ὥστε τῆς ἱερέ-  
 ως, εἴτε πολλὰς μερίδας ὁμοῦ. Quod au-  
 tem per tempora persecutionis coge-  
 batur aliquis absente sacerdote, vel mini-  
 stro, communionem suapte manu capere,  
 non iniquo animo ferendum esse, super-  
 vacaneum est ostendere: eo quod inve-  
 terata consuetudo id rebus ipsis affirma-  
 verit. Etenim omnes, qui per solitu-  
 dinem monasticam vitam institunt;  
 ubi non est sacerdotis copia, communi-  
 onem domi habentes, de suis manibus  
 accipiunt. Alexandriae autem, & per  
 Aegyptum, unusquisque, etiam laicus,  
 ut

ut plurimum habet domi suæ communionem. Nam cùm semel sacerdos sacrificium peregit, ac distribuit; qui illam integram simul accepit, dum quotidie de ipsa capit; meritò credere debet, se ab illo qui dedit, participare, & accipere. Etenim etiam in Ecclesia sacerdos particulam porrigit; eamque retinet is, qui accepit plena cum facultate; atque ita manu sua ad os admovet. Quamobrem vim eandem habet siue particulam unam à sacerdote quis accipiat; siue plures simul particulas. Hæc Basilii. Unde constat mos ille, quem Tertullianus ex traditione manasse vult, ut de manu sacerdotis, aut præsidentis Eucharistia capiat; cùm primùm accipitur: minimè verò, quod Dissertatio pugnat; ut sibi quisq; conficere hoc sacramentum & sacrificium ullo loco, vel tempore profanus homo potuerit.

## CAPUT III.

*Cetera Dissertationis argumenta, ac loca veterum explicantur. De historia Frumentii; in qua multum lapsa Dissertatio est. Neque feminas, neque inferiores sacerdote Clericos consecrasse unquam. Nicanus, Laodicens, & Ancyranus Canon expositi.*

**A**LIUD huic argumentum subji-  
cit Dissertationis Auctor ex hi-  
storia Frumentii, quam refert Theo-  
doretus lib. I. Histor. Eccles. cap.  
23. Sed Dissertationis verba ipsa præ-  
stat audire, ut quam insincerè locus  
ille petractatus sit, quod subinde pla-  
num faciam, melius Lector intelligat.  
Cum (inquit) ad Indos, id est, ut  
interpretor, ad Æthiopas, qui ex eo  
semper Alexandrinum Patriarcham sus-  
pexerant, venisset ab Alexandria lai-  
cus Frumentius, auctor fuit his, quos  
ad

ad Christum converterat, & paucis qui cum ipso erant, ut Theodoretus utar verbis, καὶ τὸ Ῥωμαίων ἔθνος συναγαγεῖσθαι, & τὰς ἑσθλὰς ἐπιτελεῖν λειτουργίας, id est eo more, quo sub Romano imperio fieri solebat, & convenire, & sacra celebrare. At nemo ibi tunc Episcopus erat; nemo Presbyter; immò primus cum Episcopi dignitate, qui postea presbyteros ordinavit, eò missus est post reditum suum Alexandriam, & rem renuntiatam ipse ille Frumentius ab Athanasio: Hæc Dissertatio: in quibus partim de suo multa præter mentem historici; partim etiam contra illam adtexuit, ut causæ suæ serviret. Huiusmodi, hoc est fallum, & contra Theodoretus mentem istud est, Frumentium eos, quos ad Christum converterat, & qui cum ipso erant, ad id hortatum fuisse, ut sacra celebrarent. Nam Theodoretus non Indos ipsos, out Æthiopas; sed Romanos negotiatores, qui mercaturæ gratia illuc appellebant, de ea re monitos refert à Frumentio. Theodoretus verba sunt ista, quæ ab Dissertationis auctore mutilari



mutilari non debuerant: Εὐσεβείᾳ δὲ  
 συνεθεαμύνοιο τοὺς αὐτοὺς τῶν ἐμπύρων  
 ἀφικνεύμενοι καὶ τὸ Ρωμαίων ἔδος συνα-  
 γαίρεσθαι περὶ τὰς δείας ὅππτελεν λη-  
 τυργίας προσέτερον. Hoc est: Cum  
 autem in pietate essent educati, negotia-  
 tores, qui eò navigabant, Romanorum  
 more conventus facere hortabatur, ac  
 sacros ritus celebrare. Camerarius  
 Theodoreti interpres verba illa καὶ  
 τὸ Ρωμαίων ἔδος, non ad sequentia re-  
 tulit, sed ad præcedentia. Vertit  
 enim, mercatores, si qui, quemadmo-  
 dum mos fert Romanorum, advenissent.  
 Sed præstat de sacris conventibus, &  
 ritibus intelligere: uti Ruffinus fa-  
 cit; à quo historiam illam hausit  
 Theodoretus, ut & Socrates, qui  
 ante Theodoretum historiam scripsit,  
 & Ruffini verba propius affecutus,  
 nullam λητυργίας mentionem facit,  
 sed precum duntaxat. παρέχεται (in-  
 quit) τόποις καταλαμβάνειν ἰδιόζοντες  
 ὅππ τὰς Χριστιανικὰς ἐκτελεῖν ὁρχαί.  
 Hortabatur, ut propria quedam ocupa-  
 rent loca; ut in his Christianas preces  
 obirent. Quocirca, ut ex Ruffini  
 narra-

narratione constat, nec non Socratis, ac Theodoreti, quem unum Dissertationis Auctor adhibet; falsum est primùm, Frumentium Indis illis, quos ad Christi fidem adduxerat, suasisse, ut synaxes ac sacros ritus Romanorum peragerent. Hoc enim Romanis ipsi negotiatoribus consilium dedit, quibus cum nullos fuisse sacerdotes magis suspicari, quam liquidò affirmare potest Anonymus scriptor. Immò verò credibilius est, aliquos secum advexisse presbyteros, longinquæ comites navigationis; uti mos est hodièque Christianis. Ita necesse non erit, laicis neophytis sacerdotum mandare partes; quod Dissertationis commentum plenius, ac validius ex Ruffino refellitur: quem illius historiæ fundum esse dixi; à quo cæteri omnes acceperunt: sic enim rem ille narrat; libro historiæ suæ primo, capite 9. *Idque dum agerent, & regni gubernacula Frumentius haberet in manibus, Deo mentem ejus, & animos instigante, requirere sollicitius cepit, si qui inter negotiatores Romanos Christi-*  
*ani*

ani essent; & ipsis potestatem maximam dare, ac monere ut conventicula per loca singula facerent, ad quæ Romano ritu orationis causa confluerent. Perspicuum est non Indos ipsos novos Christianos ad illos conventus celebrandos instigasse Frumentium; sed Romanos negotiatores.

Præterea istud etiam ex Ruffino colligitur, non illis auctorem fuisse Frumentium, ut sacrificia celebrarent, ac sacramenta conficerent; sed tantummodo ut orationis causa convenirent. Theodoretus verò, aut alius potius Interpres, qui in Græcum Ruffini Latina convertit, unde postea Theodoretus accepit; hæc verba, *orationis causa confluere*, ita reddidit, τὰς ἱερὰς ἐπιτελεῖν λειτουργίας. Nam λειτουργίας nomen, ut & συνάξεως, universè significat conventus publicos sacrosque Christianorum, qui vel sacramentorum participandorum, ac divini sacrificii obeundi causa celebrabantur, vel orationum duntaxat gratia, & divini audiendi verbi. Auctor enim est Socrates libro 5. cap. 22.

Alexandriæ certis diebus, ut feria 4: & 6. synaxes fieri solitas, in quibus Scripturæ legebantur, & ad populum conciones habebantur, *δύναμις τοῦ μυστηρίου πλεῖν*, sine ulla sacrificii, ac *mysteriorum* celebratione. Quod ipsum aliis scriptorum testimoniis comprobare possem, nisi aut longior esse pollem; aut id modo ageretur; aut non alii denique hoc jampridem argumentum occupassent. Ad summam negari potest, & quidem Ruffino, ac rei veritate suffragante, sacras illas *λειτουργίας*, quas Frumentius negotiatoribus mandavit, adjunctam habuisse *τὴν τοῦ τοῦ μυστηρίου τελετὴν*, quas *orationis causa* tantum institutas fuisse Ruffinus ostendit.

Pergit Dissertationis auctor, & mulieres interdum Eucharistiam consecrasse videri nonnullis ait ex Actis S. Petronillæ, quam vetus Martyrologium refert a. d. pridie Cal. Jun. *Celebratis Dominicæ oblationis mysteriis, mox ut Christi sacramentum accepit, spiritum emisisse.* Verum non dicit Martyrologium ab ipsa S. Petronilla celebrata

celebrata fuisse; estque multo probabilius ab sacerdote aliquo, qui pro illorum consuetudine temporum, quam ex Cypriano suprâ demonstravimus, ad eam venerat, ea fuisse peracta. Quare αὐτῇ ἡ μὲνδος ὑδὲν ἔπαυσε. Clericos deinde ordinis inferioris, ut Subdiaconos, & Diaconos interdum obtulisse, consecrasséque adstruit ex canonibus antiquis Conciliorum Laodicensi, Ancyrani, Arelatensis primi.

Nam in Laodicensi, canone 25. decretum est, *non oportere ministrum panem dare, neque calicem benedicere*: ὅτι ἐ δὲι ὑπηρέτην ἄρτον διδόναι, ὑδὲ ποτόριον δὲλογῶν. Ubi ὑπηρέται sunt Subdiaconi, ut Zonaras, & Balsamo docent: qui & ἄρτον διδόναι interpretantur distribuere Christi corpus in fideles: quod solis Diaconis concessum. Idem & calici bene dixisse videntur, hoc est consecrationis verba protulisse. Quanquam nihil necesse est δὲλογίαν istam consecrationem esse putare. Licet enim aliud genus benedictionis intelligere; velut crucis  
signum

signum, quod super calicem duce-  
rent, id est vas sacrum, cùm hoc Di-  
acono traderent; tamen ne conjectu-  
ræ nostræ indulgere videamur; de-  
mus alicubi per illa tempora conse-  
crare ausos esse Subdiaconos, aut eti-  
am Diaconos, quos offerre ultrà pro-  
hibet Arelatensis primæ Synodi ca-  
non decimus-quintus. non potest ex  
eo deduci id quod Dissertatio studet,  
verè, ac reipsa consecrassè. quin po-  
tius contrarium inde colligitur, con-  
secrandi potestate caruissè, quia id  
facere prohibiti sunt.

Atenim iccirco jure illo, & pote-  
state, quam alioquin habebant, uti  
prohibentur; quia non temere, ac  
quovis tempore id illis permissum erat  
facere: *ob pactis, & constituti regimi-  
nis reverentiam; sed in necessitatibus,*  
ut Tertullianus loquitur, & ubi de-  
erat sacerdotum copia. Sed hoc gra-  
tis, nullóque idoneo argumento Dis-  
sertationis Auctor asserit.

Non enim ex eo quod canones  
illi sacerdotum munia ab iis, qui sa-  
cerdotes non erant, usurpata fuisse  
demon-

demonstrant, consequens est illos si non jure, certè reipsa consecrassè, panémque in Dominicum vertissè corpus; (ut Gregorius Nyssenus ait capite 38. libri Catechetici, ἄρτος (inquit) πρὸς τὸ σῶμα τῷ λόγῳ μεταποιήμενος. ad quod etiam, verbum μεταστοιχείωται ibidem accommodat. quod est *transmutare*: ut cùm Cyrilus libro 2. Glaphyrorum partis secundæ, pag. 219. editionis prioris, aquas in Ægypto μεταστοιχείωται dicit in sanguinem, Mosis virga percussas.) Hanc ergo *transmutationem*, quam nos Catholici *transubstantiationem* vocamus, nego alios unquam effecissè, adeoque sacrificassè, quàm sacerdotes. tentassè præter morem, præterque fas, immò contra jus divinum, ac non sine atroci scelere, Diaconos, aut inferiores ministros aliquando, non nego; neque verò ad rem, ut dixi, pertinet. Nam ex juris ac disciplinæ corruptela, & exempli pessimi factò, quod præsertim Ecclesiastica auctoritate damnatum sit, non potest certa potestatis illorum fides, & auctoritas assumi.

Ac

Ac de diaconis quidem, extat Nicæni Concilii Canon decimus-octavus, qui offerendi, hoc est sacrificandi jus & potestatem negat penes Diaconos fuisse. Itaque hac de causa nefas esse judicat, quod in quibusdam locis fiebat, ut Eucharistiam darent Presbyteris Diaconi. Verba Canonis, quatenus ad rem faciunt, hîc legi debent. Ἡλθεν εἰς τὴν αἰτίαν, καὶ συνέδρον ὅτι ἐν κείνοις τοῖς πόλεσι, τοῖς παρεκκλησίαις τὴν εὐχαριστίαν οἱ ἑκκληνοὶ διδόντες ὥστε ἔπε οὐ καὶν, ἔπε ἡ συνέδρος παρέδωκεν, τοῖς ἑκκλησὶν μὴ ἔχουσιν πρεσβυτέρους, τοῖς πρεσβυτέροις διδόναι τὸ σῶμα τοῦ Χριστοῦ. Hoc est, ut Dionysius Exiguus Latine reddidit, *Pervenit ad sanctum, magnūque Concilium, quod in quibusdam locis, & civitatibus, Presbyteris gratiam sacræ communionis diaconi porrigant; quod nec regula, nec consuetudo tradidit, ut ab his, qui potestatem non habent offerendi, illi qui offerunt, Christi corpus accipiant.*

Quo ex Canone liquet quantopere hallucinatus sit Auctor Dissertationis, idque



idque dupliciter. Nam & Subdiaconos existimat *ob multitudinem communicantium crescentem in dies* (verba sunt illius) *non tantum porrexisse panem, sed & pronuntiasse verba illa, quibus calix benedicitur, sive consecratur: & deinde in posterum id nondum Diaconis, sed Subdiaconis tantum interdictum*; videlicet Laodiceno illo Canone. Quæ posteriora cum ad-jicit, illud significat, Subdiaconis, antequam canone isto prohiberetur, perinde licuisse, ac Diaconis, offerre; Diaconis verò deinceps etiam id esse concessum, postquam Subdiaconis interdictum est. Atqui huic assertioni è diametro contrarius est Canon ille Nicænus; qui Diaconos, (quod de Subdiaconis multo magis intelligi par est;) nullo neque jure, neque consuetudine offerre potuisse confirmat: ideoque nec Presbyteris Eucharistiam dare. Nam si jure aliquo vel consuetudine unquam obtulissent, etiam id quod obtulerant, hoc est Christi Corpus, sacerdotibus impertiri potuissent; quos eo solo nomine iis,

M

qui

qui offerendi jus habebant, sacerdotibus dare negat posse, quia offerendi potestate carebant. Porro si, ut ex tanti auctoritate Concilii constat, neque jure, neque consuetudine Subdiaconi, aut Diaconi offerre, ac consecrare potuerunt, non solum perperam Dissertationis Auctor ex Laodicensi Concilio; sed etiam ex Ancyrano contrarium infert. Quæ duo Concilia non longè absunt à Nicæni tempore. fuit ergo *ἡ ἀρχαία* mera, non legitima consuetudo, ac recepta, quod utrique ministri sacerdotales alicubi partes attigerunt.

Verùm quod Diaconos attinet, majus in Ancyrani Concilii canone firmamentum novæ suæ opinionis habere se putat Dissertatio. Nam ibi decernitur, ut *Diaconi, qui sacrificaverunt* (in persecutione) *ac postea resipuerunt, & denudò certarunt, reliquum quidem honorem habeant; cessent autem ab omni sacro ministerio panem vel calicem offerendi, aut prædicandi.* *Διακόνους ὁμοίως διόσποντας, μὴ δὲ ταῦτα διαπαλαίσποντας, πλὴν ἢ ἀλλῶ ἑκ μὲν*  
*ἡ ἀρχαία*

ἔχον, πεποιῶσαι δὲ αὐτοὺς πάσης τῆς ἱερα-  
 τικῆς λειτουργίας, τὸ τε τῷ ἄρτον, ἢ πο-  
 τῆριον ἀναφέρειν, ἢ κηρύσσειν. Duo sunt  
 in hoc canone, quæ Dissertationi fa-  
 vere videntur: alterum, quod Dia-  
 conos vetat ultrà sacerdotali munere  
 fungi, quàm ἱερακικῶν λειτουργιών vo-  
 cat. Dionysius enim *sacerdotale mi-  
 nisterium* vertit: alterum quod of-  
 ferre panem & calicem prohibet. Id  
 autem est sacrificare. Porro si illius  
 ordinis solos eos, qui ob culpam  
 plectuntur, ab sacerdotalibus ministe-  
 riis excludit: ergo tam ipsi antequam  
 peccarent, quàm cæteri, qui non  
 peccarant, integrum jus idem reti-  
 nuerunt, adeoque sacerdotum partes  
 expleverunt.

Atqui cassà ista sunt & inania. Im-  
 primis quod offerendi verbum eâdem  
 notione sumit, qua cum de sacerdo-  
 tibus agitur, ut sit idem ac sacrifici-  
 um offerre, multum fallitur. Nihil  
 enim hîc aliud significat, quam re-  
 præsentare, ac porrigere panem, &  
 calicem; idque dupliciter: aut sa-  
 cerdoti sacrificaturo: aut populo,

post utriusque consecrationem. Nam utrumque Diaconi fuit officium. Justinus Martyr in Apologia secunda, veteris Ecclesiæ morem fuisse testatur, ut consecratam à sacerdote, vel, ut Tertullianus post illum loquitur, à presidente, Eucharistiam, Diaconi dent singulis, qui illuc assistunt. Ἐυχαριστήσαντες, δὲ τὸ πορευόμενος, ἐκ ἐκκλησιαστικῆς πομπῆς τῷ λαῷ, οἱ χαλούμενοι καὶ ἡμῶν Διάκονοι διδόναι ἐκ αὐτῶ τῷ πρῶτον μεταλαβεῖν ἀπὸ τῆς διχαριστιᾶς τοῦ ἄρτου, καὶ οἴνου, καὶ ὕδατος, καὶ τοῖς ἐκπρὸς ἀποφέρειν. Postquam benedictione consecravit praesidens, & universus populus sancta praecatione acclamavit, tum qui vocantur Diaconi apud nos, dant cuilibet adstantium participare panem & vinum cum aqua, quæ benedictione consecrata sunt, & ad absentes deferunt. Cyprianus in libro de lapsis, offerendi verbo usus est in illa Diaconorum significanda functione, qua Eucharistiam populo exhibent. Ubi verò solennibus adimpletis, calicem Diaconus offerre praesentibus cepit, & accipientibus

*bus cæteris locus ejus advenit, &c.* Itaque *offerre calicem* non semper idem est, ac mysticam oblationem representare Deo; sed, cum de iis qui sacerdotes non sunt, dicitur, est præbere populo, & propinare. Nam quod *ἱερακὴ λειτουργία* in Ancyrano eodem Canone vocatur, tantundem est atque *ἱερά*, hoc est *sacra*: quæ vox in quibuldam codicibus occurrit, eamque Dissertationis ipse auctor expressit. Denique adversus omnia illa Dissertationis argumenta, interpretationesque Canonum, unum illud objicimus Niceni Concilii testimonium, tanquam validum, impenetrabilem clipeum, quo istud definitum est; nunquam in Ecclesia jus aut usum habuisse Diaconos, nedum aut inferioris gradus Clericos, aut Laicos, & quod etiam abominamur, foeminas, consecrandi, ac sacrificandi.

Sequitur Trullanæ synodi canon octavus & quinquagesimus, ex quo Dissertatio colligi putat, non primis tantum Ecclesiæ temporibus; sed recentioribus etiam, observatum fuisse,  
ut

ut Laici, ubi Presbyteri non erant, sacra mysteria per se ipsi perciperent; & videlicet consecrarent, offerrent-que Deo. Hoc enim agitur, & in eo sita est nova illa conjectura, opinio-que Dissertationis; non in sola sumptione, & admotione jam consecratae Eucharistiae: quàm nemo nescit, id quod ex Basilio supra demonstravimus, acceptam à Diaconis, & reservatam, si vellent, usurpasse pro arbitrio Laicos, & suis sibi manibus admovisse. Atqui Trullanus iste Canon neutiquam de consecratione, ac sacraficatione loquitur, sed de sola sumptione. Verba Canonis: Μηδείς τῶν ἐν λαϊκοῖς τεταγμένων ἑαυτοῦ τῶν δειῶν μυστηρίων μεταδίδωτω, ἢ πρὸν τοῦ ἐπισκόπου, ἢ πρεσβυτέρου, ἢ διακόνου. Nemo eorum, qui sunt in ordine laicorum, divina sibi mysteria impertiat, praesente Episcopo, vel Presbytero, vel Diacono. Vetat, inquam, hoc solum, ne laici corpus Christi per se ipsi capiant, uti sacerdotes faciunt; sed ut ab iis, aut Diaconis accipiant. de consecratione, ac sacrificio nulla mentio.

Addit

Addit postremò Dissertatio quædam exempla moris illius, quolaicos, cùm deesset sacerdos, consecrasse, & sacrificium celebrasse putat. Sed quæ affert nihil prorsus ad rem attinent: sunt enim monimenta duntaxat adumbratæ ad veræ Eucharistiæ speciem, & imitationem, ceremoniæ cujusdam ludicræ, & ab imperitis hominibus ascitæ, non Ecclesiæ auctoritate constitutæ. Ut cùm in vitæ periculo, & in procinctu, milites, quibus communicare non licebat, panis, quo ad jentaculum utebantur particulam, ad similitudinem Dominici corporis, Religiosius assumebant. quemadmodum & eulogiæ, seu benedicti panis frustula ab iis, qui non communicant, in parœciis manducari solent per Dominicos dies. Sed quid hoc commune habet cum vera consecratione corporis & sanguinis Christi, & oblatione, vel sacrificio, quod in necessitate laicos obtulisse Dissertationis auctor affirmat? Tantundem, hoc est nihil hanc conjecturam adjuvat, quod ex Erasmi Epistola refert, quam ad Cuthbertum

bertum Tonstallum scripsit libro Epistolarum xxvi. Ibi enim Erasmus synaxim quandam à laicis Apostolorum tempore celebrari solitam ait, adhibita precatione, & benedictione: & quem ibi panem sumebant, appellatum ab iis esse Christi corpus. Sed ibidem Erasmus hanc qualemcumque benedictionem secernit à *consecratione sacerdotali*, quam & *veram* nominat. Quare longè ab isto commento Dissertationis Erasmus absuit: quæ privatim, ubi necessitas ferret, veram, & sacerdotalem consecrationem laicos usurpasse confirmat.

---



## CAPUT IV.

*De altera quæstione, quam Dissertatio continet: An semper communicandum per symbola: ubi de communione, & usu sacramentorum agitur. Non licere cuiquam ab Ecclesiæ communione discedere. Expenduntur causæ, propter quas interdum fas illud esse Dissertationis Auctor existimat.*

CAPITE in altero Dissertationis haud minoris offensionis, ac periculi quæstio disceptatur: sed in ea pertractanda breviores erimus, quàm pro rei magnitudine: quod utique nobis per Auctorem illius licet; qui in eo, quod probandum, definiendûmque sumpserat, verborum satis; rerum, & argumentorum adhibuit omninò nihil. Est autem illius capitis inscriptio, *An semper communicandum per symbola*, cujus quæstionis

onis hæc sententia est; an sacramentorum, quæ in vera Ecclesia sunt, participatio usurpari necessario debeat: ita ut nemo salutem consequi possit, qui non reipsa externis Sacramentorum ritibus initiatur: an certis de causis abstinere fas sit interdum à communionē reliquorum fidelium: ut, cum in Ecclesia Schismata sunt, & diffidia, nulli se parti quispiam addicat: sed privatim res agat suas: ac sine ullo Sacramentorum usu permaneat.

Posterius hoc dissertationis asseverat Auctor, & Joannis Chrysostomi exemplo, auctoritatēque comprobat: quem refert Socrates in libro sexto, capite tertio, cum à Meletio Antiochiæ Episcopo Ordinatus esset Diaconus, eo Constantinopoli mortuo; ab Meletianis pariter, & Paulini parte segregasse se; quamvis utrique essent Catholici; ac triennio toto ab utriusque commercio patris abstinuisse. *Cujus (ait) exemplum secuti sunt, manente post Synodum Calchedonensem gravi per Ægyptum, Orientemque*

*témque diffidio, multi, qui ob id nomen sibi ἁγισμὸν dedere, Latini hesitantes vocabant.*

Atque ut illud rectè ac prudenter agi nonnunquam, persuadeat, docere contendit, nec in veteri lege, nec in nova, symbolorum, quibus Sacramenta constant, usum præcepti necessitate constrictum fuisse.

*Josue 5.*

Nam & omissa circumcisio est annis ferè quadraginta, quibus in deserto circumducti sunt Hebræi: & æneus serpens, quem ad populi salutem Moses erexerat, ab

*4 Reg. 18. 4.*

Ezechia rege fractus est. Tum in Christiana lege causæ incidunt aliquæ, propter quas intermitteri communio potest; equæ sunt præcipuæ tres. Prima, si qui præpositi sunt Ecclesiis aut expressè, aut tacitè professiones exigunt quarundam assertionum, quibus alterius conscientia non adsentit. Secunda, si communio symbolica non modò usum, ad quem nata est, non habeat, fovendæ, ac testandæ communionis cum omnibus piè Christianis: verùm insuper tendat ad te-

*standam patris duntaxat alicujus fæderationem, rejectionemque aliorum non minus piè, ac Christianè viventium, & ad salutem necessaria, quæ non ita sunt multa, credentium. Tertia, cum putat is, qui à communionē partium abstinēt, liberius solutiùsque exercere posse Christianæ dilectionis officia adversus dissidentes. quod postremum spectasse Chrysostomus videtur. His igitur de causis abstinere ab communionē fas est, & illud Augustini usurpare: Crede, & manducasti. Hactenus Dissertationis Auctor.*

Equidem de proposita ab illo questione sic statuo, quod & Catholici omnes profitentur; incidere nonnunquam ea posse tempora, ut in publicis de fide controversiis, scissa concordia, & in partes divisa duas, plurèsvē Christianorum multitudine, tandiu se privatus quispiam ab omnium communionē suspendere debeat; donec liquidò constet, penes quos Catholica sit veritatis, Ecclesiæque possessio. quod ipsum neque diu, nec ubique terrarum dubium & obscurum

obscurum esse potest. Ut si quis  
 Romanae, & verae particeps Ecclesiae  
 in ignota, & longinqua urbe pere-  
 grinetur; in qua haëreticorum plura  
 conventicula, & oratoria sint; nec  
 uspiam Catholicæ cœtus copia sit;  
 potest, debetque privatim illuc reli-  
 gioni servire suæ, ac sine ulla com-  
 munionem manere. Interim tamen  
 danda illi opera est, ut sciat, ecquid  
 alicubi vel conveniendi cum Catho-  
 licis, vel sacramentorum adhibendo-  
 rum facultas detur. De quo aurea

est illa Cyrilli Hierosolymitani sen-  
 tentia Catechesi xviii. *Ὡς τοῦτο θε-  
 νῶν ἡσφαλισμὸς παρὲς δακεν ἡ πίστις θ,  
 εἰς μίαν ἀγίαν καὶ καθολικὴν ἐκκλησίαν·  
 ἵνα ἐκείνῳ μὴ τὰ μαρὰ σύστημα παφού-  
 γη, πρὸς αὐτὴν θ τῇ ἀγίᾳ καὶ καθολικῇ ἐκ-  
 κλησίᾳ ὡς πλῆτος, ἐν ᾗ καὶ ἐνεργησὴς.  
 καὶ ποτε ἐπιδημῆς ἐν πόλεσι, μὴ ἀπλῶς  
 ἐξέταζε ποῦ θ κεραικὴν ἔστι. εἰ γὰρ αἱ  
 λοιπαὶ τῶν ἀσεβῶν αἰρέσεις κεραικὰ τὰ εἰς αὐ-  
 τὴν σπῆλαια καλεῖν ἐπιχρῶσιν, μηδὲ ποῦ  
 ἔστιν ἀπλῶς ἡ ἐκκλησία. ἀλλὰ ποῦ ἔστιν  
 ἡ καθολικὴ ἐκκλησία. τὸ το γὰρ ἰδιὸν  
 ὄνομα τυγχάνει τῆς ἀγίας τῆς αὐτῆς, καὶ μη-  
 ρὸς*

τοὺς ἡμῶν ἀπάρτων. Proptere à nunc  
 tibi *summa* hoc cautione fides tradidit :  
 & in unam sanctam Catholicam Eccle-  
 siam : ut illorum quidem ( hæretico-  
 rum ) detestandos cætus fugias, ma-  
 neas autem perpetuò in Ecclesia Catho-  
 lica, in qua & regeneratus es. Ac si  
 quando peregrineris in urbibus, ne sim-  
 pliciter inquirito ubi est Dominicum.  
 Nam & ceteræ impiorum hæreses Do-  
 minica vocare speluncas suas audent.  
 neque ubi est simpliciter Ecclesia : sed  
 ubi est Catholica Ecclesia. Hoc enim  
 proprium est nomen sanctæ hujus, &  
 matris omnium nostrarum.

Sic Hieronymus cùm in Syria de-  
 geret, & in Antiochena diœcesi ;  
 quæ tum varias in factiones divisa  
 erat, non modò Catholicis & hære-  
 tics, sed etiam illis inter se discor-  
 dantibus, ab omnium communione  
 se continuit. Erant autem Antiochiæ  
 tum episcopi, præter Arianum, tres,  
 Meletius Catholicus, sed ab Arianis  
 primùm ordinatus ; Paulinus, & ipse  
 Catholicus, & Romanæ sedis com-  
 munionem habens (fallitur enim Ma-  
 rianus

rianus Victorius, qui in Scholiis ad Epistolam Hieronymi 57. Hæreticum hunc fuisse scribit) & Vitalis ex Apollinarii secta. Cum igitur ab illis sollicitaretur Hieronymus, uti tres hypostases in sacrosancta Trinitate profiteretur, & ad se quisque illum conaretur allicere, nemini est obsecutus: Sed *Cathedram Petri, & fidem Apostolico ore commendatam censuit consulendam*: Inde animæ suæ postulans cibum, unde olim Christi vestimenta susceperat. Sic enim ad Damasum Romanum Pontificem scripsit. Tum addit ista: *Ego nullum primum, nisi Christum, sequens, beatitudini tuæ, id est Cathedræ Petri Communionem confocior. super illam Petram ædificatam Ecclesiam scio. Quicumque extra hanc domum agnum comederit, profanus est. Si quis in arca Noë non fuerit, peribit regnante diluvio.* Postremò in fine Epistolæ rogat ut significet, quum cum apud Antiochiam communicare debeat. Itaque tanti viri exemplum documento esse potest, quid in simili causâ Catholicus homo facere debeat.

Idem

Idem & de Chrysostomi facto iudicium est: qui post Meletii obitum, quo cum communicarat, adeò ut Diaconus ab illo etiam ordinaretur; ab ejus successore Flaviano se subtraxit; multorum in eo Pontificum auctoritatem secutus; velut Gregorii Nazianzeni; &, quod caput est, ipsius Romani Pont. qui omnes Flaviani communionem abdicarunt: quem constabat præter fas, & datæ fidei Religionem, Antiochenam ad Cathedram pervenisse. Ita enim Meletium inter, & Paulinum convenerat, ut simul alterutrum mors occupasset, ne altero superstite secundus ordinaretur antistes. Tandem opera Theophili Flavianus Romano Pontifici reconciliatus est, ut refert Socrates libro 5. cap. 15. Meminit & Ambrosius Epistola nona. Non est itaque mirandum, si Chrysostomus, qui Meletii partes hæcenus fovebat, post ejus obitum, neque cum ejus successore, quòd per nefas sedem illam obtineret, communicare voluerit: neque cum Paulino, cui nunquam adhæserat.



hæserat. Quod non eo consilio fecit, ut Dissertatio putat, quòd magni momenti esse non crederet externam, ac symbolicam communionem. sed quod temerè alterutri se parti nollet addicere. Pessimè autem & impiè *Hæsitantes* illi, quos Chrysostomi secutos exemplum haud rectè Dissertationis Auctor existimat: qui cùm de vera, & sola catholica Ecclesiâ facilè constaret, tam ab ea, quàm ab Hæresi Eutychianorum divulsi, novam sectam, vel monstrum potius instituerunt; Zenonis Henoticon amplexi. quorum ex grege fuit Anastasius Imperator, homo illaudatus. quem nemo sanus, & salutis amans suâ, sibi in exemplum debet assumere. Nam quemadmodum Calchedonensis Concilii auctoritas apud pios omnes, & catholicos nunquam in controversiam vocata est; sic damnata ab illo Eutychianorum factio pro execranda hæresi omnium est habita iudicio; adeoque portio hujus quæ fuit, ἡ τῶν διαχριστομένων secta; quæ alias omnes à quibus dissidebat, impietate superabat.

O

Non

Non potest igitur facilè dubitari, qua sit in parte vera, & catholica Ecclesia; & ab omni se omnium Communionem jure aliquis posse putet abstrahere. Est enim sole ipso clarior, & manifestior, atque in propatulo posita: neminem ut latere diu posita: neminem ut latere diu possit, si quis ad eam suis notis agnoscendam, ac discernendam paullulum operæ, & candoris adhibeat. Quod adversus Donatistas omnibus ferè paginis, quas contra illos elucubravimus, occinit Augustinus. Insignis est inter alia locus ille ex Epistola XLVIII. *Quomodo autem (inquit) confidimus ex divinis literis accepisse nos Christum manifestum, si non inde accepimus Ecclesiam manifestam? Quaslibet quisque ansas, vel uncas adversus simplicitatem veritatis intexat, quaslibet nebulas callide falsitatis offundat, sicut anathema erit, qui annuntiaverit Christum neque passum esse, neque tertia die resurrexisse, quoniam in veritate Evangelica accepimus, Oportebat Christum pati, & resurgere à mortuis tertia die: sic erit anathema quisquis*

quisquis annuntiaverit Ecclesiam præter  
communione[m] omnium gentium: ac  
cætera deinceps; in quibus eam esse  
veram, cognitûque haud difficile[m]  
Ecclesiam docet, quæ per totum or-  
bem diffusa est, quæque (ut ait Boë-  
tius in libro de Trinitate) quod ejus  
cultus per omnes penè mundi terminos  
emanavit, catholica, vel universalis  
vocatur. Quo catholicæ vocabulo ab  
cæteris coaventibus, quæ falsò sibi  
Ecclesiæ nomen assumunt, vera Chri-  
sti Ecclesia distinguitur; ut Pacianus  
Epistola 1. Cyrillus Hierosolymi-  
tanus Catechesi jam citata xviii. Boe-  
tius, & Augustinus, libro de vera  
Religione, capite vi, & vii. & libro  
contra Epist. fundam. cap. iv. aliique  
complures asserunt. Quemadmo-  
dum & *Romane* vox eandem discer-  
nit ab reliquis: ut tantumdem sit  
dicere *Romanum*, quod Catholicum.  
Itaque Gregorius Turonensis testis  
est in libro de gloria Martyrum, ca-  
pite xxx. xxxv. & lxxix. *Romanos*  
ab hæreticis appellari consuevisse ho-  
mines nostræ, ut ille loquitur, hoc est

licæ Religionis, quoniam Cathedra illic est Petri, *Ecclesiæ Catholicæ matrix, & radix*, ut Cyprianus ait Epistola XLV. Cyrillus verò Alexandrinus *Pontificatus arcem* vocat, ut testatur Arnobius in disputatione contra Serapionem. Nec omittere possum pulcherrimum de eâdem elogium Gregorii Nazianzeni, quo & fidei, quæ in ea tempore suo prædicabatur, integritatem; & ejusdem principatum illustri præconio commendat; cùm è contrario altera & nova Roma, cui quondam præfuerat, ab Catholica defecisset fide. Sic igitur ille cecinit in Carmine de vita sua.

Τέτων ὃ πίσις ἡ μὲν λῶ ἐκ πλείους,  
 Καὶ νῦν εἴτ' ὅστιν οὐδ' ὀργῆς. ἢ ἐπ' ἑρῶν  
 Πᾶσθ' δέσσει τῷ σωτηρίῳ λόγῳ  
 Καθὼς δίκαιον ἢ περὶ δρόνον τῷ ὅλῳ,  
 "Ολλὼ σέβασθ' πλὴν θεῶν συμφωνίαν.  
 Ηδ' ὡς ἀπὸ δένδρον ὀρθόποιον, νῦν δ' ἐκεί.  
 Ταύτῃ λέγω δὴ ἢ ἐμὴν, εἴτ' ὅστις ἐμὴν.

*Hærum verò fides, ista quidem jam-  
 pridem,*

*Et*

*Et nunc adhuc prospero cursu progreditur, Occidentem*

*Totum adstringens salutari doctrina:  
Uti par est eam facere, quæ universis  
præsidet ;*

*Totam colentem Dei concordiam.*

*At illa recto quidem pede incedebat  
antè. nunc verò non item.*

*Hæc dico, quæ mea quondam erat :  
nunc non est mea.*

Sed & Augustinus Epistola cv. affirmat eandem ætate sua fidem Romana in Ecclesia perseverasse, cui Paulus testimonium præbet. Merito igitur Optatus Melevitanus adversus Donatistas veram sibi vendicantes Ecclesiam in secundo libro disputans, cum alias notas verioris affert Ecclesiæ, quæ in nullam aliam hodiè, nisi Romanam competunt : tum eam, quæ ex Petri Cathedra, & Romanorum successionem Pontificum ducitur. quod & Irenæus tanto antè fecit in tertio libro, capite tertio. Sed hæc obiter ; quæ eò spectant, ut hoc ostenderem, quod paullo antè posui, perfacile esse  
suis

suis notis veram Ecclesiam dignosce-  
re: nec eam latere posse, quæ ut ex  
Cypriano, libro de simplicitate Præ-  
latorum, refert Augustinus lib. II.  
contra Gaudentium, cap. II. *Domini  
luce perfusa, per totum orbem radios  
supers porrigit.*

Jam si & ubique diffusa, & palam  
omnibus cognita vera & Catholica est  
Ecclesia; (quod toties prædicat Au-  
gustinus in libris contra Donatistas)  
nunquam deest fidelibus, qui cum  
Sacramentorum, acrituum Communionē  
jungantur. neque porro causam  
ullam potest habere quisquam, prop-  
ter quam ab illa sese, quam solam esse  
veram, & Catholicam ignorare non  
potest, Societate distrahat. Hoc enim  
nihil aliud est, quàm sibi viam salutis  
omnem intercludere. Si quidem ex-  
tra Ecclesiam, & Ecclesiæ communi-  
onem salus est nulla. *Quisquis enim  
(ait Augustinus Epistola CLIII,) ab hac Catholica Ecclesia fuerit separa-  
tus, quantumlibet laudabiliter se vivere  
existimet, hoc solo scelere, quòd à Chri-  
sti unitate disjunctus est, non habebit  
vitam;*

vitam; sed ira Dei manet super eum. Et Gregorius Papa lib. xiv. Moral. cap. II. *Sancta* (inquit) *universalis Ecclesie* prædicat, *salvari veraciter nisi intra se non posse, asserens, quod omnes, qui extra ipsam sunt, minime salvabuntur.* Quocirca nihil sic debet formidare Christianus; ( ut verbis utar Augustini Tractatu xxvii. in Joannem) *quam separari à Corpore Christi.* Si enim separatur à corpore Christi, non est membrum ejus. Si non est membrum ejus, non vegetatur spiritu ejus.

Frustra ergo Dissertationis Auctor justissimas quasdam causas intermittendæ Communionis esse dicit; maxime tertiam, ut à partium communione abstinens liberius, solutiùsque exercere possit Christianæ dilectionis officia adversus dissidentes. Nam cum de vera & Catholica Ecclesia sermo est ( de qua sola hic à nobis agitur ) ejus sic amplectenda, ac retinenda communio est, ut ab reliquis omnibus, quæ illi adversantur, penitus abhorreamus; neque commune cum istis habeamus quippiam. Quocirca

ca neque Sacramentorum, ac symbolorum omittenda participatio est; quoniam obtineri aliter communio non potest. Quippe, ut Augustinus scribit libro XIX. contra Faustum, cap. XI. *In nullum nomen Religionis seu verum, seu falsum coagulari homines possunt, nisi aliquo signaculorum, vel Sacramentorum visibilium consortio colligentur: quorum Sacramentorum vis inenarrabiliter valet plurimum: & idēō contempta sacrilegos facit. Impiē quippe contemnitur, sine qua non potest perfici pietas. Potest quidem interdum fieri, ut ab usu sacramentorum, & communionē Ecclesiæ homo Catholicus abstineat: velut persecutionis tempore; si in cryptis ac latebris delitescat; aut alioqui sine periculo capitis ad Ecclesiam adire nequeat. Sed quas causas Dissertationis affert Auctor, eæ sunt nullæ. Quod enim ad primam pertinet, quam ejusmodi fingit; Si qui præpositi sunt Ecclesiis, professiones exigant quarundam assertionum, quibus alterius conscientia non assentitur: si hæc legitima est, Hæretici*



tici omnes extra culpam erunt : qui se  
 ideò ab Ecclesiæ unitate sciderunt ,  
 quod earum *assertionum professionem*  
*exigerentur*, quibus ipsorum consci-  
 entia refragabatur. Sic Arianî; sic  
 Nestoriani; sic Eutychiani; & no-  
 stro tempore Lutherani, Calvinianî-  
 que omnes iustissimè fecisse putandi  
 sunt, qui solam ( ut vocant ) *consci-*  
*entiae libertatem*, discessioni suæ, ac  
 schismati prætendunt. De assertio-  
 num itaque genere isto clariùs, ac li-  
 quidiùs Dissertatio loqueretur. Nam  
 si fallæ sunt, & Scripturis Concilio-  
 rûmque contrariæ decretis; non pos-  
 sunt ab Ecclesia probari, nec earum  
 extorqueri professio : si  
 quidem vera est Ecclesia Marth. 16. 18.  
 illa, & Catholica, quæ 1 Tim. 3. 15.  
*fundata supra petram, columna est, &*  
*firmamentum veritatis.* Quanto er-  
 go iustiùs conscientia ipsa corrigere-  
 tur; ut assertionibus istis ab Ec-  
 clesia sibi propositis assentiri auderet;  
 etiamsi propter nostræ intelligentiæ tar-  
 ditatem, vel vitæ meritum, veritas  
 nondum se appertissimè ostenderet.

P

Quod

Quod Augustinus libro contra Epistolam fundamenti, capite iv. præcipit. Nam de horum, quæ sibi proponerentur, æquitate, ac veritate, etsi nondum intelligeret, meritò dubitare non posset, si, quod gravis auctor scribit Epiphanius in Alogorum hæresi, quæ est LI. recordari vellet, Catholicam Ecclesiam *ἔχον τὴν ἀσφάλτην πλὴν διώκων, πλὴν ἀποδιώκοντων τὰ θανά, καὶ ὀλετήρια ἐρπετῶν διδάγματα.* habere vim bitumini similem, quæ mala & perniciofa, serpentinaque dogmata, doctrinæque propulsat. Sed enim præclare S. Hilarius in octavo libro, *Multi sunt (inquit) qui simulantes fidem, non sunt subditi fidei; sibi que fidem ipsi potius constituunt, dum quæ volunt, sapiunt, & nolunt sapere quæ vera sunt; cùm sapientiæ hæc veritas sit, ea interdum sapere quæ nolis.*

Sic altera illa causa communionis intermittendæ, subdolè, parùmque sincerè concipitur ita: cùm symbolica communio tendit ad testandam partis duntaxat alicujus fæderationem, rejectionemque aliorum non minus piè,

ac Christianè viventium, & ad salutem necessaria credentium. Etenim vera Ecclesia; quæ, ut dixi, sola hîc agitur, & à Dissertationis auctore debet intelligi; uti Catholica est, id est universalis; sic universos amplectitur, ac neminem respuit, qui piè Christianèque vivat: hoc est fidelis qui fit, & fidem integram præstet, quæ fundamentum est pietatis. Nam quod satis esse putat homini Christiano quæ sunt ad salutem necessaria credere, captiosè, & ambiguè loquitur. Si enim id eatenus interpretatur, ut ea scire, & explicatè, ac distinctè nosse sufficiat, quæ ad salutem sunt necessaria; verè istud dicitur, si quidem de idiota, & imperito homine sermo sit. (Nam plerisque ipsa gradus, ordinisque conditio notitiæ cujusdam exquisitoris affert necessitatem.) Sin illud intelligit sic, ut in iis tantummodò, quæ ad salutem sunt necessaria, Ecclesiæ auctoritatem sequi oporteat; in cæteris etiam contra illam sentire, eique adversari liceat; vehementer errat. Perinde enim

est ac si quis dicat, in iis, quæ ad salutem pertinent, scripturæ adhibendam esse fidem; in aliis dissentire fas esse. Velut in præteritarum rerum narrationibus, & historiis: quæ nostra nihil interest, hoc modo, an secus evenerint. Quod falsum & impium esse dictu, Christianus nemo dubitat. Quamobrem multa, quæ in scriptura, vel in Ecclesiasticis dogmatibus continentur, ignorare salva pietate & Catholica communione possumus. Quippè, ut rectè Prosper adversus ingratos capite xxxv. cecinit.

*Multa etenim bene testata latent, ne-  
scitæque prosunt,  
Dum mansueta fides quædam dilata  
modestè  
Sustinet, & nullo ignorat non edita  
damno.*

Verùm contradicere, ac pro falsis habere quæ utrobique traduntur, sine grandi scelere, ac fidei, salutisque jactura non possumus. Cum enim principium

*principium verborum Dei veritas sit* (ait Ambrosius in Psal. c x v i i i. O-  
cton. xxi) *veritas utique fidei firma-*  
*mentum est. Primum etenim oportet*  
*ut credamus vera esse Dei summi, quæ*  
*in Divinis scripturis legimus oracula.*  
Nec minus vera sunt, & ab iis ere-  
denda, qui doceri ab Ecclesia no-  
runt, quæcumque illa prædicat: cu-  
jus auctoritate ut Evangelio, scriptu-  
risque adeò crederet omnibus, com-  
moveri se fatetur Augustinus in libro  
contra Epistolam fundamenti ca-  
pite v.

Tertia denique causa, cur ab com-  
munionem partium, si quando dissidia  
nata sunt, abstinere aliquis possit; uti  
dissidentibus charitatis officia præstet:  
absurda est, si partium illarum una  
sit vera & Catholica Ecclesia, cujus-  
modi ab Auctore Dissertationis in-  
telligi par est; nisi frustra conflictari  
tota illa Disputatione velit. Quis  
enim, nisi demens, aut atheus, studio  
commodandi alienatis ab Ecclesia Ca-  
tholica vel hæreticis vel schismaticis,  
licere sibi putet ab illius communio-  
ne

ne recedere; & quo nihil formidandum magis esse dicit Augustinus Tractatu in Joannem xxvii. id sibi sponte, voluntatēque arcessere, ut se ab Christi corpore sejungat? Quis aut Petro Apostolo sapientior: aut majoris spe utilitatis induci potest, quā prae se ferebat ille dum tantisper non ab Ecclesiæ Catholicæ, sed ejus partis cuiuspiam communione, hoc

Gal. 2. 12. est ab gentibus Christianis subtrahebat, & se-

gregabat se, timens eos, qui ex circumcisione erant? At is ob eam simulationem meritò est à Paulo reprehensus; qui se illi in faciem restitisse ait ad Galatas scribens, c. II. quia reprehensibilis erat. Si reprehensione dignus est, qui ab alicujus partis Ecclesiæ communione abstinet, ut alteri ejusdem Ecclesiæ parti consulat; credo reprehensionem is effugiet, qui ut adversariis Ecclesiæ commodet, ab totius se hujus communione divellit. Non erit opinor; neque sub illa specie quisquam ab communione sacramentorum, ac symbolorum abstinens,  
sola

sola interiori, & occulta fide potest Catholicus esse contentus. Quoni-

am & *qui mecum non est*

(ait Christus) *contra me*

Luc. 11. 23.

*est; &, ut Apostolus di-*

Rom. 10. 10.

*cit, corde creditur ad justitiam, ore*

*autem confessio fit ad salu-*

*tem, &, Qui me negaverit* Matth. 10. 33.

*coram hominibus, negabo*

*eum coram Patre meo, qui in cælis est.*

Quibus locis, aliisque sexcentis ex-

ternæ fidei professionis necessitas im-

ponitur: quæ in usu sacramentorum

majori ex parte; in externa autem

cum Ecclesia Catholica communione

tota consistit.

## CAPUT V.

*De duplici scripturæ loco; altero Joannis sexto, in quo usus Eucharistiæ præcipitur: altero Joannis tertio; ex quo Baptismi necessitas adstruitur. Uterque falsò ab Dissertationis auctore acceptus. Sine Baptismo parvulos in æternum perire.*

**D**UO sunt ex tota Dissertatione, Scripturæ loca reliqua, quibus quoniam externa illa, quam dixi, professio communióque Sacramentorum, tanquam necessaria, præscribitur, ideò Dissertationis hæc auctor ab vero, & germano sensu detorquere conatus est.

Primus est Joannis VI. 53. *Nisi manducaveritis carnem Filii hominis, & biberitis ejus sanguinem, non habebitis vitam in vobis.* quibus verbis præceptum dedit fidelibus vescendi corpore



corpore suo, ac bibendi sanguinis sui. Ita veteres omnes hunc locum interpretati sunt, & Catholici recentiores, paucissimis exceptis. Porro Lutherus; deinde Calvinus ex hæreticorum grege ab communi, & antiqua, & verissima illa sententia deflexere: ut de fide, ac spirituali alimonia potius intelligerent, quam tum consequimur, cum in Christum, ejusque passionem, ac resurrectionem credimus. Plerique tamen ex amboꝝ discipulis quâ scientes; quâ imprudentes in communem incidunt: dum ex hoc eodem loco Catholicos urgere se putant ad usum calicis promiscuè omnibus permittendum. Neque enim locus alius est, ex quo illius necessitas tam perspicuè suaderi possit.

Non ero longior in hac re disputanda, quæ alterius & otii est, & instituti. Complures eam tractavere cum interpretes; tum propriis scriptis Theologi, interque cæteros Maldonatus eruditè in hoc argumento versatus est in Commentariis ad illum locum. Nec dissentit Augustinus; quod Dis-

Q

sertatio

sertatio purat. Sed in hujus, aliorumque Patrum explicandis locis immorari piget. quod illi, in quos digitum intendi, plenis commentariis occuparunt.

Nam quod Dissertationis objicit scriptor, ex illo loco antiquos perperam colligere solitos usum Eucharistiæ etiam infantibus esse necessarium, primum in eo ipso pugnancia loquitur. Non enim ita concluderent veteres; nisi de *symbolorum Eucharisticorum*, ut ipse vocat, usu, ac reali manducatione Christi verba illa caperent. Atqui Augustinum auctorem allegat idem contrariæ interpretationis, quæ de sola fide istic agi censet, cum tamen ejus opinio, quæ parvulis necessariam esse Eucharistiam constituit, acerrimus contra Pelagianos patronus ille fuerit, ut in libro 1. de Peccat. mer. & remiss. cap. xx. & Epistola CVII. & aliis in locis. Deinde vel iste ipse conflictus antiquorum arguit, quàm non cujusvis sit scripturarum interpretari sensum, ac fidei illius

illius ex verbis dogma concludere; ac si ὁ πρῶτος præcisè spectemus, neque in ejus pronuntianda sententia ex Ecclesiæ auctoritate pendeamus, quàm proclivis in errorum præcipitia sit lapsus. Uno verbo; neque nos illis Christi verbis præceptum putamus editum fuisse, dandæ parvulis Eucharistiæ; non magis, quàm amentibus, ac furiosis. & tamen de *reali* sacramenti ( ut vocant ) usu illa eadem interpretamur. qui usus ex Ecclesiæ more, ac judicio, non pro cuiusque arbitrio, ac libidine moderandus est. Neque enim si nihil expressè Christus de tempore participandæ Eucharistiæ, ac modo præcepit, ideo cuilibet fas est sibi, quam velit, illius usurpandæ regulam præscribere. Immo verò communis omnium matris Ecclesiæ pro lege amplectenda est auctoritas; vti censet Augustinus in Epistola Lxxxvi. *In his* ( inquit ) *rebus, de quibus nihil certi statuit divina scriptura; mos populi Dei, & instituta majorum pro lege tenenda sunt:* ac tantum abest ab eo,

ut Ecclesiasticas sanctiones, ac scita  
 majorum inter ἀρχαῖα referri sinat;  
 quæ cuivis observare, aut omittere  
 pro libito fas sit, ut sicut prævarica-  
 tores divinarum legum, ita contempto-  
 res Ecclesiasticarum consuetudinum co-  
 èrcendos esse sentiat. Cui & Basilius  
 adstipulatur in Epistola ad Amphilo-  
 chium, Et in libro de Spiritu S. ca-  
 pite xxvii. ubi pleraque dogmata  
 Ecclesiæ, sine scripto, traditione sola  
 constare dicit: maximè illa, quæ ad  
 usum sacramentorum attinent; quæ  
 majores nostri minus literis commen-  
 darunt, καλῶς διδιδασκόμενοι τῶν μυστη-  
 ρίων τὰ σιμναὶ σιωπῇ ἀκολουθεῖται, ἃ γὰρ  
 οὐδὲ ἐπιπλέον ἐξέσι τοῖς ἀμλήτοις, τούτων  
 πῶς αὖ ἦν εἰς τὴν διδασκαλίαν θεριαμ-  
 βόην ὃν γράμμασι; Rectè, inquit,  
 edocet, Religiosa Sacramentorum arca-  
 na silentio conservari. Nam quæ ne  
 aspicere quidem nondum initiatis licet;  
 quæ tandem consentaneum erat eorum  
 disciplinam literis publicè traducere?  
 Egregius omninò locus, & ad Dissen-  
 sationis confutandam rationem ap-  
 tissimus: quæ pro eo quod de usu  
 sym-

symbolorum Eucharisticorum nihil expresse Christus edixerit, aut in Scripturis proditum extet; Christianos ad simplicem illam rudemque Disciplinæ formam revocat; & pro cujusque arbitrio ab communione totius Ecclesiæ, communionisque tessera, hoc est participatione Sacramentorum abstinere permittit. Quid enim aliud facit, cum justissimam esse causam hanc intermittendæ communionis cum Ecclesia Catholica demonstrat, *ut liberius exerceri possint Christianæ dilectionis officia adversus dissidentes?* Utique enim nunquam *justissima* illa causa deerit: quia perpetuò qui ab Ecclesia dissident futuri sunt, hæretici ac schismatici: quorum salus & conciliatio tanti esse debeat, auctore Dissertatione; ut communionis cum Ecclesia, ac salutis adeò propriæ jactura recuperanda sit. Sic non optare solum cum Apostolo Paulo, si fieri posset, *ἐὶ ὀυκῶντες, ἐὶ ὀυκῶντες*, ut Photius, alique Græci Interpretes exponunt; sed reipsa se anathema facere, & ab Christo, ejusque corpore

corpore sejungi, non pro fratribus; sed pro extraneis, & hostibus *justissimum* esse Dissertationi videtur: pro iis, inquam, quos idem Apostolus ~~autem~~ *autem* ~~propter~~ *propter* proprio judicio condemnatos appellat in ea, quæ est ad Titum, capite III. II. quosque post unam & secundam correptionem devitandos admonet. Quanto tutius est in illa ipsa manere; si in ea est adhuc, Ecclesia: si non est; ad eam adjungere sese; ab illius communionē ne punctum quidem temporis recedere; illam denique magistram, & scripturarum, & Traditionum custodem, & interpretem auscultare; cui condendarum legum, &, ut iis obtemperarent, cogendorum fidelium potestas divinitus est facta? Nisi fortè illud nobis excidit, quod Apostolus ad Romanos scribit capite xiii. *Omnis anima potestatibus sublimioribus subdita sit. Non est enim potestas nisi à Deo; quæ autem sunt, à Deo ordinate sunt. Itaque qui resistit potestati, Dei Ordinationi resistit. qui autem resistunt, ipsi sibi damnationem acquirunt. Ideo*  
*necessitate*

*necessitate subditi estote, non solum propter iram, sed etiam propter conscientiam.* Neque enim adeo quenquam insanire puto, ut quod Apostolus de observandis gentilium principum legibus, & Edictis, velut Neronum, ac cæterorum Christiani populi carnificum, sanxit: quibus non metu solum, sed etiam *propter conscientiam* parendum esse decernit; idipsum non ad spirituales, Ecclesiasticasque potestates multo magis accommodandum censeat: quæ & potestates sunt, & ex eodem divinæ auctoritatis fonte manarunt. Nam, *Quis vos audit, me audit* (ait Christus Lucæ x. 16.) *& qui vos spernit, me spernit.* Et, *Si autem Ecclesiam non audierit; sit tibi sicut ethnicus, & publicanus.* Math. xviii. 17.

Habet autem vim legis præscriptive fidei, non expressa tantum imperantis Ecclesiæ auctoritas; sed usu, ac voluntate illius corroborata consuetudo, ac traditio: ut iidem paulo à me antè citati Patres asserunt, Basilii, & Augustinus; tum Eusebius

bis Cæsariensis lib. i. de Demonstratione pag. 20. Gregorius Nyssenus libro III. cap. iv. Porro in eo, de quo modo agitur, usu sacramentorum, & communione; nec non in Christi verborum apud Joannem interpretatione; utrumque convenit; & traditio consuetudoque; & viva Ecclesiæ vox, Conciliorumque decreta, *quorum est in Ecclesia saluberrima auctoritas* (ait Augustinus Epistola cxviii.) quibus quidem *qui resistit, Dei ordinationi resistit*, tantum abest, ut injussu Ecclesiæ; immò renitente, ac vetante illa, κατ' οἰκονομίαν, & συγκατάβασις, aut cujuscumque spe lucri, atque commodi; ejusmodi aliquid usurpare liceat. Quid enim absurdius est, quàm istud ipsum, quod pœnæ loco adversus delinquentes Ecclesiæ, Conciliorumque decreta constituunt; ut aliquanto tempore à communione fidelium, & participatione sacramentorum abstineant; sibi hoc quemque sponte sua, ac citra ullum crimen imponere? Sed de hac re plus fatis.

Supereſt



Superest locus alter ex Joannis capite III. 5. ex quo baptismi necessitas ostenditur: *Nisi quis renatus fuerit ex aqua & spiritu; non potest introire in regnum Dei.* Quem locum de Baptismi sacramento Catholici omnes accipiunt; ut & veteres omnes; præsertim qui adversus Pæagianos scripserunt: qui, quod isti negabant, cum Originali peccato nasci parvulos: & nisi gratia magis actoris per Baptismi Sacramentum reipsa susceptum succurreret, ituros in æternam damnationem iisdem ex illis verbis docuerunt. Quod in omnibus libris accuratissimè testatur Augustinus, quibus illam oppugnavit hæresis. Idem & Prosper, & Fulgenius alique tradunt: quos commemorare longius sit; & quod caput est, plenaria Concilia, ac tota deinceps Ecclesia constantissimè hætenus tenuit. At Dissertatio errorem hunc vocat, putare vel in illo Joannis loco agi de Baptismi Sacramento, quod in aqua confertur: vel parvulos sine eo

R

æter-

æternis pœnis obnoxios esse. Quasi Christianus ullus ab Augustini præsertim seculo, ac post auditum Pelagianæ nomen hæresis, aliter senserit, aut scripserit; aut de eo vel levissimam dubitationem habuerit.

Quinetiam longè ante Augustinum, ac Pelagiana tempora, idem tradidit Cyprianus; quem contra Pelagianos testem citat Augustinus libro tertio de Peccat. merit. & remis. cap. 5. Sic enim ille in Epistola ad Fidum, quæ est LIX. interrogatus utrum Baptismus parvulis ante octavum diem dandus esset; minimè differri oportere respondet; ne illorum anima pereat. *Nam cum Dominus in Evangelio suo dicat; Filius hominis non venit animas hominum perdere; sed salvare: quantum in nobis est, si fieri potuerit, nulla anima perdenda est.* Perituræ igitur infantium animæ sunt; nisi baptismi illis unda succurrerit. Unde verò pernicies animis hæc incidat, postea declarat, & originalis peccati labem detegit his verbis: *Porro*  
*antem*

*autem si etiam gravissimis delictoribus, & in Deum multum ante peccantibus, cum postea crediderint; remissa peccatorum datur, & à Baptismo, atque à gratia nemo prohibetur: quanto magis prohiberi non debet infans, qui recens natus nihil peccavit, nisi quod secundum Adam carnaliter natus contagium mortis antiquæ prima nativitate contraxit? Idem & in plenario totius Africæ Concilio Sancitum est Canone 2. ex iis, qui Milevitanae secundæ Synodo perperam inscribuntur, cum sint Carthaginensis, ut ex Cœlestini Papæ Epistola ad Episcopos Galliæ constat. Et ante hoc Concilium, duo alia provincialia istud ipsum decreverant; Garthaginense, cujus extat synodica, quæ in Augustini Epistolis est xci. ubi inter cætera Patres, Parvulos etiam (inquiunt) propter salutem, quæ per salvatorem Christum datur, Baptizandos negant: ac sic eos mortifera ista Doctrina in æternum necant; promittentes etiamsi non Baptizentur, habituros vitam æternam. Et Milevitanum:*

cujus item synodica, quæ apud Augustinum est xci i. sic habet: *Pueros quoque parvulos, si nullis innoventur Christianæ gratiæ Sacramentis, habituros vitam æternam, nequam præsumptione contendunt. Nec illustre cum primis ejusdem Augustini testimonium ex infinitis, ut constat, omiserim. qui in Sermone xxxiii. de Diversis, miraculum insigne refert infantis nondum Baptizati, sed adhuc Catechumeni, Sancti Stephani meritis ad vitam excitati: itaque scribit: Mulier quædam amisit in gremio egrotantem filium Catechumenum infantem lactentem. Quæ cum vidisset amissum, & irreparabiliter perditum, cæpit eum magis flere fideliter, quàm mater. Non enim filii sui desiderabat vitam, nisi in futuro seculo; & hanc sibi ablatam, & periisse plangebat, &c. Vides ut infantem nulla sua culpa irritum, atque etiã parentum fide, ac pietate, si quid ea, sine Baptismo posset, adjuvandum utique, hoc est Catechumenum; quia Baptismo carebat*

rebat, *amissum, & irreparabiliter per-*  
*ditum* affirmat Augustinus. Unde  
 autem hæc Baptismi necessitas ad par-  
 vulorum salutem, nisi ex illo Joannis  
 loco, de quo agimus, ab illis colligi-  
 tur? Declarat id Augustinus idem  
 cum aliis in locis, tum in Epistola cv.  
 sub finem: *Sicut ergo audiunt Domi-*  
*num dicentem: Qui non renatus fuerit*  
*ex aqua, & Spiritu Sancto, non intra-*  
*bit in regnum cælorum; propter quod eos*  
*Baptizandos esse concedunt, &c.* Tum  
 lib. 1. de Peccat. mer. & remiss.  
 cap. xx. Eadem est & cæterorum Pa-  
 trum, consentiēsq̃ue doctrina. Ita-  
 que Molinæi Ministri notanda hoc  
 loco est inscitia, qui in Clypeo Fidei,  
 Parte 2. Sect. xix. pro magno ab-  
 surdo Catholicis Romanis hoc obji-  
 cit; quod ita doceant, absque Bap-  
 tismi remedio, in æternum perituros  
 esse parvulos. Quod profectò nun-  
 quam exprobraret; neque in tam  
 trita, & usitata re peregrinaretur, si  
 quid Augustinus; quid Ecclesiastica  
 antiquitas, & historia; quid Theolo-  
 gia

giadenique sit, vel minima ex parte cognosceret. Sed de hac re plenius alias: quam hîc obiter, & ut Dissertationis Auctori satisfaceret, paucis perstringendam habuimus.

---

Selectarum

---

843. *f* 20

3

---

Joan. Clopenburgii  
DISPUTATIO  
SELECTA.

---





---

Selectarum Disputationum Theologorum IV.

D E

Sacramentorum Christianæ Religionis  
Institutione, antiqua, an nova.

*Cum Censura in Dissertationem Anonymi de  
Cœna, An semper Communicandum per Symbola.*

13 Augusti 1640.

I. **D**Isquisitio hæc connexa est dis-  
quisitioni de vera Antiquita-  
te Religionis Christianæ ; ut liqueat,  
an Sacramentorum Baptismi & Cœ-  
næ Dominicæ Institutione demonstra-  
ti possit in Fundamento Religionis  
facta Novatio, quæ adsertam à no-  
bis Antiquitatem destruat : quod  
pernegamus, quia statuimus Nova-  
tionem tantum factam in visibilibus  
signis Sacramentalibus, manente ea-  
dem re signata, quæ olim antiquis,  
nunc

nunc novis Sacramentis significatur, & credentibus obsignatur: sola interveniente differentia Evangelii, olim exhibendi, nunc exhibiti Christi.

II. Contra novatores, qui *Rem* signatam novant in Regione Christiana, ut nemo somniet nova dogmata, putavit vir doctissimus Brouthornus, sed sæpe hyperbolicus, commentario in *Danielem* pag. 46. ne signa quidem visibilia in Baptismo & Cœna Dominica Novè à Christo mandata, De Baptismo inquit Celebrato *Judeis* inde à temporibus Davidis & Salomonis ex collectione ad Legem, non aperto mandato (*Exo. 19. Maimon. tom. 2. fol. 136.*) sigillum instituit intrandi in requietem Messie & abjiciendi reliquas ceremonias. *Judeorum infirmitatem*, ex inventis super lumine naturæ fundatis, ad magnos usus reducit. Ex pane & vix sanguine partibus Cœnæ Agni, haudquaquam ex mandato, sed ex communi prudentia, quam Deus animis insculpsit sancit sigillum sui ipsius veri corporis & sanguinis, &c.

III. Laudat

III. Laudat Broughtonum Anonymus Novator qui nuper edita *Dissertatione de Cæna*, Problemate illo *An semper Communicandum per Symbola*, hoc satagit præter & contra Broughtoni mentem, ut neget in ritibus illis sanctionem & institutionem sigilli absolute divinam esse, aut *habere*, ut ille loqui amat, *definitum imperium*, hoc est præceptum semper obligans ad communicandum per Symbola. Quia scilicet *verissimum est quod vir doctissimus Hugo Broughtonus ad Danielelem notavit, Nullos à Christo institutos ritus novos.*

IV. De Novorum *Rituum institutione* haud repugnamus, nullos Christum nove imperasse, qui inauditi vel inusitati essent Judæis, adeoque offendiculo esse possent: atque hic communi prudentia quam mandato Christum uti maluisse in utriusque Sacramenti institutione: Sed absque novorum externorum rituum institutione, nolle agnoscere, Novam in ritibus antiquis, novi *Sacramenti & sigilli divinam institutionem*, & cum institutione,

tione conjunctum mandatum & præceptum de Sacramenti & figilli usu: vel indoctum vel impium est.

V. Operæ precium erit sigillatim de utroque Sacramento disquirere ad Dissertationem: ex hujus disputationis scopo: *Baptismus, inquit, in more erat Hebræorum, quoties aliquis ab Idololatria, ad Judæismum accederet: Meminit sæpe Maimonides, & in hunc diem mos ille apud Judæos manet. Johannes Baptista ut ostenderet Judæos, quanquam unius Dei cultum profitentes, moribus ea ætate non minus fuisse corruptis & à Lege Dei dissentaneis quam ii erant qui falsos Deos colebant, ac proinde expurgationis egentes, à pari ad par translato veteri Baptizandi ritu, id ipsum significavit. Esto hoc verissimum: at falsissima est notatio marginalis ista: Baptismus Johannis non primo neque absolute divine institutionis est; sed ex hypothese, & conditione moris apud Judæos recepti, quatenus iste ad id quod prædicabat Johannes rite transferri ac usurpari se sinebat.*

VI. Pergit

VI. Pergit Dissertator: *Servavit*, inquit. *morem in utroque genere hominum Christus*, addita professione sui quoque nominis & promisso Spiritus S. Servavit ergo Christus. si dissertatorem audimus, morem Judaicum à Johanne servatum, & non dedit illum Apostolis in mandatis, absolute definito imperio, sed ex hypothese & conditione moris apud Judæos recepti: ut ubi Judæorum & moris Judaici non esset habenda ratio, non esset imperatus Baptismus aquæ: Quæ est ipsissima Socini & Socinianorum sententia, qui verbis Pauli 1. Cor. 1. 17. male arreptis, quæ non absolute sed comparate accipienda sunt, negant Christi mandato prædicationi Evangelii ad finem mundi duraturæ, Baptismi administrationem annexam esse. *Socinus disput. de Baptismo.*

VII. Quod asserit Dissertator *Baptismum Johannis non primo neque absolute divine institutionis fuisse*, contradicit Johanni dicenti Deum misisse ipsum ad Baptizandum aqua Joh. 1. 33. & Christo asserenti Baptismum

Johannis è Cœlo esse, Mat. 21. 25.  
 Et refellitur ex hypothefi de imperata  
 Johanni prædicatione, verbis Marci  
 istis Baptizabat Johannes in deserto,  
 & prædicabat Baptismum. Marc. 1.

4.

VIII. Quod dicit Christum *addi-*  
*disse* moris Judaici Baptismo servato  
*Professionem sui quoque nominis & pro-*  
*missum Spiritus S.* verum est, non ex  
 mente Dissertatoris, de illa tantum  
 Baptismi dedicatione nova quæ facta  
 est die ascensionis Christi, sed de prima  
 institutione Baptismi Johannis & dis-  
 cipulorum Christi: Promittebat enim  
 ab initio\* Johannes vere resipiscenti-  
 bus à se Baptizatis aqua, in nomine  
 Christi, Baptismum Spiritus S. Mat.  
 3. 11. Marc. 1. 8.

IX. Vera differentia inter divinam  
 primam Baptismi institutionem, & il-  
 lam Baptismi dedicationem Christi  
 jussione factam die ascensionis, hæc est:  
 quod prima institutione & mandato  
 divino, Baptismus non antiquarit Vetus  
 Circumcisionis Sacramentum, nec præ-  
 putiatis fuerit administrandus, quip-  
 pe

pe qui vocandi non erant ad Ecclesiam, neque Ecclesiæ inferendi novo Sacramento, tantisper, donec ad antiquationem circumcisionis intercessisset mors Christi. Altera autem Baptismi dedicatione illa, quæ facta est Christi mandato die Ascensionis, dedicatum est Baptismi Sacramentum illi Initiationi in Ecclesiam cui serviebat Circumcisionis Sacramentum: ut cum Judæis circumcisis communi initiationis Symbolo cooptarentur etiam præputiati, nomen Christi professi.

X. Suo se indicio prodit Dissertator, quod, pretextu Antiquitatis, propter quam nova Baptismi Institutio nulla sit. Velit Baptismum cum Judaïcis ritibus antiquarum, hætenus saltem ut non sit magis necessariæ observationis quam antiquus *ritus Impositionis manuum*, recensens varium ritus illius usum, in *orando pro ægrotis, confirmando baptizatos, ordinando pastores, absolvendo criminum fontes, Matrimonio benedicendo*: quorum nullus habet sigilli sanctionem aut institutionem, qua-

quapropter libere in sola Pastorum ordinatione illum retinent Ecclesiæ reformatæ, ad significandam non ad obsignandam spem divine efficacis quæ Pastoribus optatur.

XI. De Cœnæ Dominicæ institutione sic differit dissertator: Mos erat Hebræorum qui & nunc manet Festis diebus quos bonos vocant, vocare ad cœnam propinquos vicinos aut amicos supra decem, infra viginti, &c. Cœnæ fine panis melior ac frangi facilis adferebatur: de eo particulas convivator dividebat convivis. adferebatur & calix qui & ipse à convivatore libatus ibat in orbem. Addebantur verba Deo gratias agentia, quod creasset panem ex terra ac fructum vitis ΠΑΝΤΟΣ γίνωμεν ἀμπέλου, Accedebat historia ad diem respondentis grata commemoratio ὕμνος & εὐλογίας sive εὐχαριστίας quæ duo idem valent. In paschate pro exitu ex Ægypto. In Pentecoste pro data lege. In σκηνοπηγίας pro ductu & alimentis per loca deserta. Christus adjici voluit mortis suæ cruentæ commemorationem. Quorsum hæc; Observanda Institutionis Cœnæ occasio

ex



*ex more sumpta Hebræorum, cuius moris descriptio est apud Scaligerum lib. 6. de Emendatione temporum. & apud Paulum Fagium ad Chaldaicam Paraphrasin Deut. cap. 8. Vide Scalig. pag. 571, 572, 573, 574. edit. anni 1629.*

XII. Admittimus hæc quæ ex ipso Fagio & Scaligero olim deducimus, admittimus quoque lubentes notationem Picherelli dissertatione erudita de Missa pag. 136, 137. ut quemadmodum Paulus verba Christi explicans addit τὸ τοιοῦτον ὅσους ἂν τοιοῦτον εἰς τὴν ἐμὴν ἀνάμνησιν, hoc facite quotiescunque feceritis in mei recordationem: pari modo in altero membro suppleatur ὅσους ἂν φάγητε Quotiescunque comederitis. Sed negamus aut Christo aut Paulo aut Picherello ipsi in mentem venisse, Intelligendum hic ὅτι τοιοῦτον, Quoties Festas cœnas habetis, & more solito isto postcœnio eas clauditis: ut extra Judaicas Cœnas Festas & postcœnia, non sit definitum imperium seu præceptum Christi, communicandum esse per Symbola panis & vini verbis illis, Hoc facite, expressum: sed ut instituta

tuta tantum sit Cœna Dominica ex hypothefi moris Judaïci, quo cessante ipsa cesset.

XIII. Ex ista Dissertatoris Hypothefi tam Communicationem per Symbola in Cœna Dominica, quam convivationes Festas & postcœnia Judaïca, jugulat verbum ill d Apostolicum Coloss. 2. 16. Ne quis vos judicet ob cibum vel potum, aut respectu diei Festi aut novilunii, aut Sabbatorum.

XIV. Neque ex dissertatoris Hypothefi Antiquationi Cœnæ Dominicæ, una cum Festorum Judaïcorum & Cœnarum ac postcœniorum antiquatione, intercessit, Quod ut ipse disse-rit *Paulus gentium Doct̃or utilem ritum etiam ad Gentes perduxit, occasione usus alterius moris, quem eadem Gentes in falso Deorum cultu observaverunt: moris enim, inquit, erat apud eas, ut quoties quis sacrificasset extorum pars ei redderetur ad quam vocabat convivæ: (quod ex Aristophane, ex Scholiaste ad Plutum, ex Plauti Milite glorioso, ex ejusdem Pœnulo, & Virgilii Eclog. 3. doceri hic operæ precium erat, scilicet.)*

scilicet.) Quia *Proprie*, si Dissertatorem audimus, *Hebræos* quibus mos erat celebrandi talia postcænia Christus excitatos voluit, &c. Et quod Gentibus de Cœna Dominica tradidit Paulus, *Præceptum* nusquam vocat sed *institutum*, παρέλαβον ὁ ἔ παρέδωκε.

XV. Translationem Cœnæ Dominicæ ab Hebræis ad Gentes, quæ sit institutum destitutum præcepto seu definito imperio, frustra extorquet Dissertator ex Pauli istis verbis, Accepi quod & Tradidi, 1 Cor. 11. 23. quia si verbis istis liberatur Christianorum conscientia, ut Cœna Dominica, quod ille urget, facile ex causa probabili omitti se ferat, liberatur quoque conscientia ut facile ex causa probabili negligatur Fides mortis sepulturæ & Resurrectionis Christi: quia illam Tradidit Apostolus, eadem Traditionis formula παρέδωκε ὁ ἔ παρέλαβον. Tradidi quod & accepi 1 Cor. 15. 3, 4. Corruet ista verborum perversione omnis divina Auctoritas Traditionis Apostolicæ scriptæ, quæ maximam partem facit Scripturæ

N. T. T XVI.

XVI. Mirari licet quomodo conciliari ista possint, non esse ritum Cœnæ Dominicæ apud Gentes novè institutum : sed ab Ethnicis, convivas post Sacrificium in falso cultu ad exta vocantibus, *amoto vitio, ad eos qui Christianismum susceperant traductum à Paulo* : Et esse eundem ab Hebræis etiam ad Gentes perductum, à Paulo, occasione alterius moris quem Gentes in falso Deorum cultu observaverant, Quomodo inquam conciliari possint ; absq; syncretismo aliquo Hebræorum Christianorum cum Gentilium Deorum falso cultu ad lucrandos scilicet Ethnicos : quomodo quidem cum Hebræorum externo Mosaïco qui sua origine erat institutionis divinæ, utili syncretismo ad tempus usi sunt Apostoli : sed cum Ethnicorum in falso cultu moribus *εὐχρητισμὸς* nefas fuit.

XVII. Indocte confundit Dissertator ritum in falso cultu sacrum, cum convivatione extra cultum & tempus cultus falsi, quam veteres Christiani præmittebant, *cum gratis pro creatione rerum, ac nominatim panis vinique;*  
ante

ante postcoenium sacrum, in quo erat  
mortis Christi commemoratio. Con-  
vivatio illa ( qua veteres illi Christi-  
ani *juxta Christi præsceptum Luc. 14.*  
*3. divitum sumptu meliuscule excipi-*  
*ebant pauperes, unde αἰγάριον nomen )*  
erat Adiaphorum Civile, cui libere  
annectebatur postcoenium sacrum : ut  
si postcoenium sacrum non esset ex  
Traduce illo, præpostere ex eo cen-  
seretur esse Convivatio civilis.

XVIII. Libere cum illa conviva-  
tione civili Christianorum connexum  
fuisse postcoenium Cœnæ Dominicæ,  
& hodiè rite ab illa separatum : docet  
consilium Apostolicum, quod Co-  
rinthiis scriptum, propter corruptos  
convivationis civilis mores : quo sua-  
sit, ut, relegata ad aedes privatas con-  
vivatione, servaretur in cœtu Eccle-  
siæ tantum Cœna Dominica, ritu sa-  
cro communicationis institutæ per  
symbola panis & vini, 1 Cor. 11. 20,  
21, 22. 33. 34.

XIX. Ex Dissertatoris hypothe-  
sibus, quandoquidem Cœna Domini-  
ca est Traduce ( vel Institutionis

inter Hebræos antiquatæ cum antiquatis ipsorum Cœnis sacrificialibus Feltis, & postcœniis: vel moris alterius inter Ethnicos observati in falso Deorum cultu, qui jam inter Christianos exolevit:.) Antiquatam quoque esse ipsam necesse est, sicut Baptismum aquæ antiquatum audivimus, hypotheli simili: ut non necessario Christianis communicandum sit per symbola panis & vini, præcepti alicujus divini religione: ac fiat communicatio illa per symbola extra obedientiam præceptorum Dei quæ in Christianismo totum facit.

XX. Dissertator ille pergit *ωεεφάο* disputare, *Dari nonnunquam ob causas justas Communionis Symbolicæ intermissionem: Æquum esse ubi conflictus est, signa credere rei significatæ, putamen nucleo: Quis negat? Sed hac ωεεφάο conatur hoc efficere, ut facile ex causa probabili omitti se ferant sacra Cœnæ Dominicæ symbola; atque ut de illis idem fiat quod factum est de Serpente aneo à Mose facto, quem quod in non rectos usus vulgo vertebatur fregit*

*fregit Rex Ezechias : quod iniquissimum est postulatum ;*

XXI. Ut intercedamus huic rituum sacrorum vetustatis demonstrationi iniquæ, ob quam cogitandum sit de Baptismi & Cœnæ Dominicæ antiquatione in Religione Christiana, *ut scilicet liberius solutiusque exerceri possit dilectio, illa quæ in Christianismo totum facit*, demonstrandum est, nunquam, absque Sacramentis visibilibus seu sigillis annexis, institutam fuisse & imperatam à Deo Religionem, in quacunque vel Fœderis operum, vel Fœderis gratiæ Veteri aut nova visibili oeconomia.

XXII. De Oeconomia visibili Fœderis operum ante lapsum, ostensum est præcedenti Disp. Thes. 10. & 11. habuisse illam Verbo promissionis Legalis annexum Sacramentum Arboris Vitæ obsignans vitam æternæ celestem.

XXIII. In Oeconomia Fœderis gratiæ Veteris ante Christum annexa Verbo Sacramenta vel fuere Communia, & Vetustissimæ periodo il-

li temporis ab Adamo ad Moſem, & Veteri à Moſe ad Chriſtum : vel Moſaïcæ œconomiz Fœderis propria. Communia illa, fuere Sacramenta ſacrificialia, ſanguinis aſperſio, Victimarum *ἱμνεῖσθαι* in Altari victimas ſanctificans, Convivatio ex victimarum carnibus : quibus viſibilibus ſymbolis Deus Sacrificantibus ex Fide, & Donis ipſorum, teſtimonium perhibebat quod juſti eſſent, Heb. 11. 4. Fides Sacrificantium neceſſario ſupponit Verbum Dei, eſt enim ex auditu Rom. 10. 17. Et quidem appropriate Verbum institutionis connexæ & individuz Sacrificiorum & Sacramentorum Sacrificialium. Quia abſque Sacrificiorum institutione divina, & oblatione imperata, non potuerunt offerri ex Fide, Colof. 2. 22, 23. Mat. 15. 3. 6. Et abſque Sacramentis annexis, ut ſigillis institutis Juſtificationis ex Fide, Fides Sacrificantium non fuiſſet *ἡ ζωὴν ὑπόστασις*, Heb. 11. 1.

XXIV. Propriè Oeconomiz poſterioris periodi à Moſe ad Chriſtum Sacramenta,



cramenta, fuerunt Circumcisio & Paschalis Coena, Paschatis Sacrificio annexa. Circumcisio quamvis non esset ex Mose sed ex Mose sed ex Patribus Joh.7.22.tamen, ex illo tempore, quo institutum est in Exodo Pascha, una cum Paschate fuit character proprius oeconomiae Mosaicae, & alterum publicum Sacramentum Justificationis ex Fide, & Sanctificantis gratiae, cum Sacramento Paschatis: non ita nude obsignans Fidem & Spem Ecclesiae, ut communia illa sacramenta Sacrificialia: sed illam cumulans gemino quasi arrhabone: viva scilicet demonstratione veritatis promissionis geminae Abrahamo factae, De multiplicando in Isaaco semine: & de ejusdem vindicatione in libertatem, & Cleruchia terrae Canaan: ad roborandam expectationem Messiae ex illo semine nascituri, in terra promissionis sancta.

XXV. Tempore illo quatuor saeculorum, inter institutum Pascha & institutam Circumcisionem, Sacramentum Circumcisionis domesticum tantum fuit in familia & cognatione Abrahami:

Abrahami: illis, cum indicio genealogiæ ex qua, & terræ in qua, nasciturus esset Messias, obsignans (familiarius, quam reliquæ Ecclesiæ præputiatorum Deo vero sacrificantium,) Justitiam Fidei: Non serviens, ante institutum alterum Sacramentum Paschatis, rejectioni & eliminationi præputiatorum extra Ecclesiam, quæ tantisper matura non erat, Gen. 15. Interim reliqua præputiatorum Ecclesia, non erat absque Sacramentis Sacrificialibus: quæ, Paschatis demum institutione instaurata in Gilgale, Josuæ 5. vindicata atque asserta fuerunt solis Hraelitis, ut porro penes illos solos maneret, cum Veteri Religione, jus sacrificandi, cum annexa Sacramentorum usurpatione legitima.

XXVI. Neque communia illa Institutioni Sacrificiorum annexa Sacramenta, Neque propria Israelitarum Sacramenta Circumcisio & Paschalis cœna, Sacrificio Paschatis connexa, unquam omissa facile fuerunt probabili de causa, in populo Dei, citra Ecclesiæ aut defectionem & Apostasiam,

am, aut servitutem & captivitatem: quemadmodum V. G. Israelitarum sacrificia cessarunt in servitute Ægyptiaca, & in captivitate Babylonica, non cessante circumcissione: Et per Apostasiam (vindictam circumductione per desertum, in quo deerant pecudes ad sacrificia, annos circiter 40.) ab ordinato Sacerdotio Aaronico, ad transitum Jordanis, contigit Cessatio & Circumcisionis & Paschatis: quorum instauratione, repetita fuit, tantisper intercisa per divinam indignationem, populi sanctificatio. Josuæ 5. 6——9.

XXVII. Contra Historiæ ergo veritatem est, quod Dissertator, alias ob causas probabiles, facile, totis Annis 40. omissam pronunciat Circumcisionem tam severè præceptam & Paschalem cæremoniam. Neglecta enim per Impietatem Circumcissione, debuit cessare cum circumcissione usus Paschatis, & cessavit necessitate invincibili, defectu carniū in deserto durante.

U

XXVIII.

**XXVIII.** Hallucinati autem sunt (cum Veteribus, Justino Martyre in Dialogo cum Tryphone Judæo, Theodoretō Græcan: affect: ferm. 7. de Sacrificiis: Hieronymo in Jeremiam cap. 7. aliisque) recentiores illi Theologi qui Sacrificiorum *νομολογίαν*, Legislationem, existimant demum cœpisse cum ordinatione Aaronici Sacerdotii, & ex locis Jer. 7. 22. Amos 5. 25. Act. 7. 42. volunt ipsa Lege Moisaica Deum sacrificia verius indulgisse quàm imperasse: Quos refellunt abunde illa quæ dicta sunt de Sacrificantium Fide Sacramentis sacrificialibus à Deo obsignata.

**XXIX.** Demonstrata ab Adamo ad Christum perpetua Sacramentorum visibilium connexionem cum instituto & imperato divinitus cultu: quâ cumylatum fuit Verbum promissionis Gratiae Justificantis & Sanctificantis: Afferimus facere omnino ad necessariam amplitudinem Gratiae Novi Testamenti, ut non destituta esset suis sacramentis

mentis, prædicationi verbi usque ad finem mundi annexis, Institutio Religionis Christianæ. Ac concludimus quamvis Antiquatis Veteribus Sacramentis, non potuisse nec debuisse antiquari Sacramentorum & Sigillorum usum: Neque pro Sacramentis in Christianam Religionem traductos esse veteres ab Hebræis aut Gentibus ritus, ut tandem illi quoque antiquarentur *οὐκ ἐστὶν φθορὰν, τῇ ἀποχρήσει* Col. 2.22. Sed ritus qui censentur carnaliter veteres, nova Sacramenti institutione dedicatos & Circumcisioni ac Paschati substitutos usque ad finem mundi, definito imperio.

---

*FINIS.*

# ERRATA.

**P**AGE 10. l. 9. & l. ut. p. l. 20. verse l. *ver-*  
*sa.* p. 12. l. 10. *dicimus* l. *discimus.* Lpen.  
 post *αὐτῶν* add. *πρὸς*, p. 13. l. 1. *πῶτε* l. *τῶτε*.  
 p. 15. l. *interdū* l. *interdix.* l. 17. *presente* l. *pre-*  
*sente.* p. 19. l. 2. *restrixerant* l. *restrinxerant.* p. 21.  
 l. 1. *Brochb* l. *Broughton.* p. 23. l. 13. Nota Mar-  
 ginalis in Textum Inferenda. l. 15. *ποιήτε* l. *πο-*  
*εῖτε* lb. *φάγετε* l. *φάγητε.* p. 25. l. 5. *Platum*  
 l. *Platum* l. 8. *ἐπὶ* l. *ἐπ.* l. 15. *extra* l. *exta.* p. 27.  
 l. 2. *particip.* l. *particip.* p. 30. l. 14. *ἐγαλή.*  
 l. *ἐγαλή.* p. 59. l. 18. *jara* l. *jare.* p. 77. l. 3.  
*ταύρων* l. *ταύρων.* p. 79. l. 15. *petrafiat* l.  
*petrafi.* p. 80. l. 23. *out* l. *aut.* p. 82. l. 8, 9.  
*quibus cum* l. *quibuscum.* p. 85. l. 22. *bene dixisse* l.  
*benedixisse.* p. 88. l. 11. *ante σωώδην* l. *μαγάλλω.*  
 l. 12. *dele* *μαγάλλω.* l. 15. *πῖς* l. *τῖς.* p. 91. l.  
 2. *ἰερετικῶς* l. *ἰερετικῶς.* p. 99. l. 18. *equa* l.  
*equa.* p. 100. l. 22. *tandiu* l. *camdiu.* p. 101. l.  
 18, 19. *συσμα* *μαγάλλω* l. *συσμα* *μαγάλλω.*  
 p. 102. l. 1. *Proptere a* l. *Propterea.* p. 105. l. 20.  
*Concillii* l. *Concillii.* p. 106. l. 3. & l. ut. p. 110.  
 l. 13. *acritam* l. *ac ritam* l. 10. *si quidem* l. *si-*  
*quidem.* p. 113. l. 18. *Ecclisa* l. *Ecclisia.* p. 191.  
 l. 2. *precis ē* l. *precise.* p. 195. l. 15. *Quis* l. *Qui.*  
 p. 197. l. 18. *Fulgenitus* l. *Fulgentius.* p. 198.  
 l. 20. *nobus* l. *nobis.* p. 103. l. 1. *Theologorum* l.  
*Theologicarum* l. 13. *demonstrati* l. *demonstrari.*  
 p. 104. l. 6, 7. *Regione Christianā* l. *Religione*  
*Christianā.* l. 8. *Broughtbonus* l. *Bronght onus.*  
 [ *Quod semel monuisse sufficiat.* ] p. 109. l.  
 10. *antiquarum* l. *antiquatum.* p. 110. l. 18.  
*פרי הגפן* l. *פרי הגפן* p. 111. l. 8. *dedicimas* l.  
*didicimus.* l. 17. *φάγετε* l. *φάγητε.* p. 116. l. 7.  
*fecut* l. *sicut.* l. 20. *credere* l. *cedere.* p. 119. l. 4.  
*dele* *sed ex Alose.*

DE  
J U R E

LAICORUM SACERDOTALI,

Ex sententiâ

TERTULLIANI

Aliorumque Veterum

DISSERTATIO.

Adversus Anonymum Dissertatorem,

*De Cœnæ Administratione, ubi Pa-  
stores non sunt.*

---

Ab HENRICO DODWELLO  
A. M. Dubliniensi.

---

L O N D I N I:

Impensis Benj. Toek, MDCXXXV.

271

177

D

A



# Elenchus Rerum.

## C A P U T I.

*De loco Tertulliani, quæ videantur esse merito concedenda.*

Pag. I.

*Argumentum Tertulliani à nudo Sacerdotii nomine Laicis attributo ad Jura Sacerdotii Ecclesiastici iisdem vendicanda, nullum prorsus & invalidum. §. 1. Sacerdotii Laici & Ecclesiastici discrimen agnovit ipse Tertullianus. Secundum ergo Argumentum quod à Facto ad Jus ductum putant Adversarii, reverà solidius, & pro eorum Causâ, prorsus necessarium. §. 2. Conceditur 1. Non de Sacerdotio aliquo improprie sic dicto, intelligendum esse Tertullianum, sed de Externo Ecclesiæ Sacerdotio. §. 3. Conceditur. 2.*

\*

ita

## Elenchus Rerum.

*ita Tinctionem Tertulliani atq;  
Oblationem esse intelligendas ut  
sint Sacerdotii propriè sic dicti  
Officia Sacerdotalia. Proinde  
Tertullianum defendere non pote-  
runt Adversarii qui negant ullum  
Laicis sufficere Necessitatis præ-  
textum ad usurpanda Officia Sa-  
cerdotalia propriè sic dicta. §. 4.  
Agnovit certe id quod diximus  
ipse Tertullianus. §. 5. Bapti-  
zandi Potestatem Sacerdotum  
propriam agnovit, negavit Muli-  
eribus. §. 6. Et quidem eo ipso  
negavit nomine, Officii nimirum  
Sacerdotalis. §. 7. Nullum erat,  
cum hæc scriberet Tertullianus,  
Baptismi à Muliere administrati  
Exemplum. §. 8. Ab Officiorum  
Sacerdotalium exemplis emana-  
vit Baptismus Christianorum. §. 9.  
Conceditur. 3. Tinctionem hanc  
Tertulliani atque Oblationem  
Sacerdotii Veri fuisse munera, non  
duntaxat Umbratici. §. 10. Re-  
sponso Amici Anonymi, nec pro  
mente Tertulliani. §. 11. Nec  
pro rei Veritate. Non impedit  
C H R I-*

## Elenchus Rerum.

*CHRISTUS SOLUS* Mediator *quominus etiam Sacerdotes* Mediatores appellari. *Explicantur, hæc in causâ, Regulæ & Principia* Platoniorum. §. 12. 13. *Resp. Testimonio* S. Augustini. §. 14, 15, 16.

## C A P U T II.

Factum *Laicorum* Sacerdotale nullum testatur ab Ecclesia probatum fuisse Tertullianus. p. 46.

*Concesserant hætenus Ecclesiæ Patroni, pariter ac Adversarii, de Facto aliquo Laicorum Sacerdotali, & quidem ab Ecclesiâ probato, intelligendum hoc in loco Tertullianum. §. 1. Non est Tertullianus Testis de Facto, sed Disputator de Jure Laicorum. §. 2. Idem valent Tertulliano Tinguis & Offers, ac Jus habes Tinguendi atque Offerendi. §. 3.*

## Elenchus Rerum.

*Exempla. §. 4. Ita se explicat ipse Tertullianus. §. 5. Tinctionem hanc Oblationemque Laicorum non sumit pro concessis, sed probat. §. 6. Aliis in locis, ubi non probat, eo ne utitur quidem Argumento. Exhortationem Castitatis scripsit nondum Hæreticus. Ecclesiæ displicuisse hanc Argumentationem innuit ipse Tertullianus. §. 7. Explicantur hujus Argumenti Principia. Forma Regiminis Ecclesiastici à Romanarum Civitatum formâ desumpta. §. 8. Ecclesiæ nomen ab usu vocis Hellenistico, ut proinde non solos Plebeium conventus designârit. §. 9. In Sacris, idem Ecclesiæ nomen (etiam apud Græcos, ) aliorum Conventus significavit, præterquam Plebeiorum. §. 10. In Ecclesiâ Christianâ certum est Stantes Laicos Clericis sedentibus fuisse minores. §. 11. Etiam inter Sedes Ecclesiasticas propria tamen quædam erat dignitas Sedis primariæ. §. 12. Pro exemplo Monarchiæ Roma-*

## Elenchus Rerum.

*Romanæ probabile est Monarchiam Ecclesiasticam fuisse absolutissimam. §. 13. Jus Regiminis Ecclesiastici nascitur è Jure Sacerdotii; ut proinde siquod Jus habuerint Laici regendi Ecclesiam, eosdem Jure etiam Sacerdotii præditos fuisse necesse sit. §. 14. Quid sit Tertulliano Ecclesiæ Autoritas. §. 15. Quid honor per Ordinis Confessum sanctificatus. §. 16. Quid differentiam inter Ordinem & Plebem ab Ecclesiæ Autoritate constitui. §. 17. Quid honorem Sacerdotii per Ordinis Confessum sanctificari. §. 18. Quid constitui. §. 19. Quem nexum habeant hæc Tertulliani verba cum præcedentibus. §. 20. Explicantur Tertulliani verba; Adeo ubi Ecclesiastici Ordinis non est Confessus, &c. §. 21. Non Clavis errorem, aut malè administratam à Rectoribus rem Ecclesiæ publicam, pro Necessitatis casu agnovit Tertullianus. §. 22. Infertur, de Facto ne quidem intelligi posse Tertullianum*

## Elenchus Rerum.

lianum. §. 23. *Explicantur verba, Ubi tres, Ecclesia est, licet Laici.* §. 24. *Intelligenda de tribus Sacerdotibus, ut proinde Sacerdotes essentiam Ecclesiæ constituerent.* §. 25. *Ita senserunt cœvi Tertulliano, idque meritò,* §. 26. *Explicantur, refellunturque Tertulliani verba illa, Unusquisque enim suâ fide vivit, &c.* §. 27. *E Suffragiis Laicorum, in causis Ecclesiasticis, jus eorundem Sacerdotale videtur elicuisse Tertullianus.* §. 28. *Sed perperam.* §. 29.

*Resp. ad alium Tertulliani locum quo Factum subindicari putant in Lib. de Cor. Mil. Præsentium nomine non Presbyteri intelliguntur, sed Episcopi.* §. 30. *Seculo Tertulliani ne quidem ipsis licebat Presbyteris Communionem dare nisi consulto Episcopo, nec passim alibi celebrare, nisi ubi præsens adesset Episcopus.* §. 31. *Non ita ab initio.* §. 32. *Seculo Quarto permissus Laicis, urgente Necessitate, Baptismus.* §. 33. *Non*

## Elenchus Rerum.

*Non tamen in Ecclesia Africana.*  
§. 34. *Ne quidem urgente Ne-*  
*cessitate, audebant Laici Afri*  
*Consecrare Eucharistiam.* §. 35.  
*Quæ adduxit è Basilio de Patri-*  
*ciâ Cæsariâ Petavius, nihil om-*  
*nino ad Consilium Tertulliani.*  
§. 36.

## C A P U T III.

Factum Laicorum Sacerdotale  
*si aliquod fuisset, ætate Ter-*  
*tulliani; nihil tamen illud ad*  
*Causam hodiernorum SCHIS-*  
*MATICORUM.* p. 165.

*Argumentatio ab Ecclesiæ Apostolicæ*  
*Exemplo, seu Affirmativa, seu*  
*Negativa, non est, in genere, so-*  
*lida, §. 1. Non in Extraordi-*  
*nariis, Officia Laicorum Sacerdo-*  
*talia, Temporibus Apostolicis,*  
*nitebantur donis Laicorum Ex-*  
*traordinariis. §. 2. Conciona-*  
*bantur in Synagogis Christus &*  
*Apostoli,*

## Elenchus Rerum.

Apostoli, non pro Jure Synagogarum Ordinario. §. 3. Extraordinariam docendi in Synagogis Potestatem habebant Prophetæ. §. 4. etiam munerum Sacerdotalium Potestatem similiter Extraordinariam. Christum pro Prophetâ habuerunt Judæi. §. 5. etiam Apostolos. Docendi munus proprium Prophetarum. §. 6. Aaron Mosis Prophetæ ejus OS dictus, & quare. §. 7. Hoc Prophetarum nomine Sectæ suæ Officia etiam Sacerdotalia obibant Christiani, nec tamen violabant publicam cum Judæis concordiam. §. 8. Ita factum ut Ecclesiæ munera publica omnia à Prophetis administrarentur. §. 9. Nulli in Ecclesiâ Corinthiacâ Rectores Ordinarii quo tempore ad eam scripsit Apostolus. §. 10. Prima Revelatio de Gentibus ad fidem sollicitandis, An. Dom. XLV. §. 11. Prima Christianorum à Synagogâ in proprias Synaxes discessi, An. Dom. XLV. in Pisidiâ. Inde prima mentio Recto.



## Elenchus Rerum.

Reſtorum \*Eccleſiæ Ordinario-  
rum, nondum tamen in omnibus  
Eccleſiis. §. 12. Singulare erat  
exemplum Eccleſiæ Hieroſolymi-  
tanæ. Eam Metropolitanam aliæ  
omnes Eccleſiæ agnoſcebant. Inde  
tributum. §. 13. In eâ ſolâ A-  
poſtoli, in aliis, antequam con-  
ſtituerentur Reſtores Ordinarii,  
ſupremi omnium Prophetæ. §. 14.  
Epiſcopi Hieroſolymitani Domi-  
ni noſtri erant Hæredes, nec ali-  
unde quàm è Domini Familiâ dele-  
cti. §. 15. Apoſtolorum diſceden-  
tium locum in Oecumenico Ec-  
cleſiæ Regimine ſuppleviſſe pro-  
babile eſt Domini Cognatos.  
§. 16: Officium Presbyterorum  
in Eccleſiâ Hyeroſolymitanâ ante  
diſceſſionem. §. 17. Quibus tan-  
dem gradibus facta ſit Eccleſia-  
rum à Synagogis diſceſſio, Re-  
ſtorumque adeò Eccleſiaſticorum  
conſtitutio. §. 18. Alia erant, a-  
pud Judæos, Jura Synagogarum,  
alia Templi. §. 19. In utraque  
Jura ſuccedebant Eccleſiæ. §. 20.  
Inde colligitur, etiam Prophe-  
rum

## Elenchus Rerum.

rum *Jura Sacerdotalia Ordinariis Ecclesie Rectoribus fuisse obnoxia.* §. 21. *Ita fuisse probatur à Clemente Romano.* §. 22. *Explicantur verba Tertulliani quibus docet, Ecclesiam esse quæ differentiam inter Ordinem Plebemque constituerit.* §. 23. *De Prophetis intelligendus, si tamen de aliquo Laicorum Sacerdotali Facto intelligendus esset Tertullianus. Illorum exemplum nihil faciet ad causam hodiernorum SCHISMATICORUM.* §. 24. *E Jure Laicorum Prophetico probabile est deducta esse eorundem suffragia in Consiliis Ecclesiasticis, quæ tamen & ipsa nihil faciant ad Causam hodiernorum SCHISMATICORUM.* §. 25.

## CAPUT IV.

*Nullum Sacerdotale munus exercuerunt conversi à Frumentio Indi sine Sacerdotibus.*

P. 272.

*Proponitur Objeccio.* §. 1. *Rufinus primarius hujus Historiæ Autor nul-*

## Elenchus Rerum.

*nullius meminit Officii Sacerdotalis, sed duntaxat Orationis. §. 2. De Oratione duntaxat Rufinum intellexerunt Socrates. & Sozomenus. §. 3. Solus Ἀεὶτυργίας voce Rufinum reddidit Theodoretus putidus Metaphorarum affectator. §. 4. Clerici omnium Ordinum Ἀεὶτυργοὶ. §. 5. Clericorum Officia omnia Ἀεὶτυργίαι, præcipuè Hymni. §. 6. Sacra Veterum Officia omnia Metrica. §. 7. Sic etiam Christianorum Officia sub Prophetis. §. 8. Sub Rectoribus etiam Ordinariis. §. 9. Antiquissimæ formæ Liturgiæ omnes Cantatitiæ, & è Psalmis Hymnisque desumptæ. §. 10. Psalmi cantari solebant, etiam à Laicis, in ipsâ etiam Ecclesiâ. §. 11. Psalmodia Ἀεὶτυργία Theodoreto, Etiam Ἀεὶτυργία Εὐχὴς in concilio Laodiceno. §. 12. Lectio Scripturarum, & Catechumenorum Institutio rectè poterant pro Ἀεὶτυργίας haberi, non item pro Officiis Sacerdotalibus. §. 13. Pro more Romanorum locum nullum*

## Elenchus Rerum.

*in cœtibus Frumentii habere poterant Officia Sacerdotalia. §. 14.*  
*1. pro more Romanorum, solis diebus Festis, aut Dominicis, aut Sabbati, solebant haberi Sacra Eucharistica. §. 15.*  
*2. pro eorundem more haberi non poterant ubi adesent Catechumeni. §. 16.*  
*3. nec nisi in Ecclesiâ propriè dictâ. §. 17.*  
*4. nec ab alio quàm à legitimo Ecclesiæ Sacerdote. §. 18.*  
*Officium aliquod Sacerdotale à Frumentio Indisque usurpatum, nec innuunt, Historici; nec est, pro aliarum Gentium, eâ Ætate conversarum, exemplo, omnino verisimile. §. 19.*

## C A P. V.

*De S. Petronillæ Sacerdotio Fabula refellitur.* p. 312.

*Virginum nulla mentio in Primævis Ecclesiæ Martyrologiis. §. 1.*  
*Inde Errores recentium Martyrologiorum, quoties de Seculi Apostolici Virginibus loquuntur, frequentissimi. §. 2.*  
*Fabulam omnem de*  
S. Pe-

## Elenchus Rerum.

*S. Petronillâ parùm verisimilem ostendit ipse Baronius. §. 3. Consecratam tamen ab eâ Eucharistiam, ne quidem ipsum testatur Martyrologium. §. 4.*

## C A P. VI.

*Presbyteri Officium nullum exercuit S. Philippus Diaconus.*

P. 333.

*Baptizavit S. Philippus antequam constituerentur Ecclesiæ Rectores Ordinarii. §. 1. Diaconi Sacerdotes, & Ministerii Sacerdotalis proprium Officium erat Externus Aquæ Baptismus. §. 2. Baptismum Spiritus intantum superioris gradûs Sacerdotibus reliquit S. Philippus. §. 3.*

## C A P. VII.

*De Calicis Benedictione à Subdiaconi Canone Laodicæno.*

P. 340.

*Temporũ recentiorum Exempla nec verisimilia sunt ; nec, si vera, pro*

## Elenchus Rerum.

*pro Dissertatoris Principiis, omnino probanda. §. 1. In Canone Laodicæno Conjecturas parum verisimiles novus probat Conjecturis Dissertator itidem parum verisimilibus. §. 2. De Officiis Ecclesiæ Publicis agit Canon in quibus adescent Ecclesiastici Subdiaconis superiores. §. 3. Nec novum invehunt Exemplum Patres Laodicæni, sed veterem duntaxat Disciplinam instaurant. §. 4. Eò spectabant Novitates illæ Subdiaconorum in Canone memoratæ ut Diaconorum Officium sibi vendicarent. §. 5. Benedictio illa, cujus meminit Canon, non erat Sacerdotilis. §. 6. Verba ποτήριον εὐλογίας desumpta ab Apostolo. §. 7. Vinum præcipuè, præ aliis frugibus, sacrum apud Veteres. §. 8. In universam Vindemiam migrare credebatur Primitiarum Consecratio, quæ etiam facta in Eucharistiâ. §. 9. Inde Calix Eucharisticus ποτήριον εὐλογίας. Cur Panis Eucharisticus non ἀρτος εὐλογίας,*

## Elenchus Rerum.

γίας, sed ἄρτῳ κλώμῳ, ap-  
pelleitur. §. 10. Resp. 1. in Ca-  
none Laodicæno legendum πο-  
τήριον εὐλογίας, non εὐλογεῖν.  
§. 11. Resp. 2. ut legatur εὐ-  
λογεῖν, de Ministerio tamen, quod  
obierint in εὐλογία Diaconi,  
intelligendum potius esse Cano-  
nem, quàm de ipsâ εὐλογία.  
§. 12. Resp. 3. de priori Consec-  
ratione in Prothesi intelligi  
posse, quæ eâ ætate, propria fue-  
rit Diaconorum. §. 13. Dia-  
conorum Officium à Subdiaco-  
nis, longe verisimilius est usurpari  
potuisse, quàm Presbyterorum.  
§. 14.

## C A P U T VIII.

De Diaconorum Oblatione,  
cujus mentio in Canonibus An-  
cyrano & Arelatensi.

P. 379.

Canon Ancyranus. Nullam agnosce-  
bant illius Seculi Patres Officen-  
di Potestatem in Diaconis. §. 1. Re-  
spon-  
dē

## Elenchus Rerum.

*Et vox ἀραπίων intelligi potest de priori Consecratione in Prothesi. §. 2. Consecratio illa prior Antiquitus, non in Prothesi, sed in Diaconico, peracta est, & quidem ab ipsis Diaconis. §. 3. Vterum Sanctuaria Prothesin nullam habebant, sed duntaxat, Diaconicon. §. 4. De S. Thomæ Christianis. §. 5. Canon Arelatensis. §. 6. Resp. 1. intelligi posse de præviâ illâ Consecratione quæ & ipsa postea ablata à Diaconis Presbyteris asserita est, & quidem primo in Occidente. §. 7. Resp. 2. ut intelligeretur de Consecratione Sacerdotali, speciem tamen illi usurpandæ facere potuit prior illa Consecratio, siue ullo Jure aut primævâ Consuetudine. §. 8. Etiam urgente Necessitate, non aliis tamen quàm Presbyteris Eucharistiæ Consecrationem permittit Ecclesia. §. 9, 10.*



## CAPUT I.

*De loco Tertulliani, quæ videantur esse meritò concedenda.*

*Argumentum Tertulliani à nudo Sacerdotii nomine Laicis attributo ad Jura Sacerdotii Ecclesiastici iisdem vendicanda, nullum prorsus & invalidum. §. 1. Sacerdotii Laici & Ecclesiastici discrimen agnovit ipse Tertullianus. Secundum ergo Argumentum quod à Facto ad Jus ductum putant Adversarii, reverà solidius, & pro eorum Causâ, prorsus necessarium. §. 2. Conceditur 1. Non de Sacerdotio aliquo improprie sic dicto, intelligendum esse Tertullianum, sed de Externo Ecclesiæ Sacerdotio. §. 3. Conceditur 2. ita Tinctionem Tertulliani atq;*  
a Obla-

Oblationem esse intelligendas ut  
sint Sacerdotii propriè sic dicti  
Officia Sacerdotalia. Proinde  
Tertullianum defendere non pote-  
runt Adversarii qui negant ullum  
Laicis sufficere Necessitatis præ-  
textum ad usurpanda Officia Sa-  
cerdotalia propriè sic dicta. §. 4.  
Agnovit certè id quod diximus  
ipse Tertullianus. §. 5. Bapti-  
zandi Potestatem Sacerdotum  
propriam agnovit, negavit Muli-  
eribus. §. 6. Et quidem eo ipso  
negavit nomine, Officii nimirum  
Sacerdotalis. §. 7. Nullum erat,  
cum hæc scriberet Tertullianus,  
Baptismi à Muliere administrati  
Exemplum. §. 8. Ab Officiorum  
Sacerdotalium exemplis emana-  
vit Baptismus Christianorum. §. 9.  
Conceditur 3. Tinctionem hanc  
Tertulliani atque Oblationem  
Sacerdotii Veri fuisse munera, non  
duntaxat Umbratici. §. 10. Re-  
sponsio Amici Anonymi, nec pro  
mente Tertulliani. §. 11. Nec  
pro rei Veritate. Non impedit  
C H R I-

*CHRISTUS SOLUS* Mediator *quominus etiam Sacerdotes Mediatores appellari. Explicantur, hâc in causâ, Regulæ & Principia Platoniorum.* §. 12. 13. *Resp: Testimonio S. Augustini.* §. 14, 15, 16.

§. I. **Q**UI hoc *Tertulliani* loco *Ecclesiæ Disciplinam* impugnant, ita illum Argumentari existimant. Primò nimirum ut parem *Laicorum* cum *Clericis* in *Monogamiæ* causâ obligationem inde collegerit quòd *Clericorum* nullum agnoscat à *Laicis* in *Officii Sacerdotalis* jure discrimen. Hanc verò utriusque Ordinis *paritatem* è duplici deinde loco probârit, è *Scripturis* alio, qui nullam pateretur apud *Christianos* Exceptionem; alio *ad homines*, qui nullam saltem pateretur *eorum*, cum quibus egerit *Tertullianus*, *Adversariorum*. *Scripturæ* locos illos indicat quibus *Sacerdotes Christiani* omnes in universum appellamur. E-

rat itaque in hac Argumentatione congruum, ut, quo sensu *Sacerdotes* plebei etiam *Christiani* appellarentur, eodem sensu & *munera* etiam *Sacerdotalia* Sacerdotii ejusdem propria *Plebeiis* etiam forent concedenda. Qui autem contrariam hisce Disputatoribus Disciplinæ causam tuerentur, hi non ~~unum~~ agnoscebant Sacerdotii sensum, sed plane *duplicem*; & quidem ita duplicem ut & *Jura* etiam utriusque *duplicia* agnoscerent, & *munera* etiam *duplicia*. Esto enim. *Plebeia* etiam *Christianitas* pro *Sacerdotio* habeatur. Atqui *Externum* Ecclesiæ *Sacerdotium*, cum *alia* includat *sanctiora* Sacerdotii *Jura* cum *communi* Laicorum *Sacerdotio* neutiquam communicanda; & *munera* includat necesse est omnino *Laicis* neganda. Sic enim alibi (a) ostendimus *Regale* hoc *Christianorum Sacerdotium* à *Judæorum Hellenistarum* de *Peculio*, seu *Segullah*, dogmatibus ad *Christianos* emanasse. Nempe *Christiani*, cum *Mysticum* potiùs quàm *carnalem* *Israelitismum*

(a) De Uno Sacerdot. & Un. Alvar. Cap. 7. 8, 9.

*raelitismum* pro *Peculio* agnoscendum statuisſent, quem etiam ipsum ſibi proprium vendicâſſent; erat utique proinde consentaneum ut & *Peculii* illius *jura* ſibi vendicarent, in illis hoc, de quo loquimur, *Sacerdotium*. Id verò ita à *Judæis* acceptum neceſſe eſt eodem, quo *Judæi*, modo intellexerint. Atqui conſtat *Judæorum* illud *Sacerdotium Laicum* ab externo eorundem *Sacerdotio* longiſſimè eſſe remotum; ut immani piaculo & Sacrilegio conſtringerentur *Laici* ſiqui *communis* illius *Sacerdotii* prætextu, ſanctiora illa *externi Sacerdotii jura*, quacunque etiam *neceſſitatis* cauſâ, uſurpâſſent. Damnatur eo ipſo nomine *Coritæ*, Damnatur *Saul*, *Uzza* & *Uzzia*. Ita è nudâ *Sacerdotii voce* ad propria *Externi etiam Sacerdotii jura* nulla erit, etiam apud *Chriſtianos*, Argumentatio. Interea manifeſtum eſt de *Externi Sacerdotii* etiam *Eccleſiaſticis muneribus* intelligendum eſſe *Tertullianum*, intelligendos etiam

am recentiores Ecclesiæ Adversarios; & quidem pro causa suæ Principiorumque exigentiâ, ita intelligendos. Idenim hâc Argumentandi methodo conantur ostendere, nullam Sacerdotiorum, nullam munerum Sacerdotalium, esse distinctionem. Id aliter probari non potuit quàm si Jura Sacerdotii, etiam Ecclesiastici, probarent Plebi esse communia. Sed de hoc statim plura.

§. II. Concedunt interim propter Ordinis saltem Sacerdotalis (ut loquitur Tertullianus) confessum moderandam hanc Plebeiorum esse licentiam, ut tantisper abstinere censeant oportere Plebeios à Sacerdotalis Officii muneribus dum præsto habent Sacerdotalem hunc, de quo agimus, confessum. Plane itaque manifestum agnoscunt utriusque Sacerdotii discrimen, Clericorum confidentium, & stantium duntaxat assistentiumque Laicorum. Planè superiorem agnoscunt Ecclesiastici Sacerdotii Potestatem, nec Jura ejus omnia cum Laicis communia, non

Exhort. cap. 7.

non hunc ipsum honorem *confiden-*  
*di*, non inde oriundum Jusetiam il-  
 lud *Sacerdotalia Officia*, obtinente in-  
 terim, nec tamen consulto, Ecclesi-  
 asticorum confessu, *exequendi*. Er-  
 go aliquam oportet agnoscant ho-  
 rum Sacerdotiorum *imparitatem*,  
 nec proinde omnem ab alterius Sa-  
 cerdottii Juribus ad alterius Ju-  
 ra validam *sequelam*. Quòd itaq;  
 Ecclesiasticorum *Sacramentorum* Po-  
 testatem huic tribuant Laicorum  
*Sacerdotio*, id erit aliunde quàm è  
 solo Sacerdotii *nomine* concluden-  
 dum. Ita intelligimus quàm fùe-  
 rit necessarius secundus ille, quem  
 dixi, Argumentandi locus. Ut e-  
 nim penitus Sacerdotii hujus utri-  
 usque *distinctionem* omnem profligarent,  
 id præterea probandum su-  
 perabat, *Laicorum* etiam illa fuisse de  
*jure* munera quæ pro *Ecclesi-*  
*astici* etiam *Sacerdotii* muneribus  
 haberentur, *Baptismi* scilicet  
 atque *Sacrificii Eucharistici*. Sic  
 enim non è solo *Sacerdotii* commu-  
 ni *nomine*, sed ex ipsâ *Sacerdotii*,  
 de

de quo agitur, *naturâ* legitima procederet & solidior Argumentatio. Hic locum habuit secunda illa quam putant, *ad homines*, Argumentatio. Sic enim *Tertullianum* ratiocinari credunt Adversarii, quasi id *Tertulliano* cœva fateretur *Ecclesia*, ( ut *Ordinis* Ecclesiastici observanda esset & colenda reverentia, at sane ) *Jus* horum quoque munerum *Laicis* fuisse concessum. Id ex ipsâ etiam *Ecclesiæ* constare consuetudine quâ ipsa quoque illa *Ecclesiæ Sacramenta* à *Laicis* administrata ( si tamen citra *Ordinis* Ecclesiastici contemptum præstarentur ) ab *Ecclesiâ* probarentur atque stabilirentur. Proinde, hæc si vera sint, & *tinctionem* illam, quam appellat, *Laicorum* ; & *oblationem*, ut existimant, *Eucharisticam*, *Tertulliani* tamen ætate ratas habuerit *Ecclesia*. Sin contrâ nullum extet in *moribus Ecclesiæ* hujus *Laici Sacerdotii* vestigium, si nullum unquam *Ecclesiastici Sacerdotii munus* impune, aut sine reprehensione, exercuerint



cuerint *Laici*, nullo etiam quantævis necessitatis obtentu; suspecta erit, nec immeritò, illa omnis Argumentatio quâ *Jura Sacerdotii Laici & Ecclesiastici* confunduntur invicem, aut ex aliis alia colliguntur. Age itaque videamus hæc quàm vera sint, quantumque valeant ad causam Ecclesiæ labefactandam.

§. 3. Lubens itaque imprimis concedo, non de quolibet *minùs propriè* dicto *Sacerdotio* intelligendum esse hoc in loco *Tertullianum*, sed verò de *Externo* illo Evangelii *Sacerdotio*, quo fideles alii aliis *eminere* intelligerentur apud Ecclesiasticos *Tertulliani* Adversarios. Illud enim intelligit *Sacerdotium* de quo *cantum* ait in *Levitico* (a) *Sacerdotes mei non plus nubent*. Illud *Sacerdotium* cui *Monogamiæ* *Disciplinam* (b) *Gentilium* etiam ipso- rum mores annectendam censuerunt. Illud quo (c) *Episcopos* etiam sub Evangelio complectitur, *eiusdemque*, quos appellat *Sacramenti Presbyteros atque Diaconos*, qui-

(a) *Exhort. Cast. c. 7. Monog. c. 7.*

(b) *Ad uxorem L. 1. c. 6. Exhort. Cast. c. 13. Monog. c. 17. Monog. c. 11.*

- (d) *Monog.* 16 bus etiam eandem illam (d) *Monogamia* legem injunxit (e) Apostolus. Idem illud quod nunc (f) *Ordinis Ecclesiae*, nunc (g) *Cleri* etiam, nomine designat. Illud, inquam, cuius concessam tenebat ab ipsis etiam
- (h) *Exhort.* c. 7. Adversariis ad (h) *Monogamiam* obligationem, quos & à (i) *Laicis* apertissimè distinguit. Hi certe alii esse non poterant quàm qui proprio illo tam *Evangelii*, quàm *Legis*, quàm etiam *Ethnicorum*, Sacerdotio ornarentur, quique eo ipso *Sacerdotii* nomine à *Plebe* Israeliticâ, Evangelicâ, Ethnicâ, distinguerentur. De alio illum *Sacerdotio* si accipiamus, nugacissima ejus universa foret Argumentatio. Sic enim colligit: (k) *Vani erimus si putaverimus, quod Sacerdotibus non liceat, Laicis licere.* Rursus: (l) *Differentiam inter Ordinem & Plebem constituit Ecclesiae Autoritas.* Iterum: (m) *Ubi tres, Ecclesia est, licet Laici.* Quod etiam exinde confirmat, quod non sit ulla *Personarum acceptio apud Deum.* Eò planè spectant

Etant hæc omnia ut utrumque hoc *Sacerdotium* tam *Laicum* quam *Ec-  
clesiasticum*, receptis equidem ho-  
minum *moribus* admodum diver-  
sum, de *jure* tamen idem fuisse pro-  
bet, atque invicem permisceat: è *Lai-  
cis* constitui posse asserat *Ecclēsiā*,  
quæ tamen sine *Sacerdotio*, & qui-  
dem *Externo* illo proprièque sic di-  
cto, intelligi non posset. Quorsum  
hæc, nisi ad minuendam illam, quæ  
vulgò obtinebat, *Clericorum* emi-  
nentiam? Illam rursus cur *minue-  
ret*, ni contrariam consilio suo il-  
lam censuisset *eminentiam*? Cum  
enim *Sacerdotii Externi* officium,  
*Monogamiam* scilicet, à *Laicis* exi-  
gendum colligat; idem etiam *Sa-  
cerdotii Externi munus* assignâsse  
*Laicis* oportuit. *Quatuor* enim *ter-  
minorum* illa fuisset *Ratiocinatio*, si  
alio *Sacerdotii sensu* ostendisset *Sa-  
cerdotes* oportere esse *Monogamos* ;  
alio tamen ejusdem vocis *sensu* *Lai-  
cos Sacerdotes* esse appellandos.  
Planè itaque vim faciunt Viri Eru-  
diti qui de *communi* illo *Laicorum*

Sacerdotio *Tertullianum* interpretantur.

§. 4. Hæc cum ita se habeant, Sequitur præterea 2. ita intelligendas esse *Tertulliani* nostram *tinctionem* atque *Oblationem*, ut sint propria Sacerdotii Evangelici officia, & quidem proprii illius, uti dixi, Sacerdotii. Aliter foret ut nulla prorsus esset Sequela si cum propriè sic dicto Sacerdotio alia conjungenda censuisset quàm ejusdem Sacerdotii Officia. Malè itaque *Tertullianum* explicant rursus Eruditi Viri de id genus *Tinctione* atque *Oblatione* quæ, pro suis saltèm Ecclesiæ Romanæ Principiis, non sint Officiis Sacerdotalibus accensendæ. *Baptismum* Laicis, etiam *Mulieribus* Obstetricibus, concedunt *Romanenses*. Adeo nullam includit, procorum sententiâ, Potestatem Sacerdotalem. Sic & illa donorum *Oblatio*, seu *Eulogiæ*, seu *Panis* etiam, (ante tamen quàm consecraretur) *Eucharistici*, Laicorum potius spectabat officium quàm Sacerdotum

Albaspin. de  
Euchar. L. 11.  
c. 8. Petav. de  
Pot. Consecr.  
c. 1.

*dotum* propriè sic dictorum. *Offerebant* enim illa *Dona Sacerdotibus* Laici, Deo deinceps ab *illis* offerenda ; non ipsi *Deo* immediatè, quod proprium erat ipsorum *Sacerdotum*. Et tamen eo ipso nomine sese *Viris Maximis* commendârunt istiusmodi interpretationes, quòd hæc *Officia* longissimè distare viderentur ab *Officio Sacerdotali*. Rectè quidem Illi, si à *rei ipsius naturâ* deductum fuisset Argumentum ; perperam omnino, cum à *Testimonio* procedat, hoc est, à *mente & sententiâ Tertulliani*. Nunc, cum aliter se res habeat, facilè intelliget Amicus noster Anonymus, quàm causæ nostræ nihil obsit, suæ nihil faveat, *Tertullianus*, si modò ad *illius* Principia sit exigendus. Concedit noster *Sacerdotii* propriè sic dicti munera à *Laicis*, etiam in necessitatis causâ, validè præstari non posse ; nostramque omnem, in Tra-

Vind. Defens. D.  
Stillingleeti,  
de Separat. cap.  
V. p. 350. 352.

b 3                      cunque

cunque tandem necessitatis prætextu, Ministeriis, id si unum Nobis modò daretur, pro *Sacerdotio* habendum esse *Evangelii Ministerium*. Sic & *Walo Messalinus*. Atqui id ipsum agnoscit hoc ipso loco *Tertullianus*, & *Sacerdotii* vicem præstare nostrum *Evangelii Ministerium*; & *munerum Sacerdotalium* vicem obtinere *Tinctionem* atque illam (de quâ loquitur) *Oblationem*. Errârit itaque (pro horum hominum *Doctorum Principiis*) ipse *Tertullianus*, si è communi illo *Sacerdotii* titulo *Jus* Laicorum colligat ad *munera*, quæ dixi, *proprie Sacerdotalia*. Parum etiam verisimile videbitur, de *Facto* saltem, in Ecclesiâ obtinuisse morem illum quo *Tinctionis* illa *Oblationisque* *Jura Laicis*, quacunque tandem illâ *necessitatis* causâ concederentur. Agrè denique (pro iisdem *Principiis*) concedetur, hoc ipsum testari voluisse *Tertullianum*.

§. 5. Id certè manifestius est quàm ut negari possit, (ut dubitent alii,

alii, Sintne hæc pro *muneribus Sacerdotalibus* agnoscenda? ) id tamen ipsum agnovisse *Tertullianum*. Hoc ipso loco tantundem valent *Offers & Tinguis, & Sacerdos es tibi solus*. Malè illud, ni à *muneribus Sacerdotalibus* ad ipsum *Sacerdotium* procederet Argumentatio. Tantundem rursùs *Tinguere* atque *Offerre* ac *agere pro Sacerdote*. Hæc ultima locutio à *Romanis Legibus* desumpta est quarum peritissimus noster erat *Tertullianus*. Sic enim pro *Prætore* aut pro *Consule* is agere dicebatur qui *Prætoris vicem* supplebat aut *Consulis*. Et cum hæc pro *Sacramentis* habeat; planè fateamur oportet de aliâ *Oblatione* illa quàm *Eucharisticâ* intelligi non posse, quæ sola *Sacramentalis* est; nec de alio etiam quàm *Sacerdotis* munere, cujus est obire *Sacramenta*.

§. 6. Quicquid etiam de *Baptismo* sentiant *Neoterici Romanenses*; at *Primævi* certè *Christianismi* Principiis erat admodum consentaneum;

de Baptism. cap.  
17.

um, ut & illum *Sacerdotali* Officio assignarent. Sic noster certè *Tertullianus*: *Dandi quidem* (inquit) *habet Jus summus Sacerdos, qui est Episcopus.* Et quidem *summo Sacerdoti* ita illum proprium fecit, ut eo ipso nomine *Baptismum* neget inferioribus etiam *Sacerdotibus*, nisi concedente *Episcopo*, nedum *Laicis* ut illum concedere potuerit. Sic enim sequitur; *Dehinc Presbyteri & Diaconi, non tamen sine Episcopi Autoritate, propter Ecclesiæ honorem.* Et paucis interpositis: *Quanto magis Laicis disciplina verecundiæ & modestiæ incumbit, quum ea majoribus competat ne sibi adsumant dictum Episcopi Officium Episcopatus.* Sic & *Ignatius*: *Οὐκ ἐξόν ἐστιν ἡμεῖς τῷ Ἐπισκόπῳ ἢ πρὸς ΒΑΠΤΙΖΕΙΝ, ἢ πρὸς ἀγάπῃ ποιῆν.* Certè, quod ad *Romanensium* causam propius spectat, *Mulieres* a *Baptismi* Administratione non uno in loco arcet *Tertullianus*. Librum illum de *Baptismo* scripsit ex professo adversus *Quintillam* de *Caianâ* Hæresi viperam,

Ep. ad Smyrn.  
n. 8.



peram, ut appellat, *venenatissimam*.  
 Ea *Baptismum* fustulit, quam ita <sup>1b. de Bapt. cap.</sup> castigat Tertullianus: *Petulantia* <sup>17.</sup>  
*autem mulierum quæ usurpavit docere, utique non etiam tinguendi ius sibi pariet, nisi si quæ nova bestia evenerit similis pristinae* [ *Quintil. la scilicet* ] ut quemadmodum illa *Baptismum* auferbat, ita aliqua per se eum conferat. Refellit deinde *Theclæ Baptizantis Fabulam* quam à Presbytero *Asiæ* e mentitam, & malæ fidei convictam, scripsit tamen postea ornavitque denuo *Quinti Seculi Scriptor Basilus Se-leucienfis*. Eodem spectant & alia <sup>Præscript. c. 41.</sup> in *Præscriptionibus* illa: *Ipsæ Mulieres hæreticæ quàm procaces, quæ audeant docere, contendere, Exorcismos agere, curationes repromittere, forsitan & tinguere*. Gradum hîc summum fecit, & rarissimo exemplo scelus, *tinctionem à Muliere* collatam.

§. 8. Quod verò illam *Officii Sacerdotalis nomine mulieribus* prohibuerit, aliunde discimus. Sic  
 c enim

de Virg. vel.  
c. 9.

enim scribit in Libro de Virgini-  
bus velandis: *Non permittitur mu-  
lieri in Ecclesiâ loqui, sed nec docere,  
nec tingere, nec Offerre, nec ullius  
virilis muneris, nedum Sacerdotalis  
Officii, sortem sibi vendicare.* Per-  
versè hîc *Tertullianum* interpreta-  
tur *Albaspinaeus*. Quasi verò ex-  
empla hîc prolata omnia ad pri-  
mam, sint *virilium* duntaxat mu-  
nerum, classem referenda; *Sacerdota-  
lis Officii* ita meminerit ut altiore  
constituat gradum quàm illa, quo-  
rum meminerat *Exempla*. Atqui  
duplicem omnino classem memorat  
Pater quorum ad alterutram supe-  
riora spectent exempla. Proinde  
quæ *Virilis muneris* non sunt, ea  
ad superiorem alterum spectant,  
pro ejus mente, gradum, *Officiorum*  
nempe *Sacerdotalium*. Ut verò in-  
vicem sint distinguenda, ita intelli-  
gemus. Loqui in conciliis *Virorum*  
alicuius existimabant à muliebri  
verecundiâ *Romani*, ut & reliquæ  
illorum temporum gentes huma-  
niores. De officio docendi idem  
censuit

*Valer. Maxim.*  
L. 3 c. 8. n. 6.  
*Git. Nostr. At-*  
tic. v. 19.

consuit *Apostolus* quem habuit ob oculos proculdubio *Tertullianus*.

*Mulieres* (inquit) in *Ecclesiis* taceant : non enim permittitur eis loqui, sed subditas esse, sicut & *Lex* dicit. *Siquid* autem volunt discere,

*I Cor. 14. 34, 35.*

domi viros suos interrogent. Turpe est enim mulieri loqui in *Ecclesiâ*.

Rursus: Docere autem mulieri non permitto, neque dominari in virum, sed esse in silentio. *Adam* enim pri-

*I Tim. 11. 12, 13, 14.*

mus formatus est, deinde *Heva*. Et *Adam* non est seductus; mulier au-

tem, seducta, in prævicatione fuit. Tam itaque docere quàm lo-

qui in *Conventibus Virorum* alienum à muliebri verecundiâ judica-

vit *Apostolus*, ab eâ etiam *Subjectione* alienum cui damnata est, *Gen. 3.*

*16.* affine dominationi illius quæ *Adamo* & sexui deinde virili uni-

verso, propter mulieris prævicationem priorem, à Deo fuerat ibi-

dem adjudicata. Ita videmus quàm rectè hæc pro virilibus muneribus

habeantur, tam in receptis illius *Seculi moribus*, quàm etiam apud

*Chri-*

*Christianos.* De aliis *tinguendi* atq;  
*Offerendi* muneribus nullum extat  
 Apostoli Testimonium, sintne in-  
 ter *virilia*, an potius *muliebria* re-  
 censenda. Gentiles *mulieribus* eti-  
 am *Sacerdotia* concedebant, præ-  
 sertim numinum *muliebrum*, ne  
 dubitemus concessuros *tinguendi*  
 hæc atque *Offerendi* officia, si alia in-  
 telligantur quàm *Sacerdotalia*. Cum  
 Itaque de *virilibus* intelligi non  
 possint, *Sacerdotalia* proinde censu-  
 erit, pro *Christianorum* disciplinâ,  
*Tertullianus*. Porro gradatim hæc  
 exempla recensuerat, à gradu infe-  
 riori ascendendo ad superiorem.  
 Infimus omnium est vel *loqui* saltem  
 in *Ecclesiâ*, superior illo *docere*. Plus  
 adhuc *tinguere*, supremus *offerre*.  
 Proinde rectè & in distributione  
 gradus intelligemus, ut *loqui* & *do-*  
*cere* munera sint *virilia*: *tinguere*  
 autem & *offerre*, utpote superiora,  
*Sacerdotalia* habeantur Officia.

§. 8. Neque verò solus fuit in  
 hac *muliebris Baptismi* damnatione  
*Tertullianus*. Tam malè audit,

eo præsertim Seculo, ut ne quidem in *Hæreticarum* mulierum tantâ, ejus meminit, *procaciâ* deprehenderetur illius exemplum, Id certe innuunt ejus verba, *forſitan &* Præſcrip. de Bapt. *tinguere.* Sic & *novam beſtiam* appellat, ſiqua fortè *eventura* eſſet ( futuro nempe tempore ) *Quintilla ſimilis fœmina* quæ Baptiſmum *per ſe conferret.* Nondum itaque Epiphani. Hæreſ. 49. n. 2. *eruperat Quintilla alia Montaniſtica* quæ fœminis ipſa etiam tribuebat *Sacerdotia.* Nondum & alia illa *mulier* cujus meminit *Firmilianus,* Ep. ad. Cypr. poſt tempora *Alexandri,* ſub initium *Maximini,* exortæ, quæ non *Baptiſmum* modò, ſed ipſam etiam *Euchariftiam,* adminiſtrare auſa eſt. Nullum itaque extabat hucusq; *probat* iſtiusmodi *Baptiſmi* veſtigium. Atqui *lotio* communis adeo *mulierum* erat propria ut ſolæ illæ pedes *hoſpitum* Eccleſiæ cauſâ peregrinantium lavarent quæ Eccleſiæ Eleemoſynis alerentur, 1 *Tim.* 5. 10. ne alia innu-mera exempla referam aliarum quo.

quoque *lotionum* quæ in Primævis  
 occurrunt monumentis. Planè  
 itaque rationem nullam video cur  
*virile* munus haberetur hæc *Tin-*  
*ctio Baptismalis* ni haberetur etiam  
*Sacerdotale*. Quòd verò *Sacerdo-*  
*tium* suum *viris* duntaxat assigna-  
 rent *Christiani*, in promptu erant  
 rationes. Tum quòd numen co-  
 lerent nequitiam, ut *Ethnici*, *fæ-*  
*mineum*: Tum etiam propter *My-*  
*sticam* illam, quæ per *Sacrificia*  
 procurata est, *Sacrificantium* cum  
 numine *Unitatem*. A *Capitis* enim  
*Unitate* constat, ex Apostolo, om-  
 nem illam fuisse arcessendam *Uni-*  
*onem*. Sic autem *mulieris* Caput  
*Virum*, ut *Viri Christum*, ut *Christi*  
*Deum*, appellat.

§. 9. Ne verò hoc singulare  
 apud *Christianos*, aut novum, existi-  
 memus, quòd *Sacram* hanc *lotio-*  
*nem Sacerdotum* propriam fecerint,  
 non aliter erat sanè faciendum, si  
 (quod aliter probavimus) à re-  
 ceptis *Ethnicorum Judæorumque* ser-  
 monibus moribusque *Christianorum*  
 sint

1 Cor. 11. 3.  
 Eph. 1. 22.  
 5, 23. Col. 1.  
 18.

sint deducendi mores sermonesque,  
atque explicandi. Ad *Sacerdo-*  
*tum* præcipuè *Ethnicorum* curam  
attinebant *lustrationes Aquæ*, præ-  
sertim illæ quæ in *Templis* pera-  
gerentur, *Templorumque* περιρραν-  
τηίοις. Sic in causâ *Valentiniani*

Sozom. Eccl.

Hist. 6. c. 6.

Theodoret.

Hist. Eccl. L. 3.

c. 16.

*Sozomenus*: θαλὲς πῦρ διαβέβηκε  
κατὰ τὸν ὅτι τοῦ νόμου Ἑλλωτικῶς πε-  
ριρραγε τὸς εἰσιόντας. Eandem *Hi-*

*storiam* ita *Theodoretus*: ἡγάγω-  
ντες δὲ τῶν θυγῶν νεῖσταις νεωχῶν  
περιρραντηίοις τὸς εἰσιόντας περιρ-  
ραγοῦντες ὡς ἐνόμιζον. Et certè lu-

*strationes* illæ quæ habebant in *My-*  
*steriis initiationibusque* locum, pro-  
priæ erant *Mystagogorum* qui &  
*Sacerdotibus* accenseri solebant. Sic

Suid. v. θῆς

καὶ θῶν.

Apul Metam.

L. 11.

in *Eleusiniis* *mysteria* lustrantia tra-  
debat δαδύχου, & in *Isiacis* Sa-

*cerdos*. Idem obtinebat in publi-  
*cis Judæorum* *lustrationibus*, *Tem-*  
*pli* nimirum illis, *Sacrificiorum* pro-  
priis. Quin & in eorum *Baptis-*  
*mis* *Christianismo* nascente jam re-  
ceptis. *Discipulos* eo ritu initia-  
bant *Doctores*, & in suam quisque  
Scholam

Scholam instituendos admittebant. Proinde munus illud obibat ipse *Doctor*, aut, ipsius nutu, *primarii Discipuli*. Nec enim alterius *Jus* illud esse potuit, in suâ cujusque *Scholâ*, præterquam ipsius *Doctōris*. Vigebat nimirum eo, quo dixi, tempore mos ille quo *Philosophia* ipsa *Sacra* haberi cœpta est, & pro *Mysteriorum* vulgariū *Disciplinâ* tradi. In eâ *Sacerdotis* vicem representabat ipse *Doctor*, *Ædituorum* seu *πρωτόφων* *Primarii*, quos dixi, *Discipuli*, quos etiam secundæ illi tribuebant *Sacerdotum* *μάγει*, saltem *ὑποπρωτόφ.* Sic enim *Sacerdotibus* *Ædituos* seu *πρωτόφους* accensebant *Gentiles*, *Levitas* *Judæi*, *Diaconos* ipsi etiam *Christiani*. Horum ergo Exemplorum quodcunque expresserint in *Baptismi* causâ *Christiani*, erat sane pro *Sacerdotali* Officio agnoscendus. Eâ tamen potiori, præ aliis, ratione quòd *Dei* nostra sit *Christianorum*, non *Homīnis*, *Disciplina*. Medi-  
um



um itaque se interponebat *Dæctor*  
inter *Deum hominesque*, obibatque  
τὰ πρὸς θεόν, quo pacto *Sacerde-* *Ebr. v. 1*  
*tium* describit Apostolus. Id etiam  
illis in locis innuit *Tertullianus*  
quibus *tinguendi* gradum altiorem  
facit quàm *docendi*, ut proinde po-  
tiores huic *inctioni* locum assignet  
quàm ipsi etiam *Doctore* Offici-  
o. Plane sacram illam oportet habu-  
erit *inctionem*, & *humanâ* vice atq;  
Disciplinâ superiorem, certè plus-  
quam vulgarem admittendi in *hu-*  
*manam* Disciplinam Discipulos Ce-  
remoniam. Quod si *Tinctio* Offi-  
cium sit *Sacerdotale*, non erit de-  
inde quòd dubitemus & *Oblatic-*  
*nem* hanc quàm *inctioni* semper  
anteponit *Tertullianus*, ipsam quo-  
que esse *Sacerdotalem*, nimirum *E-*  
*ucharisticam*.

§. 10. Colligo itaque 3. ut *Tinctio*  
hæc & *Oblatio* pro *Sacerdotii* mune-  
ribus habenda sunt, ex mente *Ter-*  
*tulliani*: ita vero esse tribuenda  
*Sacerdotio*, non duntaxat *umbrati-*  
*co*; ut proinde etiam ipsa non sint  
d umbra.

*umbratica*, sed *vera* potiùs & realia illius *Sacerdotii* munera. Planè enim eo collimat universa hæc *Tertulliani* Argumentatio ut ex eo colligat *Officiorum* paritatem, quòd *Sacerdotii* munera *Clericis* *Laicisque* communia, sint & ipsa quoque inter se paria. At sane *veri* *Sacerdotii* atque *Umbratici* nulla prorsus est paritas. Neque *paria* illis respondent *Officia*, quin potiùs plura atque potiora *Vero* *Sacerdotio* conveniunt quàm *Umbratice*. Ita utroque capite falleret hæc probatio, ut ne quidem ullam exhiberet veri similitudinis vel speciem, quàm *Tertulliano* incautiùs disputanti posset vel fucum facere. Quid quòd etiam *Umbratici* *Sacerdotii* munera non essent sane *Sacramenta* appellanda, quo sensu *Sacramenta* *Sacerdotii* sunt propria. Innuit præterea noster Autor, idem prorsus à *Laico*, in necessitatis causâ, præstari quod *Sacerdotem* argueret si præstaretur in *Conventu Ecclesiastico*. Nec enim aliter

aliter sequeretur, *talem* esse oportere, in *necessitatis* causâ, qualis esse debuit in causis *Ordinariis* ipse *Sacerdos*. Atqui *Sacerdotem* vera arguunt *Sacerdotii* munera, non duntaxat *Umbratica*. Quanquam itaque concederetur *adumbrari* in *Primitiarum Donorumque* aliorum *Oblatione* quodam modo *Sacerdotium*; Quanquam etiam propiùs accedat ad *veri* *Sacerdotii* speciem specierum *Eucharisticarum*, quoties reservarentur, *Oblatio*: Nondum tamen illa *Sacerdotalis Oblationis* naturam universam absolvunt, ut proinde *Verum* *Sacerdotium* probare possent, pro mente *Tertulliani*. Sic & alii qui idem sentiunt cum *Tertulliano*. *Hilarius* *Diaconus* *Officia Evangelizandi, Baptizandi, Scripturas in Ecclesiâ prædicandi*, in initio *Laicis* existimat concessa, quæ tamen ille superioris *Cleri* *Jura* agnoscit. Sic & *Hieronymus Tertulliani*, in causâ *Monogamiæ* plerumque compiler, *Baptisma Laici Sacerdotium* appellat.

Comm. in Eph.  
4. II. sub nomi-  
ne Ambrosii.

cont. Lucifer.

lat. Rectè itaque *Tertullianus* Officiis *Sacerdotalibus* accensuit.

*Vind. Contin.*  
c. 5. p. 349,  
350, 351.

*Prescript. c. 41.*

*de Monog. c. 12*

§. XI. Quòd itaque *Amicus* Cl. in *Jure Sacerdotii Mystici* pares existimet cum *Clericis*, nec eo nomine arcendos putet à *Ministerii Publici Officiis Laicos*; sed *Ordinis duntaxat*, & *Regiminis Ecclesiastici*; Ita *Tertullianum* explicet, & cum *Pacis* publicæ securitate conciliet: Quod (inquam) ita Respondeat, nec rectè ille, nec pro mente *Tertulliani*. Hoc ipso *Sacerdotii Jure Laicos* interdicat *Tertullianus*. Id reprehendit in *Hæreticis* quòd *Laicis Sacerdotalia munera injungerent*. Hanc ipsam *Sacerdotii paritatem*, & *tumores*, cā ipsā de causā, *Laicorum* verbis refellit disertissimis; *Quum extollimur* (inquit) & *inflamur adversus Clerum*, tunc unum omnes sumus, tunc omnes *Sacerdotes*, quia *Sacerdotes nos Dei & Patri fecit*. *Quum ad peræquationem Disciplinae Sacerdotalis provocamur*, deponimus *insulas* (*Sacerdotales* scilicet) & *impares*.

*pares sumus.* Sic enim pro *pares* legendum monuerunt Viri Eruditi. Sic & in locis suprâ recensitis quibus ostendimus *inctionem Oblationemque Tertulliano* munera esse *Sacerdotalia*, cum enim illa *Laicis* in solâ *necessitatis* causâ permittat; non utique de *communi* Laicorum, sed *proprio* erit Clericorum, *Sacerdotio* intelligendus. Habent itaque Clerici *Sacerdotium* (si *Tertullianam* audiamus) distinctum prorsus à *Sacerdotio* Laicorum. Cum itaque Jura *Sacerdotii* neget Vir Clarissimus *Laicis* nisi per *Divinam Institutionem* posse communicari; proinde sequitur per viri Docti Principia, nec quidem si verè *illius* essent, defendi posse *Tertullianum*.

§. XII. Nec modò *Tertulliani* defensionem *Principia* immiscet Amicus noster alienissima à mente *Tertulliani*, sed ab ipsâ etiam *rei* veritate. Quòd neget Evangelii *Ministerium* pro *Sacerdotio Mystico* atque *Mediatorio* habendum, in

Deus. Sacerdos.  
 & ut. Alt. c. 1.  
 Sult. 5, 6, 7.

eo discedit à sententiâ *Primævo-*  
*rum*, à *Novi* etiam *Testamenti* Ra-  
 tiociniis, ut alibi ostendimus. Jam  
 alibi observavimus nullum esse *Ju-*  
*dæorum* Sapientumque *Ethnicorum*  
*Privilegium* cujus meminerint N.T.  
 Scriptores quin illud sensu longe  
 nobiliori suis vendicent *Christianis*.  
 Ostendimus in illis contineri λα-  
 τρείαν ( *Templi* nimirum *Hiero-*  
*solymitani* Ministerium ) *Rom. 9.*  
 4. Ostendimus proinde à *Judæ-*  
*orum* *Sacerdotibus* ad *nostros* argu-  
 mentari Evangelii *Ministros* tum  
 Scriptores *Sacros* tum etiam seculi  
 Apostolici *Clementem Romanum*.  
 Non rectè illi nisi & *nostri* fuissent  
 quales illi *Sacerdotes*. Nec negat Vir  
 Cl. frequentem esse in *Patribus* de  
 Evangelii Ministris vocem *Sacerdo-*  
*tii*. Quid igitur dubitat & *natu-*  
*ram* *Sacerdotii* iisdem tribuere,  
*Mystici* nimirum atque *Mediatorii*?  
 Nempe unâ illâ fretus ratione quòd  
*Christus* solus sit novi Testamenti  
*Mediator*. Nempe non advertit Vir  
 alioquin perspicacissimus, id genus  
 locutiones

locutiones de Deo & Christo non impedire quominus eadem voces hominibus, sensu inferiori tribuantur. Nemo bonus præter unum Deum. Num propterea hominem bonum neminem agnoscet? Idem solus sapiens, & solus dicitur habere immortalitatem. Et tamen donum Sapientiæ habebant Apostoli, & quidem Divinæ illius Sapientiæ, non fucatæ atque Mundanæ; & immortales Angeli atque Animæ Humanæ. Unus nobis ἁγιογυνης, & unus διδασκαλ. Christus. Nec minus tamen Ordinem in Ecclesiâ Doctorum agnovit Apostolus. Nemo nobis interris appellandus Pater. Patris tamen idem nomen & Ius sibi vendicat Apostolus. Sic & in hac nostrâ causâ Episcopum Sequestrem Dei & hominum appellat Hieronymus, voce nimirum eadem quâ Romanæ Leges eum notant qui Græcis dicitur ποιῆτης. Nec aliter Græcus etiam ipse Chrysostomus. Voce tamen πρεσβυτεῖν (quæ eodem redit) non ποιτῶν. Latuit

Epist. 28. ad Fabiol. de vest. Sacerdot.

Chryf. L. 6. de Sacerdot.

Laert. Platon.  
L. 3.

tuit nimirum virum doctum ars  
ea *Platoniorum*, quos imitati ple-  
rique è primævis *Christianis*. *Χρῆ-  
στῷ* (inquit de *Platone Laertius*)  
*Ἐ τῶν ἐραττίων φωνῶν ὅτι τὸ αὐτὸ.*  
Nempe corrigendo imaginationis  
errori, ut scilicet cum voces eas-  
dem tribui videmus *Deo & Crea-  
turis*, significatione tamen longe  
præstantiori de *Deo* usurpari in-  
telligamus quàm quâ illas intelli-  
gimus quoties tribuuntur *Creatu-  
ris*. Sic itaque & *Sacerdotes Me-  
diatores* appellamus, & *Christum*  
tamen *unicum Mediatorem* agnos-  
cimus, quòd quo sensu *Christus*  
*Mediator est*, eo *Creatura* nulla, ne  
quidem *Sacerdos*, *Mediator* appel-  
landus sit. Est enim & ea quoque  
alia *Platoniorum* Regula, ut *Veri-  
tatem* solis rerum *Archetypis* rerum  
simulacris assignent, quas *Ideas*  
appellant, & *Ἀἰῶνες* suo tribuunt:  
*Idearum* autem *creatis Ectypis* *Ve-  
ritatis* quandam concedant dun-  
taxat *apparentiam*, qualis est *Solis*  
in *Parhelio*, aut in *cerâ Sigilli*. His  
enim



enim ipsis similitudinibus rem illam explicant. Sic enim Λόγον 'Αυτὸν & 'Αυτόφως appellant, *Creaturas* Λόγου participes ἐνοειδείς duntaxat & φωτειδείς. Atque has *Platoniorum* Regulas jam alibi ostendimus à *Novi* quoque *Testamenti* Scriptoribus observatas, multò magis à *Primævis Christianis*. Porro Λόγῳ huic Ἀρχιερωσύλῳ & μεσσίαν tribuit & πρεσβείδῳ inter Deum hominesque, pro *Judæorum Hellenistarum* sententiâ, ipse *Hellenista Philo*. Proinde consentaneum erat ut (pro his loquendi Regulis) Ἀυτοαρχιερέα illum & Ἀυτομεσίτην & Ἀυτοπρεσβύτην nuncuparent; *Creatos* autem *Pontifices* Ἀρχιερείδεις, Μεσσιταίδεις & Πρεσβυταίδεις. Ut proinde *verus* Ἀρχιερός, Μεσίτης, Πρεσβυτής ipse *solus* agnoscendus esset, reliqui *apparentes* duntaxat & *umbratici*.

§. 13. Non est tamen quod propterea *Creatis* quoque *Pontificibus* omnem prorsus *Pontificii*, aut

c

Medi-

Philo περὶ Ὁ-  
νείων, p. 406  
Id. τίς ὁ ὁ Θεός  
ων κληρο-  
μῆ. p. 346.

*Mediatorii*, etiam, *Officii*, ne-  
 mus, pro harum quoque *Regula-*  
*rum* consecutione, *Veritatem*, dum  
 tamen illi, non cum Λόγῳ, sed *in-*  
*vicem*; conferantur. Ut enim Λό-  
 γος omnis Ἀρχετυπὸς *Archety-*  
*pus*, solus proinde *verus Pontifex*  
 erat agnoscendus; sic & *Creato-*  
*rum* Pontificum quicumque aliis est  
*Creatis Archetypus*, Erit propterea  
 ( pro illius quæ in *Creaturas* con-  
 venit *Veritatis* ratione ) *verus* eti-  
 om *Pontifex* appellandus. Quan-  
 quam enim Ἀποκαλύψεις *solum*  
 Λόγον indigitarent *Platonici Helle-*  
*nista*, non tamen illi tantopere à  
 vulgari loquendi consuetudine ab-  
 horrebant, ut non aliqualem ag-  
 noscerent etiam in *Creatis Verissi-*  
*mitudinem* aliam aliâ similiorem,  
 quò nimirum longius illa aut propi-  
 us à Λόγῳ Ἀποκαλύψεις distarent,  
 quam etiam illi, pro *Vulgi* consue-  
 tudine, *Veritatem* appellarent. Id  
 verò supponunt *Novi Testamenti*  
*Raciocinia*, ut reliqua *Veteris*  
*Testamenti* omnia, sic etiam ejus-  
 dem

ejusdem λατρείαν, similem prorsus, unde propterea liceret Arguentari, in N. T. designare λατρείαν. Proinde ita loquuntur N. T. Scriptores ut τύπος duntaxat agnoscant in Oeconomiam Mosaicam, *Veritatem* Novi Testamenti propriam faciant, quod etiam propterea longe docent esse efficacius, quod hujus Oeconomia Λόγον propius repræsentet & immediatius, Veteris Testamenti illa Novi nostram repræsentet *immediate*, Cœlestem autem dispensationem duntaxat *mediate*. Utque videamus quo jure N. T. Dispensationi tribuant *Veritatem*, vim quoque omnem *Veteris* Dispensationis ita deducunt à *Novâ* ut deducitur *Novæ* Dispensationis vis etiam omnis à *Cœlesti*. Sic *Veteris* Testamenti *Sacrificia* Novi Testamenti *Sacrificio* Christi in *cruce* vim suam omnem debent. Sic & eorum *Pascha* nostro *Paschati*. Sic & eorum in nube *Baptismus*, & *Baptismus* etiam *Diluvii*, nostro etiam *Baptismo*, cujus illi fuerunt

*Τυπὶ*, noster autem eorum ἀντίτυ-  
 πον. Ad eundem modum & Sa-  
 cerdotium eorum vim suam accepe-  
 rit à nostro etiam Sacerdotio, non illo  
 duntaxat Christi, ( fuit enim id  
 commune Legi cum Evangelio )  
 sed externo illo ministerii Evange-  
 lici Sacerdotio. Sic enim confe-  
 runtur, ut diximus, Externa eorum  
 Sacramenta cum nostris Exter-  
 nis itidem Sacramentis, Pascha eo-  
 rum cum nostro etiam Paschate  
 Eucharistico, & Baptismus cum  
 nostro itidem Baptismo. Sic eti-  
 am constabit externam Evangelii  
 Dispensationem Externæ itidem  
 Mosaicæ Dispensationi anteponen-  
 dam. Nec enim de aliis utrius-  
 que Testamenti Dispensationibus  
 quàm Externis omnis illa institue-  
 batur illorum temporum Dispen-  
 satio. Constabit præterea Evan-  
 gelicæ Dispensationi ea omnia fu-  
 isse tribuenda beneficia quæ veteres  
 sub Dispensatione Mosaicâ de Facto  
 etiam sunt consequuti, quò etiam  
 collimant Apostoli frequentes ad-  
 modum

modum in Epistolis Dissertationes. E *Novi* igitur Testamenti *Principiis* ita manifestum erit, quo sensu *Veritas Creaturis* tribuitur, eodem & *Nostri* Evangelii *Verum* esse *Sacerdotium*, & *Officium* illius *Sacerdotii Mediatorium* ipsum quoque esse *Verum*. Unde etiam colligitur, ut, *Publici Sacerdotii* Jus nullum conferebat *privatum* *Judaici Peculii Sacerdotium*; Sic nec *Evangelici Peculii*, seu *Mystici* potius *Judaismi*, *Sacerdotium* Jus tamen ullum habere commune cum *Publico* ejusdem Evangelii *Sacerdotio*.

§. 14. Reliqua ex *Augustino* noster mutuatus est *Amicus*. Videamus itaque quam vim habeant quæ hæc eadem in causâ rariocinatur *S. Augustinus*. Posuerat quodam in loco *Parmenianus* *Donatista* *Mediatorem* inter Deum & *Populum* *Episcopum*. Huic illum opponit *S. Pater* Apostoli locum, *Si quis peccaverit, Advocatum* habemus apud Patrem *Jesum Christum* justum, & ipse est propi-

Cont. Parmen.  
L. 11. c. 8.

propitiatio pro Peccatis nostris. Inde ita Argumentatur. Si itaque sequeretur & diceret: Et si quis peccaverit, advocatum habetis apud Patrem Jesum Christum Justum, &c. seipsum à peccantibus quasi segregasse videretur, ut jam non ei opus esset propitiatione quæ sit per Mediatorem sedentem ad dexteram Patris, & interpellantem pro nobis. Quod utique non solum superbè, sed etiam falsò diceret. Si verò ita diceret, hoc scripsi vobis ut non peccetis, & si quis peccaverit, Mediatorem Me, habetis apud Patrem, & ego exoro pro Peccatis vestris, &c. Quis eum ferret bonorum atque fidelium Christianorum? Quis sicut Apostolum Christi, & non sicut Antichristum intueretur? Reddit autem, paucis interpositis, rationem: Homines enim (inquit) omnes Christiani invicem se commendant Orationibus suis. Pro quo autem nullus interpellat, sed ipse pro omnibus, hic unus verusque Mediator est, cujus Typus, quoniam præfigurabatur

*in Sacerdote veteris Testamenti, nullus illic invenitur orasse pro Sacerdote. Tandem & illud, de quo egimus Argumentum de Christo uno Mediatore subjungit. Non est tamen quòd de S. Augustino admodum laboremus, acutiore quàm peritiore aut solidiore Adversario. Quod tamen salvâ Patris Maximi Pietate atque Eruditione sit dictum. Multa solent illius ætatis Rhetores in Adversariis Tragicè reprehendere quæ æquiore animo censuissent si Catholicum habuissent Auctorem. Id quod ex hoc ipso loco, ne longiùs abeamus, abunde constat. Sic enim Mediatoris officium ( quò majorem conflaret Adversario invidiam ) describit ut Supremum illum, quem dixi, sensum designet, nec in ali-um possit quàm in Christum solum, convenire. Loquitur nimirum de Uno Veroque Mediatore, quem etiam postea Maximum & Verissimum appellat Ecclesiæ Sacerdotem. Verba sunt pro illis, quas dixi, Platoni-*

*coram*

corum Regulis, *Supremæ* vocis *significationi* omnino propria. Quasi vero eo sensu vocem intellexisset *Parmenianus*. Loquitur de eo *Mediatore*, qui nec fidelium indiget precibus, nec eâ ipsâ *propitiatione* quæ fit per *Mediatorem* sedentem ad dexteram Patris & interpellantem pro nobis. Quasi nempe eam significationem vox illa necessario denotaret, aut talem credidisset suum *Parmenianus Episcopum*. Occurrit tamen de *Mose* vox illa aliquoties, quem nemo nihilominus *Christianorum* negabit primario illo indigisse *Mediatore*. Ego (inquit) *sequester & medius fui inter Deum & vos in tempore illo*. Et de *Lege* *Apostolus*: *ordinata per Angelos in manu Mediatoris*, Græcè *μεσίτης*. *Mediator* ille, quis fuerit, è priori loco intelligimus. Mox etiam sui videtur oblitus S. Pater cum *summo* veteris Testamenti *Pontifici* concedit hoc quod *Episcopis* negârat, tam *Sacerdotis*, quàm etiam *Mediatoris*, officii-

*Mat. 5. 5.*  
*Gal. 3. 19.*



Officium. Inde factum colligit, quòd nullus inveniatur, in Veteri Testamento, *orasse pro Sacerdote*. Huic etiam Observationi astipulatur Amicus noster.

§. 15. Ubinam ergo illud, quod tanti faciunt, de *Uno Christo Mediatore*, Argumentum? Adversumne putant Mediatoris *Unitati* Sacerdotii *Christiani* Officium *Mediatorium*? Nec tamen Sacerdotii *Judaici* adversum ei idem putant Officium? *Antichristus* habebitur *Mediator* *Episcopus*, seu etiam *Apostolus*? Nec *Antichristum* agnoscent *Judeorum* summum Sacerdotem similiter *Mediatorem*? Ecquis est qui non videat quantum hæc spectent ad minuendam *Evangelici* Sacerdotii dignitatem, ad *Mosaici* illam anteponendam, ad refellenda ea omnia *Apostoli* ratiocinia quibus nobiliorem ostendit *Evangelii* Dispensationem Dispensatione *Mosaicâ*? At *Typus* fuit (inquiunt) *unici* Mediatoris *Pontifex Mosaicus*. Non tamen absolvit *Mediatoris* il-

f

lam

lam quam hîc tradunt significatio-  
nem *Typicus* ille *Mediator*. Esto,  
verum fuerit. Nullus fuerit sub  
veteri Testamento repertus qui o-  
rârit pro *Sacerdote*. Num proin-  
de sequitur, ne quidem alienâ pre-  
ce cum eguisse, ne quidem univer-  
sali illâ *Christi Mediatoris* inter-  
pellatione? Hæc tamen illi *Medi-*  
*atoris* nomine intelligunt, dum  
*Parmenianum* reprehendunt, dum  
negant *Sacerdotio Evangelico Offi-*  
*cium Mediatorium*? Nihilominus  
verum non est, nullam fuisse pro  
Judæorum *Sacerdote primario Ora-*  
*tionem*. Idem ipse pro se oravit  
*Pontifex* atque *sacrificavit*, suam  
proinde alienæ opis indigentiam  
hoc ipso facto professus. Orâsse  
pro se, & pro domo suâ, diserta  
sunt in hanc sententiam verba *Le-*  
*vitici*. Idque ipsum ante nos ob-  
servavit Magno Sanctoque *Patre*  
major tamen & sanctior *Aposto-*  
*lus*: Qui non (inquit) habet ne-  
cessitatem quotidie (quemadmodum  
*Sacerdotes*) [ *Leviticos intelligit* ]  
prius

Lev. 16. 6.

Ebr. 7. 27, 28.

*prius pro suis delictis hostias offerre, hoc enim fecit semel, se offerendo. Lex enim homines constituit Sacerdotes infirmitatem habentes.*

*Rursus: In secundo autem, semel* *Hebr. 9. 7.*  
*in Anno solus Pontifex, (non alius omnino quam summus) non sine sanguine quem offerret pro sua & Populi ignorantia. Nullum ergo, hâc in causâ discrimen Sacerdotii Levitici atque Evangelici, nullum certè Levitici Privilegium. Typum tamen unici nostri Mediatoris agnoscunt ipsum illum Leviticum Sacerdotem. Nihil itaque includit unici Mediatoris rationibus adversum Typicum istiusmodi Sacerdotium, nihil certè Antichristianum. Nihil enim pugnat unius Antitypi multos esse Typos, unius Originalis multas esse repræsentationes quæ tamen habeant virtute sui Originalis propriam sibi quandam in Lege vim atque efficaciam, ne prophetarum manibus temerè aut impunè contrectentur.*

de Uno Altar.  
 & Uno Sacer-  
 dot. c. 12.

§. 16. Quidni igitur *Episcopos* eodem illo *Typici Sacerdotii* nomine & honore insigniamus? *Ignatium* certè aliosque insigniisse *Veteres* alibi ostendimus. Nec negari certè potest *honorem* quemcunque habent, à *Christo* cum habere, & in *eum* redundare omnes proinde illorum *contemptus* atque *contumelias*. *Christum* itaque *repræsentant* necesse est, unamque constituent cum eo in Lege, *Personam*. Alioqui nulla posset esse ratio cur ad *Christum* pertineat quæ in illos admittitur *Contumelia*. Negari iterum non potest quæcunque locum habent, in *Christianismo*, *Sacrificia* ea etiam ad Officium *Episcoporum* attinere, nec ab alio esse quàm à *Christo* eorum etiam illam *Sacrificandi* Potestatem, nec aliud *repræsentari* in *Eucharistiâ* *Sacrificium* quàm *Christi* illud in *Cruce* quod & in *Cælis* hodieque à *Christo* repræsentatur. Qui ergo *Christum* in ipsâ etiam *Sacrificandi* Potestate *repræsentant*, Quidni illos

illos pro repræsentatitiis Sacerdotibus habeamus? At Sacerdotem Typicum non alium intelligimus quàm Sacerdotem istiusmodi repræsentatitium. Sed Typos omnes Veteris Dispensationis proprios existimant Adversarii. Concederem faciliè si de futura Dispensationis Typis intelligerent, quales erant Mosaici. Nec enim aliam fateor futuram Dispensationem esse expectandam. Quòd si de rerum invisibilium Cælestiumque Typis intelligant, nec verum est tales in Christianitate locum non habere, nec id unquam ex ullis conficiant Scripturarum ratiociniis. Ipsa Sacramenta id genus Typi sunt, Officia nempe nostra Sacerdotalia. Nihil ergo impedit quin & ipsum, cujus ea sunt Officia, Sacerdotium Typicum agnoscamus.

## CAP II

## CAPUT II.

Factum *Laicorum* Sacerdotale  
 nullum testatur ab Ecclesiâ  
 probatum fuisse Terullia-  
 nus.

**C**oncesserant hætenus Eccle-  
 siæ Patroni, pariter ac Ad-  
 versarii, de Facto aliquo *Laico-*  
*rum* Sacerdotali, & quidem ab  
 Ecclesiâ probato, intelligendum  
 hoc in loco Tertullianum. §. 1. Non  
 est Tertullianus Testis de Facto,  
 sed Disputator de Jure *Laico-*  
*rum*. §. 2. Idem valent Tertul-  
 liano Tinguis & Offers, ac Jus  
 habes Tinguendi atque Offeren-  
 di. §. 3. Exempla. §. 4. Ita se  
 explicat ipse Tertullianus. §. 5.  
 Tinctionem hanc Oblationemq;  
*Laicorum* non sumit pro concessis,  
 sed probat. §. 6. Aliis in locis,  
 ubi non probat, eo ne utitur qui-  
 dem

dem Argumento. Exhortationem Castitatis scripsit nondum Hæreticus. Ecclesiæ displicuisse hanc Argumentationem innuit ipse Tertullianus. §. 7. Explicantur hujus Argumenti Principia. Forma Regiminis Ecclesiastici à Romanarum Civitatum formâ desumpta. §. 8. Ecclesiæ nomen ab usu vocis Hellenistico, ut proinde non solos Plebeium conventus designârit. §. 9. In Sacris, idem Ecclesiæ nomen, (etiam apud Græcos,) aliorum Conventus significavit, præterquam Plebeiorum. §. 10. In Ecclesiâ Christianâ certum est Stantes Laicos Clericis sedentibus fuisse minores. §. 11. Etiam inter Sedes Ecclesiasticas propria tamen quædam erat dignitas Sedis primariæ. §. 12. Pro exemplo Monarchiæ Romanæ probabile est Monarchiam Ecclesiasticam fuisse absolutissimam. §. 13. Jus Regiminis Ecclesiastici nascitur è Jure Sacerdotii;

ut

*ut proinde siquod Jus habuerint  
 Laici regendi Ecclesiam, eosdem  
 Jure etiam Sacerdotii præditos  
 fuisse necesse sit. §. 14. Quid sit  
 Tertulliano Ecclesiæ Autoritas.  
 §. 15. Quid honor per Ordinis  
 Confessum sanctificatus. §. 16.  
 Quid differentiam inter Ordinem  
 & Plebem ab Ecclesiæ Autoritate  
 constitui. §. 17. Quid hono-  
 rem Sacerdotii per Ordinis Con-  
 fessum sanctificari. §. 18. Quid  
 constitui. §. 19. Quem nexum  
 habeant hæc Tertulliani verba  
 cum præcedentibus. §. 20. Ex-  
 plicantur Tertulliani verba ;  
 Adeo ubi Ecclesiastici Ordinis  
 non est Confessus, &c, §. 21.  
 Non Clavis errorem, aut malè  
 administratam à Rectoribus rem  
 Ecclesiæ publicam, pro Necessi-  
 tatis casu agnovit Tertullianus.  
 §. 22. Infertur, de Facto ne qui-  
 dem intelligi posse Tertullianum.  
 §. 23. Explicantur verba, U-  
 bi tres, Ecclesia est, licet Laici.  
 §. 24. Intelligenda de tribus Sa-  
 cerdotibus,*



*cerdotibus, ut pròinde Sacerodtes  
essentiam Ecclesiæ constituerent.  
§. 25. Ita senserunt cœvi Tertulli-  
ano, idque meritò. §. 26. Expli-  
cantur, refellunturque Tertulliani  
verba illa, Unusquisque enim suâ  
fide vivit, &c. §. 27. E Suffragi-  
iis Laicorum, in Causis Ecclesiasti-  
cis, jus eorundem Sacerdotale vi-  
detur elicuisse Tertullianus. §. 28.  
Sed perperam. §. 29.*

*Resp. ad alium Terulliani lo-  
cum quo Factum subindicari pu-  
tant in Lib. de Cor. Mil. Præ-  
sidentium nomine non Presbyteri  
intelliguntur, sed Episcopi. §. 30.  
Seculo Tertulliani ne quidem ipsis  
licebat Presbyteris Communio-  
nem dare nisi consulto Episcopo,  
nec passim alibi celebrare, nisi  
ubi præsens adesset Episcopus.  
§. 31. Non ita ab initio. §. 32.  
Seculo Quarto permissus Laicis,  
urgente Necessitate, Baptismus.  
§. 33. Non tamen in Ecclesia A-  
fricana. §. 34. Ne quidem ur-  
gente Necessitate, audebant Laici*

*Afri Consecrare Eucharistiam.*  
 §. 35. *Quæ adduxit è Basilio de*  
*Patricia Cæsariâ Petavius, nihil*  
*omnino ad Consilium Tertulliani.*  
 §. 36.

§. 1. **I**ta refutatis aliorum de  
 hoc *Tertulliani* loco senti-  
 entiis, alia jam quærenda ratio  
 quâ possit adversus illum *Ecclesiæ*  
*Disciplina* defendi. Id quod eo  
 magis factu necessarium est quòd  
 nimium huc usque concesserint  
*Ecclesiæ Patroni Ecclesiæ Adver-*  
*sariis.* In eo enim utrique consen-  
 tiunt, fuisse nimirum, *Tertulliani*  
*ætate, Laicos* qui *Baptismum* sal-  
 tem celebrârint, *Sacerdotii* nimi-  
 rum ( ut vidimus ) *Evangelici* of-  
 ficium, si tamen nulla fuisset ali-  
 unde copia *Sacerdotum Evangelicorum*,  
 nullus istiusmodi *Sacerdo-*  
*tum* in vicino confessus. Consentiant  
 non *Hæreticos* modò *Laicos*, aut  
*Schismaticos*, aut aliunde ab *Eccle-*  
*siâ extorres*, hæc sibi munia vendi-  
 cillè ( eorum enim nullam conce-  
 dent

dent apud *Catholicos* fuisse Autoritatem) sed *Laicos* & ipsos *Catholicos*, nec eo à *Catholicis* nomine reprehensos. Sic enim solida, apud *Catholicos*, ab id genus *Laicorum* usu, *Tertulliani* procederet Argumentatio, alioqui frivola & prorsus inepta. Consentiant denique non id *Potestate* aliquà à Clericis *mutuatitia* fecisse, etiam in *Necessitatis* causâ, *Laicos*; sed suo quodam *Jure Sacerdotali*, neutiquam tamen extra illam *Necessitatis* causam, exercendo. Nec enim à *presumpto* Clericorum *consensu* procedit rationum; nec si ita procederet *Jus* aliquod *Laicorum* Sacerdotale probaret *mutuatitia* prorsus *Autoritas*, quod tamen inde conficit *Tertullianus*.

§.2. Ego *Tertullianum* ita intelligo, non ut *Testis* fuerit *consuetudinis* in Ecclesiâ de *Facto* obtinentis quâ *Laicis* munera *Sacerdotalia*, in *Necessitatis* causâ, ab Ecclesiâ permitterentur, seu rectè ea, seu perperam permitterentur: sed plane ut *Disputator* id è *Jure* *Laicorum* Sa-

*cerdotali collegerit, Jus esse Laicis,*  
*in casu Necessitatis, administrandi*  
*munera Sacerdotalia, seu proba-*  
*rentur ea ab Ecclesiâ, seu irrita ha-*  
*berentur; seu fuissent reperti Laici*  
*qui Jure suo fungerentur, seu ne-*  
*minem haberent Exemplum. Ita*  
*nullum erit Tertulliani, quod pu-*  
*tant, de Facto Testimonium. Sic e-*  
*nim Disputat ille, non ut è Facto Jus*  
*Laicorum Sacerdotale collegerit, sed*  
*è Jure eorundem Sacerdotali (non*  
*concesso à Catholicis, sed aliis Ra-*  
*tiociniis comprobato ) illud præ-*  
*terea collegerit, rectè Laicos, &*  
*pro Officio, facturos si qui mu-*  
*nera Sacerdotalia, eo, quem dixi,*  
*Necessitatis casu exercuissent. In-*  
*de porro concluderit, quò paratio-*  
*res essent, ad tales casus, Laici,*  
*cum munere Sacerdotali Sacerdota-*  
*lem quoque illam, de quâ agit,*  
*Monogamiæ Disciplinam observare*  
*oportere. Sic propria erit Tertul-*  
*liani hæc Sententia, non Ecclesiæ,*  
*nec proinde pluris æstimanda quàm*  
*illa, quâ nititur, Argumentatio. Sed*  
*Sententiæ*

Sententiæ Paradoxæ, & quæ alios effugerit Ecclesiæ non *Adversarios* modò, sed etiam *Amicos*, reddendas fateor esse rationes.

§. 3. Imprimis verba illa *Tertulliani Offers & Tinguis*, quamquam *Præsentis* Temporis, non tamen *Actualem* aliquam *Tinctionem* necessariò denotant aut *Oblationem*. Nec enim, ubi nullus esset *Sacerdotum* Ecclesiasticus *Confessus*, statim necessè erat de *Facto* tingere aut *Offerre* Laicos, sed poterant omnino, & necesse erat illos aliquando, à *Facto* abstinere. *Rigaltius* ipse casum *Tinctionis* & *Oblationis* conditionatum duntaxat facit, nec tamen *positâ* conditione ut possit in *absolutum* transire. Nec enim in Ecclesiis constitutis, etiam ingruente *Persecutione* quæ impediret quominus possent *Ecclesiastici Sacerdotes* in unum convenire, ita *Sacerdotum confessum* defecturum existimat ut locus esset *Sacerdotio Laicorum*, sed apud *Barbaros* duntaxat, aut in *Insulâ desertâ*, ubi  
ne

*Rigalt. ad Lib.  
de Exhort. Cast.  
ex Agobardi  
Codici Edit.  
Lutet. 1628.  
Observ. 19.*

Albaspin. de  
Eucharist.  
L. II. c. 8.

ne essent quidem *Sacerdotes* qui possent in unum convenire. Tandem igitur apud illum valent *Offers ac Tinguis* ac (positâ illâ, quam dixi, *Conditione*) *Offerre velles ac Tinguere*. Aliter *Albaspinæus*. De *Oblatione* enim & *Tinctione* intelligit non modò de *Facto* præstitis, sed quæ etiam consuetæ essent & in solenni more positæ. Idem igitur illi *Offers ac Tinguis*, ac *Offerre soles ac Tinguere*. Plus etiam hîc per verba illa intelligit quàm, per strictas *Grammaticæ Regulas*, *Præsentis* *Temporis* verba solent denotare. Ego tertiam potius *Significationem* huic loco puto aptiorem, quæ tamen nulum includat, uti dixi, de *Facto* *Testimonium*, ut nimirum verba illa eodem redeant acsi dixisset, *Jus habes offerendi atque Tinguendi*. *Jus* enim ei esse potest qui eo tamen neutiquam utatur.

§. 4. Est enim id in *Scriptoribus* de *Legibus* frequentissimum ut *Præsentis* *Temporis* *Verbis* *Jura*

ra designent. Sic in *Constitutionibus* quas *Apostolicas* appellant:

Ἐπίσκοπος εὐλογεῖ, ἐκ εὐλογεῖται. Const. Ap.  
L. 8. c. 8.  
χειροθετεῖ, χειροτονεῖ, χειροφέρει,

εὐλογίαν ὡς Ἐπισκόπων λαμβάνει,  
ὡς δὲ Πρεσβυτέρων ἑοδαμῶς. Ἐπί-

σκοπος χειροθετεῖ πάντα Κληρικόν, &c.

Πρεσβύτερος εὐλογεῖ ἐκ εὐλογεῖται.  
εὐλογία δέχεται ὡς Ἐπίσκοπον

ὡς συμπρεσβύτερον· ὡσαύτως ὁπιδίδω-  
σι συμπρεσβύτεροι. χειροθετεῖ ὁ χει-

ροτονεῖ, ὁ χειροθετεῖ, ἀφορίζει δὲ  
ὑπερβεβηκότας, &c. Διάκονος ἐκ εὐ-

λογεῖ, ὁ δίδωσιν εὐλογίαν, λαμβάνει  
δὲ ὡς Ἐπίσκοπον ὡς Πρεσβύτερον·

ὁ βαπτίζει, ὁ χειροφέρει, &c. Sic  
& reliquorum Clericorum *Jura*

pro eadem plerunque formâ indi-  
cantur. Sic autem formam ali-

quando mutat, ut una alteram ex-  
plicet. Ita enim ibidem legimus:

Τῶν δὲ ἄλλων κληρικῶν τὸ τῷ δια-  
κόνῳ ἔργον ποιῆσαι ὡς ἐξ ἑξῆς. &c. Ὁπο-

διακόνῳ ἐκ ἑξῆς ἀφορίζει, &c.  
Idem igitur valebat in superiori-

bus, ὁ χειροτονεῖ, ὁ χειροθετεῖ, ὁ  
χειροθετεῖ ac ἐκ ἑξῆς χειροτονεῖν. χει-

ροτονεῖ.

Saxbdr. c. 11.  
1, 2.

ἐδεῖν, καὶ ἀντιπᾶν, & vice versâ  
καὶ ἐπὶ τοῦ, καὶ ἐπὶ τοῦ ac ἔστι καὶ ἐπὶ  
τοῦ, καὶ ἐπὶ τοῦ, &c. Sic & apud  
Juridicos Judæos, Rex Judicat, non  
Judicatur, Sacerdos Judicat & Ju-  
dicatur, &c. Sunt etiam aliorum  
Legum pro eâdem formâ statuenti-  
um exempla frequentissima.

§. 5. Nec se aliter explicat ipse  
Tertullianus. Quod enim hic dix-  
erat *Offers & Tinguis*, id ita po-  
stea aliter enunciat. Sic enim in-  
frâ: *Igitur si habes Jus Sacer-*  
*dotis in temetipso ubi necesse est, ha-*  
*beas oportet etiam Disciplinam Sa-*  
*cerdotis ubi necesse sit habere Jus*  
*Sacerdotis. Digamus tinguis? Di-*  
*gamus Offers? E particulâ Igitur*  
*discimus neçtenda hæc ita esse cum*  
*præcedentibus, ut quod probave-*  
*rat superiùs hic sumat pro novæ Ra-*  
*tiocinationis Principio. Quod itaq;*  
*suprà dixerat, Sacerdos es tibi solus;*  
*hic ita, habes Jus Sacerdotis. Cum*  
*rursus ex hoc Jure Sacerdotis ita*  
*Disputat, Digamus tinguis? Diga-*  
*mus Offers? Tinguis & Offers*  
*idem*



idem valeat oportet, ut suprà, quòd  
*Sacerdos es.* Cum itaque voce Sa-  
 cerdotis, *Jus*, ut vidimus, *Sacerdo-*  
*tis* intellexerit; consentaneum est  
 ut & voces *Tinguis* & *Offers* de  
*Tinguendi* etiam atque *Offerendi*  
*Jure* intelligamus. Aliter plus erit  
 in novi Ratiocinii Præmissâ quàm  
 fuerat in præcedentis Conclusionè.  
 Idem etiam colligimus ex alio no-  
 stri Autoris loco, quem tamen ge-  
 minum agnoscunt Adversarii. Quòd  
 enim hìc Laicis *Tinctionem* tribuit,  
 de *Jure* id *Baptizandi* explicat in  
 Libro de *Baptismo*: *Alioquin* ( in-  
 quit) & *Laicis* *JUS* est. Ita fi-  
 et ut *Tinctio* illa de *Tinguendi* sit  
*Jure* duntaxat exponenda. *JUS* ta-  
 men solum vix erat utique memo-  
 raturus, si etiam de *Facto* constaret.  
 Quia tamen de *Jure*, eo in loco, *Bap-*  
*tizandi* præcipuè agitur, nempe *Mu-*  
*lieribus* negando; & quia etiam  
 Episcopo *Jus* solum *Baptizandi*  
 ibidem assignatur, ut & reliquis  
 superiorum Ordinum *Clericis*, quos  
 tamen constat etiam *Baptizasse* de  
 h Facto;

de Bapt. c. 17.

*Facto* ; proinde non erit fortasse necessarium ut *Jus* hoc ita intelligamus ut necessario *Factum* excludat, ni ex aliis locis constaret de *Jure* Baptizandi, seu *Factum* comitetur, seu ab eo etiam separetur, intelligendum esse *Tertullianum*.

§. 6. Id potius urgendum existimârim quòd hoc Laicorum *Sacerdotium*, & *munera* ejusdem *Sacerdotalia*, nonumat pro *concessis*, sed suscipiat ex professo *probanda*. Ut *Sacerdotium* probârit, alibi fortasse videbimus. Quod verò atinet ad *munera Sacerdotalia*, ex hoc ipso loco satis constat: Adeo, ( inquit ) *Ubi Ecclesiastici Ordinis non est confessus, & Offers & Tinguis, & Sacerdos es tibi solus*. Notanda diligenter particula *ADEO*. Sic enim legit optimus Codex *Agobardi*, cui soli debemus siquid intelligimus in hoc fere universo opere de *Exhortatione Castitatus*, & quoniti etiam præcipuè solent Ecclesiæ Adversarii. Sic certè locum representavit ex ipso *Agobardi* Codice

Rigalt. Obser-  
vati 19. de

ce *Grotius*, cum tamen vulgarium *Codicum* servârit errorem in sua *Agobardianorum Tertulliani Opusculorum* Editione *Rigaltius*. Est autem ea particula *Illativa*. Unde intelligimus *Ius* illud *Offerendi* & *Tinguendi* ubi *Ecclesiastici Ordinis* non est *Confessus* inferri à *Tertulliano* è præcedentibus tanquam è *Præmissis Conclusionem*. Et quidem id appositissimè. Sic enim optimè cohærebunt, alioqui nullam prorsus cum præcedentibus connexionem habitura. Sunt enim ea talia quæ antecedunt è quibus promptum esset hanc elicere *Conclusionem*. Ut si minùs *Codicis* tam insignis fide constaret adjiciendam esse *Inferendi* particulam, *res* tamen *ipsa* id suaderet. Cui enim *differentiam* inter *Ordinem* & *Plebem Ecclesiæ* honori per *Ordinis Confessum* sanctificato tribuisset; jam rectè sequebatur, ubi *nullus* esset (qui liberum impediret *Laici Sacerdotii* usum) *Ecclesiastici Ordinis Confessus*, in eo casu ritè *Oblaturum* *Laicum* &

*Cen. Admini-  
stration. ubi Pa-  
flores non sunt.*

*Tincturum, & sibi fore Sacerdotem.* Rediret enim, sublato impedimento, & *usus* Juris illius Laici Sacerdotalis. Nempe, licet è falsis Præmissis, legitima tamen, &, pro Artis Logicæ Regulis, rectè constituta conclusio. Sic & in Libro *de Baptismo*, postquam dixisset, *Alioquin & Laicis Jus est*, quasi revocasset in animum non id ei concessuros quibuscum fuerat ei Disputatio, probationem deinde, pro suo more, subjungit, non quidem solidam illam, sed talem nihilominus qualem ferebat causa cujus patrocinium susceperat. Sic enim sequitur: *Quod enim ex æquo accipitur, ex æquo dari potest, nisi Episcopi jam, aut Presbyteri, aut Diaconi, vocantur, dicentes, Domini sermo non debet abscondi ab ullo. Proinde & Baptismus æquè Dei census ab omnibus exerceri potest.* Notandæ & hic particulæ *enim* & *proinde*. Sunt enim ex *Probationis* indicia. Notandum præterea, cum & *Clericis* Jus illud *Baptizandi* tribuisset, non tamen

tamen *Clericorum Jus*, sed duntaxat *Laicorum* suscipere probandum. Id enim solum qualitercunque probant, quæ vidimus, Argumenta. Quin potius è *Clericorum Jure* tanquam omnibus notorio facileque concedendo hoc suum elicit minime concedendum *Laicorum Sacerdotium*. Eò enim spectant illa: *Nisi Episcopi jam, aut Presbyteri aut Diaconi vocantur discentes*. Sic enim potius legerim cum *Latinio* quàm cum vulgatis. Est enim ea vox *Discientium* pro *Discipulis* apud *Tertullianum* sane frequentissima. Sic itaque Argumentatur ut *Necessitas* ingruens novam conferat vulgaribus *Discipulis*, quam antea non habebant, Autoritatem. Quòd enim hìc jam dicitur, id postea explicat per vocem *Necessitatis*. Sufficiat (inquit) scilicet in necessitatibus ut utaris. Sic & ubi necesse est in Opere de *Exhortatione Castitatis*. In eà igitur *Necessitate* *Episcopi* Personam aut *Presbyteri* aut *Diaconi* sustinebit (pro *Tertullia-*  
ni

ni mente) *Laicus*. Ut proinde possit  
& *Jura* sibi *Clericorum* in eo Casu,  
vendicare. Omnino hæc supponunt  
*Jus* Sacerdotale *Clericorum* à  
nemine negatum, *Laicorum* illud  
à nemine, saltem *Catholico*, fortas-  
se concessum, ætate *Tertulliani*.  
Tantum ab est ut concesserit *Coæva*  
*Tertulliano Ecclesia*.

ad ux. l. 1.  
& de Monog.

§. 7. Quid quòd, aliis in locis,  
quibus de eodem agit *Monogamiæ*  
Argumento, nuspiam tamen *Facti*  
*Sacerdotalis* illum putent memi-  
nisse vel ipsi quidem Adversarii,  
non id proculdubiò prætermis-  
sum si quòd extitisset id genus *Fa-*  
*ctum* ab *Ecclesiâ* probatum. Tum  
enim solet aliquoties ille repetere  
quæ antea scripserat quoties de no-  
vo idem retractat Argumentum.  
Sic in *Apologetico* & Libris *ad Na-*  
*tiones*, eadem leguntur utrobique  
ferè omnia. Sic & in his de qui-  
bus agimus Libris, cum alia  
pleraque eadem legantur, de hoc  
tamen *Facti* Argumento, in illis  
quos diximus Libris, altum est u-  
bique

bique silentium. Et tamen à probato *Facto* ad *Jus* longe fuisset solidior Argumentatio quàm contraria illa à *Jure*, non concessio utique sed *probando*, ad *Factum*. Nec enim *vera* modò fuisset illa, ipsarumque rerum *naturis* consentanea; sed *vera* etiam\* (uti loquuntur) *ad homines*, & ab adversariis concessa, omnique proinde exceptione major. Cur itaque illam omitteret? Eò certè potiori ratione non erat omittenda quòd, post *Exhortationem Castitatis*, Libros ad *Uxorem* de *Monogamiâ* videatur scripsisse *Tertullianus*. Librum de *Monogamiâ* adversùs *Ecclesiam* scriptum ait *Hieronymus*, à *Tertulliano* nimirum jam *Montanistâ*. *Montanismi* nullum in *Exhortatione* vestigium, nec in id genus Librorum Catalogo recensuit *Hieronymus*, cum tamen in eodem versetur Argumento cum Libro de *Monogamiâ*. Sed nulla hìc mentio *Pseudo-Prophetiæ*, nulla *Psycbicorum*, nihil in *Ecclesiam* asperius. Difficilior omnino

Hierony. Cat.  
in Tertul.

Hieronym.  
adv. Jovin. L. I

Hieronym. in  
Catalog.

Exhort. c. 12.

Apol. c. 4.

nino cum Libris ad *Uxorem* comparatio. *Lusit* (inquit *Hieronymus*) *Tertullianus* adhuc *Adolescens* in hac materia. Nondum itaque *Montanista*, Post mediam enim ætatem ab *Ecclesiâ* eundem defecisse idem Testis est *Hieronymus*. Et multa *Montanistarum* placitis adversa legimus in Libris ad *Uxorem*. Non damnat ille prorsus cum *Montano Deuterogamiam*, nec in *Persecutione Fugam*. Et tamen ita durè de utraque sentit, ut ad illos etiam *Montanistarum* errores propendere videatur. Potius itaque prior nostra videtur *Exhortatio*, ut hunc *Tertulliani lusum* intellexerit *Hieronymus*. Quid quòd cum *Exhortationem* scriberet *Tertullianus*, adhuc vigeant *Leges Papiæ*, quibus ad liberos (inquit) suscipiendos compellerentur homines. Sublatas illas à *Severo* idem testis est cum scriberet *Apologeticum*. Quod ait à *Severo* sublatas, factum probabile est cum solus esset *Severus Augustus*. Nempe ante *An. Dom.*  
CXCVIII.



CXCVIII. quo datus est ei à militibus in Imperio *Augusteo* Collega filius *Caracalla*. Et sane probabile est eo circiter tempore esse sublatas. Devicto enim An. CXCVI. *Albino*, scripsit ad *Senatum* minaces literas, in quibus & *Senatoris* nuper *Consulis* amores *meretricios* improperat. Proinde verisimile est reversum edidisse severas illas in causâ *Adulterii* Leges quarum meminerunt Autores, & una alias illas Leges *Juliam* & *Poppæam* de *Maturandis Nuptiis* sustulisse, ut tanto sanctiùs Nuptiæ & Religiosiùs observarentur quò minùs temerè inirentur. Sic ante alia ejus Opera quamplurima scripserit hanc *Tertullianus* *Castitatis Exhortationem*, certè ante illud de *Monogamiâ*. Nulla tamen, ut dixi, in eo de *Monogamia* Opere, mentio de *Tinguendi Offerendive Potestate Laicis* concessâ, cum tamen hîc *Sacerdotium Laicorum* rursùs defendat. Defendit autem ita ut unâ innuat nullatenus illud ab *Ecclesiâ*

Dio Xiphilin.  
in Sever.

de Monog.  
c. 12.

*siâ* fuisse probatum. *Cum extolli-*  
*mur* (inquit) & *inflamur adver-*  
*sus Clerum, tunc unum omnes su-*  
*mus, tunc omnes Sacerdotes.* Non  
est verisimile à veris solidisve peti-  
ta esse Principiis, quæ nemo do-  
cuerit sedatus. Non est verisimi-  
le ab *Ecclesiâ* probata esse (quæ  
illis certè temporibus pendeat à  
*Clero*) quæ nemo docuerit nisi  
*elatus & inflatus in Clerum.* Ratio-  
nem reddit à *rebellibus* illis procul-  
dubiò allatam, non quòd eorum  
munus aliquod Sacerdotale *pro-*  
*bâisset Ecclesia,* sed *quia* (inquit)  
*Sacerdotes nos Deo & Patri suo fe-*  
*cit: E. Scripturis* igitur, non è *Facto*  
aliquo, probârunt Jus illud *Sa-*  
*cerdotale Laicorum.* Ex *iisdem* mu-  
nera illa Sacerdotalia, & *Facta* esse  
probanda, siqua fuissent edita. Ab-  
stinuit autem, datâ operâ, ab eâ  
*Facti,* ni fallor, mentione, quòd mi-  
nùs firmum illud judicârit Argu-  
mentum quod alio esset Argumen-  
to confirmandum. Nullum ita-  
que

que erat id genus *Factum* hucusque ab *Ecclesia* probatum.

§.8. Ut autem intelligamus quàm solidè Argumentetur *Tertullianus*, & quid fuerit ei ab *Adversariis* de *Facto* concessum, quid solâ ejus *ratiocinatione* conficiendum; indicanda sunt omnino *Argumenti Principia*. Civitatum *Romanarum Græcarumque* Disciplinam in Civitatum *Ecclesiasticâ* etiam Administratione observatam constat è *Tertulliani* aliquantisper cœvo *Origene*. Sic enim ille illas invicem contendit ut partes partibus etiam responderint. Id genus autem Civitatum πολιτεία è duabus omnino constabat hominum classibus, è Βουλῇ & Δήμῳ pro *Græcorum*; è Plebe & Senatu, pro usu *Romanorum*. Senatui respondebant in Ecclesiâ *Presbyteri*, nimirum ab ætate utrobique sic dicti. Proinde Ordinem appellat *Tertullianus* superius hoc in Ecclesiâ Concilium, & à Plebe diversum facit, pro *Romanorum* usu accuratissimè, apud quos

quos *Senatorius Equesterque Ordines Plebeis* opponuntur. Inde intelligimus quàm rectè hæc, & pro *Tertulliani* mente, & è *Romanorum* exemplis interpretemur, cum & *vocabula* hæc à *Romanis* acceperit, & in *Ecclesiam Tertullianus* invexerit, Constat porro utrique huic *Concilio*, tam *Clericorum* illi quàm etiam *Laicorum*, suum fuisse ætate *Tertulliani*, nostrique *Cypriani*, in *Ecclesiâ* suffragium. Proinde & eorum *Jura* (pro mente saltem *Tertulliani*) è *Civitatum*, quos dixi, moribus intelligenda. Id præterea etiam constat, superiora illa *Concilia Civitatum* in locis rectis solita cum suo Moderatore convenire, *sedentesque* proinde consilium dedisse, ut propterea non *βελαι* duntaxat, sed *αὐτέδεια* etiam appellentur (*Romanis confessus*) à situ nempe consulentium. Nec enim pleno *Senatorum Jure* fruebantur *pedarii* (quorum meminit *Gellius*) *Senatores*. *Plebes* in *Campis* suffragari solebânt, locisque  
*subdi-*

*subdivalibus*, ut proinde, in liberis etiam Rebuspub. non *sedentes* tamen, sed *stantes*, suffragarentur. Hos etiam consulentium *situs* in *Ecclesiam* migrasse suam etiam testis est ætate *Cyprianus*. *Stantium Laicorum* meminit *Clerus Romanus*, & ipse *Cyprianus*. Idem sic de *Numidico* *Ordinato Presbytero*: *Adscribatur Presbyterorum Carthaginensium numero, & nobiscum sedeat in Clero*. De *Celerino* etiam & *Anrelino* Presbyteris designatis: *Cæterum Presbyterii honorem designasse Nos illis jam sciatis, ut & sportulis iisdem cum Presbyteris honorentur, & divisiones mensuras æquatis quantitatibus partiantur, sessuri Nobiscum, &c.* Nec enim recentiora *Cypriano* Testimonia, hoc in loco, colligenda censuimus ad explicandam sententiam *Tertulliani*. Dux igitur erant in *Ecclesiâ*, pro exemplo *Civitatum*. *Suffragantium Classes, Laicorum stantium, sedentiumque Clericorum*. Sic tamen dux, ut ad unius ejusdemque *Ecclesiæ* integri-

Ep. 31. Pame

Ep. 14. 27. 5.

Ep. 35.

Ep. 34.

Ep. 27.

tegritatem utræque concurrerent: Ita enim *Ecclesiam* ait *Cyprianus* in *Episcopo & Clero &* in omnibus *Stantibus* esse constitutam. Quanquam enim apud *Græcos* diversi admodum invicem, & diversorum *Jurium*, & diversis in locis, haberentur *Plebis*, uti dixi, *Senatûsque* conventus; quanquam etiam *Plebei*orum conciones præcipuè *Ecclesiæ* appellarentur: *Nihil* tamen impediunt hæc quominus apud *Christianos* utrique unam conflarent *Ecclesiam*.

§. 9. Nempe *Ecclesia Christianorum* non à *Græcarum* *Rerumpub.* *Ecclesiis* immediatè deducta est (ut existimavit quidam nostratium *Independentium*, magnum inde causæ suæ præsidium colligendum arbitratus, summæ nimirum *Plebis* in *Ecclesiâ* Potestatis, qualis nimirum fuerat in *Græcorum* *Democratiis*) sed ab *Hellenistarum* Veteris Instrumenti Interpretum illius vocis usu. Sic autem eam illi usurpant *Interpretes* ut quoscunque quorumcunque

que hominum Conventus, seu *legitimos* illos, seu etiam *illegitimos* complectatur, longe laxiori, quàm quàm eam adhibuerant *Græci*, significatione. Nimirum id genus voces *Ebreas* eâ reddunt illi voce quæ & ipsæ fuerint laxissimæ. Respondet nimirum voci  $\eta\eta\eta$  &  $\eta\eta\eta$  Et quo manifestiùs constet inde repetendam esse hujus vocis originem, occurrunt in *Novo* quoque *Testamento* liberiores ejus significationes quàm ferebat *Græcæ* Linguæ puritas, idque etiam in Scriptore *Græcæ* alioqui puritatis observantissimo, nimirum *S. Lucâ*. Is turbam illam hominum seditiosorum adversùs Apostolum tumultuantium  $\epsilon\kappa\kappa\lambda\eta\sigma\acute{\iota}\alpha\nu$  appellat, quam etiam  $\epsilon\nu\nu\omicron\mu\omega\ \epsilon\kappa\kappa\lambda\eta\sigma\acute{\iota}\alpha$  opponit. v. 39. *Act. 19 32, 40:* quæ tamen sola apud *Græcæ* Linguæ castos Autores *Ecclesia* esset appellanda. Idem etiam ( quod propius ad hanc nostram causam spectat quòd *Ecclesiasticæ* significationis originem propiùs designet ) universam, quâ patebat, omnium  
Ordinum

Añ. 7. 38.

Ordinum multitudinem *Israeliticam Ecclesiam* nuncupat, ἐκκλησίαν ἐν τῇ ἐρήμῳ, locum scilicet, *Deut.* 18. 16. proculdubio imitatus. Ex quo intelligimus & hunc quoque, ut & alios plerosque dignitatis Titulos à *Synagogâ* deduxisse *Christianos*, & pro primariâ, quam habebat in Sacris Scriptoribus, significatione, *universam* denotare, *omniumque Ordinum*, nostrorum multitudinem.

§. 10. Quanquam etiam, ut daremus, à *Græcæ* Linguæ Scriptoribus ad nostros profluxisse hujus vocis usum; ne ita quidem necesse erit ut *Plebis* solius conventus, seu *duntaxat*, seu etiam *præcipuè*, designet apud *Christianos*. Alia enim erat ejus, etiam apud *Græcos*, in Sacris quàm in *Politicis*, significatio. Sacer erat, & communis universæ ferè *Græciæ*, Conventus *Amphyctionum*, Delphicis nimirum Sacris præfectus, quæ erant omnium communia. Constabatque è *Sacerdote* Eponymo (cujus nomine Decreta



Decreta eorum publica consignata legimus apud *Demosthenem*) *Hieronymemosi* & *Pylagoris*, cum aliis etiam è *Plebe* *Assessoribus*. Nunquid igitur solorum *Assessorum* *Conventum* ἐκκλησίαν appellandam putabunt? Sic equidem foret appellanda, pro usu *Reipub.* Sed alium fuisse illius vocis, hâc in causâ, usum Testis est disertissimus *Æschines*, ipse unus è *Pylagoris*. Sic enim ille: Ἐκκλησίαν ἐνομαζομένην, ὅπου μὴ μόνον τὸς Πυλαγῶρος & τὸς Ἱεροκλήμους συγκαλέσωσιν, ἀλλὰ & τὸς σωδύοντας & χρωμένους τῷ θεῷ. Sic itaque in usu vocis apud *Christianos*, cum *Sacrum* denotet *Conventum*, omnes proinde denotabit hominum *Ordines* quorum ullus fuisset in *Conventibus* ipsis, pro more, usus, seu *Suffragandi*, seu *Assentiendi* duntaxat atque comprobandi. Præsertim cum & eadem apud *Primævos Christianos* ratio valuerit quæ apud *Græcos* obtinebat. Nec enim, ut in *Politicis*, alios sibi proprios *Con-*  
Æschin. contra Ctesiphont. n. 39.  
k                      ventus

*ventus* habebant *Plebii* à *Senatoribus*, sic in *Sacris* habebant *Amphyctionum* *Conventibus*. Omnes in eodem loco & in cœtum etiam eundem conveniebant, proinde meritò communi nomine *Ecclesiam* appellandam. Sic & apud *Christianos* iidem erant utrorumque *Conventus Clericorum* sedentium, stantiumque *Laicorum*, ut proinde unam utrique confecerint *Ecclesiam*. Erat tamen & alia *Christianis* propria ratio, quòd cum voces *Conventuum* significatrices ad homines transire soleant, idem etiam in hâc quoque voce contigerit. Ita factum apud Nos ut universum *Christianorum* Corpus, seu conveniret, necne, vocetur tamen *Ecclesia*. Ita deinde consecutum ut cum universum illud Corpus unum sit, proinde & multi *Christianorum* *Conventus* pro unâ tamen habeantur *Ecclesiâ*. Ut itaque diversi fuissent, apud *Primævos Christianos* (id quod falsum esse diximus) *Laicorum* *Clericorumque* *Conventus* ;

tus; non tamen inde sequeretur *diversas* fore etiam *Ecclesias*. Nedum ut *Conventus Laicorum* sola esset *Ecclesia* appellanda.

§. II. Sed nec illud sequetur, *paria* fuisse saltem, in *Conventibus Ecclesiasticis*, *Laicorum Jura*, (quòd à *Plebeiorum* *Conventibus* nomen ad *Universorum* *Conventus* denotandos sit traductum) nedum *Superiora*, ut existimant *Independentes*. Aliter fuisse, de *Facto*, apud *Primævos Christianos*, ipsa *Stantium Sedentiumque* discrimina satis manifestè innuunt. Nec enim in locis *subdivalibus* conveniebant, quibus nulla esse posset tot sedilium copia, ut solebat *Plebs Romana*. Nec etiam *propriis* sibi habebant in quibus nemo *sederet*, uti dixi, *Conventus*. Sed quòd in *iisdem* *Conventibus sedentibus Clericis*, *starent* nihilominus *Laici*, hoc certè *Argumento* est firmissimo, nulla fuisse *Liaticis*, in *Conventibus Ecclesiasticis* (quæ volunt *Adversarii*) *Jura primaria*. Ea intelligebant

proculdubio symbola *Christiani* pro suis & *Seculi moribus*, præcipuè *Romanis*. *Honoris* autem Symbolum fuisse Sessioem, *Imparitatis* certè Stationem, apud illos *Christianos* discimus ex Epistolâ

S. Jacob. 11.3

S. *Jacobi*. Quod vero ad *Romanos* mores attinet, *Sessio* perpetuum erat *Imperii* signum, *Statio* *Subjectionis*. Proinde *Curules*, quos appellabant, *Magistratus* Symbolum habebant *Magistratus Sellam Curulem*, portatilem scilicet, ut quocunque in loco *Jus* dicendum esset, in eo poneretur. Hâc sella vecti sunt etiam in *Senatum*, ne unquam aliter in publico quam *sedentes* viderentur. Sic & *Imperatores*, in *Allocutionibus Exercituum*, & *Congiariorum* donatione, *sedentes* in *sellâ Curuli* representant tam *Nummi* quàm *Veterum alia* quoque *Monumenta*. Proinde *Consuli* occurrentibus ne quidem *equis* insidere licebat, jussusque propterea *Fabius* filio *Consuli* obviam factus ab *Equo* descendere. Sed ne quidem

Gell. Noct. Att.  
L. 3. c. 18.

quidem *sedentium* omnium *par*  
 tamen fuit, pro illius *Ævi* moribus,  
 idemque *honos*. *Sedium* quoque  
 ipsarum dignitatem distinxit invi-  
 cem seu *locus Ordinis*, seu *sedilium*  
*altitudo*. Humillimum proinde eti-  
 am *sedentium* Ordinem denotat a-  
 pud Apostolum *sedile suppedaneum*.  
 Erant & aliarum ejusdem altitudinis  
*Sedium* diversæ tamen *Dignitates*.  
 In *Romanorum* Tribunalium Exem-  
 plo discrepabant admodum *Confesso-*  
*res & Adseffores* Συμδποτ & Πάρε-  
 δποτ. Nempe *Adseffio Dignitatis* erat  
 nomen, non item *Jurisdictionis*. Ha-  
 bebant enim *Romani* Provinciarum  
*Præsides Adseffores* quorum nimi-  
 rum uterentur, quoties opus esset,  
*consilio*, qui tamen *Statuendi* de  
*Causis Decernendive* nullum *Jus*  
 haberent. Potestas itaque atque  
*Jurisdictionis* solorum erat *Considen-*  
*tium*. Atqui *Sacerdotium Tertulli-*  
*anus* soli vindicat Ecclesiastici Or-  
*dinis confessui*. Proinde *Jus* nul-  
 lum *Sacerdotii* fuerit oportet *Stan-*  
*tium Laicorum*. Sed nec Ecclesia-  
*stici*

Jacob. 11. 3.

stici Ordinis *universi*. *Diaconos* excludit certè *Cyprianus*, dum *Presbyterorum* à se *Ordinatorum Juribus* illud accenset quòd essent ad *Confessum* admittendi.

• §. 12. Sed ne *Confidentium* quidem *Jura* necesse est fuisse *paria*. Erat enim in *Συνεδεία Νεωτοξαδεεία*, *sedium* nimirum saltem una *primaria*. Sic in illo, quod vidimus, *Amphyctionum Synedrio* *Sacerdos Eponymus*. Sic & in *Judæorum Synagogis Νεωτοξαδεεία*. Inde ad *Christianos* emanavit exemplum. Habemus enim *Apostolicorum* *Temporum* *Testem Hermam*, jam fuisse apud illos *primæ Sedis* dignitatem. Tum in *Disputationibus* adversùs *Hæreticos* sub *Seculi Secundi* medium cæptis de deducendâ *Apostolicæ Traditionis* *SucceSSIONe*, multa *Cathedrarum* mentio, quæ quidem nonnullæ ad sua usque tempora servatæ memorantur. *Jacobi Cathedram* suo etiamnum *Seculo* extitisse prodit *Eusebius*. Idem de

S. Matth. 23. 6.

Marc 12. 39.

Luc 11. 43,

20, 46.

Herm. Past.

L. 1. Pis. 3.

Euseb. Hist.

Ecccl. 7. 19. 32.

de *Marci Cathedrâ* asseritur siqua fides scriptis de illius *Passione* monumentis. Nec etiam digna censeo quæ huc in *Testimonium* adducantur quæ de *Romanâ* etiam atque *Antiochenâ Cathedralis* scribunt fabulatores. Locupletior est omnino Testis *Tertullianus*, qui quæ scribit ea è fide *Hegesippi* scripsisse visus est qui *sedes Apostolicas* peragravit quo melius judicare posset de *Traditionis* illibatâ *Successione*. Sic autem ille de *Ecclesiis Apostolicis* in universum: *Apud quas* (inquit) *ipsæ adhuc Cathedralæ Apostolorum suis locis præfidentur*. Non de eo admodum laboro, fuerintne prorsus eadem *Sedilium materiæ*. Sufficit mihi si talis concedatur *Sedilium successio* qualis erat *Personarum*, ut fuerit nimirum à temporibus usque *Apostolorum primæ Sedis* propria quædam dignitas. Inde & illa quæ de *Cathedralis* scribunt *Irenæus* acque *Cyprianus*, ne jam ad inferiora descendam *Optati* atque *Augustini* *Testimonia*. De aliâ

*Præscript. c. 36.*

liâ hæc quàm primâ sede non poterant intelligi. *Præsideri* eas dixerat *Tertullianus*, de *Præsidium* omnino *Cathedris* intelligendus. Quid quod singulas duntaxat *Cathedras* singulis assignent *Civitatibus*, & singularum duntaxat *Personarum* *Catalogos* conficiant, in illis *Cathedris*, in illis *Civitatibus*, sedentium. Nec quidem *Episcopos* illos, quorum *Catalogos* memorant, *primarios* saltem fuisse *Presbyteros* ipsi inficiantur *Adversarii*. Quin & *Cathedræ Primariæ* dignitatem ostendunt ipsa ejus ornamenta, *Lintheis* fuisse *obvolutas* testes sunt *Pontius Diaconus* & *Pacianus Barcinonensis*. Et *Ἐργον Ἐπισκοπικῶς ἐσολισμένον* memorat *Athanasius*. Nec *velatas* modò *Cathedras*, sed & *absidas* præterea *gradatas*, addit *Augustinus*. Ex quâ Sedis *celsitudine* faciliè intelligimus *Sedentis dignitatem*.

§. 13. Erant, fateor, horum *Ordinum*, pro variâ *Πολιτειῶν* in *Civitatibus* constitutione, *Jura* etiam ipsa *varia*. Erat enim id genus

Pont. vit. Cyprian. Pacian. Ep. 2. ad Sympron. Aug. Ep. 203. ad Max.

Athanas. Apolog. p. 36.



nus Regiminis mixtum. *Monarchiam* quandam repræsentabat qui *primam* in Concilio *Sedem* obtinebat; *Aristocratiam* secundus illi *Sedentium Confessus*; *Democratiam* tertia *Stantium* suffragia. Quo itaque in loco eminebat in hâc missione forma *Democratica*, in eo *Plebiscita* plus valuerunt quàm *Senatusconsulta*; Quo rursus in loco obtinebat forma *Aristocratica*, in eo plus *Senatusconsultis* tributum quàm *Plebiscitis*: quo denique *Monarchica*, in eo Principum *Edicta* plùs valebant quàm *Plebiscita* vel *Senatusconsulta*. Non est itaque de *singularum* partium *Jure* temerè statuendum, quod tamen faciunt hodierni *Schismatici*. Cum *Plebem* audiunt in rebus *Ecclesiasticis* fuisse consultam; jam *Democratiam* omnia sonare putant *Independentes*. Cum *Presbyterium*, seu, quod eodem rediit, *Ecclesiasticum Senatum*; nullam inde colligunt *Presbyterani*, saltem *absolutam*, valuisse *Monarchiam*. Qua-

Gel. Noll. Ar-  
tic. L. 14. 7.

S. Matth. 11. 7.

si verò in *absolutâ* Legibus *Monarchiâ* *Senatûs* nulla esse possent, *Plebifve*, Jura. Et tamen utriusque contrarium erat, & quidem illud longe celeberrimum, illâ etiam ætate, exemplum in Urbe Urbium omnium Principe *Romanâ*. Adhuc *Senatus*, adhuc *Plebeiorum* Comitia conveniebant, & quidem sub suis utrique *Præsidibus*: *Senatus* sub *Consule*, aut *Præfecto Urbi*, aut *Prætor*; *Plebeiorum* comitia sub *Tribuno Plebis*. Vix tamen inde quippiam decerptum ex *Imperatoris* absolutissimâ *Monarchiâ*. Sic & in Urbe *Hierosolymitanâ*, conveniebant sub *Herode* Magno, cum *Synedrio Judæorum* Ecclesiastico *Senatu*, etiam *Πρεσβύτεροι* &c. Nec tamen est quod de *Herodis* Jure absolutissimo dubitemus. Harum Urbium saltem alteram Christianis prævisse verisimile est, præsertim si & aliarum Urbium exempla diversa essent ab invicem. harum viceversa exempla essent sibi invicem consentientissima. Potius itaque pro

pro Jure *Episcopi* Monarchico erat præsumendum. Nec enim *Senatus* aliquid, aut *Plebs* etiam, in Imperio Romano, poterat, nisi consentiente *Imperatore*. Jus enim *Convocandi* Senatum, & ad eundem *referendi*, de quo vellet Argumento, habuisse *Imperatorem* apud omnes in confesso est. Hoc *referendi* Jure suffragium habebat in iis de quibus referre *noluit*, plane *Negativum*. Atqui *referendi* Jus *Consules* habebant (inquires) *Prætores*, *Tribuni Plebis* & *Præfecti Urbi*. Habebant utique. Sed & illi Imperatori ipsi etiam obnoxii; siquid tamen ausi essent, potuit *Imperator*, pro *Tribunitiâ* ejus *Potestate*, rursus *intercedere* ne ratum esset, siquid alii eo *illubente* retulissent. Major tamen erat, hâc in causâ, *Episcopus Imperatore* quòd in *Synodis Cleri sui Diocesani* nullos haberet in hoc ipso *referendi* Jure æmulos. Comitiorum Tribunitiorum *Plebiscita* rara admodum constituta legi-

mus sub *Imperio Romano*. Is unus erat eorum fore usus ut *Magistratus* illis *Provinciis* designarent quæ erant *Populi Romani*. Atqui id ipsum erat in *Imperatoris* arbitrio situm ut quas vellet *Provincias Populo* relinqueret, quos vellet etiam *Popularium Magistratum Populi* arbitrio permetteret. Illud certè constat, nec *Senatui* fuisse, nec *Populo* Jus, de causâ aliquâ statuendi, ni de eâ fuisset ad se legitimè *relatum*. Illud rursùs, nullam fuisse *Imperatori*, ut *referret*, Obligationem; Illud denique, nullam fuisse *Senatui* aut *Plebi* Potestatem quâ possit *Imperatori*, etiam *perperam* agenti, reniti. Hæc si *Episcopo* Jura in *Senatum Ecclesiasticum Plebemque* concedamus; nihil utique obstabit quo minùs Potestatem ei concedamus planè *Monarchicam*. Fateor equidem majora olim fuisse utriusque tam *Senatùs*, quàm etiam *Plebis* Jura apud ipsos etiam *Romanos*. Sed Exemplum habebant *Christiani* non

non eam Regiminis formam quæ olim obtinuerat, sed eam potius quæ vigeat, *nascente* Christianismo. Et sane *Jura Potestatis Ecclesiasticæ* (quod ad *Regimen* attinet) è *Juribus Romanis* (quorum erat peritissimus explicanda, consentaneum est censuisse *Tertullianum*, cum *Romanis* etiam vocibus *Regentium Ordines* in *Ecclesiâ* designat. Omnino par est ut *coævæ* illi *Ecclesiæ Jura* talia fuisse credamus, quæ ipse prorsus ignorare non potuit.

§. 14. Id tamen præterea observavit *Tertullianus*, in *Ecclesiâ*, è *Jure Sacerdotii* nata esse *Jura Regentium*. Fuerunt enim & *Sacerdotibus* sui quoque *Ordines*. Et verò omnis *coercio* quæ quidem *Christianis* conveniebat, omni *Seculari Imperio* destitutis. soli debebatur *Sacramentorum Administratio*; & quidem *Juri* eorundem *uni duntaxat Ordini proprio*. Sic enim factum est ut quorum illud fuisset *Jus* illi *immorigeros* possent à *Sacramentis* arcere, & *pœnâ* illâ ad obse-

obsequium obligare. Et cum *Sacramenta* Tertulliano munera *Sacerdotalia* fuisse ostenderimus; sequitur cum *Jure* Regiminis Ecclesiastici connexum esse *Jus* etiam *Sacerdotii*. Proinde siquod *Laicis Jus*, etiam urgente *Necessitate*, Ecclesiam *regendi* conveniat, id unà consequetur iisdem *Jura* quoque *Sacerdotalia* competere. Sic itaq; Argumentatur *Tertullianus* ut *Jura* omnia, tam *Regiminis* quàm etiam *Sacerdotii*, ab *Ecclesiæ Jure* concludat, ut quicumque *Christianorum* numerus rectè possit *Ecclesia* censi, is idem *Jura* etiam *Ecclesiæ* possidere censendus sit. Jam autem *Laicos* ut probet rectè, etiam solos, *Ecclesiam* posse conficere, supponit *omnes Ecclesiæ Ordines* *unam* tamen & *eandem*, ut dixi, constituere *Ecclesiam*. Proinde & *omnibus Ecclesiæ Ordinibus* sua esse in *Ecclesiæ Potestate Jura*, atque *invicem* ex æquo necessaria. Sic enim in *Rebuspub.* distincti *invicem Senatus Plebisque Conventus*  
in

in unum tamen idemque *Corpus* coalescere censebantur, quòd in præcipuis Reipub. muneribus utrique essent invicem necessarii. Sic certè res habebat in Potestate communis Corporis longe maximâ, *Legum* nempe *lativâ*. Nec enim sine *Plebiscitis* migrabant in *Leges Senatusconsulta*. Nec viceversâ *Legum* vim habebant *Plebiscita*, nisi iussufragante *Senatu*. Sic itaque putavit *Tertullianus*, summam scilicet Ecclesiæ Potestatem, *universæ* fuisse, quâ patebat, *Ecclesiæ* communem, nempe *Sacerdotalem*. Inde enim pendent *Ecclesiæ* cum Deo *Pacta*. Inde *Mystica* ejusdem cum Deo *Unitas*. Ex illis *Pacti* illius Unitatisque *beneficia* omnia manare necesse erat. Qui itaque *Sacerdotii* Jus habebant, illis & *Jura Sacerdotii* ipsius, & *munerum* quoque *Sacerdotalium* conveniebant, & *Beneficiorum* omnium *Jura* illa consequentium.

¶ 15. *Laicorum* autem *Sacerdotium* probat è loco Apocalyp-  
feos

feos, *Regnum quoque nos & Sacer-*  
*dotes Deo & Patri suo fecit.* Ex  
 eodem illo nempe loco, è quo re-  
 belles *inflatosque in Clerum Laicos*  
*Argumentari solitos,* monet idem in  
 Libro de *Monogamiâ.* Inde pen-  
 dent sequentia: *Differentiam in-*  
*ter Ordinem & Plebem constituit*  
*Ecclesiæ Autoritas, & honor per Or-*  
*dinis confessum sanctificatus.* Malè  
*Ecclesia Codex Agobardi à Grotio*  
*representatus.* Reliqui omnes ( ut  
 nos ) legunt, *Ecclesiæ Autoritas.*  
 Agnoscitque in loco plane gemino  
 de *Baptismo* ipse *Tertullianus,* ubi  
*Presbyteris Diaconisque cum Jus*  
*Baptismi dandi concessisset,* ita in-  
 fert: *non tamen ( inquit ) siue E-*  
*piscopi Autoritate, propter Ecclesiæ*  
*honorem, quo salvo salva Pax est.*  
 Ergo præter *Ecclesiæ honorem,* ad-  
 denda erat *Ecclesiæ ejusdem Auto-*  
*ritas,* quæ tamen ita in *Ecclesiæ*  
*honore* includitur, ut cum *honor*  
*Ecclesiæ iis omnibus communis fue-*  
*rit qui locum habuerint in Ecclesiæ*  
*confessionibus, Autoritas propria fuerit*  
*Epi-*



*Episcopo*, loci nimirum in Confessu  
 primarii. Rectius hæc quàm è  
*Cypriano* explicari non possent qui  
 in eâdem floruit, quâ *Tertullianus*  
*Ecclesiâ*. In eo frequens de *Episco-*  
*pi Autoritate* mentio quam & *hono-*  
*rem* aliquoties appellat. *Autori-* Dissert. Cypri-  
*tatem* illam Nos alibi explicavi- an. 9.  
 mus, ita ut, pro *Legum Romana-*  
*rum* sermone, *Jus* illud denotaret  
*Præsidis* quo omnium à *Synedrio*  
 decernendorum illum esse oportebat  
*Autorem*. Nec enim nisi de  
 legitimè *relatis* statuendi *Jus* ha-  
 bebat *Synedrium*, nec ad *Synedri-*  
*um referendi* alius quispiam *Jus*  
 habebat nisi *Præses*. Cum itaque  
 in *Christianorum Confessibus* nemo  
*præsideret* nisi *Episcopus*: siquid eo  
*inconsulto*, aut non legitimè *re-*  
*ferente*, fuisset ab alio quovis *Ec-*  
*clesiasticorum* Ordine constitutum;  
 id *Autoritati Episcopi*, id primæ  
 sedis *honori*, adversum habebatur.  
 Nec id modò in *Decretis* locum  
 habuit, sed in rebus etiam *gerendis*.  
 Ipse *Cyprianus* à loci sui *honore* alie-

num censuit quòd suo injussu *Lapsi* Communionem concessissent *Presbyteri*. Id ergo includebat *Episcopi Autoritas*, ne quid esset à suis cujuscunque Ordinis *Ecclesiasticis*, præsertim in *Ecclesiæ* causâ atque *Sacerdotalis Officii*, nisi se *Autore*, gerendum, ne in illis quidem rebus quarum alioqui *Potestatem* habebant *Ecclesiastici*. Sic enim negat *Ignatius* τῶν ἀνηκόντων εἰς Ἐκκλησίαν quippiam agendum nisi permittente *Episcopo*. Hæc est igitur ea de quâ loquitur *Tertullianus*, *Ecclesiæ Autoritas*.

§. 16. Sequitur, & honor per Ordinis Confessum sanctificatus. Ut enim *Episcopis*, pro illius Seculi moribus, obnoxii erant *Ecclesiastici*, sic etiam *Laici* cujuscunque Ordinis *Ecclesiasticis*. Id etiam ostendit multis in locis *Ignatius*. Ut enim *Presbyteris Diaconisque* suadet obsequium *Episcopo* præstandum, sic & *Plebem* hortatur ne *Presbyteris* renitentur aut *Diaconis*. Id ipsum noster *Cyprianus* de *Confessoribus*,  
&

*Ignat. Ep. ad*  
*Smyrn. n. 8.*  
*ad Polycarp.*  
*n. 6. ad Philad. n. 7. ad*  
*Trall. n. 3.*

*Ep. 6.*

& *Virginibus*, qui quidem, pro illius ævi *Disciplinâ*, *primariæ* erant, inter *Laicos*, dignitatis; *Virgines* etiam *Clericis* nonnunquam accensitæ. Ut itaque *primariæ Sedis* ea erat dignitas nequid *Confessui*, nisi *Præfide Autore*, proponeretur; ita & ea universi similiter *Confessûs*, nequid referretur ad *Plebem* de quo antea non fuisset in *Ecclesiastici Ordinis Confessu* constitutum. Et quidem eadem valebat ratio, cur *Universo Confessui* parere decuerit *Laicos*, ac cur *Episcopo* reliquos parere *Clericos*. Si enim *primæ* inter *Sedentes Sedi* ea tamen à *Confidentibus* habebatur reverentia, non minor certè habenda erat *Universo Confessui* ab aliis qui ne *sederent* quidem. Nec in *Decretis* modo, sed in rebus etiam *agendis*, eadem & hîc quoque norma valuit. Ita factum ut quo in loco esset *Confessus*, nihil esset à *Laicis*, sine *Confessûs Sacerdotalis* permissu *Sacerdotale* præstandum. Sed nec ullum prorsus concedebant illis, pro

illius Seculi more, *Officium Sacerdotale*. Id enim notavit in *Hæreticis* ipse *Tertullianus*, quòd *Lai-  
cis Sacerdotalia munera injungerent*. Cur id autem notaret in *Hæreticis*, si ejus ullum fuisset apud *Catholicos* exemplum? Majus ergo erat, hâc ex parte, *Laicorum* in *Clericos* obsequium quàm *Clericorum* in *Episcopum*. Clericis veluti *Sacerdotibus* officia *Sacerdotalia* *Episcopi* mittebant, non item *Laicis*. Cur illud, si ad *Officia Sacerdotalia* sufficere credidissent *Laicorum* illud commune *Sacerdotium*? Vix illud, si ejusdem fuissent cum *Tertulliano* Sententiæ.

§. 17. Quod porro ait, *differentiam hanc inter Ordinem & Plebem* ab *Ecclesiæ Autoritate* esse constitutam, malè referunt Viri Docti ad *Ecclesiæ Canonem*, seu cuiusvis generis *Decretum*. Eâdem enim omnino formâ, ab *Ecclesiæ* etiam honore per *Ordinis Confessum* sanctificato hanc ait constitutam esse differentiam. Ergo etiam  
honor

*honori* Decreta tribuent & Cano-  
 nes? Ecquis est qui non videat de  
 rei ipsius *Exigentia*, non de aliquâ  
*Ecclesiæ Constitutione* (quo sensu  
 vulgò *Constitutiones* intelligimus)  
 hæc esse verba capienda? Id voluit  
 nimirum acutus Pater, id *postulare*  
*Autoritatem* præsentis Episcopi,  
 id *honorem* confidentium Episcopo  
 Presbyterorum, ne passim *Laici*  
*munera Sacerdotalia* permitteren-  
 tur; utque tanta esset, quanta eo Se-  
 culo vigeat, inter *Ordinem* & *Ple-*  
*bem*, in *Praxi* differentia. Id ni-  
 mirum *postulabat* Episcopi *Autori-*  
*tas*, nequid *Laici* auderent cujus  
*Episcopum* non haberent *Autorem*.  
 Id *honor* ipse *Sedendi*, nequid *Stan-*  
*tes* sine *Sedentium* Presbyterorum  
 consensu. Nec sane aliter intel-  
 ligendum suadent verba ejusdem  
*Tertulliani* in Libro de Baptismo:  
*Non tamen sine Episcopi Autoritate*  
*propter Ecclesiæ honorem, quo salvo*  
*salva Pax est.* Agit hoc in loco de  
 discrimine diversorum in ipso *Clero*  
*Ordinum*, non modò *Diaconorum*,  
 sed

sed etiam *Presbyterorum*, ab *Episcopo*. Hoc si nullis tribuat *Ecclesiæ Decretis*, non erat utique cur *Lai-  
corum* ab utrisque discrimen *Decre-  
tis* assignet. Nec enim credent  
ipsi adversarii adeò propè accedere  
ad *paritatem* cum *Presbyteris*, Jure  
Divino, *Laicos*, quàm accedunt  
*Presbyteri* ad *paritatem* cum *Epi-  
scopis*. At nihil hic *Tertullianus*  
de aliquo *Ecclesiæ Decreto*. *Pacis*  
colendæ gratiâ observari vult *Ec-  
clesiæ* illum honorem. *Honori Ec-  
clesiæ* illud tribuit *Presbyterorum*  
obsequium *Episcopo*, pro *Sedis Au-  
toritate*, præstandum. Ità scilicet  
distinguiamus inter *Jussa Regenti-  
um præter Leges*, de quibus nihil  
publico aliquo *Decreto* constitutum  
est, , *ipsasque Leges*. *Legibus* pa-  
rendum est propter diserta *Legum*  
verba; *Jussis* propter solum *Re-  
gentium honorem*. Cum itaque  
duntaxat in *honorem Episcopi* hoc  
omne referat *Presbyterorum* obse-  
quium; id potiùs innuit, de eo nul-  
lam extitisse *Ecclesiæ Constitutio-  
nem*

*nem publicam. Eodem referendum quod subjungit, Sanctificari hunc honorem per Ordinis Consecrum. Eam omnino intelligit Sanctificationem quæ Laicos arceret à confidentium Presbyterorum Officiis. Sic enim Sanctitas Levitarum in causâ erat ne fas esset eorum munera atrectare quempiam è Plebe Israeliticâ, quamvis & illis pariter ac nobis convenerit hoc Peculii Regale Sacerdotium. Levitas rursus à Sacerdotalibus Officiis submovebat Sacerdotalis loci Sanctimonia ; Sacerdotes ipsos Summi Pontificis præcipua quædam Sanctitas. Ita inferior quisque Sanctitatis gradus pro Prophano habebatur si ad superiorem institueretur comparatio. Id vult igitur Tertullianus, constitutâ in Ecclesiâ primæ Sedis Autoritate, constituto diversorum Ordinum discrimine per illa Standi & Sedendi Symbola : jam Sacra haberi oportere Superiorum Ordinum Jura ; jam nefas esse & piaculari crimine teneri si quis interior Superiorum*

*periorum* Jura pervalerit ; esse denique à Deo ipso metuendam violatæ *Sanctitatis* pœnam, cujus ad *honorem* propiùs ea spectarent quæ suâ ipsâ *Sanctitate* veneranda habebantur. Sic enim tribùs *Leviti* *ci* Sanctitatem adversus *Dathanem* & *Abironem* ipse vindicavit. Sic & *stirpis Aaronicæ* Sacerdotium adversus *Coritas* ipsos quoque *Levitas*. Sic & *Arce* Sanctimoniam in *Philisthæos*, *Bethshemitas*, & ipsum quoque *Uzzam* ; & *Sacerdotii* in Regem ipsum *Uzziam*. Veteris (inquies) Testamenti hæc exempla sunt. Eò potiùs notanda quòd *Deus ipse* pœnam exigerit cum nec deesset interim religiosus aliqui *Magistratus* qui posset exegere. Nec tamen defunt in *Novo* etiam *Testamento*. *Sacrarum Pecuniarum* factum punivit ipse in *Ananiâ* & *Sapphirâ* : temeratam *Eucharistiam* in aliis, nunc *morbis*, nunc etiam *morte ipsâ*, multavit. Et in causâ *Sacramentariâ* alia habemus exempla *Infantis* atque *Mulieris* apud nostrum



nostrum *Cyprianum*, quò propiùs *Cyprian de*  
 ad ipsum *Terullianum* hæc spectare *Laps. 18.*  
 videatur Expositio. Et quidem  
 apud ipsos quoque *Gentiles* senten-  
 tiam illam de *Deo* ipso in causâ *pi-*  
*culari* vindice, vel ex *Act. 28.4.* va-  
 luisset constat, ne alia jam, quæ  
 innumera occurrunt, Testimonia  
 proferamus. Quod ergo expe-  
 ctaturi erant, pro hac sententiâ,  
*Gentiles*, id consentaneum erat ex-  
 pectaturos ipsos quoque *Christia-*  
*nos*, è *Gentilibus* nempe conversos;  
 Quod *Christiani*, id *Deum*, pro eo-  
 rum expectatione præstiturum. In  
 eâ præsertim *Miraculorum*, quâ  
 vixit *Tertullianus*, ætate, non erat  
 cultui suo defuturus *Deus* in iis quæ  
 ad commendandam Religionem  
*Christianam* facerent, præ aliis æ-  
 mulis *Religionibus*. Non erant  
*Gentilium Christianorumque* ipsorum  
 expectationes & vota frustranda.  
 Ita igitur hæc erat intelligenda  
*Sanctificatio.*

§. 18. Quòd porro ait per Or-  
*dinis Confessum* sanctificari hunc Sa-  
 n  
 cerdotii

*cerdotii honorem*; Ita scilicet Argumentatur : Ex ipso *Confessu* colligi posse, alium esse *Sedentium*, & quidem præstantiorem superioremque, *Ordinem* quàm fuerit eorum qui *Sedentibus* duntaxat *assisterent*; proinde alia eorundem esse & *Sanctiora Jura*, quæ propria eorum esse oporteret, ne permisceri invicem diversi *Ordines* viderentur. Et cum in *Sacris* locum haberet *Sacrorum Ordinum* hoc *discrimen*; proinde ipsum hoc *discrimen* *Ordinum Sacrum* esse habendum; & *Jura Sacra*, & *Sacram* etiam ipsam fore *Jurium proprietatem*: Ita *Sacrilegii*, & *piaculari*, ut dixi, crimine teneri siquis violasset *Superioris Ordinis Jura*. Sic enim Disputârat, ante *Tertullianum*, *Apostolicorum Temporum Clemens*: Fuisse apud *Judæos Ordinum*, ταγμαίων, istiusmodi distinctionem, Ἀρχιερέως, Ἱερέων, Ἀδελφῶν, Λαϊκῶν: fuisse apud eodem sua quoque sibi respondentia *Jura*, Ἀρχιερεῖ, ἰδίας λειτουργίας, Ἱερεῦσιν

Ed. ad Corinth.  
8. 41.

ρεύσιν ἴδιον τόπον, Λευίταις ἰδίας δια-  
 κορίας, Λαυγαῖς ἴδια πορφυρέα ;  
 Harum distinctionum violatoribus  
 δάνατον fuisse πορφυρῶν, à Deo nem-  
 pe ipso inferendum (pro more scili-  
 cet pœnarum *piacularium* ; ) nec  
 enim quenquam legimus hoc no-  
 mine ab *hominibus* punitum in *Ve-*  
*teris Testamenti* locis illis de qui-  
 bus egit hoc in loco *Clemens* : Eò  
 referendum illud *virgæ Aaronis*  
 germinantis prodigium, ad stabi-  
 liendam scilicet *Ordinum Munerum-*  
*que Ordinibus* respondentium *San-*  
*ctimoniam* : Hæc eadem in nostris  
*Novi Testamenti* dispositionibus ad-  
 huc hodieque valere, *Nostris* simi-  
 liter peccantibus *majus* imminere  
 periculum ; ( unde hoc , ni apud  
*nostros* illa à *Sacerdotio Israelitico*  
 deducta valuisset *Argumentatio* ?  
 hoc ipsum unde, ni & *nostri* fuissent  
 pro *Sacerdotibus* agnoscendi ? )  
 Disputationi illi *Judæorum* καὶ Ἰε-  
 ρουσώης respondere novam illam,  
 de quâ agebat, *Corinthiorum* ἐπὶ τῇ  
 ἐνόματι τῆς Ἐπακοπῆς : Utque  
n 2
Judæ-

*Judæorum* illi consulisset *Moses* per illud germinantis *virgæ* Prodigium; sic & novam illam *Corinthiorum* prævisam ab *Apostolis*, & ab iisdem ei similiter fuisse consultum. Ab *illis* itaque manavit *Ordinum Ecclesiasticorum* ita stabilita *Sanctimonia*. Et ut *Judæorum Sacerdotes* cum *nostris* contulit *Episcopis*; sic & cum *Levitarum* *diaconis* consentaneum erat illum à se memoratos nostros etiam conferre *Diaconos*. Ergo si *Tertullianum* è *Clemente* interpretemur, *Autoritati* (si tamen de *Autoritate* instituente ejus verba capiamus) certè plusquam *Humanæ* *Ordinum Ecclesiasticorum* erit assignanda *Sanctitas*. Nec sane aliam sententiam patitur *Tertulliani* ipsum *ratiocinium*. Nec enim *Ordinum* ab *Autoritate* *Humanâ* institutorum tanta posset esse *Sanctitas*, ni etiam in *Deum* essent *Autorem* referendi.

§. 19. Una restat de voce *Constituit* fortasse *Difficultas*, quàm argrè concedent *Adversarii*, nisi de

de *Decreto* posse intelligi. Et quidem si *propriè* loqui velimus, ne quidem *Decreta*, eâ voce, solent à *Jurisperitis* quæcunque designari, sed *singulorum* duntaxat *hominum*. Apud Romanos *Constitutiones Principum* sæpe legimus; nusquam ita vocata legimus seu *Plebiscita*, seu etiam *Senatusconsulta*, quin potius utrisque contradistinguuntur illæ *Constitutiones*. Inde vocis usus in *Ecclesiam* manavit, respondetque, apud Græcos Scriptores, Græcæ voci *Διατάξεις*. Proinde illa quoque de *Principum*, quas dixi, *Constitutionibus* usurpatur apud Græcos *Jurisperitos*. In *Ecclesiâ* autem ne quidem *singularium* quarumcunque *Personarum Decreta* *Διατάξεις* appellantur, sed earum duntaxat quæ præcipuam quandam haberent præ aliis *αὐθεντέον*, ut *Ecclesias* non modò possent *singulas*, sed etiam *Universam* obligare. Id genus nempe *Διατάξεις* videbantur *Imperatorum Constitutionibus* accuratissimè respondere. Ita factum

Etum ut ne *singulorum* quidem *Episcoporum* Decreta Διατάξεις nuncuparentur, sed duntaxat *Apostolorum*. Sic enim Apostolus, 1 Cor. 7. 17. ἐν ταῖς Ἐκκλησίαις πάσαις ΔΙΑΤΑΨΟΜΑΙ. Quanquam ibi tateor legi διδάσκω in Cod. Currellæi, doceo in Editione vulg. & apud Ambrosium etiam atque Hieronymum. Sic tamen vocem usurpârunt *Constitutionum* Autor quæ *Apostolorum* nomen præ se ferunt, & Interpolator *Ignatii*. Inde Phrases illæ, ἡ Διατάξις ὡς Ἀπόστολῶν, ἡ Διατάξις ὡς Πέτρῳ & Παύλῳ, sub nomine *Ignatii* qui ipse erat *Episcopus*. Ergone hoc sensu intelligent hanc nostram *Tertulliani Sanctificationem*? Sic erit *Ecclesiæ Apostolicæ* Ordinum Ecclesiasticorum tribuenda distinctio, vel ipsis potiùs *Apostolis*. Unde itaque *Plebis* illa *Jura* præsertim *Sæculo Tertulliani*? Si enim soli *Apostoli* de *Plebe* Sacerdotio excludendâ *Constituerint*; jam necesse erat nulla adhuc *Plebis* in *Sacerdotio* fuisse *Jura*. Alioqui irritæ fuissent & prorsus

Vid. ap. Usser.  
Dissert. de Ignat.  
cap. 5.

prorsus invalidæ de Jure *alieno*  
 Constitutiones, ni *Plebem* ipsam  
 assensisse fingamus, quem tamen  
*Plebis* assensum notio ipsa *Constitu-*  
*tionis* excludit. Valebit certè hæc  
 Ratiocinatio si de *Apostolis* loqua-  
 mur ut *hominibus*, & *Humanæ*  
 Prudentiæ Spiritu præditis. Sin  
 illos potiùs consideremus ut *Aposto-*  
*los*, & Extraordinario *Spiritus* gra-  
 du *Apostolico*; Sic certum est Ec-  
 clesiæ Jura *omnia*, etiam *Plebeio-*  
*rum*, ut penes *Deum*, ita penes *A-*  
*postolos* fuisse *solos* ita consideratos.  
 Tum verò erit porrò quærendum  
 ut Jura *Sacerdotii* Plebi vel *conces-*  
*serint*, vel etiam *illibata* relique-  
 rint jam *antea* possidentibus, cum  
 tamen Jurium illorum *usum* om-  
 nem præciderint? Præsertim cum  
 de Causâ illâ *Extraordinariâ* quâ  
 nullus haberi potest *Sacerdotum*  
*Confessus*, nulla extet eorundem  
*Apostolorum* *Constitutio*. Sed mi-  
 hi fateor, sensu *Juridico*, non in-  
 telligendum videri *Tertullianum*  
 laxiore nimirum usum illius vocis  
 significatione, quâ possit etiam de  
 rebus

Tert. de Spi-  
ritu. c. 3.

rebus *inanimatis*, pariter ac de *Personis* præcipientibus, affirmari. Sic de quorundam fide aut simpliciore, aut scrupulosiore, se (inquit) *in incertum Constituit*. Sic etiam, in causâ nostrâ, de *rebus* intelligetur hæc *Constitutio*, quas *Ecclesiæ Autoritatem Honoremque* appellamus, non de *Personis* Autoritate præditis atque præcipientibus.

§. 20. Quæres jam quem nexum teneant cum præcedentibus verba *Tertulliani* in hanc sententiam explicata? Ego illa eò retulerim, ut occurrat *Objectioni*. Nempe *Sacerdotio* illi *Laicorum* in superioribus asserto contraria videbatur *Praxis Ecclesiæ* quæ ab omni munere *Sacerdotali* *Laicos* arceret, quæque adeo immensum constitueret intervallum inter *Laicos* & suum *Ecclesiæ Sacerdotium*. Huic *Objectioni* ita occurrendum censuit *Tertullianus*, simul ut concederet rectè se habere eam, quæ de *Facto* obtinuit, *Ecclesiæ Consuetudinem*



*tudinem*; simul tamen ut ostenderet non utique pugnare cum *Lai-  
corum Jure Sacerdotali* negata illis in *Praxi Sacerdotalia Officia*.  
 Quòd *consuetudinem* ne minimam quidem ex parte sugillârit, inde constat quàm longe abfuerit ab interpretamentis Adversariorum. Proinde *Ecclesiæ Autoritatem* non opponit ille *Divinæ*, nec morem aliquem in *Praxi* improbat ab *Ecclesiâ* probatum, ut proinde nullam habuerit in hoc Argumento vel occasionem quæ eum redderet *Ecclesiæ* infensio-  
 rem. Quòd itaque *Ecclesiæ* memorârit *Autoritatem*, non eo tamen memoravit ille consilio ut *Divinam minorem*, nec ut æmulam, nedum ut *contrariam* facileque quoties opus esset, contemnendam: Quorsum enim hæc probanti ea quæ etiam in *Praxi probâ-  
rat Ecclesia*? His itaque concessis, rectè à *muneribus Sacerdotii* exclusos fuisse *Laicos*, nec proinde rectè posse *Laicos* munera sibi interdicta attentare, quamdiu constaret eadem

dem ratio propter quam fuissent exclusi ; Hæc tamen facta contendit, non propter *Laicorum* aliquam *incapacitatem*, sed *Ordinis* duntaxat gratiâ, *honorisque* in superiores conservandi. De eâ itaque *munerum Sacerdotalium* agit *differentiâ*, quæ sola ei videretur adversa. *Locorum differentiam* concedit, *Ordinem* nimirum *Plebe* fuisse *Superiorem*, *Sedentes Stantibus*, atque inter ipsos *Sedentes* suam fuisse *primariæ Sedi* *Autoritatem*. Sed & *locis* ipsis concedit, pro eorum diversitate, *diversam* cuique *reverentiam*. Hæc adeo non negat, ne sugillat quidem, ut potius vertat in *Argumentum*, cur, quos putat *Officio* ipso *pares*, adeo tamen viderentur in *Praxi* *impares*, ut quo loco fuisset *Ordinis confessus*, in eo *Laicorum Sacerdotii* vestigium nullum appareret. Quod verò *Laicis* neget *munerum Sacerdotalium* *incapacitatem*, non id sumit velut ab *Ecclesiâ concessum*, sed quod antea probasse sibi visus esset, dum *Laicorum* illud probaret *Sacerdotium*. §.21.

§. 21. Pergit Tertullianus:  
*Adeo ubi Ecclesiastici Ordinis non  
 est Confessus, & Offers, & Tinguis,  
 & Sacerdos es tibi solus.* Est hæc,  
 nimirum, è Præcedentibus, ut dixi,  
 Argumentatio. Cum enim *Jus*  
*Sacerdotii Laicis* in superioribus  
 asseruisset, idque unum docuisset  
 obstare quominus *Jure* suo liberè  
*uterentur in Praxi*, quòd colenda  
 esset *Ecclesiæ Autoritas*, colendus  
*Ecclesiasticorum Confessus*, colenda  
*Pax Ecclesiæ* quæ, nisi debitis præ-  
 stitis *obsequiis*, salva esse non posset;  
 Quo Itaque Casu nullus esset *Or-  
 dinis Confessus*, nulla primæ Sedis  
*Autoritas*, nulla debita *obsequia*,  
 in eo rediret cum ipso *Jure Juris*  
 etiam *usus* & ipse liberrimus. In eo  
 Sacerdotalia etiam munera *exerce-  
 bit* Sacerdos (inquit) *Laicus*, tam  
*Baptizandi*, quàm etiam *Offerendi*  
*Sacrificium Eucharisticum*. Nec  
 enim *Pacis* violandæ poterit esse  
 Periculum ubi nulli sunt cum qui-  
 bus sit *Pax* ipsa colenda; nec *ho-  
 noris* violandi, aut *Autoritatis*, cum

nullus est *Confessus*, unde *honorem* illum pendere, pro his Principiis, *Autoritatemque* ostendimus. Sic itaque cum *Ecclesiæ Disciplinâ* concilianda erat *Sententia Tertulliani*, quòd præter hunc *necessitatis* casum ( quo nulla esset quæ contemni posset *Ecclesia*, nulla item quæ violari posset *Ecclesiæ Disciplina* ) nullum hujus Sacerdotii Laicalis *usum* agnoscat. Illos semper *Sententiæ suæ limites* ponit ipse *Tertullianus*. Sic postea: *Igitur si habes Jus Sacerdotis in temetipso, UBI NECESSE EST, habeas oportet etiam Disciplinam Sacerdotis, UBI NECESSE SIT habere Jus Sacerdotis.* Et in Libro de Baptismo: *Sufficiat scilicet IN NECESSITATIBUS* ut utaris.

§. 22. Sed nec illam agnoscit *Necessitatem Tertullianus* quam solent in sui patrocinium obtendere *SCHISMATICI*. Non ille *clavis errorem*, nec *malè administratam à Confessu* rem *Ecclesiæ* publi-

publicam, pro ea habet *Necessitate* quâ liceat *Laicis* sui *Sacerdotii* etiam munera exercere. Illud si agnosceret, jam plane omnem Ecclesiæ Disciplinam funditùs dirueret. Rarus enim erit reus quin causam suam tueatur uti bonam, & malè dicat à suis Excommunicatoribus administrari Ecclesiam Et verò reos *Judices* faciunt *SC HISMATICI*. Longè aliter *Tertullianus*. Nullum ille *Necessitatis* prætextum admittit, quo aut haberi possit Ecclesiæ Confessus, aut, quod eodem redit, adiri; Nullum quo aut contemni possit primæ Sedis *Autoritas*, aut negligi Confessus honor, aut Pax ipsa violari. Tres ille solas recenset in Libro de Baptismo *Necessitates*, *sicubi aut loci*, aut *Temporis*, aut *Personæ conditio compellit*. *LOCI*, ubi nullus est omnino Ecclesiæ Confessus, ut in Insulis desertis, aut apud Barbaros: *TEMPORIS*, quo adiri non potest Ecclesiæ Confessus, aut consuli, & ne quidem fortè congregari,

gari, ut in arctâ custodiâ, sæviente Persecutione: (Aliter nulla unquam fuit, ut opinor, Ecclesiæ tam sæva Persecutio quin conveniret *Ecclesiæ Confessus*) Denique PERSONÆ, quoties ita disturbati essent *Sacerdotales Confessus*, ut ne unus quidem adhiberi possit *legitimus Ecclesiæ Sacerdos*. Nullam hîc *Necessitatem* reperimus quoties *audiri* possit *Confessus* quaecunque *Decretum*. Nullam excipit *Decreti Iniquitatem*, nullum *Clavis errorem*. Omnino *Decretorum* Ecclesiasticorum qualiumcunque *Judicem* solum agnoscit *Ecclesiæ Confessum*. Ita nullum erit SCHISMATICIS in *Tertulliano* Patrocinium. Favet tamen (inquires) ejusdem *ratio*. Ne id quidem, si tamen pro *Principiis Tertulliani*, & coævæ *Tertulliano Ecclesiæ*, sententiam feramus. Nemo est qui dubitet quin singuli etiam *Presbyteri*, in eo, de quo loquitur *Tertullianus*, *Necessitatis casu*, *Sacerdotii* sui munera possint, pro *arbitratu*, exercere. Eosdem tamen,

tamen, cum *adessent* Confessus, & Confessuum *Præsides Episcopi*, seu injussu *Episcopi*, seu adversus *Collagarum* in Confessu Suffragia, eadem munera exercentes, semper pro SCHISMATICIS habuit *Ecclesia*. Sic ne quidem *Laicis* id liceret, si id vel maximè concederemus ejusdem generis cum *Sacerdotio Presbyterorum*, id etiam esse, quod volunt, *Laicorum Sacerdotium*.

§. 23. Ex iisdem porro verbis id præterea colligimus de *Facto* aliquo ab *Ecclesiâ probato* intelligi omnino non posse *Tertullianum*. *Tinguis* (inquit) & *Sacerdos es tibi solus*. Hæc si de *Facto Tinguendi* interpretemur, id unà etiam sequetur, posse quempiam in eo, de quo loquimur, *Necessitatis* casu constitutum, se quoque ipsum Baptizare. Quod tamen fieri non potest ut crediderit ipse *Tertullianus*, nedum ut crediderit, aut ab alio factum probârit, *Ecclesia*. Esto enim, *Christianus* fuerit cui *Necessitas* ea contigerit. Ita *Baptizatum* supponemus. At Baptismum semel

Tert. de Bapt.  
c. 15.

de Bapt. c. 15.  
de Penit. c. 7.  
de Pudicit.  
c. 16. cont.  
Marcion. L. 4.  
c. 9. L. 5. c. 10.

Adv. Lucife-  
rian.

mel susceptum nunquam *iterandum* semper docuit *Ecclesia*. Etiam illi qui *Baptizarent* jam *Baptizatos* ab *Hæreticis* ( quo in numero nostrum fateor fuisse *Tertullianum* ) non eo tamen nomine illos *Baptizabant* quòd *Baptismi iterationem* probarent, sed quòd *nullum* censuissent *Hæreticis* fuisse *Baptismum*, & prorsus *invalidum*, non utique *repetendum* existimantes si *verus* fuisset prior ille *Baptismus*. Ita certè non uno in loco *Tertullianus*. Quòd si *Ethnicum* supponimus, seu ( quod eodem redit ) *nondum Baptizatum*, ne ita quidem poterit ( pro Principiis *Tertulliani* ) seipsum *Baptizare*. Nec enim illum *Sacerdotem* agnosceret noster quo sensu *Laicis Christianis Sacerdotium* censuit esse concedendum. *Nondum Baptizatum* ne quidem pro *Laico* habet *Luciferianus* apud *Hieronymum*, quod nec negat *Orthodoxus*. Ipse *Sacerdotium Laici Baptisma* nuncupat, quo loco *Disputat* pro Principiis *Tertulliani*. Eodem re-  
tulit



lit verba illa *Regnum quippe nos & Sacerdotes Deo & Patri suo fecit*, quæ etiam antea eodem retulerat ipse *Tertullianus*. Certè nondum *Baptizatos* non erat eodem quo se primæ Personæ verbo complexurus *Apostolus*. Nec de aliis quàm *Baptizatis Tertulliani* ipsa procedit Argumentatio: *Quod enim* (inquit) *ex æquo accipitur, ex æquo dari potest. Ex accepto scilicet Baptismo Jus illud Sacerdotale colligit eundem conferendi. Laicos suos Sacerdotes etiam pro Episcopis habet & Presbyteris atque Diaconis. Omnino utique Baptizatos. Eodem spectat & illud à censurâ ductum Argumentum: Proinde & Baptismus æquè Dei census ab omnibus exerceri potest. Nec enim alium, quàm qui ipse in censu fuisset, Censorem admittebant Leges Romanæ. Quod si de Jure Tinguendi Tertullianum intelligas, jam erunt omnia facilia. Quem enim Sacerdotem agnovit in eo, de quo loquimur, Necessitatis, Casu Tertullianus*

*Laicum*, ad eundem *Jura* omnia *Sacerdotalia* pertinere conspectaneum erat, ut nullum haberet *Obiectum* in quo posset *Jus* suum exercere.

§. 24. Pergit *Tertullianus*: *Sed ubi tres Ecclesia est, licet Laici*. Inde intelligimus, verba illa, *Sacerdos es tibi solus*, non ita intelligenda esse quasi in se solum *Sacerdotii* sui muneribus fungi possit *Sacerdos Laicus*; sed quòd illud adhuc suo *Ratiocinio* deesse videret, nondum scilicet evicisse se necessariam esse *Laico Sacerdotalem Disciplinam* dum etiam de *Facto* probasset munera *Sacerdotalia* à *Laico* exercenda. Supponit itaque singulos *Sacerdotes*, utcumque *Jura Sacerdotalia* possidentes, nondum tamen munera *Sacerdotalia de Facto* posse præstare dum *Collegium* conficerint. Id collegerat, ni fallor, è receptis *Collegiorum Sacerdotalium* moribus, tam *Judeorum* illis, quàm etiam aliorum præcipuè *Romanis*. Inde enim Argumentatur, hâc in causâ, *Tertullianus*,

nus Eo usque rectè. E receptis enim Sacerdotii Juribus Argumentatur etiam S. Autor ad *Ebræos*. Quod verò negarent tam *Tertullianus* ipse, quàm illi, cum quibus ei res erat, *Adversarii*, Jurium Sacerdotalium usum singulis etiam reverà Sacerdotibus; id ex ipsâ Collegii Sacerdotalis, ut existimo, notione collegerunt. Constituebant enim, ut alibi ostendi, illius Seculi Sacer-

Dissert. Cyprian. 9. §. 2. 4.

dotes Corpora quædam, seu Communitates, quæ Collegia appellarentur. Assumptus est in omnia Collegia Sacerdotalia Sacerdos, inquit, bat in vitâ *Commodi Lampridius*. Sic & *Tertullianus*: Quot Collegia, de Spectac. c. 7. quot Sacerdotia. Rursus: Quod ergo

c. 11.

mirum si apparatus agonum Idololatriâ conspurcat de Sacerdotalibus Præsidibus, de Collegiariis Ministris, &c.

Lamprid. Comod. c. 12.

Proinde Omnibus cujuscunq; generis Sacerdotibus sua erant, pro Romanorum consuetudine, Collegia. Ita factum ut Jura Sacerdotalia, quæ Collegii erant Universi, non possent singuli exequi. Collegii enim Jura à

*legii* proinde pendere oportebat  
*arbitrio*. Ita nullum *Sacerdotii*  
munus exerceri potuit, nisi *Univer-*  
*si Collegii* Autoritate. Nec verò  
*Collegii Sacerdotalis* nomine quic-  
quam geri potuit nisi ab eo qui  
*Collegii Universi* haberet *Potesta-*  
*tem*. At pro *Legibus Collegiorum*,  
numerus *Collegiarum* erat omnino  
necessarius qui *Collegium Univer-*  
*sum* representare posset atque obli-  
gare. Alioqui irritum procius ha-  
bebatur atque invalidum, & in Le-  
ge nullum, si quis potestatem *Col-*  
*legii Universi* exercuisset, neuti-  
quam Autore *Collegio*. Et verò in  
*Sacris*, hasce *Juris* Regulas accu-  
ratissimè observabant. Tum quòd  
rem nefariam existimarent, & pia-  
culari scelere infamem, si ipsum  
numen aliter, quàm oporteret, re-  
presentassent. (representari enim  
in *Sacerdotio* ipsum *Numen* alibi  
probavimus) Tum quia *rata* apud  
*Numen* sperari non poterant, ni,  
pro *Numinis* ipsius *beneplacito*, ritè  
omnia sancteque fuissent admini-  
strata

de *Un. Sacerd.*  
& *Un. Altar.*  
*Cap. 8. §. 4. & 5.*

strata, quæ quidem facerent ad rei  
gestæ Autoritatem. Aliter fore  
ne quod expectari posset Sacerdota-  
lis Officii *Beneficium* ab ipso scili-  
cet *Numine* præstandum. Jam ve-  
rò de *Numero* qui *Collegium* posset  
representare, apud *Jurisconsultos*  
ipsos erat *Disputatio*. Erant e-  
nim qui *Jus omnium in unum reci-*  
*dere* posse, & *in uno stare Univer-*  
*sitatis nomen* assererent. Horum  
ita meminit *Ulpianus*, ut plane se  
in aliâ esse sententiâ confirmet.  
Si (inquit) *Universitas ad unum*  
*redit*, &c. *Receptor* longe erat *Ne-*  
*ratii Prisci* sententia cujus ita me-  
minit *Marcellus*: *Neratius Priscus*  
*tres facere existimat Collegium.* Et  
*hoc magis sequendum est.* Hæc ha-  
buit ob oculos *noſter*, *Juris peri-*  
*tiſſimus*. De *uno* *Sacerdote* ait  
*Sacerdotem* illum sibi fore solum.  
Acturum scilicet, pro eorum Sen-  
tentiâ, qui ad *unum* redire *Univer-*  
*sitatem*, & *in uno stare Univerſita-*  
*tis nomen* assererent. Aliter ipse.  
Cum enim *Ecclesiam* nisi in *tribus*  
con-

*Ulpian. Digest.*  
*L. 3. Tit. 4. l. 7.*  
*n. 2.*

*Marcell. Dig.*  
*L. 50. Tit. 15.*  
*l. 85.*

de Fug. in  
Persu. c. 14

constituere non audeat, sequitur  
unum pro Ecclesiâ non habere Ter-  
tullianum. Non itaque in uno U-  
niversitatis nomen stare credidit.  
Ita uni duntaxat Sacerdoti non li-  
cuit, si illum audiamus, exercere  
communis Sacerdotalis Collegii mu-  
nera. Nec id temerè Tertullianus.  
Etiam alibi in tribus constituit Ec-  
clesiam. Rectè itaque illum sibi  
Sacerdotem fore asserit qui solus ef-  
set, quia non possit esse Ecclesiæ.  
Ut proinde Jura sola habere possit  
istiusmodi Sacerdos, sine omni ta-  
men Juris usu. Unde etiam rursus  
constat, ita non Argumentari à  
Facto Sacerdotali ab Ecclesiâ pro-  
bato Tertullianum ( ut existimant  
Adversarii ) ut tale Factum, siquod  
fuiſſet à Laico Sacerdote solitario  
editum, ne ipse quidem potuerit,  
pro suis Principis, probare Tertul-  
lianus.

§. 25. Id præterea Observan-  
dum, cum ait, *Ubi tres, Ecclesiâ  
est, licet Laici, de tribus illum in-  
telligendum esse Sacerdotibus, co*  
nimirum,

nimirum, quod *Laicis* tribuerat, *Sacerdotio*. Sic rectè necentur cum præcedentibus, ut nimirum *Sacerdoti soli* hic *tres* opponantur, similiter utique *Sacerdotes*. Et verò ita intelligendum postulabat ipsum ejus, quod dixi, ratiocinium. *Ecclesiæ* enim nomine illud intelligit *Collegium*, de quo pronuntiassent Jurisperiti in *tribus* illud stare posse. Et cum agat de muneribus *Sacerdotalibus*, ut ostendi, & Jure etiam *Sacerdotali Laicis* tribuendo, non utique de aliis intelligendus est *Collegiis* quàm *Sacerdotum*, quorum *Collegia* habebantur apud *Romanos* celebratissima. Quod itaque Jurisconsulti *Collegium* appellassent *Sacerdotum*, id supponit, apud *Christianos*, appellari *Ecclesiam*. Supponit ergo *Tertullianus* (quod docent etiam alii *Ecclesiæ* Orthodoxi Patres) in ipsâ *Ecclesiæ* definitione includi *Sacerdotium*. Nec enim aliter probat à *Laicis* constitui potuisse *Ecclesiam*, quàm probando

*Laicos*

*Laicos esse Sacerdotes, & quidem eo numero, qui, per Romanas Leges, necessarius esset ad Collegium Sacerdotum.* Eo itaque uno Principio nitetur hac *Tertulliani* universa Argumentatio, quod unius esset ejusdemque generis commune illud *Christianorum* omnium *Sacerdotium* cum *Ecclesiae* publico *Sacerdotio*, & ad eadem publica similiter *Ecclesiae Officia* referendum. At solus erat in eâ tortasse sententiâ, nec fere quenkumque *Ecclesiasticorum* *Scriptorum* habuit suffragantem *Tertullianus*. ἐπισκοπῆς τε καὶ πρεσβυτερίου καὶ διακονίας ( *Episcopus* nimirum, *Presbyteris* atque *Diaconis* ) ἐκκλησία ἡ καλεῖται, inquit *Ignatius*. Rectè id omnino, & pro Principiis etiam *Tertulliani*, id modò unum concedatur, solum esse publicam *Ecclesiae* *Sacerdotium* quod Potestatem habeat *Publicorum* *Ecclesiae Officiorum*, quod ut negarit *Tertullianus*, credidit tamen *Tertulliano* antiquior *Ignatius*. Nec *Ignatius* modò. Idem credidit *Tertulliano* conterraneus *Cyprianus*. è quo

*Ignat. ep. ad  
Tertullian. 7. 3.*



quo melius *Ecclesiae Africanæ* sententiam, quàm ex ipso *Tertulliano* didicerimus. Sic enim ille definit *Ecclesiam*, ut essentiam ejus ingrediantur *Sacerdotes Ecclesiastici*: *Illi sunt* (inquit) *Ecclesia, Plebs Sacerdoti adunata, & Pastori suo Grex adhaerens*. Sic & *Tertulliani* Excriptor *Hieronymus*, etiam in eo Opere in quo multa è *Tertulliano* mutuatus est. *Ecclesia non est quæ non habet Sacerdotes*. Postea; Similiter & *Ecclesia multis gradibus consistens, ad extremum Diaconis, Presbyteris, Episcopisque finitur*. Inde intelligimus quos voluerit in priori loco *Sacerdotes*. Non illos certè *Laicos Tertulliani*. De *Clericis* enim loquitur quos non potuit *Hilarius Luciferianus Diaconus Ordinare*. Illorum defectu *Hilarius* ait defecisse *Ecclesiam*. At *Sacerdotes Tertulliani* infinitos *Ordinare* potuit etiam *Diaconus*, cum etiam illi *Potestatem Baptizandi* tribuat *Tertullianus*. At *Scētam* suam deficere passus est *Schismaticus* iste *Diaconus* potius quam aut, in eā

Cyprian  
Ep. 69.

adv. Lucifer.

etiam *necessitate*, Sacerdotium usurparet *Ecclesiæ*. Adco nemo erat, seu *Ecclesiasticus*, seu etiam *Schismaticus*, qui *Tertullianum* hic audiendum crederet. Sed quid opus est pluribus? Ipse hoc videtur innuere *Tertullianus*. Ut enim *Sacerdotium*, nescio quod, *Umbraticum* Laicis suis concedit; sic etiam *Episcopatum*, *Presbyteratum* atque *Diaconatum*, & ipsos quoque similiter *Umbraticos*: *Nisi* ( inquit ) *Episcopi jam, aut Presbyteri, aut Diaconi vocantur Discipuli*. Cur illa, ni vidisset non utique concessuros *Ecclesiasticos*, satis esse suum illud *Laicale Sacerdotium* ad *Sacramenta Ecclesiæ*, etiam urgente *Necessitate*, administranda? Cur ( inquam ) illa, si alios habuissent *Ecclesiastici*. Etiam quacunque posita *Necessitate*, *Sacerdotes* quàm *Episcopos*, *Presbyteros* atque *Diaconos*? Ubinam ergo illa *Laicorum Sacerdotalia munera* ab *Ecclesiâ*, ut existimant, *probata*? Hæc si fuissent, non opus esset commentitio illo *Episcopatu*, *Presbyteratu*, aut *Diaconatu*. §.26.

§. 26. Sed scio mihi cum id genus Adversariis esse rem qui *Patres* etiam *Primævos* flocci faciunt, ni constet de *rationibus*. Et scio admodum *ingrata* illis hæc fore Principia quæ *Sacerdotium* legitimum Ecclesiæ *Essentiale* faciant, ne sint proinde sine probatione prætermittenda. Constat interim, ut dixi, in hâc universâ Disputatione concessa, tam à *Tertulliani* Adversariis, quàm ab ipso etiam *Tertulliano*. Nec id omnino temere. *Ecclesiæ* enim nomine illam hominum intelligimus multitudinem quæ possit convenire in *Cætus*, pro *Christianitatis* normâ, *legitimos*. Sed nec *cætus* etiam *legitimos* quoscunque intelligimus. Sunt enim & *Orandi* causâ *cætus* Orthodoxorum, fateor, *legitimi*. Nec illos *cætus* intelligimus qui sunt, pro *Christianæ* Religionis Principiis, *necessarii*, in quibus ea præstantur *munera* quæ nequeunt à *singulis* præstari *Christianis*, quorum tamen *virtute* ea etiam quæ à *singulis* præstari possunt,

possunt, *Deo* grata redduntur atq;  
 accepta. Nempe *Sacramenta* in-  
 telligo quibus *Deo* atque *invicem*  
*unimur*, atque in *unum* *Christi Cor-*  
*pus* coalescimus, cum *Deo* etiam  
*paciscimur*, & *Pactorum Beneficia*  
*omnia & Jura* consequimur. Hæc  
 enim *Unitatis* vincula ratio sunt  
 cur *singuli* in recessibus conclavi-  
 busque *Christiani*, ad *unum* tamen  
*idemque Ecclesiæ Corpus* pertinere  
 intelligantur. Hæc *Pactorum Be-*  
*neficia* etiam *Orantium Cœtus* faci-  
 unt *acceptos*. Qui itaque horum  
*Cœtum Publicorum Potestatem* ha-  
 bent, *Ecclesiæ* etiam *Potestatem* ha-  
 beant necesse est, ut proinde ne-  
 queat sine illis *Ecclesia* ne quidem  
 appellari. Nec enim *Ecclesiæ* me-  
 retur nomen *Multitudo Mysticæ U-*  
*nionis* vinculis nondum *unita*, aut  
*unione* apud Deum *irritâ*, aut quæ  
 nulla habeat Evangelici Pacti *Jura*.  
 Cum itaque *Sacramenta* habuerint  
 pro *Officiis Sacerdotalibus*; rectè  
 illi, & pro Principiorum suorum  
 consequentiâ, *Sacerdotium Ecclesiæ*  
*Essentiale* crediderunt. §. 27,

§. 27. Quæ porro subjungit *Tertullianus*, eò spectant ut probet id quòd supremo loco dixerat, *Ubi tres, Ecclesia est, licèt Laici*, quod tamen idem superiori, ut ostendi, Argumentatione conficere conatus est. Cur adeo multis opus erat in brevi sermone probationibus, ni vidisset id difficillimè concessuros Adversarios? Probat autem infelicissimè. *Unusquisque enim* (ait) *suâ fide vivit, nec est Personarum acceptio apud Deum, quoniam non Auditores Legis justificabuntur à Deo, sed factores, secundùm quod & Apostolus dicit.* Posteriora hujus loci ad priora referenda, eò nimirum ut ostendant, nullam esse apud Deum *Personarum acceptioem*. In eo sita est vis illa qualisqualis Argumenti, quod quia nulla est apud Deum *Personarum acceptio*, proinde nihil referat quis munera *Sacerdotalia* exequatur; perinde gratum Deo esse *Laicum* si *Factor* sit *Legis*, perinde ingratum *Clericum*, si *Legis* sit tantummodò *Auditor*.

Hæc

Hæc verò *Ratiocinatio* si procederet, supervacua esset illa *Necessitatis Exceptio*, quâ solâ ingruente, liceat *Laico Sacerdotalia* munera exercere, quam tamen adhibet, uti vidimus, *Tertullianus*. Etiam *extra Necessitatem*, non est *Personarum Acceptor* Deus. Nec tamen *Laicum* perinde Deo gratum agnoscet ac *Clericum*, si velit munera *Sacerdotii*, nullâ *Necessitate* cogente, capeffere. Prudenter itaque explicanda ea erit, quæ à Deo erit removenda, *ωρσωποληνψια*. Æque Deo gratus est *Gentilis*, ac *Judæus*, si velit *Christianismum* amplecti, ut in *Cornelii* causâ observavit *Apostolus*. Nec tamen est quod quis propterea dubitet jam *Christianum* utroque esse *gratiorem*. Non est *Personarum acceptor* in *Judicio* Deus. Perversè tamen egerit si quis inde concluderit, nihil referre in *Judicio Divino*, seu *reus* quispiam, seu potius fuerit *innocens*. Sed nec in *salutis* causâ, est quòd quis sibi de *loci dignitate* blandiatur.

blandiatur. Tam facilè *Pauperes* audiet servabitque Deus quàm *Divites*; tam facilè *viles* & ex imâ fæce *Plebeios* quàm viros in Seculo *illustres* atque *nobiles*; tam facilè *simplices* quàm acutos hujus mundi *Scribas* atque *Disputatores*. Nec tamen proptereâ colligendum nullas esse *Dispositiones*, quæ, etiam in *Salutis* causâ, *Personam* aliam aliâ reddant *acceptiorem*. Id sibi igitur volunt istiusmodi Scripturæ loca, non ut omnem negent apud Deum *Personarum distinctionem*, sed ut illos removeant ab eo *humanos affectus* qui nos in *Personas*, nullo suo *merito* digniores, procliviores reddunt. Exigit è contrâ *Justitiæ Divinæ* ratio, ut quæcunque faciunt ad *veram Personarum commendationem*, eorum ratio apud Deum habeatur. Et certè in rebus gerendis quarum tota vis à gerentis *Autoritate* pendet, id unum spectat ipsa ratio, verène *Autoritatem* illam habuerit, quæ tota rursus pendet è *loci dignitate*. Si enim, quæ  
*Dei*

*Dei nomine Sacerdos* paciscitur, ea *Dei Autoritate* paciscatur, perinde tenebitur *Deus* ut ea ratia habeat præstantibus conditionem, si vel *Auditor Legis* tantummodò fuerit *Sacerdos*, ac si esset *Factor*. Sin contrà nullam habeat à *Deo* ad *Pacta Sacerdotalia Autoritatem*, ea irrita erunt apud *Deum*, utcunque alioqui *Factorem Legis* *Sacerdotem* supponamus. Sed hâc profectò in causâ, erit *Legis ne Auditor* quidem, Sed *Sacrilegus violator*; nec alio apud *Deum* loco proinde iudicandus. Hucusque vidimus nullum *Laici Sacerdotii Factum pro concessio* sumere. E contrà potiùs sedulò probare, *negatumque* proinde supponere. Quæ sequuntur ea jam *probatum* supponunt *Laicorum Sacerdotium*, & ad illam traducunt, quam agit, causam *Monogamiæ*. Idem conatur, ut dixi, in *Libro de Baptismo*. Sed nulla ibi legimus verba quæ vel levissimam movere possent, de *Facto* ab *Ecclesiâ concessio* suspensionem.



§. 28. Id unum in Ecclesiæ *Praxi* video, unde suspicari possit *Tertullianus*, commune quippiam cum Ecclesiæ Sacerdotio habere Sacerdotium *Laicorum*. Quòd scilicet in *eosdem* convenirent cum illis Ecclesiæ cætus, nec eos modò qui cultûs causâ fuissent celebrati, sed in illos etiam qui *Judicii*. Quid illis licuerit in Ecclesiâ *Africanâ* intelligimus è *Cypriano*. Aderant scilicet siquis esset in *Ordines Ecclesiæ*, etiam *inferiores*, cooptandus, edebantque de vitâ Ordinandi moribusque *Testimonium*. Nec facile quisquam illis, pro Imperio obtrusus, non dico *refragantibus*, ve-  
Ep. 33. 34. 35

rum etiam ni suffragiis illum ipsi sibi *expetiissent*. Excusat se aliquoties *Cyprianus*, siquando, sæviante etiam *Persecutione*, quempiam præfecisset qui non fuisset legitimis eorum suffragiis antea pro more *comprobat*. Et quidem ita se plerumque excusat, ut aliud aliquod alleget eorundem *Testimonium*, si quando defuisset suffragandi *solemnitas*.

Ep. 14. 31, 52.

Aderant iidem *Laici* etiam *consiliis* Ecclesiæ, siquâ graviore de causâ esset consultatio, etiam ubi de dandâ Ecclesiæ *Communione*, aut negandâ, ageretur. Sunt autem ea quæ ad *Communionem* spectant *Sacerdotii Officia* præcipua. Et quidem ita aderant, ut nec temerè quicquam sine eorundem *consensu* Constitueretur. Sic enim causam *Lapsorum* Cyprianus ad *Concilium* distulit, in quo locum haberent, & suffragium, *stantes* etiam *Laici*. Nec certè *gravioris momenti* quippiam, quod quidem ad Ecclesiæ *regimen* attineret, gestum legimus, sine eorum *assensu*, rarò sine *Suffragiis*. Inde facilè potuit colligere Tertullianus *Jura Sacerdotii* universo *cætui* fuisse communia. Nec enim *Jura Sacerdotii* exinde imminui credendum erat quòd *Juris* prohiberentur *exercitio*, cum & *veri*, sine controversiâ, *Sacerdotes*, *Presbyteri* & *Diaconi*, *Juris* tamen sui *usu*, propter primæ *Sedis* aut confessus *honorem*, simili-

ter

ter prohiberentur. Eo igitur concessio quod *unum* conficerent eundemque *cætum*, tam *cultûs* causâ, quàm etiam *Judicii*, ita deinde procedebat Argumentatio: Eandem hîc valere *rationem* quæ & in *aliis*, diversorum quoque *Ordinum*, *Collegiis*, deficientibus nonnullis ad *reliquos* redire *communia* universarum *Jura*; *istâ* sublato, quod sæpe contigit, *Episcopo*, *Jura* deinde *Episcopalia* transire viderat in *Presbyteros*: Illos deinde ea præstare *solos* quæ nefas esset alioqui præstari, nisi *Autore Episcopo*. Sic & sublato *Presbyterio*, *Jura* quoque *Presbyterii* recidere, per eandem rationis paritatem, in *Diaconos*, cujus tamen rarum admodum, si fortasse ullum, eâ ætate extabat *exemplum*. Sic denique sublati *trium Ordinum* omnibus *Clericis*, *Jura* eorundem omnia redire tandem ad *Sacerdotes Laicos*. Quod tamen de *Facto* nuspiam contigisse verisimile est ætate *Tertuliani*, ut proinde possit à *Facto*

aliquo ab Ecclesiâ probato Argumentari. Hæc innuit ipse fortasse *Tertullianus*, cum in eo casu *Episcopos* vocari posse, aut *Presbyteros*, aut *Diaconos*, Discen-tes ait, nempe *Laicos*. Quasi nimirum in illos migrâssent *Episcopatus*, *Presbyteratus*, & *Diaconatus* communia Jura, pro eâ, quam dixi, Argumentatione.

¶. 29. Ex eâ certè potiùs *Ecclesiæ Constitutione*, quàm è *Scripturâ*, quam tamen solam adhibet, ratiocinatum fuisse *Tertullianum*, exinde colligo. Quòd solos nimirum *Laicos viros* sui fecerit participes *Sacerdotii*. Non item *Virgines*, quanquam & ipsas, pro illius Seculi more, *sacras*. Viderat nimirum in *Ecclesiæ* cœtibus locum habere soles *Viros*, excludi *Mulieres*. Scriptura autem, quam quidem protulit, tam facilè poterat de *Mulieribus*, quàm de *Viris*, intelligi. Quid quòd etiam verisimilior, ex eâ Hypothesi procederet Argumentatio. Solâ enim *Sacerdotii*

voce

voce usa est Scriptura, non item aliquid adjunxit, è quo collig posset quale illud fuerit *Sacerdotium*; nedum an ejusdem fuerit generis, eorundemque munerum cum *publico Ecclesiæ Sacerdotio*. Longe autem erat proclivius ut hæc colligeret ex cā, quam dixi, *cætuum Ecclesiasticorum Constitutione*. Cum enim videret, in re etiam *Sacramentariā*, adhiberi in Concilium *Laicos*; facilè poterat inde suspicari, ut à *Sacramentis* de *Fa-cto* arcerentur, propter illum primæ Sedis, quem dixi, & Confessûs, honorem, *Jura* tamen *Sacramentorum* ad eosdem attinere: Utcunque tamen speciosa primâ facie videatur, non erat solida hæc etiam ipsa Argumentatio. Nec enim in id genus diversorum Ordinum *cætibus* solebant *Superiorum Jura* ad *Inferiores* descendere. Ne quidem in *Ecclesiâ* observatum alibi ostendimus. Nec enim habebant, Sede etiam vacante, *Jura* tamen *Episcopalia Presbyteri*. Nec  
*Episco-*

*Episcopos Ordinabant, nec res gravioris momenti quascunque decernebant quæ quidem primæ Sedis Autoritatem postularent, quasque ratas esse oportebat apud primæ Sedis Collegas Episcopos. In eo uno auctiores erant, Sede vacante, Presbyteri, quòd cum Sacerdotii Presbyteralis munera non possent Sede plenâ, nisi ad nutum Episcopi, exercere; jam sui essent, in sui saltem Officii muneribus, Juris, vel etiam fortasse penderent à toto Presbyterio. Ita, ex rationis paritate, id quoque unum sequebatur, sublati superiorum Ordinum Clericis, jam liberos fore in sui, siquod antea habuissent, Sacerdotii muneribus Laicos. Restabit verò deinde probandum illud Laicorum Sacerdotium. Malè tamen id elicitur è Jure illo quod illis permissum est in Conciliis Ecclesiæ. Potest Magistratus eorum etiam uti consilio qui nullam prorsus habeat, in Repub. Potestatem. Nec libenter ab eorum consilio discedet quorum alioqui judicium*  
 ea

ac *peritiam* magni facit. Præsertim si in re *gerendâ* multùm valeat eorum qualiscunque *Opinio*, utcunque nullâ legitimâ Autoritate stabilita. Movebantque primævos *Christianos* hæ omnes rationes ne *Plebis* opinionem, qualemcunque tandem illam, facilè contemnerent. Atqui aliud est (inquires) consulere aliquem *privatim*, aliud eundem *publicis* adhibere *consiliis*: Illud eorum esse posse qui tamen nullum habeant in *Repub.* munus; hoc non esse aliorum quàm qui agant pro *Jure & Officio*. At multi etiam *Publicis* solent interessè *consiliis*, non tam *muneris* quàm, potius *solennitatis*, causâ. Multi etiam *assentiendi* causâ, non tamen *statuendi*. Et sane de his *Plebis* suffragiis ita loquitur *Cyprianus* ut non inde rei gestæ penderet *Autoritas*. Sic enim scribit ad *Clerum* suum: *A primordio* (inquit) *Cyprian. Ep.6.*  
*Episcopatus* mei statueram, nihil *sine consilio* vestro, & *sine consensu* *Plebis* meæ, *privatâ sententiâ* gerere. Planè innuit, hanc se normam

mam *sibi*, pro *arbitrio* suo statu-  
 isse, nullâ scilicet, cur itâ faceret,  
 impulsus *necessitate*, nullis co-  
 actum seu *Plebis*, seu etiam *Cleri*  
 sui, *Juribus*. Aliter fuisset, ne  
 quidem *potuisset* quippiam privatâ  
 sententiâ gerere. Quæ enim *vis*  
 fuisset privatis illius *Decretis*, si-  
 quam vim alienis *Juribus* intulisset?  
 Nullus erat qui renitentes  
 posset cogere *Magistratus*. Sed  
 nec ulla, cur parerent, *Conscientiæ*  
 etiam *Obligatio*, siquid unus il-  
 le decrevisset alienis *Juribus* adver-  
 sum. Et cum opus esset ut ab eâ  
 normâ discederet, *excusavit* quidem  
 Factum, quòd præter *morem* suum  
 atque *normam* fuisset gestum, ra-  
 tum tamen habuit, ne quidem ex-  
 pectato eorum suffragio. *Ordina-*  
*tum* *sciatis*, inquit, de *Aurelio*.  
 Planè pro *Imperio*, & *loci*, in quo  
 erat constitutus, dignitate. Rur-  
 sus de eodem *Aurelio* & *Celerino*:  
*Cæterum Presbyterii honorem*  
*designasse nos illis jam sciatis,*  
*ut & sportulis iisdem cum Presby-*  
*teris honorentur, &c.* De futuris  
 itaque

Ep. 33.

Ep. 34.



itaque *honoribus* in *Ecclesiâ* consti-  
 tuebat, ne quidem expectato *Ple-*  
*bis*, aut etiam *Cleri* suffragio. Nec  
 aliter de *Numidico* ad *Clerum* pari-  
 ter ac *Plebem*: *Admonitos nos* & Ep. 25.  
*instructos* **SCIATIS** *dignatione*  
*divinâ*, ut *Numidicus Presbyter* ad-  
 scribatur *Presbyterorum Carthagi-*  
*nenſum numero*. Erat itaque ratum  
 siquid etiam in *Ordinationibus E-*  
*piscopus* privatâ suâ sententiâ ges-  
 sisset, in quibus tamen præcipuè  
 putant *Adversarii* elucere ea *Plebis*  
 & *Cleri Jura*. Et jam antea ostendi-  
 mus quàm non omnino pugnant  
*Plebis & Senatûs Concilia* cum *ab-*  
*solutissimâ* etiam *Monarchiâ*. Sed  
 fateor *Juris Sacerdotalis usum*, non  
 item ipsum *Sacerdotium*, hoc re-  
 felli ratiocinio, cum & *Cleri* suf-  
 fragia probet non fuisse necessaria,  
 quos tamen nemo dubitat *veros* fu-  
 isse *Sacerdotes*. *Sacerdotium Lai-*  
*corum* aliunde refellendum, quòd  
*Jus nullum Sacerdotii Plebs* ha-  
 buerit Originale. Nec tamen illud  
 uspiam legamus à Deo *Plebi* fuisse  
 f donatum.

donatum. Non ab ipso *Deo* immediate, non mediis *Apostolis*, ne quidem ipsis mediis seu *Episcopis*, seu etiam *Presbyteris*. Et tamen eò *Donationem* ipsam manifestiorem fuisse oportuit, quò, prohibito *Sacerdotii* omni usu, obscuriora fuerint illius, in *Ecclesiæ Praxi*, vestigia. Hæc nos alibi ex professo. Inde constabit non *Juris* fuisse, sed *dignationis*, siquis fuerit *Plebi* locus in Consultationibus de *Sacerdotio*. Ut proinde nullum inde potuerit elici *Jus* eorum *Sacerdotale*.

§. 30. Superest præterea unicuique *Tertulliani* locus quo factum subindicari credidit *Grotius*, sed maximi, ut putat, ponderis. Cum enim recitaret *Ecclesiæ mores* ab *Apostolorum* primævo usu equidem novatos, quos tamen putat *Pacis* studio retinendos, in eorum numero & hunc recensuit: *Eucharistiæ Sacramentum, & in tempore vicini, & omnibus mandatum à Domino, etiam antelucanis cætibus, nec de aliorum*

de Coron. Mil.  
s. 3.

*aliorum manu quàm Præsidentium sumimus. Nempe (quod ad causam nostram spectat) opponi observat Vir Cl. superioris commatis verba illa, & OMNIBUS mandatum à Domino, posterioris Commatis illis, nec de aliorum manu quàm Præsidentium sumimus. Inde colligunt Omnibus Christianis mandatum à Domino Eucharistiæ celebrationem. Quod postea Presbyterorum propria facta sit, in eo discessum putant à primævâ Domini Institutione atque Exemplo; in eo novâsse etiam coævam Tertulliano Ecclesiam. De primævo more mox explicabo quid sentiam. Quòd verò ex hoc loco colligunt mandatum Laicis à Domino Eucharistiæ Consecrationem, malè id nimirum colligunt. Hoc ut eliciant, Præsidentium nomine omnes completuntur cujuscunque Ordinis Cleros. Id tamen necessarium erat, ut voce Omnibus etiam Laicos includerent. Perversè hoc, & præter morem locutionemque Tertulliani. Vel*

f 2                      ipsum

*Digest* L. 1.  
*Tit.* 18. L. 1.

*Tertul. de Spect.*  
 c. 11.

ipsum nomen *Præsidentis* satis erat ut monerentur, ne de alio *Tertullianum*, quàm *Episcopo*, interpretarentur. Erat enim vox illa satis nota *Romanis* qui *Rectores Provinciarum* omnes *Præsides* appellabant. Et quidem propter eam ipsam nominis Etymologiam, quòd *præ* aliis *federent* in Tribunalium Provincialium *Confessibus*. Nec enim quenquam *Præsidem* appellabant, uno eo excepto qui *Sedem* occupabat in confessu *primariam*. Quin & *Præsides* in *Collegiis Sacerdotalibus* ipse memorat *Tertullianus*, unde facile est colligere ab illis emanâsse vocem ad *Christianorum Collegiorum Sacerdotalium Præsides*, non utique alios quàm, in *singulis Collegiis*, pro *Gentilium* exemplo, ipsos quoque *singulos*. Nec verò ullus est *Tertulliani* locus quo vocem hanc usurpat quin hanc, quam dixi, satis commodè patiatursignificationem. Aliam nonnulli ne patiuntur quidem. Ait *Præsideri Cathedras Apostolorum*, de *singulis*,  
 ut

ut ostendi, intelligendus *Cathedris*, *Præscript. c. 36.*  
 deque *singulis* proinde Apostolo-  
 rum Successoribus qui eundem te-  
 nerent in Ecclesiis *locum* quem te-  
 nuerant *Apostoli*. *Primum* illum  
 fuisse quis dubitat? *Duplex* (inquit  
*Ecclesiæ*) *apud te Præsidentibus ho-*  
*nor binis partibus deputatur, cum*  
*Apostolus dupl. cem honorem dederat,*  
*ut & fratribus & Præpositis.* Idem  
 itaque *Tertulliani Præsides* qui *de Jejun. adv.*  
*Præpositi Cypriano multis in locis,* *Psych. c. 17.*  
 ipsique *Tertulliano*; qui ~~degestores~~  
*Justino Martyri*, de aliis quàm *E-*  
*piscopis* neutiquam intelligendi. Nec  
 verò alios, hoc in loco, intelligi  
 patitur mentio *binarum partium*.  
 Nempe pro *Romanorum Collegiorum*  
*more, cum mensurnarum divisio-*  
*num partes singulæ duntaxat reli-*  
*quis Confessoribus concederentur,*  
*duplex* tamen reservata est *Confes-*  
*sori primario*, quò alludit *Tertul-*  
*lianus*. Cum ait *Digamos, apud*  
*Ecclesiam, præsidere*, tam illum *de Monogam.*  
*c. 12.*  
 antecedentia quam etiam con-  
 sequentia cogunt, ut de *solis* intel-  
 ligamus

ligamus *Episcopis. Monogamia* (inquit) *solis Episcopis imposita est.* Et eadem ipsâ voce sæpissimè explicat quos *Præsides* intellexerit.

§. 31. Vix opus esset, in causâ adeo manifestâ, tam operosâ probatione, ni viros alioqui maximos, hæc fugisset tantilla Observatio. Inde est quòd voce *OMNIBUS Laicos* incluserint quòd *Præsidentium* nomine *Clerum universum* intellexissent. Satis illi consequenter si, quod volunt illi, *Præsidentium* nomine voluisset *Tertullianus*. Plures enim voce *OMNIBUS* denotari quàm *Præsides*, id verò manifestissimum est. Si autem *Præsidentium* nomine solos intelligamus *Episcopos*, jam facilè constabit voce *OMNIBUS* reliquos intelligi quibus *Episcopus* præsidebat in Confessu *Collegas*, præsertim verò illos, & fortasse *solos*, qui locum in Confessu haberent, *Presbyteros*. Atqui illis (inquies) *Eucharistiæ Sacramentum*, etiam ætate *Tertulliani*, fuisse mandatum. Hoc unum, ut existimo, obstabat quominùs  
Viris

Viris Eruditis adeò facilis occurrerit Interpretatio. Non meminerant scilicet, quam Baptizandi Potestatem, aut *Eucharistiam Consecrandi*, habebant *Presbyteri*; ita tamen illam exercuisse coævus *Tertulliano Presbyteros*, ut & ea quoque Officia soli tribuerentur *Episcopo*. De *Eucharistiâ* hîc ipse locus abunde testatur. De *Baptismo* verba præcedentia: *In Ecclesiâ* (inquit) *sub Antistitis manu contestamur nos renunciare Diabolo, & pompæ, & Angelis ejus*. De eodem rursus in Libro de Baptismo: *Dandi quidem [ Baptismi ] habet Jus summus Sacerdos qui est Episcopus*. - Dehinc *Presbyteri & Diaconi*, non tamen sine *Episcopi Autoritate*, propter *Ecclesiæ honorem*. Convenit ad amussim *Ignatius*: *Μηδὲς χωρὶς τοῦ Ἐπισκόπου τί πρᾶξῃς τῶν ἀνηκόντων εἰς τὴν Ἐκκλησίαν. Ἐκεῖνη βεβαία Ἐυχαριστία ἡγεῖσθαι ἢ ὑπὸ τὸν Ἐπίσκοπον ἔσθαι, ἢ ὧς ἂν αὐτὸς ὁπτιρέῃ. Et nonnullis interpositis: Ὅυκ ἔξόν ἐστιν χωρὶς τοῦ Ἐπισκόπου, ἔτε βαπτίζειν, ἔτε ἀγάπῳ ποιεῖν, &c.*

de Bapt. c. 17.

Ignat. Ep.  
ad Smyrn. n. 8.

Et

Ea igitur erat primæ Sedis *negotia*, ut ab ejus nutu penderent reliqui, etiam in sui *Officii* muneribus. Proinde & *Professio Baptismalis* sub manu tamen *Episcopi* erat contestanda, & *Baptismus* ipse, ne quidem à *Confessûs Sacerdotibus*, nisi *Autore Episcopo*, administrandus. Ita cautum erat, ne possit quispiam à *Presbyteris* aut *Diaconis*, nisi iussufragante *Episcopo*, Baptizari. Aliter irritum erat in foro *Ecclesiæ*, nec pro membro habebatur *Ecclesiæ*, siquem *Presbyteri* Baptizassent aut *Diaconi*, inconsulto tamen *Episcopo*. Similiter in officio *Eucharistico*, habebant equidem *Presbyteri* illius, pro *Officio Sacerdotali*, Potestatem, si tamen permetteret *Episcopus*. Ne verò illi *Potestate* pro arbitrato uterentur, neve passim darent *Excommunicatis* Communionem; proinde factum ut *Ordinaria Ecclesiæ Eucharistica* Officia ne quidem aliis in *locis* celebrarentur quam in illis in quibus *præsens* adesset *Episcopus*. Et in illis ipsis locis *solus* tamen consecravit



consecravit *reges*, ut è *Justino*  
 Martyre discimus. Nihil hîc le-  
 gimus fecisse *Presbyteros*, nisi qua- Justin. *Apol.*  
 tenus communem *Collegii* Perfo. 11. p. 97.  
 nam representabat *Episcopus*. So-  
 lus ille constituit quos *Communione*  
 oporteret fieri participes. Inde  
 factum ut non de aliâ quàm *Præ-*  
*sidentium manu* sumere censerentur.  
 Non quòd ille *propriâ manu* Com-  
 municantes participaret (Id enim  
*Diaconos* testis est fecisse *Justinus*, )  
 sed quòd alium neminem haberet  
 in Consecrandi disponendique mu-  
 nere æmulum *Sacerdotem*. Quod  
 enim *Ministri* operâ peragebatur id  
 illi attributum cui serviebat ipse  
 Minister. Sic, in hâc ipsâ *Baptis-*  
*mi causâ*, Dominus ipse Baptizâsse  
 dicitur, cum non ipse tamen ex-  
 ternum adhiberet Baptismi Ele-  
 mentum, sed ejus jussu *Discipuli*.  
 Inde factum, quod ex uno eodem-  
 que loco Communicarent aliquan-  
 diu magnæ alioqui *Civitates*. Inde  
 quòd *absentibus* mitteretur per *Di-*  
*aconos* Eucharistia, ut idem Testis  
 est *Justinus*. Inde *Eucharistiæ* in  
 t Arcis

*Arcis* conservatio, & quòd illam domum reportarent secreto percipiendam, quoties non licuit interesse *Synaxibus*, cujus habebant in *Gentilium* Sacrificiis exemplum. Nec enim in suas modò *ædes* quisque suas *Sacrificiorum* portiones deferbat, sed prostabant etiam in foro *venales*. Has artes excogitabant *Christiani* percipiendi *Communione*, cum aliqui *plures* essent quàm ut *singulis* possent *Synaxibus*, quoties celebrarentur, interesse. Supervacuas nimirum illas, si, pro Urbium frequentia, *Synaxeon locos* credidissent esse multiplicandos. Hinc & *paucitas* illa, in *magnis* alioqui Urbibus, *Diaconorum*, quòd nempe solis in *Synaxibus* *Episcopis* esset ministrandum. Nec enim *Presbyteris* ministrabant, præterquam *Rusticis*, aut quoties, *extrà Synaxes*, privata essent Sacerdotii munera præstanda, ut apud Confessores in *custodiâ*, idque præcipiente *Episcopo*. Ita factum ut solidissimo *Unitatis* vinculo cohærent omnes

omnes cum *Principio Unitatis Episcopo*.

§. 32. Ea scilicet obtinebat in Ecclesiâ Disciplina, quo scripsit Seculo *Tertullianus*, quam tamen ab initio obtinuisse non est verisimile. Ægre crediderim obtinuisse ante Secundum à Christo Seculum, quo primùm prodierunt, sub *Traiano*, è latebris *Hæretici*. Tunc necesse erat ut arctissimè constringerentur Ecclesiasticæ Communionis Vincula, cum essent variæ in Christianismo *Sectæ* pellendæ ab *Ecclesiæ Communione*. Alium fuisse Ecclesiæ *Apostolicæ* morem statim ostendimus. Non tamen id ob oculos habuit *Tertullianus*, quæ *Primævæ* fuisset *Ecclesiæ* consuetudo, sed quid potius à *Christo Domino* fuisset Institutum. Id verba ejus illa demonstrant, & *Omibus mandatum à Domino*. Ergo in ipsâ *Institutæ Eucharistiæ Historiâ* quærendum illud *Domini Mandatum*. Verba illa *Domini* subinnuit, ut puto *Tertullianus* : τὸ τοιοῦτον εἰς τὸ ἀνάμ-

Luc. 22. 19. ἀνάμνησιν. Verbum ποιῆτε multi  
 1 Cor. 11. 24. πρᾶξις intelligendum censuerunt,  
 ut nimirum Eucharistiæ non solam  
*perceptionem*, sed etiam *Consecrati-*  
*onem* denotet. Sic enim verbum  
*faciendi* apud *Latinos*. Sic etiam  
 voce עָבַד utuntur *Ebræi*, & עָשָׂה. Sic  
 & multa apud *Græcos*, verba *faci-*  
*endi* verbo respondentia, ut ἰσθῆναι  
 πρᾶξαι, &c. Vix tamen, ut existi-  
 mo, ποιῆναι. Utcunque solidè, de  
 quo non est impræsentiarum dispu-  
 tandum, ita tamen vocem intel-  
 lexerunt nonnulli è *Latinis* qui  
 vim *Græcæ* vocis non satis perpen-  
 derunt. In his *Tertullianus*, cujus  
 ea leguntur adversus *Marcionem*  
 Carmina :

Carmin. adv.  
 Marcion. L. 4.  
 4.

Namque suo socios homines sibi  
 Sanguine fecit,  
 Atque Sacerdotes voluit sui Cor-  
 poris esse,  
 Ipse patris summi perfectus jure  
 Sacerdos.

Nec enim aliò hæc, quàm ad *In-*  
*stitutionis* Historiam, referenda.  
 Idem illic voluit quod nostro in  
 loco

loco *Mandatum*. Et quòd *Sacerdotes* illis Domini verbis crediderit constitutos fuisse *Discipulos*, satis inde constat de aliâ illum *factione* intelligi non posse, præterquam *Sacerdotali*. Nec enim satis erat alia quævis ad constituendos *Sacerdotes*. Sic igitur *Tertullianum* si intelligamus, jam facilia erunt omnia, apertèque constabit, pro illius Principiis, Quid Mandabit *Omni*bus in Eucharistiæ Institutione *Dominus*; Quid novârit postea, in eâ Domini Institutione, *Ecclesia*. Nempe *Dominum* cum verbis illis *Sacerdotes* fecisse crediderit *Tertullianus*, frustra ea ad *Laicos* detorquent *Adversarii*. Ita vocem *Omni*bus de *Sacerdotibus* duntaxat interpretabimur, de solis nempe *Presbyteris*. Sic enim accuratissimè opponentur *Ordinarii* *Presbyteri* *Presbyterii Præsidi*, scilicet *Episcopo*. De *Laico* certè *Sacerdotio* intelligi non potest. Ut enim demus ad Eucharistiæ etiam *Consecrationem* extendi posse Jura *Sacerdotii*

*xii Laici*; in ipsâ tamen Eucharistiâ seu *perceptione*, seu etiam *Consecratione*, omnino esse non potuit *Sacerdotii Laici Institutio*. Laici *Sacerdotium Baptismum* appellavit, pro *Tertulliani Principiis*, *Hieronymus*. Certè *Baptizandos* omnes *Sacerdotes* credunt qui cum *Tertulliano* idem sentiunt. Ita *Eucharistiæ perceptio Sacerdotes* illos supponit jam constitutos, ut proinde *constituere* non possit. Qui autem jam supponit *Baptizatos*, altiore *Laico Sacerdotio* oportet *Sacerdotii* saltem esse *gradum*. Sic ergo rectè *Argumentabitur*, pro suis *Principiis*, *Tertullianus*, in *Eucharistiæ Institutione*, quâ *constitutos* credidit fuisse *Sacerdotes*, omnes fuisse ex æquo constitutos, *Eucharistiæ actionem* omnibus ex æquo fuisse mandam, nec ullum fuisse prorsus indicium, unde colligi potuerit, unum è *Collegis* reliquis anteponendum, aut ab unius *Præsidentis* nutu reliquos, etiam in *Officii sui Administratione*, & *muneribus Officii*

ficii propriis, pendere oportere; Nihil esse cur non illorum pariter ministrantium è manibus Eucharistiam perciperent fideles. Quod ergo non de aliorum manu quàm Præsidentium acciperent, id non equidem ( quod faciunt Novatores ) improbandum, à primævo tamen more, & non scriptâ Traditione novatum censuit Tertullianus. Sed in Institutione, non unus quispiam Apostolorum, sed Christus ipse præfigurabat Episcopum, Collegii nimirum Apostolici universi Præsides. Et vicissim Christum cum Episcopo, Apostolos cum Presbyterio, in recentiore Ecclesiæ Disciplinâ, contendit Ignatius. Et tamen Successorem, in Collegii Apostolici Præsidatu S. Petrum ( qui tamen locum, dum Christus ipse superesset in terris, capeßere non potuit ) designatum à Domino putat ejusdem, quâ fuit Tertullianus, Ecclesiæ Cyprianus; ab illo emanasse præsidatum, non ad unum Episcopum Romanum, sed ad omnes, ubicunque Episco-

*Episcopos.* Malè itaque comparationem instituit *Tertullianus*.

§. 33. Nequid tamen dissimulemus, est & aliud animadversione dignius, unde colligi possit de *Fa-cto* intelligendum esse *Tertullianum*, quod tamen mirum est non cò retulisse Eruditissimos Adversarios. Nec enim meminit *Rigaltius*, nec *Grotius*, nec *Walo*, sed nec *Georgius Ambianâs*. Quarto Seculo legimus permissum. *Laicis* ab *Ecclesiâ*, ingruente *Necessitate*, Officium *Baptismi*, & quidem ita permissum, & sub iisdem *conditionibus* quibus permissurus erat ipse *Tertullianus*. Nec enim aliter ratum esse voluit *Baptismum Laicorum* Quarti etiam Seculi *Ecclesia*, ni & urgente *Necessitate*, & à *Monogamis*, pro mente *Tertulliani*, fuisset administratus. Ita Concilium *Eliberitanum*: *Peregrè Navigantes, aut si Ecclesia in propinquo non fuerit, posse fidelem, qui lavacrum suum integrum habet, nec sit bigamus, Baptizare in Necessitate infirmi-*

conc. Elib.  
can. 38.



*infirmi-  
tatis positum Catechumenum,  
ita ut si supervixerit ad Episcopum  
eum perducatur, ut per manus Imposi-  
tionem proficere possit. Vix potuit  
ab ipso Tertulliano aptius, pro suis  
equidem Principiis, Canon ille  
conciipi quàm à Patribus illis vide-  
mus esse conceptum. Sic & Hie-  
ronymus adhuc juvenis: Cum enim  
dixisset, sine Chrismate & Episcopi  
jussione, neque Presbyterum, neque  
Diaconum, jus habere Baptizandi,  
mox illa subjungit: Quod frequen-  
ter, si tamen Necessitas cogit, scimus  
etiam licere Laicis. Augustinus:  
Quamquam etsi Laicus aliquà per-  
eunti dederit necessitate compulsus,  
quod cum ipse acceperit, dandum esse  
addidicit, nescio an piè quisquam  
dixerit esse repetendum. Nullà enim  
cogente necessitate si fiat, alieni mu-  
neris usurptatio est: si autem necessi-  
tas urgeat, aut nullum, aut veniale,  
delictum est. Sed etsi nullà Necessi-  
tate usurpetur, & à quolibet cuilibet  
detur, quod datum fuerit non potest  
dici non datum, quamvis rectè dici*

Hieronym.  
adv. Luc. fer.  
p. 616.

Aug. L. II.  
cont. Parm.  
c. 13.

*possit illicitè datum. Illicitam ergo usurpationem corrigit reminiscens & penitentis affectus. Quod si non correxerit, manebit ad pœnam usurpatoris quod datum est, vel ejus qui illicitè dedit, vel ejus qui illicitè accepit, non tamen pro non dato habetur. Hæc verus Augustinus. Mitto enim quæ Augustini nomine ad Fortunatum nescio unde proferat testis infidus imperitusque Gratianus. Mitto etiam recentiora Quarto Seculo Testimonia quæ nihil valent ad declarandam sententiam Tertulliani.*

*Grat. de Conf.  
Dist. 4. Can.  
In Necessitate.*

§. 34. Ut ab ultimo S. Augustini Testimonio ordiamur, id solum inde discimus quid fuerit ipse de *Baptismo Laici* Ministri, si quidem ullus fuisset, existimaturus; fueritne ullus de *Facto* ita non discimus, ut potius contrarium rectius inde colligamus. Sic enim disputat, ut potius *Casum positum* fingat, quàm *existentem* concessumque supponat, indeque Arguetur. Non ait, *Cum Laicus dederit,*

rit, &c. sed *et si dederit*. Non *Ecclesia* sententiam profert de istiusmodi *Facto*, quod erat sanè factur-  
 rus, si & *frequentia* fuissent id ge-  
 nus exempla ( & fuissent sane *frequentia* si toties ederentur quoties  
 occurrisset illa *Necessitas* ) si & re-  
 cipiendis ita *Baptizatis* ad Jura fi-  
 delium, & quidem unanimi *Episcoporum*  
 consensu recipiendis, pro  
 suâ nimirum cujusque ditione, pa-  
 tefactum esset quid de illo *Facto*  
 judicasset *Ecclesia*. Timidè ille sen-  
 tentiam suam profert: *Nescio an*  
*piè quispiam dixerit esse repetendum,*  
*Aut nullum, aut veniale delictum est.*  
 At si sententiam tulisset *Ecclesia*, si  
*Decreto* aliquo universali *Facta* isti-  
 usmodi permisisset, aut *Praxi* ali-  
 quâ *Universali*, etiam nullo *Decre-*  
*to* permessa, *comprobasset* tamen at-  
 que *confirmasset*; jam utique consta-  
 ret *nullum* esse, ne quidem *veniale,*  
*delictum*; Nec esset cur se *nescire*  
 diceret S. Pater, *an piè quispiam*  
*dixerit esse repetendum*. Nondum  
 itaque *comprobat* sunt ex professo

*Laicorum Ministrantium Baptismi*, ne quidem ætate *Augustini*. Ita *Hieronymum* interpretabimur non de *Factis* frequenter editis, sed frequenter, pro juvenis *Hieronymi* sententiâ, *licitis*, si quis ea *Laicus* edidisset. Quod si alia fuerit consuetudo Ecclesiæ *Hispanicæ*, recentiorem tamen fuisse verisimile est temporibus *Tertulliani*. Nobis satis est si non fuerit recepta, in Ecclesiâ saltem *Africanâ*. Nec enim ad ullius alterius Ecclesiæ *Facta* respexisse verisimile est *Tertullianum*, ipsum nempe *Afrum*, & illius Ecclesiæ hominem. Contrarium potius ex hoc ipso *S. Augustini* Testimonio colligimus, ne quidem fieri potuisse ut ad *Facta*, quæ suâ adhuc, nulla essent, ætate respexerit.

§. 35. Quid quod receptus ab Ecclesiâ *Laicorum Baptismus* probatusque, nihil tamen faciet ad sententiam *Tertulliani*, ni etiam *Eucharistiam* probare possent *Laicis Ministris* consecratam ab eâdem Eccle-

*Ecclesiâ* similiter receptam esse atque comprobata. Atqui illam, quacunque tandem illâ *necessitate* cogente, à *Laicis* consecratam adeo non probavit *Ecclesia Africana*, ut ne quidem *Laicos* reperiamus qui illam consecrare auderent, ne quidem urgentissimâ *Necessitate*. Erat certè causa *Cypriani* admodum illustri, quæque sola satis esset ad fidem omnem Illustrissimi Dissertatoris argutationibus abrogandam. Infinitus erat *Lapsorum* numerus qui & Communionem Ecclesiæ tantâ aviditate ambiebant ut ægrè fu-erit à vi temperatum, quin Ecclesiæ fores, cum nullis blanditiis, nullis pollicitationibus, possent patefacere, apertâ violentiâ perfregerint. Accedebat eximius in speciem prætextus, *Pax* illis nimirum à *Luciano Martyre* suo aliorumque *Martyrum* nomine concessâ. Ea tanti habebatur, pro illorum Temporum receptâ opinione, ut ratam sibi in cælo *Pacem*, quantumvis reluctantibus Episcopo & Clericis,

Ep. 29. Ep.  
Cleri Rom. 16.  
30.

*Lapsi*

*Lapſi* jaſtitarent. Quid ergo? Externa *Elementa* negligenda, cum Diſſertatore, cenſuerunt, cum *rem ipſam* eſſent conſecuti, *ratam* ſcilicet in *Cælo Pacem*? An Sacra illa obibant *Laici*, ipſi ſibi *Lapſisque ſociis* tribuebant; cum & Sacerdotum *Eccleſiaſticorum* injuriâ ſe ſe quererentur excluſos, & *Martyrum Pacem* conſecuti, *ratam* conſecuti, *Eccleſiæ* ſibi *nomen* & *Jura* vendicarent? Alterutrum fecerint oportet, ſiqua fides Ratiociniis Diſſertatoris, ſiqua ſui etiam *Tertulliani* illis, in Eccleſiâ etiam *Africanâ*. Aderat enim jam illa *Neceſſitas* quâ *Jure* ſuo, ſiquod fu-iſſet, reverâ eſſet utendum. Nuſpiam tamen id auſos legimus etiam *rebelles* illos atque *Seditioſos*. Adhuc *Episcopum*. Adhuc jam conſtitutos in Eccleſiâ *Presbyteros*, quâ obtreſtationibus, quâ conviciis, quâ etiam minis, ſeu terrere conabantur, ſeu etiam fatigare. Quorſum illa ſi parata habuiſſent, penes ſe, quæ volunt Adverſarii, illa re-media?

media ? In apertum *Schisma* erupit tandem iste furor, constituto æmulo etiam *Episcopo*. Adeo sine *Episcopi Presbyterorumque* saltem nomine, *Communione ratam* fore desperabant illius *Ævi* etiam *SCHISMATICI*.

§. 36. Ita nullum erit *Tertulliani*, de *Facto* Laicorum *Sacerdotali*; ne quidem verbulum. Quod profert è *Basilio Petavius*, de *Patriciæ Cæsariæ* Quæstione, num liceret propriâ manu *Laicus* *Eucharistiam* accipere ? an verò necesse est ut à *Sacerdote*, in ipsâ *perceptione*, porrigeretur ? Nihil illa omnino ad *Tertullianum*. De communi *Sacerdotum* omni *Jure* agebat eo in loco *Basilius*, de proprio *Præfidentium* jure *Tertullianus*. Et quidem eò spectabat *Cæsariæ* illa Quæstio, ut si necessariam docuisset *Sacerdotis* manum, jam sequeretur nullam posse *privatim* percipi *Eucharistiam*, nec domum illam deferri oportere. Sic enim disputat è contrâ *Basilius*, ex eorum nimirum

*Petav. de Pot. Conf. c. 11. Basil. Ep. 289.*

nimirum Monachorum exemplo qui illam in *Eremo* perciperent, ubi nulla *Sacerdotum* fuisset copia, atque *Alexandrinorum* reliquorumque *Ægyptiorum*, qui domi suæ species Eucharisticas habere & percipere solerent. Ergone credet *Petavius* qui non de *aliorum manu* quàm *Præsidentium* solerent Eucharistiam percipere, ætate *Tertulliani*, nec *clam* illos, nec *domi* percipisse? Credetne *privatas* illas *Communicationes Antiquiores*, recentiores *publicas* à manu *Præsidentium*, & quidem in *Ecclesiâ* de, quâ loquitur *Tertullianus*, *Africanâ*? Credet denique *Privatas* illas *Communicationes* à *Domino* fuisse *mandatas*, aut saltem ita sensisse *Tertullianum*; *Publicas* ab *Ecclesiâ* recentiore, & non scriptâ *Traditione*, fuisse *novatas*? Hæc si crediderit, erravit ipse turpissimè qui solet alienos errores inclementissimè reprehendere. Quod vult *Petavius*, tantùm abest ut potuerit velle *Tertullianus*, ut de suâ *Ecclesiâ Africanâ*



*fricanâ* ne quidem verè dixerit. Si enim qui *clam*, & *domi* suæ, communicat, ubi nullus adest *Sacerdos* è cujus *manu* accipiat, is ex *aliorum manu* quàm *Præsidentium* accipere censendus est, jam certè multi erant in Ecclesiâ *Africanâ* qui de aliorum, quàm *Præsidentium*, manu sumerent. Jam enim moris illius species Eucharisticas *reservandi* in Ecclesiâ *Africanâ* testem habemus ipsum *Tertullianum*; *Accepto*(inquit) *de Orat. c. 14.*  
*Corpore Domini & reservato, utrumque salvum est, & participatio Sacrificii, & executio Officii.* Et Rursus de Uxore fideli Marito tamen infideli nuptâ: *Non sciet maritus* *ad Uxor. L. 11.*  
*quid secreto ante omnem cibum gustes.* *cap. 5.*  
*Testem Cyprianum: Et cum* *de Laps.*  
*quædam arcam suam in quâ Domini sanctum fuit, manibus indignis tentasset aperire; igne inde surgente deterrita est ne auderet attingere.*  
*Testem etiam Autorem de Specta-* *de Spectac.*  
*culis, sub nomine tamen Cypriani, verbis illis, dimissus, & adhuc gerens secum, ut assolet, Eucharistiam.* *Quin*

& manibus suis Augustissimum Sacramentum attrectare solebant illius ætatis Christiani, utcunque morem illum abrogârint recentiorum Seculorum Ecclesiæ. Id præterquam quòd ex eo ipso *reservandi* more satis constet; habentus tamen qui hujus quoque consuetudinis meminerint, disertissima Autorum Testimonia. Corvi imprimis Tertulliano Clementis Alexandrini: Καὶ τὴν ἀνακρίσιν τινὲς ἀγνέμεναι, ὡς ἔδωκε, αὐτὴν δὲ ἔχοντες τὴν λαβεῖν τὴν μυστικὴν ὁρί-  
 τρεψιν. Cypriani: Armemus & dexteram gladio spiritali, ut Sacrificia funesta fortiter respuat, & Eucharistiæ memor, quæ Domini Corpus accepit, ipsum complectatur, &c. Rursus: Facens Stantibus, & integris vulneratus minatur, & quòd non statim Domini Corpus inquinatis manibus accipiat, aut ore polluto Domini Sanguinem bibat, Sacerdotibus Sacrilegus irascitur. Et similia in eo Libro frequentissimè. Iterum: Nec post gestatam  
 Eu.

Clem. Al

Strom. 1. init.

Ep. ad Thibar.  
56.

Lib. de Lapsis.

*Eucharistiam Manus gladio & de Patient.*  
*cruore maculatur. Coævi Cypri-*  
*ano Cornelii de Novatiano:* πινί Cornel Ep. ad  
 τὰς τὰς ποσπορεῖς, & δ' αὐτῶν Fab. Anti.  
 ἑκάστῳ τῷ μέρῳ, & ὁπιδιδύς, τῷ τῷ ochen. ap E.  
 ἐμνύειν ἀντὶ τῷ ὁλοοῦν τὸς παλαι scb. Hist Eccl.  
 πῶρος ἀνδρῶτος ἀναγκάζει, κατέ L. 6 c. 43.  
 χων ἀμφοτέραις τὰς χερσὶ τὰς τῷ λα-  
 βόντῳ. Coævi item *Dionysii Alex-*  
*andrini de fideli Laico:* 'Ευχαριστί Dionys. Ep.  
 αι γ' ἐπακέσθητα, & σωεπιφειγξά ad Xyst. ap.  
 μῶρον τὸ Ἀμῶν, & τεραπέζη παρὰ τὰν Euf. H.E. 7.9.  
 τα, & χεῖρας εἰς ὑποδοχὴν τῆς ἀγίας  
 τροφῆς πορτέιναντα, & τῷ τῷ κα-  
 ταδεξάμῳ, &c. Non itaque pug-  
 nant apud *Tertullianum* propriis  
*Eucharistiam accipere manibus, nec*  
*de aliorum tamen manibus accipere*  
*præterquam Præfidentium. Pro-*  
*inde rectè manus, non Laicorum,*  
*sed Presbyterorum, Præfidentium*  
*manibus opposuimus. Recentior*  
*erat consuetudo illa cujus meminit*  
*Basilii, in magnis præsertim Ci-*  
*vitatibus, quàm ut cò possint*  
*Tertulliani verba referri. Vix ha-*  
*bebat locum Cæsariæ illa dubi-*  
tatio,

tatio, dum multæ fuissent, in magnis Civitatibus, *ædes* sacræ; multi *ædibus* illis præfecti *Presbyteri*; & per Civitatum Regiones commodè *dispositi*, ut præstò essent frequentissimis illorum Temporum Communicationibus.

---

C A P III.

---

## CAPUT III.

Factum *Laicorum* Sacerdotale  
*si aliquod fuisset, ætate Ter-*  
*tulliani ; nihil tamen illud ad*  
*Causam hodiernorum SCHIS-*  
 MATICORUM.

**A**rgumentatio ab Ecclesiæ A-  
 postolicæ Exemplo, seu Af-  
 firmativa, seu Negativa, non est,  
 in genere, solida. §. 1. Non  
 in Extraordinariis, Officia Laico-  
 rum Sacerdotalia, Temporibus  
 Apostolicis, nitebantur donis  
 Laicorum Extraordinariis. §. 2.  
 Concionabantur in Synagogis  
 Christus & Apostoli, non pro  
 Jure Synagogarum Ordinario.  
 §. 3. Extraordinariam docen-  
 di in Synagogis Potestatem habe-  
 bant Prophetæ. §. 4. etiam  
 mune-

munerum Sacerdotalium Potestatem similiter Extraordinariam. Christum pro Prophetâ habuerunt Judæi. §. 5. etiam Apostolos. Docendi munus proprium Prophetarum. §. 6. Aaron Mosis Prophetâ ejus OS dictus, & quare. §. 7. Hoc Prophetarum nomine Seclæ suæ Officia etiam Sacerdotalia obibant Christiani, nec tamen violabant publicam cum Judæis concordiam. §. 8. Ita factum ut Ecclesiæ munera publica omnia à Prophetis administrarentur. §. 9. Nulli in Ecclesiâ Corinthiâ Rectores Ordinarii quo tempore ad eam scripsit Apostolus. §. 10. Prima Revelatio de Gentibus ad fidem sollicitandis An. Dom. XLV. §. 11. Prima Christianorum à Synagogâ in proprias Synaxes discessio An. XLVI. in Pisidiâ. Inde prima mentio Rectorum Ecclesiæ Ordinariorum, nondum tamen in omnibus Ecclesiis. §. 12. Singulare erat exemplum Ecclesiæ Hicro-

Hierosolymitanæ. *Eam* Metro-  
 politanam *aliæ omnes Ecclesiæ*  
*agnoscebant. Inde tributum §. 13.*  
*In eâ solâ Apostoli, in aliis, an-*  
*tequam constituerentur Rectores*  
*Ordinarii. supremi omnium Pro-*  
*phetæ. §. 14. Episcopi Hie-*  
*rosolymitani Domini nostri erant*  
*Haeredes, nec aliunde quàm è Do-*  
*mini Familiâ delecti. §. 15. A-*  
*postolorum discedentium locum*  
*in Oecumenico Ecclesiæ Regi-*  
*mine supplevisse probabile est Do-*  
*mini Cognatos. §. 16. Officium*  
*Presbyterorum in Ecclesiâ Hie-*  
*rosolymitarâ ante discessionem.*  
*§. 17. Quibus tandem gradibus*  
*facta sit Ecclesiarum à Synagogis*  
*discessio, Rectorumque ad eò Ec-*  
*clesiasticorum constitutio. §. 18.*  
*Alia erant, apud Judæos, Jura*  
*Synagogarum, alia Templi. §. 19.*  
*In utraque Jura succedebant Ec-*  
*clesiæ. §. 20. Inde colligitur,*  
*etiam Prophetarum Jura Sacer-*  
*dotalia Ordinariis Ecclesiæ Re-*  
*ctoribus fuisse obnoxia. §. 21.*

*Ita*

*Ita fuisse probatur è Clemente Romano. §. 22. Explicantur verba Tertulliani quibus docet, Ecclesiam esse quæ differentiam inter Ordinem Plebemque constituerit. §. 23. De Prophetis intelligendus, si tamen de aliquo Laicorum Sacerdotali Facto intelligendus esset Tertullianus. Illorum exemplum nihil faciet ad causam hodiernorum SCHISMATICORUM. §. 24. E Jure Laicorum Prophetico probabile est deducta esse eorundem suffragia in Consiliis Ecclesiasticis, quæ tamen & ipsa nihil faciant ad Causam hodiernorum SCHISMATICORUM. §. 25.*

§. 1. **H**ucusque igitur ostendi malè hæcenus *Tertullianum* intellexisse Viros Eruditos, Ecclesiæ tam Adversarios quàm etiam Amicos & Patronos, de *Facto* aliquo Laicorum Sacerdotali; malè de Sententiâ Ecclesiæ cœvæ in talis *Facti* favorem. Ita fiet ut è solis  
ejus



ejus *rationibus* de ejusdem Testimonio judicandum sit, & à judicio *Tertulliani*. Atqui ea quoque ipsa quanti sint, in hac præsertim causâ, facienda, id quoque hætenus ostendi. Venio jam ut prætereà ostendam, ne id quidem ipsum si fuisset concessum, & fuisse istiusmodi Laicorum *Sacerdotalia Facta*; & à coævâ *Tertulliano Ecclesia* fuisse probata; ne ita quidem satis fore ad similia *Laicorum Facta* hodieque præstanda, nedum ad SCHISMATICORUM nostrorum hodiernum Patrocinium. Ita nihil erit cur se tueantur in posterum hoc nostri *Tertulliani* Testimonio. Sciendum itaque multa fuisse in *Primævæ* atque *Apostolicæ Ecclesiæ* moribus quæ tamen nec ab ipsis probarentur *Apostolis*; multa etiam fuisse ab Apostolis probata quæ tamen non fuissent, nisi positis *Ecclesiæ Apostolicæ* iisdem *circumstantiis*, omnino probanda. In utroque genere peccant Novatores dum ab *Ecclesiæ Apostolicæ exemplo* ad

res novas in Ecclesiæ hodierno statu moliendas argutantur. Nempe in Ecclesiâ Apostolicâ *Prophetabant* unâ omnes quibus Donum fuerat *Prophetiæ* concessum, ne quidem expectatis loquendi vicibus. *Prophetabant* Prophetissæ *mulieres* in publicis *Virorum* *Conventibus*, & quidem *discoopertis capitibus*, præter omnem *Sexûs* verecundiam. *Prophetabant Viri* linguis *peregrinis*, in ipsis etiam *Ecclesiæ* *Synaxibus*, nullo tamen adhibito *Interprete*. Indecora hæc, & τὰξῆς Ecclesiasticæ *adversa*, & gentilibus ipsis *Scandalosa*, ipse etiam agnovit *Apostolus*. Diu tamen ea, & ad annum à Christi Ascensione circiter vigesimum, quæ magna erat pars Historiæ *Apostolicæ* illius quam quidem *Sacris Literis* proditam habemus ( nec verò aliunde probationes admittunt adversarii ) censuit esse *toleranda*. Eo enim Anno scriptam existimo primam ad *Corinthios* Epistolam. Nempe majoribus intentus Ecclesiæ negotiis, minoris momen-

momenti illis omnino vacare non potuit. Proinde ferenda credidit quoadusque essent utique ferenda. Nec *valebat* tamen tantis Spirituum Erroribus statim *reformandis* etiam illa Apostolorum *Autoritas*. Non autem rectè trahuntur in exemplum quæ non utique *probabant*, sed *ferebant* duntaxat, Apostoli. Erant etiam & in alio genere nonnulla, ab Apostolis *probata*, rectèque pro illorum Temporum *circumstantiis*, probanda, quæ tamen non sint, abolitis longo Temporis tractatu, illis Circumstantiis in *exemplum* hodieque trahenda. Eò nempe referenda sunt omnia quæ *Donis Extraordinariis* nitebantur illorum Temporum propriis. Ecquis est qui non videat quàm alios omnino mores postularet Ecclesiæ status *Donis Extraordinariis* instructissimæ; alias Disciplinae Regulas, & formam in plerisque admodum diversam Ecclesiæ status *Donis* illis *Extraordinariis* destitutæ, *Donis Ordinariis* dein-

de regendæ? Malè igitur Argumentantur Illi cum quod nullum habuit in eo seculo *Exemplum*, id putant nec à *posterorum* Seculorum Ecclesiis esse admittendum. Malè vicissim Illi qui quod *habuit*, id à recentioribus pro *Regulâ* habendum esse, peccaturis nempe ni habeant. Ex his tamen ad eò vitiosis Ratiociniis quantæ oriuntur Ecclesiæ Tragœdiæ!

§. 2. Id certum est in eo Ecclesiam *Apostolicam* non esse nobis pro *normâ* statuendam quod ipsum pendebat à Donis illis *Extraordinariis* quæ jamdiu in desuetudinem abiisse ipsi etiam concedunt Adversarii. Non itaque sequetur, siquid *illis* licuerit qui Donis illis *Extraordinariis* essent præditi, qui *Signa* illa Donorum edebant quæ non *ipsis* modò, sed *Ecclesiæ* etiam universæ satisfecerint, fidemque fecerint *verè* illos Dona ea cœlestia habuisse, nec fuisse malè sibi conscios Impostores; Non (inquam) sequetur quod illis licuerit id nostris etiam fore licitum *Schismaticis*, qui nec *Dona* ea præ se ferunt, nec ulla exhibent

bent, quibus eorum fidem apud alios confirmant, *Argumenta*. Fateor itaque in Ecclesiâ Apostolicâ fuisse *Laicos* qui tamen munera *Sacerdotalia* exequerentur. *Baptizabat* Apostolum ipsum *Ananias* quem μαρτυρῶ appellat S. Lucas, nempe nostro *Tertulliano* Interprete, *discipulum*, quâ voce solet *Laicos* ille designare. Cujus etiam præcesserat in Lege, *Zipporæ*, mulieris exemplum quæ & ipsa filium circumciderit, eodem illo nimirum *Sacramento* cui *Baptismus* sub Novo Testamento responderit. Similiter habemus εὐλογίας ἐν τῷ πινόμενῳ mentionem apud Apostolum. Illam scilicet εὐλογίαν quæ statim εὐχαριστία dicitur. Pro eodem nimirum exemplo quo voces hæ, in hac ipsâ Sacramenti causâ, confunduntur in ipsis *Evangelistis*. Sic *Matth.* 26. 26. εὐλογήσας v. 27. εὐχαριστήσας. Sic etiam *Marc.* 14. 22. 23. *Luc.* 22. 19. in *Panis* consecratione dicitur εὐχαριστήσας, quæ tamen aliis εὐλογήσας. Quem etiam

Act. 9. 10.

Exod. 4. 25.

1 Cor. 14. 16.

tiam loquendi modum observavit  
 Apostolus, 1 Cor. 11. 24. Obser-  
 vârunt deinde Ecclesiæ *Patres* ad  
 unum omnes. Adeo enim apud  
 illos propria *Sacramento* vox illa  
*ἁγιασμα* est, ut nusquam Sacra-  
 mentum *ἁγιασμο* appellent, nus-  
 quam aliarum *Oblationum* species  
 Consecratas *ἁγιασμο*, semper ἁ-  
 γιάσας nuncupent. Adeo erat ha-  
 rum vocum postea diversa significa-  
 tio, quæ tamen Seculo *Apostolico*  
 permiscerentur invicem atque mu-  
 tarentur. Nec aliam illam quam  
*Sacramentalem* fuisse *ἁγιασμο* con-  
 firmat & quod *Amen* subjunxisse di-  
 citur qui locum suppleret ἰδιωτῆ. Sic  
 enim respondere solitos qui *Eucha-*  
*ristiam* percepturi erant, constat  
 ex antiquissimis Ecclesiæ Scriptori-  
 bus *Justino* Martyre & *Corne-*  
*lio*. Ergo etiam *Eucharistiam*  
*Laicis* communem fuisse pro-  
 babile est. Ita certè de *Baptis-*  
*mo* *Pseudo-Ambrosius* qui scripsit  
*Damaso* Pontifice: *Ut* (inquit)  
*cresceret Plebs. & multiplicaretur,*  
*omnibus*

*Just. Apol. 11.*  
*Cornel Ep. ad*  
*Fab. Ant. ap.*  
*Euseb. H. E.*  
*6. 43.*  
*Pseud-Ambros.*  
*in Eph. 4.*

omnibus inter initia concessum est & Evangelizare, & Baptizare, & Scripturas in Ecclesiâ explanare. At ubi omnia loca circumplexa est Ecclesia, Conventicula constituta sunt, & Rectores, & cætera Officia in Ecclesiâ sunt ordinata, &c. cæpit alio Ordine & Providentiâ gubernari Ecclesia, quia si omnes eadem possent, irrationabile esset, & vulgaris res & vilissima videretur. Hinc ergo est unde nunc neque Diaconi in Populo prædicant, neque Clerici vel Laici Baptizant, &c. Laici nimirum Baptismi exemplum protulerat, illum nempe Cornelii. Neque enim (ait) Petrus Diaconos habuit, &c. sed Baptizare jussit Fratribus qui cum illo erant ad Cornelium ab Joppe. Adhuc enim præter septem Diaconos nullus fuerat Ordinatus.

§. 3. Inde nempe ortum habuit Jus illud Sacerdotale Laicis commune quòd extraordinario Spiritûs Sancti afflatu gubernaretur illius Seculi Ecclesia. Ita factum ut Jus Sacerdotii à Spiritu Prophetico

*tico* esset oriundum. Rectè nimirum illum, prudentissimèque, pro illorum Temporum Circumstantiis. Cum enim in primis Evangelii initiis, jussisset Dominus ut *Judæos* præcipuè curarent ad *Christianismum* traducendos, quem etiam ipsi diu ita intellexerunt ut ne *alios* quàm *Judæos* crederent in *Ecclesiam* admittendos; proinde cavebant diligentissimè nequod scandalum illis objicerent quo fierent ab *Evangelii* receptione alieniores. Nec quidem fieri aliter potuit, dum in unum cum *Judæis* Corpus Politicum *Christiani* coalescerent, dum se uni *Judæorum Regimini*, iisdemque *Legibus*, obnoxios profiterentur. Jusserat Dominus ut *Cathedræ Mosis* obsequerentur; Ut omnia quæcunque illis dixissent *Cathedræ* illius *possessores*, ea servarent & facerent. Agnovitque proinde Summi Pontificis Potestatem *S. Paulus*, etiam persequentis, & cùm videretur omnium *Apostolorum* à *Judæis* alienissimus. Aliter fuisset,

S. Matth. 23.  
2, 3.

Act. 13. 5.



isset, non patuisset illis *Synagoga* Evangelium prædicantibus, nec admissi fuissent ab *Archisynagogis*, nisi tales fuissent professi quibus, per *Synagogæ* Leges, permissa erat ad Populum fermocinatio. Atqui manifestum nullibi frequentius *Christianos*, quàm in *Synagogis*, Populum docuisse. Ita, dum superstes esset, ipse Dominus. Ita, in universâ *Apostolorum* Historiâ, ipsi etiam *Apostoli*. Nec *permissi* modò sunt *Apostoli*, sed verò ultrò etiam rogati, ut Plebem hortarentur, idque ab ipsis etiam *Archisynagogis*: *Miserunt Principes Synagogæ ad eos dicentes, Viri Fratres, si quis est in vobis sermo Exhortationis ad Plebem dicite.* Non id facturi proculdubio si fuissent officio *docendi*, per *Synagogæ* Leges, interdicendi. Nullam itaque hucusque *docendi* Autoritatem usurpabant *Apostoli* quæ non examussim quadraret cum Regulis ipsius *Synagogæ*. At munus *docendi publicum*, ut & reliqua *Officia Sacerdotalia*, si modo

Act. 13. 15.

Ordinaria spectarentur, propria e-  
 rant Tribûs *Leviticæ* & *Familiæ*  
*Sacerdotalis*. *Labia enim Sacerdotis*  
*custodient scientiam, & legem ex-*  
*quirent ex ore ejus.* Et, *Interroga*  
*Sacerdotes Legem.* Nec aliis Po-  
 puli in Lege erudiendi munus com-  
 misit *Josaphat* quàm *Levitis* &  
*Sacerdotibus*. Nec alios concionan-  
 tes legimus in *Libro Nehemiæ*. Hoc  
 verò nomine ne ipsi quidem *Domi-*  
*no* permissum fuisset publicum illud  
 docendi munus, qui Tribûs erat  
*Judæ*, nedum *S. Paulo* qui Tribûs  
*Benjaminiticæ*, nec aliis plerisque  
*Apostolis*, uno forsitan excepto  
*Barnabâ*. Alia itaque quærenda  
 est ratio quâ, pro *Temporum* *Le-*  
*gumque* illorum *Disciplinâ*, *Chri-*  
*stianis* *Publica* etiam *Synagogæ* mu-  
 nera indulta fuerint.

§. 4. In promptu erat ea, quam  
 dixi, à *Sancti* nimirum *Spiritus* af-  
 flatu. In eo enim *Regimine* quod,  
 à primâ suâ origine, fuisset *Theocra-*  
*ticum*, qui extraordinario *Spiritus*  
 afflatu impulsus credebatur; ei  
 jam

jam licebant fere omnia. Rectè nimirum illi, & pro *Regiminis* illius Principiis, modò se intra illos limites continuisset *Propheta*, ut & *signa* Prophetiæ veracia edidisset, nec tamen quicquam docuisset aut *Idololatriæ* affine, aut à *Lege* dissentaneum. Hos si limites egressi non fuissent, pro *Dei Ministris* habebantur, & quidem omnium *Santissimis*, quippe qui immediatius à Deo fuissent missi, ut in illos ita comprobatos nihil fere licuerit *Ministris* Dei *Ordinariis*. Ita scilicet credebant multis edocti *Judicii* *Divini* exemplis. Omnes enim omnium *Ordinum* homines punitos legimus in *Veteri Testamento* qui *Prophetas* unquam ausi essent violare. Hæc ob oculos exempla habebant illorum *Temporum Judæi*, veteris nimirum *Testamenti* cultores ad *Superstitionem* usque rigidi. Quanquam autem *Scripta* *Prophectica* in *Malachiâ* obsignata sint; quanquam etiam *Spiritus Prophetiæ* sub *secundo Templo* defecisse

tradant recentiores *Rabbini*; non ita tamen eorum credidere *maiores* Domino nostro Apostolisque coe-  
vi. Multa *Prophetarum Prophe-*  
*tiarumque* exempla legimus apud *Josephum*, qui ( si ei fides ) fuit etiam ipse *Propheta*. Nec verò alio se nomine venditabant *Judas Galileus*, *Theudas* & Impostor *Ægyptius*, quos cum adeò facilè, & tam copioso numero *Judæi* sequerentur; inde intelligimus quàm prou fuerint, eâ etiam ætate, in cultum *Prophetarum*. Satis id manifestè ostendit vel una illa Secta *Zelotarum* eo Seculo numerosissima. Nec enim aliam illi præ se ferebant *Autoritatem* quàm *impulsus Divini* ad tantas illas *Tragædias* excitandas. Et vero quantum illis permiserint illius ætatis *Judæi*, vñ ex uno illo *Domini* nostri exemplo constat. Egit enim eam ille *Personam* cum ementes vendentesque è Templo eiceret, & Nummulariorum mensas everteret. Nec tamen quenquam legimus è tantâ multitudine  
qui

qui ei fuerit ausus obfistere. Sic locus *Danieli* factus inter *Seniores Terræ Judices* in Apocrypho *Danielis* Libro; *Tibi Deus* (inquiunt) *dedit honorem Senectutis*. Propterea scilicet quòd *suscitaverat ejus Spiritum Dominus*. *Hellenistarum* enim dogmata inde rectè colligimus quo tempore confinxit hæc Impostor sub nomine *Danielis*. Sic locus *Domino* etiam nostro *duode-* Luc. II, 46.  
*cenni* factus inter *Doctores*, cum *stuperent super prudentiâ & responsis ejus*. Ad eundem planè modum in ult.  
 quo & se *Josephus* *quatuordecim Annorum* memorat à *Sacerdotibus* similiter fuisse consultum. Tantum scilicet detulerunt *Spiritus* impulsui illius, quâ vixit *Dominus*, ætate *Judæi*.

§. 5. Nec verò munus *docendi* duntaxat concedebant *Spiritualibus*, sed & *Officia* etiam *Sacerdotalia*. Ea *Prophetis* licita fuisse farentur hodierni etiam *Rabbini*. Ne-fas erat immane siquis alibi *sacri-ficare* ausus esset, præterquàm *Hie-roso-*

*rosolymis* ; aut in alio etiam *altari* præterquàm *Hierosolymitano*. Hoc cum ausæ viderentur *Tribus Trans-Jordaninæ*, ferè arsit Bellum illarum forte internecione finiendum ; Cum ausus esset *Jeroboam*, adagio locum fecit quoties de insigni Peccatore Rege fit sermo. Quod autem non licuit *Tribubus Trans-Jordaninis*, quod ne *omnibus* quidem *Tribubus Regni Israelitici*, id passim factum à *Prophetis* sine ullâ reprehensione legimus. Sæpe sacrificavit in excelsis *Samuel*, nequitquam *Sacerdos* summus ( ut crediderant veteres ) sed *Præses Prophetarum*. Sacrificavit similiter in Monte *Carmeli Elias*, & cum *Pseudo-Prophetis Baaliticis*, per *Sacrificia*, quasi muneris *Prophetici* propria, contendit. *Prophetas* certè *Baaliticos* fuisse *Sacerdotes* vel illud arguit quòd illos etiam convocat *Jehu* ad *Sacrificia* profano eorum *Numini* offerenda. Pro eo igitur exemplo, & *Prophetis Domini* munera etiam *Sacerdotalia* commissa sunt.

2 Reg. 10. 19.

sunt. Nec enim alienum est ut *mores Gentilium, Judæorum in Sacrificiis moribus*, præiisse dicamus, cum & ab illis universam illam *Sacrificiorum cruentorum* consuetudinem ad *Judæos* veteres emanasse crediderint. Id certè maximè consentaneum est ut quæ jam *jure* credimus abolita, ea *bonitatem* aliam nullam habuerint præterquam *temporaneam*, oriundam scilicet è receptis *Gentium* moribus, & illis quoque similiter *Temporaneis*. Rectè itaque *Primævi Christiani*, sub *Prophetiæ* nomine, tam publicum sibi illud *docendi* munus vindicabant quàm & reliqua *Christianismi* munera *Sacerdotalia*. Quòd verò ipsum *Dominum* pro *Prophetâ* habuerint *Judæi* quotquot erant in illum æquiores, exinde potuit evenire quòd *Magnum* aliquem *Prophetam* eo ipso tempore expectarent quo apparuit inter eos *Christus* noster. Illum nunc τὸν μεσσηνίαν appellant cum Articulo, nunc τὸν ἐρχόμενον, nunc μεσσηνίαν ἢ ἐρχόμενον.

- ἐρχόμενον. Ex illo, ut videtur, *Mosis* loco in *Deut.* 18. 15, 18. *Prophetam de gente tuâ, & de fratribus tuis, sicut me, suscitabit tibi Dominus tuus.* Ad Dominum enim locum illum retulerunt tam *S. Petrus Apostolus Act.* 3. 22. quàm *S. Stephanus Protomartyr Act.* 7. 37. Illud constat, multis ex locis, illam viguisse apud vulgus, de *Domino* tanquam de *Propheta* famam. Alii *Joannem Baptistam* dixerunt, alii autem *Eliam*, alia verò *Jeremiam*, aut unum ex *Prophetis*. Aliter
- Matth. 16. 14.** *Marcus* verba illa postrema: *Alii verò dicebant quia Propheta est, quasi unus ex Prophetis.* Rursus *Matthæus*? *Populi autem dicebant, hic est Jesus Propheta, à Nazareth Galilææ.* Iterum: *timuerunt turbas, quoniam sicut Prophetam eum habebant.* Alibi. *Accepit autem omnes timor, & magnificabant Deum dicentes, Quia Propheta magnus surrexit in nobis.* Inde *Confessio illa Samaritanæ: Domine, video quia Propheta es tu.* *Turbæ* rursus illa:
- Marc. 6. 15.**
- Matth. 21. 11. 46.**
- Luc. 7. 16.**
- Joan. 4. 19.**
- Joan. 7. 40**



illa. *Hic est verè Propheta.* Adhuc alia illa paulò differtior: *Hic est verè Propheta qui Venturus est in mundum.* Joan. 6. 14. Illa re-  
Joan. 9. 17.  
stituti cæci: *quia Propheta est.* Inde illa Pharisei sugillatio: *Hic si esset Propheta, &c.* Luc. 7. 39. Inde & illa Confessio Apostolorum paulò adhuc altius, quàm Judæi, sapientium: de *Jesu Nazareno*, qui fu-  
Luc. 24. 19.  
it *vir Propheta, potens in opere & sermone.* Nec aliò referendum quòd neglectus à suis illa dixerit ipse Dominus: *Non est Propheta sine honore, nisi in Patriâ suâ, & in domo suâ.* Nec aliò quòd *signum* postulârint ab eo Judæi cum tamen adeò multa edidisset in eorum conspectu *Miracula.* Nempe *Signi* nomine non quodvis opus prodigiosum intellexerunt, sed *prædictionem* aliquam è cuius esset eventu de *Prophetæ* veracitate judicandum, Deut. 13. 1, 2. 18. 21, 22. Proinde dicitur à Deo *approbatus Virtutibus & Prodigis & signis quæ fecit Deus per illum.* Act. 2. 22.

S. Matth. 13.

57. Marc. 6. 4.

Luc. 4. 24.

Joan. 4. 44.

Atqui *Domino* non permissum modò est à *Judæis* publicum illud *docendi* munus, sed publicè etiam *rogatus* est, idque in *Patriâ* suâ omnium ingratissimâ. Traditus est illi Liber *Isaïæ* in *Synagogâ* S. *Luc.* 4. 16, 17. rursusque redditus publico *Synagogæ Ministro*, v. 20. Pro *Prophetâ* igitur illum habuerunt qui illum tantâ aviditate audiebant, idque in ipsâ *Synagogâ*.

¶ 6. Nec aliam agebant in *Synagogâ* Personam ipsi etiam *Apostoli*, quàm *Prophetarum*, in publico *docendi* munere. Cum primum descenderet in illos *Spiritus*, & loquerentur *magnalia Dei*, Act. 11. 11. in publico certè aliquo *Judæorum Auditorio*, ubi tot adessent ex universâ *Ægypto*, hoc ait S. *Petrus* esse quòd à *Joel* fuisset antea prædictum: *Et erit in novissimis diebus ( dicit Dominus ) effundam de Spiritu meo super omnem carnem, & Prophetabunt filii vestri & filiae vestrae.* v. 16. 17. Ergo *Prophetae* erant omnes qui loquerentur; id quod

Joel 11. 28. ¶

quod è *Veteri Testamento* confirmat,  
 quò *Judæis* fidem ejus faceret fa-  
 ciliorem. Hoc ipsum antea promi-  
 serat ipse Dominus: *Ecce ego mitto* S. Mat. 23. 34.  
*ad vos Prophetas, &c.* Et qui illos Luc. 11. 49.  
*recepturus esset, promisit etiam Pro-*  
*phetæ mercedem. Qui recipit Pro-* S. Mat. 10. 41.  
*phetam ( inquit ) in nomine Pro-*  
*phetæ, mercedem Prophetæ accipiet.*  
 Quod ait Dominus de reddendâ  
*Prophetæ mercede, etiam illi qui*  
*vel aquæ frigidæ calicem dedisset*  
*in nomine Prophetæ* S. Matth. 10.  
41, 42. cò id fortasse spectat quòd,  
 cum interficeret *Prophetas Domini*  
*Jezebel, abscondiderit Abdias in*  
*speluncis Prophetas, & pane atque*  
*aquâ paverit.* 1 Reg. 18. 4. 13.  
 Ergo & *Prophetæ, & eo ipso Pro-*  
*phetarum nomine, recipiendi.* Et  
 verò publicum illud *docendi mu-*  
*nus proprium fuisse Prophetarum,*  
 confirmant illa: *Judas autem & Si-*  
*las ( cum essent Prophetæ ) verbo* Act. 15. 32.  
*plurimo consolati sunt Fratres &*  
*confirmaverunt.* Notanda verba  
*( cum essent Prophetæ )* inde enim se-  
 a a 2 qui-

quitur *Prophetici* muneris fuisse illam *verbi consolationem*. Inde ortum habuerunt *Corinthiorum* tantæ illæ Confusiones. Quia enim *Prophetici* Officii fuit publica illa *Sermocinatio*; proinde omnes dono illo *Prophetiæ* imbuti, quo tempore, quidpiam fuisset revelatum, eo censuerunt in publicum esse proferendum. Sic quia uno eodemque tempore multos inceserat *Spiritus Prophetiæ*, proinde uno eodemque tempore, non expectatis loquendi vicibus, omnes Prophetabant, quod & hîc factum videmus in primâ Apostolorum sermocinatione. Et quia *Mulieribus* concessum est idem illud *Prophetiæ donum*, inde nec à se alienum illud crediderunt *docendi* munus publicum. Rectè nimirum illæ, quod *solis Prophetis* concederetur *Docendi* illud Officium *Extraordinarium*; non item rectè, quod crediderint concessum *omnibus*. Nec enim Veteris Testamenti *Prophetissas Deborah & Huldam* in *publico* sermones fecisse legimus.

gimus. Cæterùm *Prophetarum* illud Officiū fuisse ut Dei *Δευσιμαγω* hominibus enuntiarent, ita ceterè vocem illam usurpasse *Judæos*; è loco *Exodi* Colligimus.

§. 7. Nempe excusavit se *Moses* à missione *Ægyptiacâ* quòd linguam haberet minus expeditam, nec facilem omnino sermonem. Eo nomine Officiū excuteret, reponit Deus, *Aaronem* Fratrem eloquentem esse; illum *Mosi Os fore, Mosem* illi in *Deum*: *Et erit (inquit) os Exod. 4. 16, tuum, tu autem eris ei in his quæ ad Deum pertinent.* Sic Editio *vulgata*. *Ebræi* aliter: *וְהָיָה לוֹ לִפֶּה וְאַתָּה תְּהִיָּה לוֹ לְאֵלֹהִים*. Assentiuntur *Ebræis* hoc in loco *Samaritæ*. E *Gracâ* Editione expressa est Editio *Vulgata Latina* ut plurimum, præterquam in locis *Chronologicis*: Sic enim ea: *ὁ δὲ αὐτῷ ἔσθ' ὡς πρὸς τὸν θεόν.* *Ebræam* Lectionem veriore crediderim, suffragante præsertim Editione *Samaritanâ*. Inde illam elicimus *Prophætæ* notionem. Ut fuerit nimirum Numini  
vice

vice *Oris*, enunciando ea quæ mandâſſet Numen hominibus enuncianda. Quod enim hoc in loco Aaron *Os* Moſis appellatur, Moſes Aaronis *Deus* id Cap. 7. 1. ita exprimitur: *Ecce conſtitui te Deum Pharaonis, & Aaron frater tuus erit Propheta tuus.* Et quidem conſentientibus hîc cum utroque *Ebræo* exemplari *Græcâ* etiam *Latinâque* interpretatione. Sic ut *Moſes Dei Propheta* nunciando *Dei verba* Aaroni, ſic viciffim *Aaron Moſis Propheta*, Moſis Aaronis, ſeu etiam Pharaonis, *Deus*, quòd *Moſis verba* Aaron locuturus eſſet ad *Pharaonem*. Id enim volunt verba illa cap. 4. 15. *pone verba mea in ore ejus, & Ego ero in ore tuo & in ore Illius.* Solent nempe Sacri Scriptores Summi Numinis Maieſtatem ἀνδρωποταδῆς repræſentare, pro moribus Principum antiquorum, præſertim Orientalium. Solebant etiam illi Miniſtros ſuos in publicis Officiis conſtitutos illius in corpore humano Membri nomine ſignare

designare quod maximè idoneum  
esset Symbolum ad eorum Offici-  
um denotandum in *Corpore Politi-  
co*. Sic enim repræsentare solebant  
arctissimam illam, quæ in *Corpore  
Politico* vigere oportebat, *unionem*,  
& mutuam Civium conciliare in-  
vicem benevolentiam, talem scili-  
cet qualis intelligitur inter unius  
ejusdemque *Corporis humani mem-  
bra*. Eò spectabat Fabula *Mene-  
nii Agrippæ*. Eò & illa in N. T.  
admodum frequentia, de Christi  
*Corpore Mystico*, ejusque *Membris*.  
Sic itaque *Babylonios* Reges perso-  
nat in suâ *Apollonii* Fabulâ *Philo-  
stratus*, ut alios eorum Ministros  
*ὀφθαλμοὺς*, alios *ὅπτα βασιλέως* me-  
moret appellatos. *Ὀφθαλμοῦν* e-  
tiam in Persicorum Regum Mini-  
stris, mentio est apud *Aristophanem*.  
Pro eâdem plane formâ, vii. *An-  
geli* quasi *Consiliarii* *ὀφθαλμοὶ Dei*  
appellantur *Zac. 4. 10*. Erant  
enim Regibus *Persarum* vii. Con-  
siliarii omnium præcipui (ut alibi  
ostendimus) quos *Oculos* appel-  
latos

de *Un. Sacer-*  
dot. & *Un.*  
*Altar. cap. 12.*

latos proinde verisimile est. Nec alia est, ut videtur, loquendi forma, cum & *Prophetas Os Dei* appellatos legimus. Interim illud ex eo ipso Symbolo colligimus, illum apud *Ebræos Prophetam* nuncupari qui χρησµῶν Divinorum fuisset enunciator. Proinde *Dei ἱερῶν Prophetæ* aliquoties apud *Philonem*, ut *Interpres Divinūm* apud *Virgilium*. Et *Oraculorum Interpretes* apud *Festum*. Vide *Pollucem*. Nec alio sensu se pro *Prophetâ* venditavit *Alexander Pseudomantis* quàm quòd ipse *Æsculapii* sui redderet *Oracula* quæ non essent αὐτόφωνα. Sic itaque & *Christianorum πνευματικοί*, cum *Dei* nomine ea insignirent quæ *Spiritus*, & *Doni Spiritualis*, prætextu in publicum enunciarent, qui illos audiendos crediderunt, consentaneum erat ut pro *Prophetis* habuerit, quo sensu usurpari vox ea solebat, non modò apud *Judæos*, sed etiam apud *Gentiles*, quorum in *Sacris* usus erat, etiam *Prophetarum*, frequentissimus.

Phil. Ὅτι Ὁ  
 θεὸς τὸ θεῖον.  
 p. 211. Τίς ὁ  
 τῷ θεῷ κληρονομή.  
 p. 351. περ.  
 Μοναρχ. L. I.  
 p. 561. περ.  
 Ἀδλ. κ. Επ-  
 σμ. p. 630.



§. 8. Cum ergo solo illo *Prophetarum* nomine vindicare sibi possent omnem illam Potestatem Primævi *Christiani* quæ ad *Evangeli*i propagationem erat necessaria, tam *docendi* illam, quàm etiam exercendi munera *Sacerdotalia*; omnino consentaneum est ut rem se ita habuisse credamus. Ita factum ut & publicis Templi *Sacrificiis* fruerentur, & publicis *Synagogæ* Officiis; & tamen privata haberent *Sectæ* suæ Sacra, & propria sibi *Sacramenta*, sine ullo *Unitatis* aut *Concordiæ* Publicæ dispendio. Jam enim erant in *Judaismo* *Sectæ*, non minùs invicem, quàm à *Christianismo*, diversissimæ, *Pharisæorum*, *Sadducæorum* & *Essenorum*, quibus tamen omnibus & *Templum* patebat atque *Synagogæ*. Has cum *Hæreses* appellarent, sic & eorundem exemplo *Christianismum* *Hæ-* Act. 24. 5.14.  
*resim* nuncupat *Tertullus*, non utique quòd *Christianos* haberet à *Judæorum* *Communione* alienos, uti nec illas, quas dixi, *Hæreses*. *Es-*

*senos* proprios habuisse *Sectæ Suxæ* *Conventus*, è *Josepho* constat & *Philone*. Etiam *Baptismum* sibi proprium usurpârat antea *S. Joannes Baptista*, quem tamen *Judæi Prophetam* agnoverunt, etiam *Christianis* infensissimi. Simili etiam *Baptismo* usos *Juæos* existimant recentiores *Rabbini*. Una jam restabat *Eucharistia*, quam quia pro *Sacrificio* habebant *Christiani*, proinde alienior videri posset à *Christianorum* cum *Judæis* publicâ *Concordiâ*. At cum illâ ne quidem *Sacrificia* à *Prophetis* oblata pugnâsse jam ostendimus.

§. 9. Inde evenit ut *Ecclesiæ* munera publica omnia à *Prophetis* administrarentur. *Prophetarum* nomine non eos intelligo solos qui *nam* illam habebant *Prophetiæ* *Gratiam*, quique ab *Apostolis* distinguerentur atque *Evangelistis*, sed eos omnes qui *Divino afflatu* agerentur, ut & *Apostolos* etiam ipsos eo nomine complectar atque *Evangelistas*. Nec illos duntaxat *Prophetas*

phetas appello qui *Spiritum* haberent *Prophetiæ*, sed & illos qui *Instinctum* (quem vocant Scholastici) *Propheticum*. Sic itaque *Ecclesia* hoc tempore administrata est, ut *Spiritus Sancti* nutu, potius quàm *Hominum*, administrari crederetur. Proinde siquem *Spiritus* istiusmodi *Donis* instruxisset quibus *idoneus* redderetur ad munus publicum, is eâ ipsâ causâ *muneris* illi ab eodem *Spiritu præfectus* credebatur. Ita Apostolus: *Ipse dedit* Eph. 4. 11. quosdam quidem Apostolos, quosdam autem Prophetas, alios verò Evangelistas, alios autem Pastores & Doctores. Non *Gratiam* dedit (inquit) *Apostolicam*, sed *Apostolos*; nec *Gratiam Propheticam*, sed *Prophetas*, &c. cum tamen non de hominibus, sed de *donis*, locutus fuerit Psaltes in eo loco quo alludit Apostolus, *dedit dona hominibus*. Omnino supponit hæc Argumentatio, qui *Gratiam* habuissent *Apostolico* muneri parem, eos ipso facto constitutos *Apostolos*; & qui

bb 2      *Spiri-*

Gal. 1. 1.

*Spiritum Propheticum*, eos, sine ullo hominum suffragio, similiter fuisse *Prophetas*; & sic de reliquis. Constat equidem de *Apostolis*, ita eos à *Spiritu* constitutos ut ne quidem ullum intercesserit hominum suffragium. Sic *Apostolatam* suum vindicat S. Paulus quòd nec ab hominibus illum acceperit, nec per homines, sed per *Jesum Christum*, & Deum Patrem qui suscitavit eum à mortuis. Nec verò unquam legimus constitutos aliquos ab hominibus in munere *Prophetico*, sed nec in reliquis hoc loco memoratis Officiis, seu *Evangelistarum*, seu *Pastorum*, seu etiam *Doctorum*. Legimus autem in *Ordinariis Ecclesiæ* Officiis, tam *Presbyteros* ab *Apostolis*, quàm etiam constitutos fuisse *Diaconos*. Datas illos à Christo nusquam legimus. Et verò idem innuunt ipsæ illæ, quas adhibet *Apostolus*, rationes. Datas nimirum illas Spiritûs Sancti *Gratias*, eo fine ut prodesse, Ecclesiæ nimirum; datas illis tanquam dispensatoribus;

*satoribus; datas ad consummationem Sanctorum in opus Ministerii, in edificationem Corporis Christi. Nec enim poterant Ecclesiae per Grantias illas prodesse, nisi per usum earum publicum. Quæ etiam rationes suadent, ut etiam Instinctibus Propheticiis credamus suum fuisse usum, & quidem illum publicum, ne aliqui viderentur esse frustranei. Ita munera Ecclesiae Sacerdotalia illis omnibus licuerint, qui aut Prophetiæ Spiritum haberent, aut Propheticum saltem Instinctum, unis exceptis mulieribus, propter sexûs veretundiam. Passim enim datus est Spiritus, ejusque Dona extraordinaria Baptizatis, etiam illis qui nullum tamen haberent locum in publico Ecclesiae Ministerio. Et quidem illud, etiam pro exemplo Judæorum. Cum enim Sacerdotium solius fuerit Tribus Levitici, omnium tamen Tribuum communis erat Spiritus Prophetiæ.*

§. 10. Ita administratas Eccle-  
 siæ *Synaxes* fuisse probabile est  
 dum unum *Christiani* corpus cum  
*Judæis* constituerent. Et dum ita  
 se res habebant, nullus potuit esse  
 locus *Regimini Ecclesiastico*, nullus  
 saltem in sacris *Synaxibus*, nullus  
 ei, quæ ἀγκυρα coercere pos-  
 sit, *Disciplina*. Qui enim se *syna-*  
*gogæ* membra profitebantur, iidem  
 se *Synagogæ* Jurisdictioni obnoxios  
 profiteri necesse erat. Et verò nul-  
 lum fuisse in *Synaxibus* *Regimen*,  
 ipsæ illæ ostendunt *Synaxeon ἀνα-*  
*ξίαν*. Aliter fuisset, assignatæ fu-  
 issent *Prophetis* loquendi vices;  
*Ecclesiæ Corinthiæ* *Rectoribus*  
 mandata esset *Ordinis* custodia, non  
 ipsis *Prophetis*. Nec opus esset ut  
 moneretur *Spiritus* *Prophetarum*  
*Prophetis* ipsis fuisse subiectum, si  
 etiam fuisset subiectus *Ecclesiæ* *Re-*  
*ctoribus*. Sed ne *Rectorum* ulla  
 quidem mentio in eâ *Epistolâ*, nul-  
 la in *Inscriptione*; nulla in *Pænâ*  
*Incesto* irrogandâ. Jubentur om-  
 nes ab ejus se consuetudine subdu-  
 cere,

*cere, non parere id præcipientibus*  
*Ecclesiæ Rectoribus. Reprehen-*  
*duntur quòd non luxerint ut eorum*  
*è medio tolleretur Incestus, ipsi uti-*  
*que nullam habentes eum è medio*  
*tollendi Potestatem. Suas vices*  
*ipsis mandat Apostolus tam in Co-*  
*rinthii Incesti Pœnâ, quàm etiam*  
*in ejusdem absoluteione. In nomine*  
*Domini nostri Jesu Christi, congre-*  
*gatis vobis, & meo Spiritu, cum*  
*virtute Domini Jesu, Tradere hu-*  
*jusmodi hominem Satanæ, &c. Sic*  
*enim superius: Ego quidem absens*  
*corpore, præsens autem Spiritu, jam*  
*judicavi ut præsens eum qui sic ope-*  
*ratus est. Sic & in absoluteione:*  
*Cui autem aliquid donâstis, & Ego.*  
*Nam & Ego quod donavi, siquid do-*  
*navi, propter vos, in Personâ Chri-*  
*sti. Ego (inquit) Judicavi; Ego*  
*donavi in Personâ Christi, Congre-*  
*gatis vobis & meo Spiritu. Ita lo-*  
*quitur Apostolus quasi irritæ forent*  
*sine suo suffragio Corinthiorum cen-*  
*suræ, quasi à se solo vis earum om-*  
*nis penderet, atque Autoritas.*  
 Non

1 Cor. 5. 4. 5.

Vest 3.

Non ita utique locuturus de communi *sibi* ac *Corinthiis* Jurisdictione. Et verò cum communia essent *Spiritualibus* cum Ecclesiæ *Reſtoribus* Ecclesiæ *Sacramenta*, nulla esse potuit *Excommunicatio*, à quâ solâ pendet *Ordinaria* Ecclesiæ *Autoritas*, præsertim in *Prophetas*, aut se eo *nomine*, utcunque iniquè, apud Populum venditantes. Esto enim, pepulerint illos à Communionem *Rectores* Ecclesiastici. Adhuc tamen *sibi* *Sacramenta* ministrarent, & suæ saltem *Factionis* hominibus, ipsi nimirum *Sacerdotes Extraordinarii*. Quòd ergo nihilominùs *Disciplinam* observârint, & quidem illam severissimam, alias necesse est fuisse rationes quàm *Ordinariam* aliquam Ecclesiæ *Potestatem*: Primum scilicet, novæ *Religionis*, & novitium *fervorem*, metum *scandali*, *Persecutiones* fere perpetuas quæ *Christianos* reddebant invicem consentientissimos, nondum enatæ *Hereses* aut etiam *morum* scandala Ecclesiæ *Disciplinâ* coer-



coercenda, *Apostolorum* ipsa reverentia, qui etiam fuerint Collegiorum Prophetarum *Præsides*, & *Prophetarum* etiam ipsorum *Judices*, ipsi nimirum *Prophetæ* primarii. Tales enim *Prophetarum Præsides* agnoverant in suis *Prophetarum* Collegiis *Judæi*. Tales nimirum erant *Samuel* & *Elifæus*. Et verò aliud erat *donum*, *Prophetiis* nimirum ipsis dijudicandis, *discretionis* nempe *Spirituum*, *Apostolorum* fortasse proprium. Sed verò omnium maxime inferviebat custodiendæ Ecclesiæ *Disciplinæ* Potestas illa *miraculosa* tradendi *Satanæ*, seu *morbis* cruciandos, seu etiam *occidendos*, quod tamen proprium erat fortasse *Apostolorum*.

§. II. Hæc erat, ut dixi, *Primæ* *Disciplinæ Christianæ* forma dum *unum* *Christiani Corpus* cum *Judæis* constituerent. *Rari* erant, & in *Paucis* Ecclesiis constituti *Rectores*. In initio nulli præter *Apostolos* ipsos & *ἰερογύμνους* illos quorum meminit *Clemens* in Ep. ad *Corinthios*,

*rinthios*, qualis fuit *Apollos* qui scilicet primario *Donorum* Spirituum gradu præditi idonei viderentur ut *Apostolorum* Officia præstarent, & pro *secundariis* haberentur *Apostolis*. Sic enim dixi, in *Extraordinario* hoc Ecclesiæ Regimine, pro *Gratiarum* mensurâ *locos* etiam assignatos & *munera*. Postea, crescente indies Ecclesiâ, & glisciente *Judæorum* odio intestissimisque *Persecutionibus*, tandem visum est necessarium, ut ab eorum se consortio subducerent, excussio in illos *calceorum* pulvere pro Domini Præcepto. Id primùm fecisse legimus Apostolum *Paulum* Act. 13. 51.

An. XLV. Anno, ut existimo, XLV. Inde ad *Gentes* conversus est v. 46. Inde *divisa* erat multitudo, & *quidam* quidem erant cum *Judæis*, *quidam* cum *Apostolis*. Cap. 14. 4. Inde constituunt per singulas Ecclesias *Presbyteros* v. 23. Hæc prima est ad *Gentes* è professio convertendas Expeditio. Sic enim reversi retulerunt, quia *aperuisset Deus*

*Deus Gentibus ostium fidei. v. 27*  
 Rursus per *Phœnicen & Samariam*  
 transeuntes narrabant *Conversionem*  
*Gentium* Cap. 15. 3. Sic & in  
 Synodo *Hierosolymitanâ. v. 12.*  
 Nec aliò spectavit Apostolus quàm  
 ad primam hanc Expeditionem,  
*Gentium* convertendarum consilio  
 susceptam, in verbis illis Epistolæ  
 ad Romanos: *delictum illorum di-*  
*vitiae sunt Mundi, & diminutio*  
*Eorum divitiarum Gentium.* Nempe  
*delictum* illud, hic ipse *Judæorum*  
*zelus* Act. 13. 45. Rom. 10. 2.  
*hæ blasphemiarum* Act. 13. 45. *Per-*  
*secutiones* v. 50. Cap. 14. 2, 5,  
 19. Unde nata occasio pertinaces  
 illos *Judæos* deserendi, & prædi-  
 candi *Gentibus* Evangelium. Nec  
 aliò retulerim illud quòd S. Pau-  
 lus *Gentium* vocatus fuerit *Aposto-*  
*lus*, quàm quòd ejus primùm *Min-*  
*isterio* usus fuerit Deus in hac;  
 quam dixi, *Gentium* Conversione.  
*Novum* certè visum est Christianis  
 omnibus quàm patebat Apostolo iter  
 ad Synodum *Hierosolymitanam.*

Rom. 11. 12.

... i Euf. Eccl.  
Hij. 5. 18.

Aët. 15. 3. Novum ipsis *Hierosolymitanis*, etiam *Apostolis*. v. 12. Hanc itaque Aët. 13. 2. *Revelationem* fuisse intelligo de quâ ait *Apollonius*, ex *Traditione*, Dominum ~~ἐξ ἑστραχέων~~ *Apostolis*, ne ante Annum XII. à Christi *Ascensione* discederent ab *Hierosolymis*. Quòd scilicet eo ipso *Anno* contingerit hæc *Apostoli* nostri *Missio* ad *Gentes* è quâ deinde illi didicerint *Evangelium* per orbem universum esse disseminandum; nec modò pro *impuris* non habendos esse *Gentilium* *Profelytas*, ( quod per *Revelationem* *S. Petro* factam in *Cornelii* causâ antea didicerant ) sed verò ultrò esse adfidem *solicitandos*. Discesserunt autem Anno 47. paulò post *Synodum Hierosolymitanam*, in quâ primùm vulgata est nova hæc de *Gentilium* *Conversione* *Revelatio*. Discessurus enim dicitur *S. Matthæus* dicitur *Ebræis* suis scripsisse *Evangelium* XIV. Anno à Christi *Ascensione*, siqua fides illi recentiorum *Traditioni*. Eo igitur  
tem-

tempore orbem peragrarunt *Apostoli*, & *Provincias* sortiti sunt quas sibi quisquis susceperet convertendas, ut *sortiri Provincias* solebant *Provinciarum Præfides Romani*. Convenit enim *Auctorum Historia*. Antea sæpe mentio *Collegii* cuiusdam *Apostolici Hierosolymis* commorantis. Postea nulla mentio *Apostolorum* in *Hierosolymis*, præterquam unius *Jacobi* in universâ eorundem *Actorum Historiâ*. Quod certè signum est eo, quo dixi, tempore discessisse *Hierosolymis Apostolos*.

*Act.* 1. 13. 2.  
42. 43. 4. 33.  
35, 36, 37. 5.  
2. 12, 18, 29,  
34, 40. 6. 6.  
8. 1. 14. 9.  
27. 11. 1. 15.  
2. 4, 6, 22, 23.

§. 12. A Christi ergo *Ascensione* ad Annum 45. nulla prorsus occurrit mentio *Ordinariorum Ecclesiæ Rectorum*, seu *Episcoporum*, seu etiam *Presbyterorum*. Inde nova consurgit Epochæ, cum misso jam pertinacibus *Judæis Libello* divortii, proprium jam sibi *Corpus* constituerent *Christiani*, ut etiam proinde necessarii essent *proprii* etiam *Ecclesiarum* atque *Ordinarii* deinde *Rectores*. Sub finem enim hujus expeditionis, in novâ conversarum Ecclesia-

Az. XLVI.

Al. 14. 23.

Al. 19. 9.

Al. 21. 21.

clesiarum confirmatione, quam An. 46. contigisse probabile est, ea deinde legimus S. *Lucæ* verba : Et *quum* constituissem illis, per singulas Ecclesias, Presbyteros, &c. Agit eo in loco S. Historicus de Provinciâ *Pisidiæ* in quâ *Judæos* expertus erat Apostolus omnium infensissimos. In eâ igitur, hoc ipso Anno deseruerunt *Judæorum* Synagogas *Christiani*. Conjunctam enim cum eâ pulveris adversus induratos blasphemantesque *Judæos* discussione fuisse discessum, ex alio ejusdem Historiæ loco colligimus quo in *Judæos* similiter delinquentes incidit Apostolus. *Quum autem* (inquit) *quidam* indurarentur, & non crederent, Maledicentes viam Domini coram multitudine, discedens ab eis (à Synagoga viz. v. 8.) segregavit Discipulos. Ἀποστὰς ἀπ' αὐτῶν, ἀφώρισε τὸς μαθητάς, in alium nempe Synaxeon locum, Scholam Tyranni. Hæc forte Discessio illa à *Moyse*, ἀποστασία ἀπὸ Μωϋσέως, cujus Autorem *Judæi* aiebant Apostolum

stolum *Judæis* qui per *Gentes* e-  
 rant, τὲς κατὰ τὰ ἑθνὰ πᾶσι *Ju-*  
*dæis*, seu potius ὅσις, ut, cum  
*vulgato* interprete, legerunt *Codi-*  
*ces Cantabrigiensis, Alexandrinus,*  
*& Bodleianus* unus. Intelligit ni-  
 mirum *Provinciales* τῆς Ἀσσιρίας  
*Judæos*, quos tamen non omnes dis-  
 cessionem illam docuerat Apo-  
 stolus. Erat enim hæc pœna *Ju-*  
*dæorum* duntaxat *pertinacium* at-  
 que *blasphemantium*. Proinde post  
 hanc *discessionem* à *Judæis Pisdien-*  
*sibus* eorumque *Synagogis*, aliarum  
 tamen *Provinciarum* in *Synagogis*  
 docuit Apostolus. In *Proseuchâ*  
*Judæorum Philippensium* (sic enim *Act. 16. 13.*  
 intelligo, cum doctissimo *Ham-*  
*mondo* verba τὸ ἐροῦν ἐν τῇ συναγωγῇ  
 εἶπεν.) In *Synagogâ Judæorum Thes-*  
*salonicensium*, *Act. 17. 1.* idque  
*secundùm consuetudinem v. 2.* In *Sy-*  
*nagogâ Judæorum Beræensium v. 10.*  
 In *Synagogâ Judæorum Athenien-*  
*sium v. 17.* In *Synagogâ Judæorum*  
*Corinthiorum Act. 18. 4.* In *Synagogâ*  
*Judæorum Ephesiorum, Act. 18. 19.*  
 19. 8.

19. 8. *Localis* itaque erat illa *discessio*, non à *Judeis universis*, sed ab illius loci *Judæis* in quo repererat *induratos & blasphemos* atque *Persecutores*. Utque erat *discessio* duntaxat *localis*, sic & *Ordinariorum Ecclesiæ Ministrorum* constitutio fuit etiam & ipsa *localis*, in aliis nimirum Ecclesiis citior, in aliis serior, pro *Judæorum* hac malignitate aut æquanimitate. Inde, ni fallor, intelligimus cur *Epistolarum Paulinarum* in unâ illâ duntaxat ad *Philippenses Rectorum Ecclesiasticorum* habeamus mentionem. Constitutis jam *Ecclesiæ Rectoribus*, mos ille plerumque obtinuit ut *Epistolæ τῷ κυρίῳ* directæ *Rectoribus* inscriberentur, quamvis scio multa etiam extare in aliam partem exempla. Quod ergo hæc ad *Philippenses* *Epistola Rectoribus* inscribatur, occasio satis verisimilis esse potuit *Persecutio* illa acerbissima quam passus est *Apostolus à Judeis Macedonibus*. Act. 17. 5, 13. ut ne quidem potuerit in illis partibus



tibus diutiùs commorari. Inde factum verisimile est ut proximâ suâ Expeditione, Act. 20. 1, 2. quâ *Macedones* jam conversos, pro Expeditionis *secundæ Pisidiensis* exemplo, confirmavit, id quoque, pro eorundem exemplo fecerit, *Presbyteros* illis, seu potius *Episcopos*, per *Ecclesias* ordinârit. Adornata hæc secunda est in illas partes Expeditio Anno ( pro nostris rationibus ) 53. Scripta ad eod- Anno 53.  
dem Epistola sub finem Primæ Captivitatis *Romanæ* Anno 59. Ita Anno 59.  
satis commodè potuit commemorare *Rectores* viz. ante sexennium institutos. Quòd verò nullam habeamus in utrâvis Epistolâ ad *Corinthios Rectorum* mentionem, ratio illa probabilis est. Scripsit utraq-  
que Anno 53. alteram *Epheso* A- Anno 53.  
postolus, alteram è *Macedonia*, cum *Corinthum* nondum secundâ vice confirmaturus attigisset, quâ solebat Apostolus *Rectores* instituere. Nec habuit primâ vice adeo inensos *Judeos* ut opus esset è *Synagogâ* discedere.

cedere. Nullas hîc legimus eorum *blasphemias*. Quas autem concitârunt adversûs illum, sub Proconsule *Gallione*, turbas, eâ paulò ante primum ejus discessum contigerunt. Nec solebat tamen, suos, propter *Persecutiones*, segregare, ni accessissent etiam *blasphemia*. In Ecclesiâ *Hierosolymitanâ* prima mentio *Presbyterorum* occurrit An. 47. in Concilio *Hierosolymitano*, secundo nimirum Anno à discessione *Pifidiensi*.

§. 13. Sed verò singulare erat Ecclesiæ *Hierosolymitanæ* exemplum nec temerè pro aliarum Ecclesiarum normâ statuendum. Dum illam coleret Ecclesia, quam dixi, cum *Synagogâ*, concordiam; & a Donis Rectoribusque *Extraordinariis* penderet; quem locum tenuit inter *Judæos Hellenistas* τῆς Ἑλληνιστικῆς *Synagoga Hierosolymitana*, eundem inter alias Ecclesias *Hierosolymitana* tenuisse videtur Ecclesia. Ut itaque *Synagogæ Hierosolymitanæ* pendebant tributum quoddam annum

num, pro Jure quodam *Metro-*  
*politano*, aliæ omnes *Judæorum* in  
 dispersione *Coloniæ*; sic & Ecclesiæ  
*Hierosolymitanæ* aliæ itidem *Eccle-*  
*sia*. Inde adeo frequens apud  
*S. Paulum* mentio de *Eleemosynis*  
*Hierosolyma* deferendis. Et verò  
 proprium *Apostolorum*, apud *Ju-*  
*dæos*, id fuisse munus, ait *Epipha-* *Epiphan. Her.*  
*nus*. Sic enim ille describit offi- *30. Num. 4.*  
 cium *Apostoli*, ut fuerit *Patriar-*  
*chæ Assessor* à Consiliis; utque ei de  
 illis referrent quæ ad *Legem* per-  
 tinerent; & ut *decimas* Patriarchæ  
 nomine ac *Primitias* à *Provincia-* *ib. n. 11.*  
*libus* exigeret. Sic & in Novo Te-  
 stamento *Epaphroditum Philippen-*  
*sium* dictum legimus *Apostolum* qui  
 eorum *Eleemosynas* detulerat ad  
*S. Paulum*, *Phil. 11. 25.* Nec verò  
 est quòd putemus *Eleemosynæ* soli-  
 us loco hæc fuisse dona. *Frequen-*  
*tiores* erant & *majorem* tenuerunt,  
*Ecclesiarum* respectu, *proportionem*  
 quàm ut ita credamus. Nec enim  
 est quod magis *egenam* existime-  
 mus *Ecclesiam Hierosolymitanam*  
 d d 2 quàm

quàm reliquas, per univèrsum quæ patebat Orbis *Romanus*, univèrsas. *Persecutionem* passæ sunt & illæ, & acerbiorè quàm *Christiani Hierosolymitani*. Id exinde constat quòd *primæ* illæ à *Synagogis* discesserint, cum *Pacem* adhuc cum *Templo*, ipsisque *Synagogis* colerent *Hierosolymitani*. Et tamen raras admodum legimus *invicem* missas *Eleemosynas* præ illis quas missas legimus ad *Hierosolymitanos*. Nec aliò quàm ad *Juris Metropolitani* honorem retulerim *Pacta* illa inter *S. Paulum* & *Barnabam* Apostolos *Gentium* & *S. Jacobum*, *Petrum* & *Johannem* Apostolos *Circumcisionis*. *Dexteras* dederunt Apostolis *Gentium* Apostoli *Circumcisionis*, càm tamen, quæ sequitur, conditione: *Tantum* ( inquit ) *ut Pauperum memores essemus*, nempe *Hierosolymitanorum*. Cavebant scilicet ne quid caperent detrimenti *Christiani Hierosolymitani* novo illo *Gentium* Apostolatu. Proinde exigunt *Circumcisionis* Apostoli ut quem antea

Gal. 2. 10.

antea honorem habebant *Tributi à*  
*Jadæis Hellenistis Judæi Hieroso-*  
*lymitani*, eundem exhiberent novi  
quoque è *Gentibus* Profelytæ. Rectè  
nimirum paciscuntur cum *Aposto-*  
*lis Apostoli*, quòd ad illospectaret,  
pro Officio, *Tributorum* illa colle-  
ctio. *Honoris* certè illam fuisse  
potiùs quàm *Eleemosynæ* pensio-  
nem, suadet & illa ratio quâ usus  
hac in causâ est *Gentium* *Aposto-*  
*lus: Si Spiritualium eorum parti-* Rom. 15. 27.  
*cipes facti sunt Gentiles, debent &*  
*in carnalibus ministrare illis.* Pro-  
pria hæc ratiocinatio est Juris *Me-*  
*tropolitani*, quæque nulli alteri *Ec-*  
*clesiæ* conveniret, præterquam *Hie-*  
*rosolymitanæ.* *Debitam* supponit  
illam *Eleemosynam*, & quidem Ju-  
re *Gratitudinis*, ut proinde, ni vel-  
lent *Ingratitudinis* notam incurrere,  
ea esset omnino solvenda. Et cum  
*Gratitudo* hæc pro *bonis Spiritualibus*  
debeatur, supponit utique *Hie-*  
*rosolymitanæ Ecclesiæ* honorem in  
*Sacris Metropolitanum.* Urgeri ap-  
tiori ratiocinio non potuit *Officium*  
*Colonia-*

*Coloniarum in Metropoles.* Non aliâ utitur Argumentatione in suâ quoque causâ Apostolus: *Si nos vobis Spiritualia (inquit) seminavimus, magnum est si nos carnalia vestra metamus?* Et tamen Jure sibi deberi ea stipendia in eo Capite multis pugnat Apostolus.

§. 14. Eodem spectat quod in ipsâ *Regiminis* formâ, quæ quidem, obtinebat apud Christianos *Hierosolymitanos*, provisum est ut ab eâ Ecclesiâ aliæ necessariò penderent. Sic enim Officiarios *Extraordinarios* recenset Apostolus, primùm *Apostolos*, secundò *Prophetas*, tertio *Doctores*, &c. Notandi diligenter numeri *Ordinales*. Inde enim constat in eo *Extraordinariorum* Officiorum Regimine cum ordinem tenuisse illos in Ecclesiâ quem in *censu* Apostoli. Sic primi omnium, reliquisque omnibus præpositi, fuerint *Apostoli*; reliqui omnes *Apostolis inferiores* & subditi, eorundemque proinde judicio obnoxii. Nec enim temerè ita numeratos

ratos exinde constat quòd alio loco  
*Eph. 4. 11.* pro *Doctõribus Evan-*  
*gelistas* tertio loco recitãrit, & *Pa-*  
*stores* atque *Doctores*, quòd hos  
 nimirum omnes priori loco fuisset  
 sub communi *Doctõrum* nomine  
 complexus. Sic & in alio loco  
*Eph. 2. 20.* *Superædificati super*  
*fundamentum Apostolorum & Pro-*  
*phetarum.* Sic & *Hermas* in cujus  
 libro habemus *Ævi Apostolici* sim-  
 plicissima vestigia. Meminit ille  
 eodem etiam Ordine, *Apostolorum*, *L. 1. Vision 3.*  
*Episcoporum, Doctõrum.* Quòd pri-  
 mos *Apostolos*, tertios *Doctores* po-  
 suit, in eo ad amussim convenit, ut  
 vidimus, cum *Apostolo.* Medii er-  
 go, ætate *Hermæ, Episcopi* eun-  
 dem tenuerunt locum quem in *Ex-*  
*traordinario Regimine Prophetæ. L. 3. Simil. 9.*  
 Atqui *Præsides* erant, dum ea scri-  
 beret *Hermas*, *Ecclesiarum Episco-*  
*pi.* *Præsidum* nomine, ut ostendi-  
 mus, alios nullos intelligere potuit  
 quàm *primæ Cathedræ* inessores,  
 præsertim cum etiam ejus ætate  
 certissimum sit, cujus ille disertis  
 verbis

L. 2. Mand. 12. verbis meminit, fuisse *οργανοὶ δὲ  
δριαν*. Proinde ut *supremi* erant in  
Ecclesiis cœvi *Hermæ Episcopi*,  
*primarum* scilicet Cathedralium pos-  
sessores Ecclesiarumque *Præsides*,  
*supremi* etiam erant, in *Extraordi-  
nario* Regimine, *Prophetæ*. Quod  
etiam accuratissimè convenit cum  
illis quæ habemus hodieque *Histo-  
riæ Apostolicæ* rudibus. In Ec-  
clesiâ *Antiochenâ* paulò ante illam  
quam dixi Epocham constitutorum  
in Ecclesiis Officiariorum Ordina-  
riorum, Anno nimirum eodem illo  
quo mortuus est *Herodes Agrippa*,  
Christi 44. duos duntaxat legimus  
Officiariorum Ordines, *Propheta-  
rum & Doctorum*, secundum nimi-  
rum tertiumque eorum quos dixi-  
mus. Et tamen illos *leitουργίας*  
legimus *Act. 13. 1, 2.* E quo eti-  
am colligimus, verum esse quod  
diximus, Ecclesiasticarum *Synaxeon*  
Officia à *Prophetis* administrata.  
Sic & in Epistolâ ad *Romanos* ubi  
illos hortatur ne deessent *donis* qui-  
bus fuissent à Deo inspirati, *superi-*

Anno 44.



us tamen *Prophetiâ* donum nullum recenset. *Habentes* (inquit) *donationes, secundum Gratiam quæ data est nobis differentes, sive Prophetiam, &c.* Nulli itaque erant in Ecclesiis illis, seu *Antiochenâ*, seu etiam *Romanâ*, Officiarii Ecclesiastici *Prophetis* superiores. Soli nimirum Ecclesiæ *Hierosolymitanæ* proprium erat *Apostolorum* illud, quod dixi, Collegium. Indesquebatur Ecclesias reliquas *universas* Ecclesiæ *Hierosolymitanæ* fuisse subiectas. Ut enim *Apostolis* subiecti erant *Prophetae*; sic & Ecclesiæ illi, quæ sola habuit *Apostolos*, reliquas omnes subiectas fuisse oportet quæ *Prophetas* duntaxat habuerint. Id quod verum esse ex ipsâ Synodi *Hierosolymitanæ* Historiâ multa evincunt. Imprimis quòd Pacis illi turbatores *Apostolorum* nomine abusi sint. Id ipsi innuunt *Apostoli*: *Quidam ex nobis exeuntes turbaverunt vos verbis, evertentes animas vestras, quibus (inquiunt) non mandavimus.* *Apostolos* *Au-*  
Rom. 12. 16.]  
Act. 15. 24.]  
ec                    tores

tores in aliis Ecclesiis non venditassent, nec secutæ essent venditantes tantæ turbæ, ni magna fuisset, etiam in aliis Ecclesiis, *Apostolorum*, quacunque impellebat *Autoritas*. Et verò *Imperium* spirant verba illa, *non mandavimus*. Tum idem arguit ipsa *Antiochenorum* ad *Hierosolymitanos* Appellatio. Cur enim illi qui proprios habebant *Prophetas* ad alios Appellarent, ni id nō essent, subjectos esse *Apostolis* ipsos etiam *Prophetas*, ut proinde nullâ fide digni haberentur siquid contrarium docuissent *Apostoli*? Potuit *consilium* habere locum in consiliis *humanis*. In *Divinis* nullum potuit, sed duntaxat Ordo à Deo ipso institutus. Idem porro *Appellationis* acceptatio, & *Decretum* editum, planè pro Imperio: *Placuit nobis* v. 25. *Visum est Spiritui Sancto & Nobis, nihil ultro imponere vobis oneris.* v. 28. Ἐδοξεν utrobique, vox illa nimirum quâ *Græcarum* *Rerumpub. Decreta*, quæ inde *δογματων* nomen traxerunt, concipi

conciipi solebant. Proinde hæc ipsa *Decreta* eâ ipsâ voce designantur, τὰ ΔΟΓΜΑΤΑ τὰ κεκερυμμένα ἀπὸ τῶν Ἀποστόλων &c. Cap. 16. 4. *Præcepta Apostolorum* Cap. 15. 41. in Editione *Vulgatâ*; ἐντολαί in codice *Cantabrigiensi Bezae*, desunt enim in reliquis Codicibus *Græcis*. Et cum, post mentionem *Spiritus Sancti*, subjungunt *ET NOBIS*, satis manifestè ostendunt quantum illis licuerit pro ipsa *loci* ratione in quo fuissent à *Spiritu Sancto* constituti.

§. 15. Eodem spectat, ni fallor, quòd, quandiu superessent è *Familiâ Domini* nostri qui sedem illam supplerent, non alii deligerentur *Episcopi Hierosolymitani*. Cum enim locum illum facerent, ut alibi ostendi, pro more *Sacerdotii Judaici*, *Hæreditarium*; consentaneum erat, ut quam *Jurisdictionem* ipsi *Domino* in sede *Hierosolymitanâ*, tribuissent in omnes, quâ patebat *Orbis*, *Ecclesias*, eandem illius *ex asse* hæredibus concederent. Nec sane est quòd miremur

mur Sacerdotium Domini Hæreditarium, cum præter Judæos, fuerint illius, etiam apud Gentes, Exempla frequentissimâ. Sacerdotium *Scopeliano* Rhetori in *Asia* hæreditarium fuisse testis est Philostratus, quo etiam exemplo fortasse Polycrates in eâdem *Asia* octavus ejusdem familiæ gessit apud Christianos Episcopatum. De id genus Hæreditariis Sacerdotibus interpretatur Servius verba Virgilii, *Olimque Sacerdos*. Sic & inter Ægyptios (quorum ad exempla compositæ sunt plurimæ Judæorum consuetudines.) Inferioris Sacerdotii Hæreditarii exemplum habemus in Thyamide, Supremi, in Isiacis, teste Herodoto. Sic & Patriarchatum Judæorum hæreditarium fuisse docet Epiphanius. Et sane dignitatis plusquam *Ordinariæ* fuit quòd Episcopus *Hierosolymitanus* *Præses* fuerit *Collegii* illius, quod dixi, *Apostolici*, cum tamen *Oecumenicam* Jurisdictionem ipsis *Apostolis* attributam jam ostenderimus. Ita

*Heliodor. Æ-*  
*thiop.*  
*Herod. L. 2.*

Ita certè rem se habuisse necesse est, si de Sýnodo *Hierosolymitanâ*, pro illius *Ætatis* moribus judicemus, in quâ omnium *ultimi* sententiam ferebant qui constituti essent in sedibus *primariis*. Ibi enim habemus primo loco aliorum *magnam conquestionem*, tum *S. Petri* primi *A&t. 13. 7.* *Apostoli*, tandem *S. Jacobi* Collegii *v. 13.* universi *Præsidis*, qui sententiam suam exponit *maiore* quàm, alii, *Autoritate*. *Ἐγὼ κέρνω*, inquit. Sic finis univeriæ Disceptationi impositus. Neque temerè factum ostendit, quòd eodem etiam *ordine* recenseantur in *Ep. ad Gal. 2. 9.* Et quum cognovissent *gratiam* quæ data est mihi, *Jacobus & Cephas & Johannes*, qui videbantur *columnæ* esse, *dextras* dederunt mihi & *Barnabæ* *Societatis*, &c. *Jacobum* hic non alium intelligi quàm *Apostolum* constat è *Cap. 1. 19.* Nec alium *Cephæ* quàm *S. Petrum* testis est *Clemens* in *Epist. ad Corinthios*. Neque verò erat è re *Apostoli Pauli* ut alios adduceret *Apostolatus*

*stolatûs sui testes quàm primarios Domini, cum in terris ageret, Apostolos. Ergo inter XII. columnæ erant hi, id est, eminebant eo, quo hic recensentur, ordine. Primus hic S. Jacobus Domini nostri hæres, qui in sententiâ dicendâ ultimus. Proximus S. Petrus. Quem enim tenuit, Domino superstitite, locum primarii Apostoli, eundem tenuit sub hærede ejus atque Successore. Tertius S. Johannes, dilectus nimirum Discipulus, quique locum habuerat in accubitu primarium, ut solus in ejusdem sinum incumberet. Rectè autem hi columnæ dicuntur inter Apostolos quòd propriâ quâdam dignitate honorârit illos Dominus, præ aliis Apostolis. Non alios adhibuit Transfigurationis testes, S. Matth. 17. 1, 2. Marc. 9. 2. S. Luc. 9. 28, 29. quâ certè gratiâ ipsi solebant suum commendare Apostolatium, 2 Pet. 1. 16, 17, 18. Joan. 1. 14. 1 Joan. 1. 1, 2, 3. Ut enim proprio suo quodam jure Ἀυτόπαι λόγῳ audiebant Apostoli,*

*postoli, S. Luc. 1. 2. Et proinde Apostolatum suum S. Paulus exinde probat quòd Dominum vidisset, 1 Cor. 9. 1. sic, præ aliorum Apostolorum αὐτοψία, eximium quipiam habebat hæc quæ horum erat propria, quod reliqui hominem duntaxat, hi ipsum etiam λόγον vidissent quâ quidem humanis patebat aspectibus. Ut itaque aliorum Apostolorum communis erat αὐτοψία, hanc propriâ voce ἐποψίδν appellat prædicto loco S. Petrus v. 16. voce nimirum à Mysteriis desumptâ, quæque summum designabat eorum sanctissimumque gradum. Nec aliis in conclave Dominus introire permisit cum Archisynagogi filiam à mortuis excitaret, Marc. 5. 37. Luc. 8. 51. Nec alios adhibuit testes Orationis in horto, & sudoris sanguinei, & confortantis Angeli, S. Matth. 26. 37. Marc. 14. 33. Fateor equidem de Jacobo Zebedæi filio S. Joannis fratre horum nonnulla, esse intelligenda. Sed cum hoc etiam*

in

Hegeſip. ap.  
Euf. Hiſt. Eccl.  
L. 2. c. 1.

in loco videamus tres præcipuos præ aliis *Apoſtolos*, poſt eandem filii *Zebedæi*; cum & Scriptor vetuſtiſſimus *Hegeſippus*, eoſdem memoret, quos ait etiam *ἱπὸ τῆ κεφαλῆς πε-  
τιμυμένους*, & fuiſſe dono *γνώσε-  
ως* præ aliis inſtructos: conſtat proinde utr, ejecto *Judâ*, ſuppletus fuit numerus *duodenarius*; ſic, occiſo *Jacobo Zebedæi*, ſuffectum in ejus locum *Jacobum minorem* filium *Alphæi*, atque ita ſuppletum eſſe *ternarium*; utque *gratiæ* Domini *ſingularis* in hoc *ternario* rationem præcipuè habuerunt, proinde conſentaneum eſt ut & hic *Jacobus ſingulari* Domini *gratiâ* floruerit, Ut proinde & ex illis, quas dixi, *gratiis* probabile ſit *Alphæi* filio nonnullas eſſe tribuendas. Ita *numeros Collegii ſervârunt integros* dum *Apoſtoli* hæerent *Hierofoly-  
mis*. Ita *S. Jacobus Collegii Apoſtolici Præſes Patriarcham Ju-  
daicum* repræſentabat qualem ſuprà deſcripſimus ex *Epiphanio*. Erat enim & illud etiam Officium, apud  
*Judæos*



*Judeos, hæreditarium. Sed Collegium illud Apostolorum primario- rum ita dissolvit eorum illa disper- sio quæ Evangelii inter Gentes pro- pagandi causâ facta est, ut nun- quam rursus in unum convenerint. Non tamen idco defecit Ecclesiæ Hierosolymitanæ dignitas. Successio illa à Domino hæreditaria ad Tra- janum usque duravit, quo Impe- rante passum Simeonem Cleopæ, ex- tinctamque unâ cum eo familiam Davidicam Ann. Dom. 116. ali- bi ostendimus.*

*Dissert. Cypri-  
qo. 11. num.*

§. 16. Utque in locum Do-  
mini primarium Successio erat, pro  
cognitionis Jure, Hæreditaria; ita  
probabile est in locum Apostolorum  
discedentium alios successisse Do-  
ni cognatos. Judæ enim illi ἀπο-  
στολοι ( quorum meminit Hegesip-  
pus ) ad hæc eadem permanserunt  
Trajani tempora illius, jussu, ut  
videtur, interfecti, propter Famili-  
am Davidicam. Illos autem ἡγε-  
σαντες τῶν Ἐκκλησιῶν, ὡς αὐτὸν δὴ μαρ-  
τυρεῖς ἐμὲ, ἐκ τῶν Ἰσραὴλ ὄντας Κυ-  
ρίῳ.

t f

είν.

Euseb. Hist.  
Ecc. 3. 20.  
L. 3. c. 32.

εἶν, eodem *Hegeſippo* Autore tradit *Eusebius*. Eadem *Hegeſippi* verba retulit alio in loco *Eusebius* nisi, quòd pro τῶν Ἑκκλησιῶν ibi πάσης dicat Ἑκκλησίας. Ergo Ecclesiæ universæ præfuerunt illi δεσποσῶνται, quorum meminit, sub eo nomine, etiam *Africanus*. At Ecclesiæ Universæ præesse non poterant ipsi utique non *Apostoli*, ni eo, quo dixi, modo, successissent in locum *Apostolorum*. Dederat nimirum Dominus exemplum qui tot cognatos suos in eum *Apostolorum* Ordinem allegerat: *Jacobum* ipsum proximum ejus Successorem, (rectè enim, ut existimo, *Alphæum* *Jacobi* Patrem eundem putat vir Doctissimus cum *Cleopâ*, seu *Clopâ*, nullo alio notabili discrimine quàm quòd Linguae Syriacæ Aspirationem sustulerint Græci, aliasque substituerint Vocales, quæ duo fieri solent ab illis sæpissimè) *Simeonem* hunc nostrum *Cleopæ*, quem eundem puto cum *Cannite* Syriacè (sic enim legendum) aut Ζηλω-

*Thorndicius*.

τῇ

τῆς Græcè: Et *Judam* horum ἀπο-  
 γένων avum. Sic enim appellatur,  
*Act. I. 13.* quem Evangelistæ  
 nunc *Lebbæum* appellant, nunc  
*Thaddæum* (erant enim ea Cogno-  
 minum multitudo apud Syros lon-  
 ge frequentissima) *Jacobi* fratrem,  
*Cleopæ* proinde filium, & *Mariæ*  
 illius, quæ ut ab aliis *Mariis* di-  
 stinguatur, *Cleopæ* dicitur, quod  
 fuerit *Cleopæ* nimirum uxor. Per-  
 mansit itaque, postquam *Pellam*  
 concessissent *Christiani*, *Oecumeni-*  
*cum* illud *Ecclesiæ Regimen*, cum  
 tamen tributa *Templo* pendenda  
 jamdiu antea sustulisset *Vespasianus*,  
*fisco* deinde solvenda. Postea de-  
 ficiente Familiâ *Domini & Davidi-*  
*câ*, & novâ *Christianorum Gentili-*  
*um* *Coloniâ* ab *Adriano* in *Æliam*  
 suam introductâ, quæ nec *Circum-*  
*cisione* usa est, nec *Judæam* præ se  
 ferret originem; jam nihil habebat  
*Ecclesia Hierosolymitana*, præ aliis  
*Ecclesiis* eximium, sed pari omnes  
 honore invicem colebant.

6. 17. Quòd ergo legimus in Ecclesiâ *Hierosolymitanâ Presbyteros* post illam equidem, quam dixi Epocham *Pisidiensem*, ante tamen quam discesserat Ecclesia *Hierosolymitana* à *Synagogâ* ( improbabant enim *Christiani Hierosolymitani* illam quam docuerat Apostolus *Paulus* discessionem ) factum id oportet *Curæ* potius ac *Officii* causâ quàm *Regiminis Ecclesiastici*. Ad *Presbyteros* attinebat cura *Pauperum* uti discimus è *1 Pet. 5. 2. 3.* de re enim *nummariâ* ibi esse sermonem alibi probavimus. Ut igitur eâ causâ constat institutos ab Apostolis fuisse *Diaconos*, *Act. 6. 3.* sic crescente indies eâ curâ, & cum tanta essent *Provincialium tributa* inter illos distribuenda; probabile est alios postea muneri illi *nummarie* fuisse Præfectos. Nec enim videbatur augendus numerus *Diaconorum* propter *Mysticam Septenarii* & sacram rationem. Et ut *distributio* fortè pertinuerit ad *Diaconos*; At potestas constituendi quæ summa

ma esset quos in *usus* assignanda, majoris erat fidei quàm ut temerè possit credi *Diaconis*, verè nimirum *Apostolica*. Illam igitur *Apostolici* muneris partem communicandam consueverunt cum *Presbyteris*. Inde *συμπερεβύτις* salutavit *Presbyteros* S. Petrus. Inde *πρεσβύτερον* se agnoscit S. Joannes, si tamen idem S. Joannes *Apostolus* cum *Presbytero* censendus sit. Sic enim *Collegas* in ipso munere *Apostolico Presbyteros* agnoscunt *Apostoli*. Inde fortasse duplicato numero *Apostolis* responderunt. Ut enim formam *Ecclesiasticorum Confessuum* repræsentat in suis Visionibus *Apocalypses*; sic & numerum xxiv. *Presbyterorum* similem in *Presbyteriis Ecclesiasticis* numerum expressisse est sanè verisimillimum. Aliud discimus è S. Jacobo officium *Presbyterorum*, ut nempe orarent cum *agrotantibus* S. Jacob. 5. 14. Hoc etiam nomine non soli sufficiebant *Apostoli* ad curam *Plebis Christianæ* numerosissimæ, atque indies aucti-

auctioris. Nullum tamen legimus eorum in Ecclesiæ *Regimine* Officium, aut etiam in *Synaxibus* ante illam, quam dixi, Ecclesiæ à *Synagoga* discessionem. Non est tamen, ut dixi ab Ecclesiæ *Hierosolymitanæ* omnium primariæ exemplo de aliis quibuscunque temerè statuendum.

§. 18. Ex illo nihilominùs, quem produxi, *Hermæ* loco constat, pulsos jam ætate *Hermæ* ( paulò ante persecutionem *Domitiani* An. Dom. XCV. ) è *secundo* ab *Apostolis* loco *Prophetas*, in eorundem locum successisse Ordinarios Ecclesiæ *Episcopos*, proximos *Episcopis Doctores*, *Doctoribus Ministros*, nempe *Diaconos*; ita *Prophetas* Ordini *Sacerdotali* universo fuisse subjectos. Adhuc enim in Ecclesiâ fuisse *Prophetas*, alibi fecimus, ni fallor, abunde manifestum. Indagandum itaque hoc quibus tandem gradibus, quoque *Jure* sit factum. Dixi ergo non uno eodemque tempore factam, sed gradatim, prout occasionem dabat *Judæorum*,

*Judeorum*, in quocunque loco, malignitas, *Ecclesiæ à Synagogis* discessionem. Post discessionem *Pisidiensem*, aliorum locorum *Synagogis* usus est *Apostolus*, dum veniret *Ephesum*. Hic etiam tribus primis mensibus disputavit in *Synagogâ* Act. 19. 8. Tandem *blasphemantibus* *Judæis Ephesinis*, discessit, segregavitque Discipulos in Scholam *Tyranni*, v. 9. Contigit hæc secunda discessio, Anno *Ær.* vulg. pro nostris rationibus, 51. An. 51. Hic tribus, in universum, Annis versatus est, quo tempore omnes qui habitabant in *Asiâ* audiebant verbum Dei, *Judæi* atque *Gentiles*, quos omnes à *Synagogâ* similiter discessisse probabile est. Inde factum ut huc reversus An. 54. *Presbyteros Ephesinos Miletum* accersiverit, Act. 20. 17. seu *Episcopos*, v. 28. à se viz. in morâ trienni constitutos. *Epheso* movet secundâ vice in *Macedoniam* post *Pentecosten* Anni 53. in quâ discessionem An. 53. factam probabile est, quod perver-

sissimos

An. 49.

sissimos ibi expertus esset antea *Ju-*  
*daeos*, tum quod in Epistolâ datâ  
 è primâ Captivitatē *Romanâ* Anno  
 circiter 59. salutet *Philippensis* Ec-  
 clesiæ *Episcopos & Diaconos*. Pri-  
 mâ enim accessione, propter *Perse-*  
*cutionem* accerbissimam brevior, erat  
 mora quam ut constitutos tunc  
 credamus Ecclesiæ Officiarios. Quid  
 quod nulla sit *Rectorum* mentio in  
 utrâvis Epistolâ ad *Theſsalonicen-*  
*ses* quæ ambæ scriptæ sunt post  
 primam ejus in *Macedoniam* accessi-  
 onem, ante secundam, Anno 49.  
 Nec verò unquam eò reversus est  
 antequam scriberet illam, quam  
 dixi, ad *Philippenses* Epistolam.  
 Sub ejusdem Anni finem, aut se-  
 quentis fortasse potiùs 54. initi-  
 um, *Corinthum* venit, *Helladis* Me-  
 tropolim Act. 20. 2. Inde dedit  
 Epistolam ad *Romanos*, superſt te  
 adhuc *Narcisso*, qui sub hujus An-  
 ni finem perierit. In eâ ita loqui-  
 tur de *Judaïs* quasi maximâ jam  
 ex parte à Deo rejectis, propter  
 suam illam, ut videtur, discessio-  
 nem,



*nem, & pulveris in illos solennem*  
*excussionem, quam Chiristus rece-*  
*perat ratam se in cœlis habiturum.*  
*Quò etiam spectat Accusatio illa*  
*Apostoli, à Judæo-Christianis Hie-*  
*rosolymitanis ( quo venerat Apo-*  
*los hoc ipso, ut videtur, Anno 54.)* *Ani. 54.*  
*Audierant enim de eo quia discessio-*  
*nem docuerat à Moyse eorum qui per* *Act. 21. 21.*  
*gentes sunt Judæorum. Ita fateor*  
*in Editione Vulgatâ, & in Codice*  
*Græco Alexandrino, τὸς ἡγετὰς τοῦ*  
*ἔθνους ὄντας, & in aliis bonæ fidei*  
*Codicibus. Græca autem vulga-*  
*ta habent πομπὰς. Hanc si Lecti-*  
*onem sequamur, jam discessionem*  
*in plerisque locis fecerit Aposto-*  
*lus. Sed fateor aliam hîc discessi-*  
*onem intelligi posse. Non à Syna-*  
*gogis maledicentium blasphemanti-*  
*umque, ( nec enim fidelibus Judæis*  
*ea erat displicitura discessio ) sed à*  
*Moyse, à Lege nimirum ipsâ, ut*  
*indicant sequentia. Proinde à Sy-*  
*nagogis fideles etiam Hierosolymis*  
*Judæos discessisse verisimile est.*  
*Legimus equidem Apostolum in*

*Templum* introiisse, non item in *Synagogas*. Erat autem *Templi* & *Synagogarum* disciplina diversissima. Potius itaque ex eo quod discessionem illam à *blasphemantium* persequentiumque *Judeorum* *Synagogis* non exprobrant Apostolo *Judei Hierosolymitani*, colligi videtur non fuisse utique ab illis improbatam. Proinde jam *ubique* factam verisimile est. Sic itaque in illâ quoque perambulatione *Galatiæ* & *Phrygiæ*, confirmandi gratiâ factâ, *discessionem* fuisse probabile est, & constitutos fuisse in Ecclesiâ *Rectores*. Contigit ea Anno 50. Porro jubetur *Titus* constituere per *Civitates Presbyteros*. Sed prima erat ea *Cretensium*, ut existimo, conversio. Nimirum scripsit ea *Nicopoli* hyematurus, sequentis Anni mari *libero* transmissurus in *Italiam*, & Martyrii palmam accepturus. Congruunt hæc Anno 63. post primam Captivitatem. Nec enim in *Actorum* Historiâ S. Apostolum in *Cretam* appulisse legimus.

An. 50,

Ad. 63.

mus. Ergo eo, quo dixi, Anno *Cretenses* converterit Apostolus; sed discedere antea coactus est quàm possèt eos ita conversos in *Christianæ* fidei professione consummare. Proinde *Titum Cretæ* reliquit, ut ea ( inquit ) quæ desunt, corrigas, τὰ λείποντα. Ea λείποντα non alia memorat quàm *Rektorum* in *Ecclesiis* constitutionem. Ergo jam adedò *necessarios* credidit in *Ecclesiis* illos *Rectores*, ut nullas expectaret *Judeorum* maledictiones atque blasphemias, quin imperfectas eas censeret *Ecclesias* quibus non fuissent *Rectores*, nec illi modò in *Metropoli* ( ut in *Conversione Asiæ* *Proconsularis Presbyteros Ephesi* constituit ) sed in *singulis* etiam *Metropoli* subjectis *Civitatibus*. Inde intelligimus quid intelligendum veniat per ἐπιστηρυγὸν illum, quo solebat Apostolus locos antea conversos denuò visitare. Nempe ut τὰ λείποντα ἐπιδορῶσιν, *Presbyteros* nimirum per *Ecclesias* constitueret. Relictis jam penitus *Judeo-*

*rum Synagogis, alia jam Corpora politica constituebant Christiani, ut deinceps aliud necessarium esset Regimen, aliique Rectores Ordinarii.*

§. 19. Ergo cum in *Synagogarum* locum successissent hæc *Ecclesiæ Corpora Politica* ( per *discessionem* nimirum à *Synagogis* ) non est proinde quod dubitemus quin in *Synagogarum Jura Potestatemque* successerint *Ecclesiarum Rectores*. Atqui *Judæorum* omnis in *Sacris Jurisdictio* à *Synagogis* fere potius, quàm à *Templo*, pendeat. *Templi* nulla erat, atque *Sacerdotum Hierosolymitanorum*, præterquam in causis gravissimis atque *piaculâribus*. Sic in *Græco Amphictyonum Concilio* nusquam legimus sententias *Decretas* præterquam in *Communitates* aut *publicas* alioqui *Personas*, & quidem illas cum *diris* & *nominum execratione* atque *Anathematismis*. Quæ *Personarum essent singularum*, eæ ad propria cujusque *Civitatis* fora spectabant atque

atque Tribunalia, *Athenis* ad *Areopagum*, in aliis *Civitatibus* ad sua cuiusque *Sacrorum Concilia*. Sic itaque res habebat apud *Judæos*. *Civitatum*, seu *Palæstinarum*, seu etiam *Ἰερουσαλῆμ*, in *Sacris Jurisdictione*, propria erat *Synagogæ*. In *Synagogis* erant *Confessus & sedes* in *Confessu primariæ Archisynagogis* destinatae. In *Synagogis* docebant, ut in *Ecclesiis* etiam primævi docebant *Christiani*. In *Synagogis* flagellabant, nimirum in *Sacra delinquentes*. Tandem illos de quorum fruge meliori desperabant, ἀποσυρωσάμενοι faciebant, id est, *Synagogis* excludebant. Inde factum ut in quibusdam *Synagogis* cæsi, in aliis reciperentur, *Apostoli*; inde quòd à quibusdam *discedentes* cum aliis *unitatem* colerent atque *concordiam*. Quòd nimirum ad alteram *Civitatem* aut *Synagogam* non spectaret alterius *Civitatis* aut *Synagogæ Jurisdictione*. *Templo* nullos legimus exclusos, atque *Sacrificiis Publicis*, nisi cum *diris*, & non

Math. 10. 17.  
23. 34. Marc.  
13. 9. Act.  
22. 19. 26.  
11.

Justin. Dialog.  
cum Tryphon.

Justin. Ap.

non alios utique quàm *Communitates*. Sic *Samaritanos* Excommunicabant *Esdras* atque alii deinde *Judei* universi. Sic & *Christianos* *diirs* devotos per ἐκλεκτὲς in omnes *Ἀγορωεῖς* *Provincias* missos, teste *Justino* Martyre. Autorem illius crediderim fuisse *Barchochebam Christiani* nominis hostem longe infensissimum.

§.20. Habebant itaque *Ecclesiæ*, pro jure *Synagogæ*, tam docendi, quàm etiam *Judicandi*, causâ, *Confessus*, nec dissimiles *Sedium* ab invicem, pro *loci* dignitate, distinctiones. Habebant etiam eandem potestatem *Rectores* quam habuerant antea *Synagogarum Confessus*, non quidem *Secularem* flagellandi, aut pœnis istiusmodi *Secularibus* multandi ( hoc enim illis indulserant *Rescripta Imperatorum*) sed *moralem* illam omnino, ab eorum *Officio* inseparabilem, excludendi ab *Ecclesiis*, arcendique ab *Ecclesiarum Officiis publicis*, eorumque *beneficiis*. Habebant & illam *moderandi*

randi publicos Ecclesiarum Conventus, nequis possit, eorum injus, publicum aliquod exercere in *Synaxibus* Officium. In eo tamen, habebant *Ecclesiæ* Potestatem, quàm *Synagogæ*, majorem, quòd in Officiis *Ecclesiasticarum* Synaxeon quædam essent *Sacerdotalia*, cujusmodi nulla propriè sic dicta vendicabant sibi *Synagogæ*. Propria enim illa crediderunt, & credunt etiamnum hodieque *Judæi*, Civitatis *Hierosolymitanæ*, & scelus esse atque *piaculum* si quis alibi sacrificaret præterquam *Hierosolymis*. At suprema omnium Officia *Sacerdotalia*, etiam *Sacrificia*, in singulorum *Civitatum* *Synaxibus Ecclesiasticis* peraguntur. Ea nimirum *Sacrificia* intelligo quæ locum habent inter *Christianos*, nempe *Eucharistica*. Nec verò locum aliquem aut *Civitatem* agnoverunt *Primævi Christiani*, qualis fuit apud *Judæos* Urbs *Hierosolymitana*, cujus propria aliqua agnoscant in Jure *Sacrificandi* Privilegia. Quin illud poti-

de un. Sacerd.  
& un. Altor.

potiùs alibi ostendi, è verbis Domini ad mulierem *Samaritanam*, polliceri Dominum, forè utique sub *Evangelio*, ut singularum *Urbium Ecclesiarumque* Jura tanta sint quanta erant pro *Samaritanorum* opinione, *Templi Gerizitani*; pro *Judeorum* verò, *Hierosolymitani*. Ita sequetur non *Synagogæ* solius Jura, sed etiam *Templi Hierosolymitani*, in *Ecclesiam* transiisse. Sequitur, ut minùs necessarium fuerit *Sacerdotes* esse qui *Synagogis* præessent, in quibus nullum erat *Officium Sacerdotale*; necessarium tamen fuisse ut non alii admitterentur ad *Ecclesiæ* Regimen quàm *Sacerdotes*, quibus deinde commissa erat cura *Officiorum* propriè *Sacerdotalium*. Sequetur ut *Synagogarum* Censuræ non essent necessariò ab aliis *Synagogis* confirmandæ, *Ecclesiarum* tamen qualescunque in suos *subditos* Censuras apud *alias* omnes *Ecclesias* ratas esse oportere. Agunt enim *Ecclesiæ*, pro Jure *Templi*, ut dixi, *Hierosolymitani* quod, Jus habebat  
omnium



*omniam*, uti dixi, *Synagogarum*. Agunt *Sacerdotes*, pro *Jure Sacrificiorum* quibus *Universi Christianorum* corporis *Unitas* non *representabatur* duntaxat, sed *coalescebat* etiam, & *Divinæ Institutionis* virtute *facta* est, ut proinde *Uni* esse non possent cum *Deo* atque *Christo* cum quibus *unus* esset, qui fuisset à *Deo* atque *Christo* ejus legitime *separatus*. Agunt *Sacerdotes* ipsius *Christi* *Personam*, cujus *nomine* quæ gesta sunt ea, apud omnes *Christianos* rata esse oportere nihil est quod dubitemus. Quid quod *Ecclesiasticarum Synaxeon Beneficia* istiusmodi sint ut nequeant in *unâ Ecclesiâ* rata esse, in *aliis* irrita. Qui *unus* est cum *Christo* & *Patre* & cum *universâ Ecclesiâ Catholicâ*; qui *pactus* est cum iis, & consecutus est *Pacti* illius *Beneficia*, *Jus ad Promissa* futuræ vitæ *Præmia*, *remissionemque Peccatorum*; qui *Spiritum Sanctum* consecutus est *Unitatis Mysticæ vinculum*; fieri nequit ut in *unâ* habeat *Ecclesiâ*,

in *aliis* careat. Longe aliter se res habet in *Corpore Politico* cujus Privilegia omnia Sacra *Externa* sunt duntaxat, hujusque *vite*, qualia erant *Synagogæ*. Sequetur denique non *minorem* illam duntaxat *ἁποστασίου* Censuram *Ecclesiæ* deberi ut succedenti in locum *Synagogæ*; sed *majorem* quoque illam cum *Anathematismo* quæ *Templi* erat, quippe cui *Templi* etiam *Jura* convenire diximus. Nec aliò respexit Apostolus, *I Cor. 16. 22. Gal. 1. 8, 9.* qui *Jure* illo etiam *usus* est. *Apostolorum* enim *Jura Ordinaria* à *Judæorum* *Juribus* itidem *Ordinariis* accepta, in *Ecclesiæ* tandem esse devoluta certissimum est. Ita videmus ut possint hæc *Ecclesiæ* *Jura* adversus viros summos *Erastum Seldenumque* defendi. Frustrà *Seldenus* è *Rabbinis* contraria omnia pronunciat. Ex quo enim periit apud *Judæos* *Sacerdotalis* Potestatis *usus*, periit apud eosdem Potestatis illius etiam ipsa *cognitio*. Nos hæc tamen obiter

ter duntaxat impræsentiarum, ut ostenderemus Potestatem illam *Reclorum Ecclesiasticorum* jure fuisse *Sacerdotalem*.

§. 21. Inde sequebatur *Prophetarum* etiam munera *Sacerdotalia* quæ saltem in Ecclesiasticis *Synaxibus* præstarentur, *Ordinariis* Ecclesiarum *Recloribus* fuisse obnoxia. Cum enim Potestatem nullam haberent, qualem *Synagogæ*, *Secularem*; proinde in eo sita est vis ea omnis quam habebant ad homines in obsequium cogendos, quòd soli deinde Potestatem habuerint *Officiorum Sacerdotalium*, & cum *Officiis Beneficiorum* etiam *Officia* illa consequentium. Inde videmus quàm fuerit necessarium ut æmuli omnes in Potestate *Sacerdotali* illis subjicerentur, præsertim *Prophetae*, non illi quidem tales pro *Officio*, sed pro re natâ, atque extemporanei. Nec modò asserendi *Juris Sacerdotalis* nomine hoc erat necessarium, sed eo etiam quòd maximas jam dedissent in *Synaxibus* turbas

istiusmodi *Prophetae*, magnum ipsis etiam Gentilibus *scandalum*, & præcipua fuisse videantur occasio constituendorum Ecclesiæ *Rectorum*. Quàm fuerint apud *Corinthios* molesti antea observavimus. Adeò se indecore gerebant ut pro *insanis* viderentur habendi, 1 *Cor.* 14. 23. Sic enim Infideles cum plures unà, similiter ut apud *Corinthios*, nec ullo ordine loquentes audirent, *alii irridentes dicebant*, *Quia musto pleni sunt isti*. Proinde necesse habuit Apostolus eos etiam à contemptu vindicare apud *Christianos* etiam *Thessalonicenses*, sed *Neophytos* & recenter à Gentilium errore conversos. *Spiritum* (inquit) *nolite extinguere. Prophetias nolite spernere. Omnia autem probate, quod bonum est tenete*. Adeo in ludibrium venerant propter suam ἀρχαίαν *Prophetæ*, ut de *Prophético Spiritu* penitus extinguendo consilium intierint *Thessalonicenses*, quod ne fieret dehortatur Apostolus. Suadet potius nequam

*Act.* 2. 13.

1 *Thef.* 5. 19.  
20, 21.

quam viderentur, propter *Prophe-  
tas*, contumeliam ipsi *Prophético  
Spiritu* inferre, nempe ptopter a-  
trocitatem id genus dilectorum quæ  
in *Spiritum* commissa viderentur,  
& propter gravissimum illud *vin-  
dictæ* genus quod legerant in Vete-  
ri Testamento in *Prophetici Spiri-  
tus* contemptores edi solitum. *Ap-  
tissima* enim, pro receptis *Judæo-  
rum* opinionibus, hæc erant Argu-  
menta ad id commendandum quod  
suadebat Apostolus. Id certum re-  
prehensos ab Apostolo ἀτακτικούς  
*2 Thes. 3. 6, 7.* Certum etiam  
hoc etiam ipso ἀταξίας nomine su-  
gillari ab eo *Prophetas*, *1 Cor. 14.*  
*40.* Certum denique pollicitum  
esse *Corinthiis* Apostolum, quæ  
præter ordinem fuissent ab illis ad-  
missa, ea se, cum ad illos rediisset,  
ἐταξόμην, *1 Cor. 11. 34.* Pro-  
inde verisimile est, *Prophetas* ἀ-  
τακτικούς ab eo in Ordinem fuisse  
redactos, & *Recloribus*, quos re-  
versus constituerit, *Ecclesiasticis*  
fuisse subjectos.

§. 22. Ita certè fuisse, in hac ipsâ Ecclesiâ *Corinthiâ*, Testem habemus coævum *Clementem Romanum*. Scripsit ad *Corinthios* *S. Paulus* circiter Annum 53. Scripsit ad eisdem *S. Clemens* sub finem An. ut existimo, 64, aut 65. initium, ubi quievisset Persecutio *Neronis* de *Urbis* incendio, in quâ passi videntur Apostoli. Jam autem constat, quando scripsit *Clemens*, non *Corinthis* modò, sed ubique *ἐν πόλεσιν* & *ἐν κώμασιν* constitutos fuisse ab Apostolis *Rectores Ecclesiasticos*. Nec id nuper, sed aliquot antea Annis. Jam enim *deceßerant* aliqui eorum qui fuissent ab Apostolo constituti, *suffectis* in eorum locum aliis, ita tamen ut superessent etiam multi. Jam πολλοῖς χρόνοις sui in officio dedissent experimentum, & Testimonium ab omnibus præclarum reportassent. Jam ἀρχαία erat *Corinthiorum* Ecclesia, ab illâ nimirum *Evangelii* ἀρχῇ cuius meminit *Clemens*, meminit etiam *Apostolus*, quâ

Clem. Rom.  
Ep. ad Corinth.  
NUM. 42.

N. 44.

quâ scripserit nimirum Apostolus primam suam ad *Corinthios* Epistolam. Sic ἀρχαῖοι μὲν τῶν Μνασῶν Act. 21. 16. Nec enim necesse est ut propterea Temporibus admodum ab initio illo remotis scriptam hanc Epistolam existimemus. Occasio autem hujus Epistolæ erat Seditio *Spiritualium* in *Presbyteros*, quæ etiam ἐπίμυον erat, usque adeo ut in *Schisma* proruperint manifestam rebelles *Spirituales*, & *Presbyteros* loco suo dejecerint, & sibi *Laici* illi *Prophetae* *Sacerdotalia* munera non utique *Sacerdotii*, sed *Prophetiæ*, Titulo vendicârint. Quod *Donorum Spiritualium* prætextu has turbas excitârint ostendunt *Donorum* diserta mentio §. 23. Σοφίας mentio §. 38. Πίστεως, Σιᾶσεως, Διακρίσεως λόγων §. 48. Ostendunt longæ illæ adversus Ζῆλον Disputationes, eundem nimirum illum Ζῆλον cujus meminit Apostolus 1 Cor, 3. 3. quem & Ζῆλον πῶν πνευματικῶν appellat Cap. 14. 1. Dejectos constat ab  
illis

illis fuisse *Presbyteros*. §. 44. *Lai-*  
*cos* fuisse, & tamen munera *Sacer-*  
*dotalia* administrasse ostendunt il-  
 la ὁ λαϊκὸς ἄνθρωπος τοῖς λαϊκοῖς  
 προστάγμασιν δίδεται. §. 40. Egres-  
 sos ordinem *Laicorum* illa proximè  
 sequentia: Ἐκαστος ὑμῶν, Ἀδελ-  
 φοί, ὃν πρὸ ἰδίου τάγματι εὐχαρι-  
 στίῳ δεῖται. E voce illā εὐχαριστί-  
 ῳ probabile est *Eucharistiam* ab  
 illis fuisse consecratam, ut suprā  
 εὐχαριστίας ὃν τῷ πνύματι inter  
*Dona Spiritualia* meminisse vidi-  
 mus Apostolum. Certè cum *Pres-*  
*byteris* suis δώρων προσφορὰν tri-  
 buit, & λειτουργίῳ, iisdem utitur  
 omnino verbis in designando *E-*  
*vangelii Sacerdotio* quibus fuerat  
 usus in *Levitico*. N. 40, 41. Innu-  
 it igitur crepta hæc fuisse à suis, seu  
*Presbyteris*, seu etiam *Episcopis*,  
 munera; & vicissim ab illis usur-  
 pata qui locum *Laicorum* egressi in  
*Sacerdotii* officia sese ingessissent.  
 Vindicat tamen adversus hos Sacri-  
 legos *Spirituales Sacerdotii sancti-*  
*moniam*, & quidem ita vindicat ut  
 Deum



*Deum* faciat illius *Sanctimonie* *Au-*  
*torem*, N. 40, 43. ut *Apostolos*,  
 N. 42, 44. ipso etiam *Deo* illis *Au-*  
*tore*, N. 42. Et ut intelligamus  
 de *Sacerdotii* muneribus fuisse  
 hunc *Schismaticorum Zelum*, pro-  
 ponit in exemplum similem *Judæ-*  
*orum* de *Sacerdotio Zelum*. Ζήλω  
 (inquit) ἐμπετόντῳ. πρὸς τοῦς Ἰε-  
 ρευσίν N. 43. quam tamen *Ju-*  
*dæorum* contentionem *Deus virgæ*  
*Aaronicæ* germinatione diremerit.  
 Frustrà enim id nimirum ille, ni ea-  
 dem valuisset in *Schismaticorum*  
 causâ, etiam sub *Evangelio*, *Argu-*  
*mentatio*, ni ita etiam credidissent  
 coævi *Clementi* *Christiani*. Fru-  
 strà ille, ni *Evangelii Ministros* simi-  
 liter pro *Sacerdotibus* habuisset;  
 ni parem ille credidisset *Sacerdotiū*  
*Evangelici* præ *Plebe* etiam *Evangelicâ*  
*Sanctimoniam*, ac *Sacerdotiū*  
*Israelitici* præ *Plebe* etiam simili-  
 ter *Israeliticâ*. Et verò, N. 44.  
 respondet ἀπὸδοις manifestissima.  
 Ἐπεὶ ἐπὶ τῷ ὀνόματι τοῦ Ἐπισκο-  
 πῆ N. 44. respondet ζήλω πρὸς  
 τοῦς

τῆς ἰερωσύνης, N. 43. Περγάνου *A-*  
*postolorum* de futurâ illâ contentione  
 N. 44. & eorum *ἑξαγγελία* N. 42.  
 respondet διατάξει per *Mosē*  
 N. 43. ut *Deum* similiter Auto-  
 rem habuerint in constituendâ Sa-  
 cerdotii Evangelici *Sanctimoniâ*, ac  
 habuerit *Moses* in Sacerdotio *Le-*  
*vitico*. Respondet *sanctificatio* il-  
 la per *Succeſſionem* ab *Apostolis* ad  
 viros *ἰερογίμους*, ab illis ad *Suc-*  
*cessores* in officio *Presbyteratûs* at-  
 que *Episcopatûs* N. 44. Sanctifi-  
 cationi Tribûs *Levitici* à Deo per  
*Mosē* per germinantis *virgæ Aa-*  
*ronicæ* miraculum N. 43. Respon-  
 det *δυνατὸς τὸ ἐξέσθην* violati  
*Sacerdotii Moſaici* N. 41. Pœnæ  
 ntique *mortis spiritualis*, si quis Sa-  
 cerdotium *Evangelicum* similiter  
 violaverit. Sic itaque si *Clemen-*  
*tem* audiamus, & *Sacerdotalem* Po-  
 testatem crediderunt *Ecclesiæ Re-*  
*ctoribus Ordinariis* *Apostoli*, & so-  
 lis illam crediderunt *Ecclesiæ Re-*  
*ctoribus*; *Prophetas* ita Potestate  
*Sacerdotali* omni exuerunt, ut pe-  
 nitus

nitus illos subjecerint Ecclesiæ *Re-*  
*cloribus Ordinariis*, ut ne ea quidem  
 Officia illis permiserint in Ecclesiâ  
 quæ *Christianis* omnibus sub *Prophe-*  
*tarum* nomine patuerant in *Synago-*  
*gâ*; adeo omni *Sacerdotum* etiam *Ju-*  
*re*, ut ne alio quidem in loco haben-

di essent quàm quo reliquæ familiæ  
*Israeliticæ* respectu Familiæ *Aaro-*  
*niciæ Sacerdotalis*, ut planè *Laicis*  
 accenseat. Non est autem ut po-  
 tuerit falli *Clemens* in materiâ *Facti*,  
 in causâ adeo omnibus notoriâ, in  
 memoriâ adeo recenti, in tantâ  
 ejus cum Apostolis familiaritate,  
 cum eo ipso Apostolo qui *Corinthios*  
 converterat atque disposuerat, in  
 tam præclaro quem tenuit ille, &  
 in Ecclesiâ etiam tam præclarâ,  
 loco.

§. 23. Sic intelligimus *Tertul-*  
*lianum*, Ecclesiam esse quæ differen-

tiam inter *Ordinem* & *Plebem* con-

stituerit, & honorem ejus per *Ordinis*  
*Confessum sanctificatum*, non de  
*Decreto* aliquo *Ecclesiastico*, sed de  
*rei illius exigentiâ* quam Ecclesiam

appellamus. *Ecclesiæ* enim nomine non quamlibet intelligimus *Fidelium* multitudinem, sed talem illam quæ *Corpus* quoddam *Politicum* constituat sub propriis *Rectoribus*, & quidem illis *Ordinariis*; talem nimirum illam qualis ante 12. à *Christi Ascensione*, ut jam ostendi, annum nulla unquam existit. Hanc itaque *Ecclesiam* ostendi necessariò postulare, pro ipsâ ejus *Constitutione*, non modò ut *Rectores* ejus ipsi essent *Sacerdotes*, sed ut munerum *Sacerdotalium* omnium in *Synaxibus* præstandorum (& verò nulla sunt quæ non propriè ad *Synaxes* spectent, *Baptismus* etiam *Privatus* Jus tamen confert ut qui ita *Baptizati* fuerint, agnoscantur postea in *Synaxibus* pro *membris Ecclesiæ*) soli habeant *Potestatem*. Inde factum ut cum antea omnes, pro *Jure Prophetarum*, munera *Sacerdotalia* exercere possent, nec ulla esset proinde *Ordinis Plebisque* distinctio, cum & in *Plebe* fatis esset frequens *Spiritus*

ritus *Prophetiæ*; jam constitutis istiusmodi *Ecclesiis*, constitutis nimirum *Ecclesiarum Rectoribus Ordinariis*, nihil deinde liceret *Prophetis* aliis qui non fuissent in *Ordinem* allekti sine *Ordinis* permissu. Id enim curabant scilicet, *invidiæ* declinandæ causâ Apostoli, ut cùm subjiciendi essent illis *Prophetæ & Spirituales*, ne alii proinde in *Ordinem* allegerentur quàm qui ipsi *Prophetæ* fuissent & *Spiritus* donis *Extraordinariis* imbuti. Inde *δοξια* illa *Spiritus* apud *Clementem Romanum*, *ἐνδοξια* apud *Clementem Alexandrinum* quâ usos scribunt in hominum *Ordinationibus* Apostolos. Nempe dono *discretionis Spirituum* judicabant illi de *donis Ordinandorum*. Inde *Prophetiæ* illæ *Ordinationibus* præcedantæ quibus *Testimonium* reddebatur de donis *Ordinandorum*, I *Tim.* I. 18. Nec enim suis duntaxat, sed *alienis* etiam *Revelationibus*, quarum ipsi tamen erant *Judices*, utpote *Prophetarum* ipsorum

rum *Judices*, de *donis* Ordinandorum statuebant Apostoli. Quin & nova etiam *κατατάγματα* Ordinatis data esse, per illas *Prophetias* indicat Apostolus, 1 *Tim.* 4. 14. Quippe quod in *Ordinatione* & per *ἁγιοῦ πνεύματος* Spiritus dandus erat, nec ullam ferè legamus in eo Seculo sine *Donis* extraordinariis Spiritus Sancti descensionem. Ita factum ut *Prophetis* non præponerentur alii qui non fuissent *Prophetae*, sed *Prophetis* extra *Ordinem* *Prophetae* alii in *Ordinem* allecti. Sic habebat locum hæc *Tertulliani* Argumentatio, ut cætera pares fuissent utrique illi *Prophetae*, ipsam tamen *loci* dignitatem magnam inter illos constituisse *differentiam*, Honorandos itaque à *Prophetis* *stantibus* *Prophetas* alios in *Confessum* admissos. En illum, cujus meminit, *Ecclesiæ* honorem. Nec enim aliunde poterant *Prophetae* alii à *Collegiis* *Prophetis* honorem vindicare quàm ex eo quem obtinebant *loco* in hujusmodi, quam dixi,

dixi; *Ecclesiæ constitutione*. At *honorem* illum ait per *Ordinis Confessum* fuisse *sanctificatum*. Hoc nimirum eò ut ne possit *honor* ille ab aliis etiam *Prophetis*, *Prophetiæ* nomine, vendicari. *Sanctificari* enim id dicitur quòd certis *terminis* ita concluditur ut ne amplius pateat in usum *vulgi*, cum etiam res ipsæ *Sacræ* supponuntur. *Pone terminos* (inquit Deus) *circa montem, & sanctifica illum*. *Exod. 19. 23.* Cum itaque *Sessio* illa *Sacræ* in *Ecclesia* eo ipso consilio fuisset instituta, non *honoris* captandi gratiâ, sed significandi *locorum* discrimen, & vendicandi illius qui loco debebatur, *honoris*; proinde sequitur & *sanctum* fuisse *Sedentium* locum, & ab *aliorum* usu vendicandum. Inde sequebatur *Prophetas Sedentes* sanctos fuisse, quales oportuit fuisse *Sacerdotes*; *Stantes* eorum respectu minimè fuisse *Sanctos* (jam enim alibi ostendi *Sanctitatis* varios fuisse gradus) & ab eorum proinde muneribus arcendos. *Subje-*  
*Dissert. Cypri.*  
*ctos*

Apo. 2. 20.

*Et* Ordinariis Ecclesiæ Reſtoribus Prophetas ea ostendunt *Apocalypſe-* os verba ad Angelum Thyatiræ: *Habeo* (inquit) *adverſus te*, quia *permittis mulierem Jezabel*, quæ se dicit *Prophetin*, docere, &c. Conſtat enim ex Ep. S. Pauli ad *Corinthios* docuiſſe antea in Synaxibus *Prophetidas* etiam mulieres.

§. 24. De his itaque *Prophetis Laicis* rectè procedit *Tertulliani* Argumentatio, non de aliis *Laicis non Prophetis*. Erat enim etiam ante Ordinationem *Prophetarum Clericorum à Laicis non Prophetis* differentia ſatis magna quam utiq; non potuit Ordinationi acceptam referre *Terullianus*. De illis autem agit *Laicis Tertullianus*, quibus ante *Confeſſuum Eccleſiaſticorum* conſtitutionem conceſſa fuerant, per mores *Judæorum* jam receptos ( cum nimirum *Eccleſia* non aliud agnoſceret *Regimen Ordinarium*, præterquam *Judæorum*) Officia *Sacerdotalia*, quibus per novam illam *Conſtitutionem* fuerant abrogata.



gata. At aliis *Laicis*, præterquam *Prophetis*, nunquam hæc permisere *Judæi*, ne quidem *Regibus*, *Sauli* & *Uzzæ*; nunquam itaque, eorum exemplo, & sub eorum adhuc moderamine constituta, poterat *Ecclēsia*. Id quod res etiam ipsa satis manifestè demonstrat. Cum enim mixtam agant Personam Sacerdotes, *Populi* in Sacrificiis Precibusque offerendis, *Dei* in Pacto *Dei* nomine cum *Populo* contrahendo, in Pacti Beneficiis atque Promissionibus, (quæ quidem nequeunt ab alio quoquam præstari præterquam à Deo) à Deo impetrandis; ut *Populi* Personam constituere posset ipse *Populus*, at *Dei* Personam nemo potest præterquam ipse *Deus*. Aliter si fiat, ita *Deum* non obligabunt *Pacta* *Dei* nomine inita, *Promissiones* factæ ejusdem etiam nomine; ut planè *irrita* habeantur omnia, ut pœnam etiam mereantur à Deo gravissimam. At *Potestatem* sibi à Deo commissam jactare poterant *Prophætæ*, quibus factæ

k k                      erant

erant à Deo *Revelationes*; non poterant, præterquam *Prophetæ*, alii *Laici*. Et quidem fuisse, *Tertulliani* ætate, *Prophetas*; nec modò apud *Montanistas*, sed etiam in *Diff. Cypr.* 4. *Ecclesiâ*, alibi ostendimus. Hos cum soleret Deus è *Plebe* etiam allegere; & verò nemo esset è *Laicis* quin possit *Extraordinario Spiritûs* afflatu, in casu *Necessitatis*, inspirari: Rectè proinde, & pro suorum Principiorum tenore consequenter, intulit *Tertullianus*, *Omnes nos Deus ita voluit dispositos esse, ut ubique Sacramentis ejus ob-eundis apti simus. Nec aliorum Factum* fuisse crediderim quàm *Prophetarum*, siquid tamen fuisset in *Tertulliani* verbis unde *Factum*, & quidem ab *Ecclesiâ* probatum, possemus elicere. Perperam interim utuntur illius Patrocinio Novatores *Schismatici*, nec *Prophetæ*, nec *Prophetarum* nomen præ se etiam ipsi ferentes. Qui si etiam fuissent *Prophetæ*, ne ita quidem, pro opinione *Tertulliani*, & coævæ *Tertulliano*

tulliano *Ecclesiæ*, ab Ecclesiasticorum *Conseſſuum* eſſent *Ordinaria* *Juriſdictione*, ut oſtendi, eximendi.

§. 25. Non aliò retulerim Jus illud *Laicorum* in *Conciliis Eccleſiaſticis*, quàm ad communem illam *Laicis Clericisque Prophetiam*. Scio equidem fuiſſe *Laicis* in *Conciliis Sacerdotalibus* tam *Ethnicorum* quàm etiam *Judæorum*, ſua ſuffragia. Ita tamen conſtabant illis ſuffragia in *Conciliis*, ut nunquam *ſacrificare* permiſſum ſit, aut alia aliqua exercere *Sacerdotii* munera. Nempe *Sacra publica* intelligo. Quod enim ad *privata Sacra* attinebat, illorum Jus habebat *Familiæ* cujuſque *Primogenitus*, proinde etiam *Familiæ Sacerdos*. Sic in *Sacris Gentilitiis Romani*. Sic etiam *Judæi*, ut cum jam *Tribum Leviticam* ſelegiſſet Dominus è *Tribubus Iſraeliticis* ad *Officia Sacerdotii*, rari tamen eſſet & ſingularis exempli quod pro *Familiæ ſuæ Sacris* haberet *Michas Levitici*

*Judic: 17. 13.* generis Sacerdotem. At Sacrificia *Paschalia* erant, pro Origine suâ, omnino *privata*, nec aliorum quàm *Familiæ Sacerdotum*. Ad pestem nimirum privatarum *Familiarum*, in morte *Primogenitorum*, averruncandam instituta, quæ etiam *Familiarum* erat *Sacerdotalium*, ut proinde non possent alienis *Familiis*, præsertim in *Ægypto* vacare. Non ergo sequebatur, è Jure Sacrificiorum *Paschaltum* concessio *Lai- cis*, Jus etiam illos aliquod habere ad *Sacrificia Publica*. At nostra *Christianorum* *Sacra* omnia sunt *Publica*. Sed quòd etiam in *Con- siliis Sacerdotalibus* sua fuerint *Lai- cis* apud *Ethnicos Judæosque* suffra- gia è *Conciliis* potius *mixtâ* Ju- risdictione, quam è Jure aliquo *Laicorum Sacerdotali* erat colli- gendum. Quà enim *Jura Secula- ria* in *Conciliis* illis tractabantur, eatenus rectè adhibendi erant in consilium, & pro suo quodam Ju- re, *Laici*. At *Secularium* Jus nul- lum vendicabat Forum *Ecclesiasti- cum*.

cum. Et si quando judicandæ erant *Christianorum* lites βιωτικαὶ 1 Cor. 6. 3. per *Christianos* nempe *Judices*, ne ad *Secularia* *Tribunalia* emanarent; pro *litigantium* tamen arbitrio deligebantur istiusmodi *Judices*, & quidem apud ἱεροδυνάμεις in *Ecclesiâ* v. 4. qui quidem κερταίον constituebant ἐλάχισον v. 2. Tantum aberat ut in *summo* *Ecclesiæ* *Tribunali* lites illæ audirentur. Cavet certè *Dominus* ut in istiusmodi dissidiis, prima præcederet *privata* *expostulatio*; ea ubi non proficeret, tùm unum adhiberent alterumve *arbitrum*; ita deinde siquis fuisset pertinax, rem totam voluit ad *Ecclesiam* deferri, non ut controversiæ *Judicem*, sed ut *Testem* contumaciæ. Inde contumax pro *Ethnico* habendus & *Publicano*, ut nempe potuerit ad *Secularia* *Tribunalia* deferri, ut solebant deferri à *Christianis* *Ethnici* atque *Publicani*. Sic enim rectè, ut existimo, hunc locum explicat *Cl. Erastus*. Nondum certè constituta

stituta sunt in *Ecclesiâ* Tribunalia ad quæ possit provocari. Et verò de re notoriâ agit Dominus, quæque posset etiamnum usurpari. Sed nec universum illud *Laicorum Jus Indulgentiæ* erat Episcoporum acceptum referendum. Multum fateor acceptum. Sed fuisse aliquam rationem *præcedaneam* cur hæc Jura illis concederet Episcopus, vel illud suadet, quòd è Veteri Testamento ea conetur elicere *Cyprianus*. Est autem in promptu ratio illa quam dixi, nempe *Laicos* propterea publicis interfuisse consiliis, quòd scilicet communem haberent cum *Clericis* Spiritum *Propheticum*. Solebat enim Primæva illa tam *Apostolorum*, quàm ea etiam quæ, ætate *Cypriani*, erat Ecclesia nihil gerere quod quidem ad *Publicum* attineret, cujus non haberent Autorem consultoremque ipsum Deum. Conveniebant itaque in unum omnes, & *Divinum* expectabant *afflatum*. Nec enim, antequam conventum esset, sciri potuit

it

it cui Deus mentem suam esset revelaturus. Nec enim rem, de quâ agebatur, semper Deus ipsis revelavit *Apostolis*, sed per alios sæpe illos docuit. Sic didicit futuras Persecutiones S. *Paulus* per *Agabum*, perque alios, quâ transiit, *Ecclesiarum Prophetas*. Sic etiam apud *Cyprianum*, implebatur *Ep. 10.* *Spiritu Sancto puerorum innocens ætas quæ in ecstasi videbat oculis, & audiebat, & loquebatur ea quibus Nos ( inquit ) Dominus monere & instruere dignatur.* Cum igitur has Revelationes *Episcopis*, etiam *Apostolis*, daret Deus per alios, etiam per *pueros*; multo certè magis per *adultos Laicos* illum dedisse consentaneum erat. Ita intelligimus quis usus fuerit *Laicorum* in Concilio *Hierosolymitano*, cui ipsi præsidebant *Apostoli*. *Disputationem* illam universam gessisse legimus solos cum *Presbyteris Apostolos*, & tamen *Decretum* communionis omnium nomine, non *Apostolorum* modò atque *Presbyterorum*,  
sed

sed *Ecclesiæ universæ*, *Act.* 15. 22: seu *Fratrū*, nomine conceptum est, v. 23. Dum scilicet *humano* consilio res esset agitanda, soli agebant quibus agendi incumberebat *Officium*. Non rogabantur *Laici* sententiam, sed ne loquebantur quidem, pro sensu suo *humano*, quod faciebant *Ecclesiæ Rectores*. Tunc autem duntaxat loquebantur, cum non *ipsi* loquerentur, sed per illos loqueretur *Dominus*. Ita factum ut cum nihil dixissent in *contrarium*, Decretum eorum etiam nomine consignaretur, id est, cum nulla illis facta fuisset *Revelatio* in *contrarium*. Quod certè Jus non illis Jure *Laico* conveniebat, ne dum *Sacerdotali*, sed duntaxat *Prophetico*. Eo enim duntaxat Jure poterant *Apostolos* docere. Eodem Jure usi sunt etiam constitutis *Ecclesiis*, & constitutis in *Ecclesiâ Rectoribus Ordinariis*, pulsi etiam ab *Ecclesiæ Reginine*. Adhuc enim in rebus *Ecclesiæ momentosis* Deum expectabant consultorem, ut ostendimus



dimus è *Cypriano*. Sic in *Ordina-* *Dissert. Cypri.*  
*tionibus*. Sic etiam in causis gra- 4. n. 20.  
 vioribus *Ecclesiasticæ Disciplinae*.  
 Eo nomine necessarium erat ut in-  
 teressent *Consiliis Ecclesiasticis*  
*Propheta Laici*. Atqui jam diu  
 est ex quo desuit *Juris Laicorum*  
 illa *ratio*. Defecerunt *Dona illa*  
*Laicorum Extraordinaria*. Sola  
 locum habent in *Ordinario Eccle-*  
*siarum Regimine Humana Consilia*,  
 in quibus nulla unquam apparent  
*Laicorum Jura*. Ut igitur consta-  
 bant hæc in *Consultationibus Ec-*  
*clesiasticis*, antiqui *Juris Laicorum*  
*Prophetici* vestigia quædam in re-  
 centioribus etiam *Ecclesiæ Primæ-*  
*væ Temporibus* evanida; sic eti-  
 am poterant in *Officiis Sacerdotali-*  
*bus*, necessitate cogente, præstan-  
 dis, si tamen ea præstarentur sine  
 ullâ *Reclorum Ecclesiasticorum Or-*  
*dinariorum Injuriâ*,

---

SERIES CHRONOLOGICA  
REGIMINIS  
Ecclesiastici Ordinarii.

Anno *Æra Vulgaris* XXXIII.

**A** Scensio Christi pro nostris rationibus ( è Phlegonte Traliano ) Anno 4. Olymp. CCII. Tiberii XIX.

XLIV.

*Supremi in Ecclesiâ Antiocbenâ Prophetæ, nondum constitutis Presbyteris. Act. XIII. v. 14.*

XLV.

*Missus cum S. Barnabâ S. Paulus ad Gentes convertendas An. à Christi Ascensione XII. In eâ Expeditione prima Apostoli à Syna-*

( 267 )

Synagogā *Antiochiæ* Pisidiensis  
discessio. *Act.* 13. 51. tum Iconii  
*Act.* 14. 4. *Vid.* §. 11. 12.

XLVI.

*Facta discessione, cum proprias sibi  
Synaxes haberent Christiani, jam  
necessarii erant proprii Christi-  
anis Rētores Ordinarii. Inde  
Prima Presbyterorum mentio  
ἡγέρ' ἐκκλησίᾳ, in Provinciā ta-  
men duntaxat Pisidiensi. Act.* 14.  
23, 24. §. 12.

XLVII.

*Concilium Hierosolymitanum Act.*  
15. XIV. *Conversionis* Paulinæ  
*Anno, Gal.* 2. 1. *quam nos à  
Christi Ascensione deducimus.  
Memorantur in hoc Concilio Ec-  
clesiæ Hierosolymitanæ Presbyte-  
ri jam antea recepti. Act.* 15. 2,  
4, 6, 22, 23. §. 13. 14, &c. *Dis-  
cessio Apostolorum ab Hieroso-  
lymis, Gentium causā ad fidem so-  
licitandarum. §.* 11. XLIX.

## XLIX.

*Nondum Presbyteri in Ecclesiis Macedonicis, cum scriberet S. Paulus ad Thessalonicenses. §. 18.*

## L.

*In Galatiâ & Phrygiâ σπερυμὸς Aët. 18. 23. Ut proinde discessionem unâ factam verisimile sit, & constitutos ibi fuisse Presbyteros §. 18.*

## LI.

*Discessio à Synagogâ Ephesinâ Aët. 19. 9. & primi ibidem constituti fortè Presbyteri. §. 18.*

## LIII.

*Διῶλθε S. Paulus τὰ μᾶλλον Macedoniæ Aët. 20. 2. secundâ vice, post insensissimas Judæorum priori vice Persecutiones. Proinde hoc*

*hoc anno constitutos crediderim  
 primos Ecclesiæ Macedonicæ  
 Presbyteros. §. 12. 18. Scripsit  
 hoc Anno utramque ad Corinthios  
 Epistolam, quo tempore nondum  
 constituti in Ecclesiis Achaicis  
 Rectores Ordinarii. §. 10. 12,  
 13. Durârunt hucusque Ecclesiæ  
 Corinthiacæ ἀνωγειαι. §. 1.*

## LIV.

*Secundus Apostoli ad Ecclesiam Co-  
 rinthiacam appulsus Act. 20. 2.  
 ubi Judæos rursus insensos ex-  
 pertus v. 3. discessionem eâ oc-  
 casione factam, Presbyterorum,  
 ut puto, in Ecclesiis Achaicis con-  
 stitutione confirmavit. Pollicitus  
 id fuerat, ut videtur, Apostolus  
 Epistolâ superiori Anno scriptâ.  
 I Cor. II. 34. Cum scriberet ad  
 Romanos S. Paulus jam disces-  
 sio à Synagogis plerisque facta,  
 constitutique passim, eâ occasione,  
 Presbyteri. §. 18.*

## LIX.

LIX.

*Scriptit ad Philipenses Apostolus, factâ Episcoporum in ipsâ Epistolâ inscriptione mentione, quos ibidem nimirum ipse ante sexennium constituerat, §. 12.*

LXIII.

*Constituti hoc Anno in Ecclesiis Cretensisibus nuper converfis Presbyteri Tit. 1. 5. Jamque inter λειτουργοι numerari cepti ut ne quidem consummatæ crederentur Ecclesiæ Presbyteris destitutæ. §. 18.*

LXV.

*Insurgunt in Presbyteros Ecclesiæ Corinthiacæ ante Annos 11. præfatos Prophetæ. Clem. Rom. Ep. ad Corinth. §, 22.*

XCV.

*Hoc circiter Anno scripsit Hermas  
reductis jam in ordinem Prophe-  
tis; subjectisque Regimini Eccle-  
siae Ordinario. §. 18.*

CXVI.

*Hucusque duravit Jus Ecclesiae Nic-  
rosolymitanae in Familia Domini  
Haereditarium. §. 15.*

---

## CAPUT IV.

*Nullum Sacerdotale munus exercuerunt conversi a Frumentio Indi sine Sacerdotibus.*

**P***roponitur Obiectio. §. 1. Rufinus primarius hujus Historiæ Autor nullius meminit Officii Sacerdotalis, sed duntaxat Orationis. §. 2. De Oratione duntaxat Rufinum intellexerunt Socrates & Sozomenus. §. 3. Solus Aetypias voce Rufinum reddidit Theodoretus putidus Metaphorarum affectator. §. 4. Clerici omnium Ordinum Aetypias. §. 5. Clericorum Officia omnia Aetypias, præcipue Hymni. §. 6. Sacra Veterum Officia omnia Metrica. §. 7. Sic etiam Christi.*



Christianorum *Officia sub* Prophetis. §. 8. *Sub* Rectoribus *etiam* Ordinariis. §. 9. *Antiquissimæ formæ* Liturgicæ omnes Cantatitix, & à Psalmis Hymnisque *desumptæ*. §. 10. Psalmi *Cantari solebant, etiam à* Laicis, *in ipsâ etiam* Ecclesiâ. §. 11. Psalmodia Λειτουργία Theodoro, *Etiam* λειτουργία Ευχῆς *in Concilio* Laodicensi. §. 12. Lectio Scripturarum, & Catechumenorum Institutio rectè poterant *pro* λειτουργίας *haberi, non item* *pro* Officiis Sacerdotalibus. §. 13. *Pro* more Romanorum locum nullum in cætibz Frumentii *habere poterant* Officia Sacerdotalia. §. 14. 1. *pro* more Romanorum, *solis diebus* Festis, *aut* Dominicis, *aut* Sabbati, *solebant haberi* Sacra Eucharistica. §. 15. 2. *pro* eorundem more *haberi non poterant* *ubi adessent* Catechumeni. §. 16. 3. *nec nisi in* Ecclesiâ *propriè dictâ*. §. 17. 4 *nec ab alio quàm à*  
mm legitimo

legitimo *Ecclesiæ* Sacerdote.  
 §. 18. *Officium aliquod Sacerdo-*  
*tale à Frumentio Indisque usur-*  
*patum, nec innuunt, Historici;*  
*nec est, pro aliarum Gentium, eâ*  
*Ætate conversarum, exemplo, om-*  
*nino verisimile.* §. 19.

§. 1. **P**ROBAVIMUS hucusque  
 nullum fuisse, *Ætate*  
*Tertulliani, factum Laicorum Sa-*  
*cerdotalia munera exercentium, ab*  
*Ecclesiâ* probatum; aut saltem tale  
 fuisse, ut non potuerit ab hodiernis  
 SCHISMATICIS trahi in  
 Exemplum. Putat se tamen Cl.  
 Dissertator, etiam in Quarto Se-  
 culo, quo jam penitus consolida-  
 tum erat *Ecclesiæ* Regimen, quo  
 jam vigeat *Ecclesiæ* Disciplina,  
 quò difficilius erat ut aliena ab  
 ejusdem moribus Exempla impunè  
 ederentur, Exemplum reperisse ad-  
 ministrati à *Laicis* Officii *Sacerdo-*  
*talis.* Converterunt *Indos Fru-*  
*mentius & Ædesius, Æthiopus ni-*  
*mirum ut rectè Doctissimus Dissen-*  
 sator.

tator. Nec enim alii erant *Indi* Vid. Vales.  
*Romano* Imperio contermini; & Not. ad Socrat.  
*Fruventium Auxumitarum* Episco- Hist. Eccl. L. 19.  
 pum sub *Constantio* memorat *Atha-* Athanas. Apol.  
*nasius*, quem non alium à nostro *Fru-* ad Const. p. 696  
*mentio* fuisse crediderim. De hoc  
 itaque *Fruventio* ita *Grotius*: Au-  
 tor fuit his quos ad *Christum* con-  
 verterat, & paucis qui cum ipso  
 erant, ut *Theodoreti* utar verbis,  
 ἡ τὸ Παλαιὸν Ἰδοὺ συναχθέντες  
 π, ἐ τὰς ἱερὰς ὁμιλίαις λεγού-  
 ριας. At nemo ( inquit ) ibi tunc  
 Episcopus erat, nemo Presbyter;  
 Imo primus cum Episcopi dignitate,  
 qui postea Presbyteros Ordinavit, ed-  
 missus est, post reditum suum *Alex-*  
*andriam*, & rem renunciatam, ipse  
 ille *Fruventius* ab *Athanasio*. Ur- Cont. Def.  
 get eadem cum *Grotio* Amicus no- D. Stillington  
 ster *Anonymus*. c. 5. p. 357.

§. 2. Primarius hujus Historiæ  
 Autor est *Ruffinus* qui ipse eam ac-  
 cepit ab *Ædesio*. *Ruffinum* secuti re-  
 liqui, *Socrates*, *Sozomenus*, *Theo-*  
*doretus*, ad illum proinde, siquid  
 peccaverint, exigendi. Sic autem

Rufin. Hist.  
Eocl. L. 10. c. 9

ille. Præfectus Regno *Fruventius*, minorenni Regis ætate, & Christianismi ibidem propagandi cupidus, *requirere sollicitius* cepit siqui inter *Negotiatores Romanos Christiani* essent, & ipsis *Potestatem maximam* dare, ac monere ut *Conventicula* per loca singula facerent (quas postea *Ecclesias* appellat) ad quæ Romano ritu *Orationis causâ* confluerent. Sed & ipse multò magis eadem facere ( *Ecclesias* nimirum condere, easdemque *Orationis causâ* frequentare ) & ita cæteros cohortari, favore & beneficiis invitare, præstare quicquid opportunum fuisset, loca *Ædificiis*, aliaque necessaria præbere, & omnimodò gestire, ut *Christianorum* inibi *semen* exurgeret. Eventum ait, congregatos plurimos *Christianos*, & *Ecclesias constructas* in *Barbarico solo*. Hæc *Athanasio* renunciavit ipse *Fruventius*, qui nuper ( inquit *Rufinus* ) *Sacerdotium* susceperat, & quidem in *Concilio Sacerdotum*. Concilium hoc non aliud fuisse crediderim

diderim quàm illud cuius meminît ipse *Athanasius*, post reditum ejus ab Exilio *Trevirensi*. An. 337. sub filiis *Constantini Magni*. Nec enim de primâ ejus in Episcopatum Successione intelligi posse probavit, ubi suprâ *Valesius*. Inde contigit ut factus jam iniquior *Athanasio Constantius Frumentium* etiam sollicitârit ad deficiendum à fide *Athanasii*. Inde fortasse quòd Successor ejus *Theophilus Arianus* fuerit, & *Constantio* acceptissimus. Hunc itaque *Frumentium* ipsum Episcopum in Philostarg, prædicto Concilio Ordinavit *Athanasius*. Ex eo factas tradit in Indiâ Ecclesias, & Sacerdotium cœpisse, *Rufinus*. Ut proinde faciliè colligamus, neminem fuisse, ante *Frumentium*, in Indiâ, Sacerdotem, non equidem vulgarem, sed Episcopum. Habemus itaque Conventicula, Edificia, Ecclesias. Habemus in iisdem Orationis Officium. Habemus Orationum illarum causâ, etiam confluentem Populum. Nulla hîc Officii Sacerdotalis omni-

omnino mentio. Nulla *Ministro-  
rum* qui illud etiam *Orandi* munus  
publicum obiverint. Ne illud qui-  
dem, fuerint necne ( quod negat  
tamen *Grotius* ) in locis illis, sal-  
tem inter *Negotiatores*, secundi  
*Ordinis Sacerdotes*. Nec enim super-  
vacuum fecissent illi iter illud *Fru-  
mentii* ad *Athanasium*, tam propter  
*novas Ordinationes*, quàm propter  
*Succeſſionem* ; non certè pro illorum  
*Temporum* receptis opinionibus.

§. 3. Nihil itaque *Rufinus*, ex  
quo illud sequitur quod volunt  
*Adversarii*. Ut demus nullos in-  
ter *Negotiatores* fuisse *Sacerdotes*,  
nullum tamen legimus hìc Offici-  
um *Sacerdotale*. Nec enim *Orati-  
onis* Officium proprium erat *Sacer-  
dotum* Ecclesiasticorum. De alio  
certè quàm *Orationis* Officio *Rufi-  
num* non intellexit *Socrates*, qui  
*Græcâ* usus est *Rufini* *Versione*, &  
quidem eâ ad verbum ferè redditâ.  
Dixerat *Rufinus*, *Romano* ritu ad  
*Conventicula Populum*, *Orationis*  
causâ, confluisse., *Socrates* *ὁμι-  
λίας*

*Socrat. Hist.  
Eccles. L. I. c. 19.*

τῆς χειρὶν αὐτῶν ἐκτελεῖν εὐχάς. Quod  
*Rufinus* *Conventiculum* appellârat,  
 id *Socrates* εὐχτήριον, quasi Ora-  
 tionis duntaxat causâ, pro more  
*Proseucharum* *Judaicarum*, fuisset  
 constructum. Quas postea *Eccle-*  
*sias* *Rufinus*, ea rursus *Socrates*  
 εὐχτήρια. Addit deinde *Socrates*,  
 καὶ τινὰς τῶν Ἰουδαίων χρηματῶν, συ-  
 νέχεον ἀπὸ τῶν παρεκδόσεων. De  
*Missâ* itaque *Catechumenorum* intel-  
 lexit *Rufinum* *Socrates*, in quâ nul-  
 lum esse potuit Officium Sacerdo-  
 tale. Nefas enim erat, pro illo-  
 rum temporum Disciplinâ, Officiis  
*Sacerdotalibus* interesse *Catechume-*  
*nos*. Nec aliter *Sozomenus*: Ἐυχῆς  
 (inquit) ἐνεχεν συνίγειν εἰποιε, ap-  
 pellatque εὐχτηρίας οἰκας quas *Ru-*  
*finus* *Ecclesias*.

*Sozom. Hist.*  
*Eccles. L. 2. c. 24.*

§. 4. Sed *Theodoretum* potiùs *Rufi-*  
*ni* Interpretem audiendum putant  
*Adversarii* quàm paulò *Theodore-*  
*to* priores *Socratem* atque *Sozome-*  
*num*. Sic autem ille: καὶ τὸ Ῥω-  
 μάων ἔδωκε, συναγέροντες τε καὶ τὰς  
 δέας ὁπτιλεῖν ΛΕΙΤΟΥΡΓΙΑΣ

*Theod. Eccles.*  
*Hist. L. 1. c. 23*

πρὸς

θεωρετον. Siquem equidem ha-  
 buisset alium quàm *Rufinum* hujus  
 Historiæ Autorem *Theodoretus*, re-  
 ctè illum potuit ex alio interpre-  
 tari. Nunc cum alium non habue-  
 rit, potiùs è *Rufino* exponendus e-  
 rit *Theodoretus* quàm è *Theodoro*  
*Rufinus*. Proinde cum quam λει-  
 τυργίῳ *Theodoretus* eam nuncupet  
*Rufinus* *Orationem*, colligendum  
 potiùs non aliud utique quàm *O-*  
*rationem* λειτουργίας nomine intel-  
 ligere *Theodoretum*. Sed vocem  
 ΛΕΙΤΟΥΡΓΙΑΝ non aliam  
 putant significationem ferre quàm  
*Officiorum Sacerdotalium*. Esto hoc  
 interim demus. Non tamen animad-  
 vertunt *Metaphorarum* inepto usu  
 reprehensum esse à *Photio*, & qui-  
 dem in hoc ipso Opere, *Theodore-*  
*tum*. Μεταφοραῖς ὡς βέλως  
 ἐὼς περ ( inquit ) ἀπειροχάλως  
 ἐχρήσατο. Id vitium illi peperit  
 Elegantiæ nimia affectatio, ut res  
 usitatas nolit vocabulis usitatis de-  
 signare. Cum itaque sensu laxiori  
*Preces* omnes pro *Sacrificiis* haben-  
 dæ



dæ sunt; non esset utique quod miremur, si & voce *Sacrificiorum* propriâ illas designaret *Elegantiae* ἀπειροχάλου affectator, ut durior fuisset illa & minùs propria vocis significatio.

§. 5. Fateor equidem vocem illam plerumque esse ἱερατικὴν *He-sychius*: Λειτουργίας, ἱερατείας. *Suidas*: Λειτουργία, κατὰ τὸν μὲν ἱερατικὴν. Proinde Ordinarii Ecclesiæ *Ministri* omnes λειτουργοὶ appellati. Sic enim solebant *Episcopi*, ætate *Theodoretii*, Epistolas Collegis *Episcopis* missas συλλειτουργοῖς inscribere. De *secundi* Ordinis Clericis vocem eandem usurpant *Episcopi Aegyptii*. Sic enim λειτουργοὺς appellant *Presbyteros*, ut eâ ipsâ voce illos ab aliis Clericis apertissimè distinguant. Sic scribunt illi de *Athanasii* in sedem *Alexandrinam* institutione. Λειτουργοὶ δὲ ἐκ κληρικῶν πρῶτης ἑτάρας αὐτὸν ἐωράκασι, ὡς ἐυφρανθῆναι τὰς ψυχάς. &c. *Rufus* in causâ *Ischyre* cum *Presbyteros* antea exclusos dixissent, postea

*Epist. 5. ad Alexandrinæ ap. Athanas. Apolog. 2. de ag. p. 728. A.*

n n

hoc

ibid. p. 733. D.

ap. eund. ib.  
p. 750. A.

ib. p. 792. A.

Στ. I. 14.

hoc idem dicunt de λειτουργοῖς Καὶ  
 τὲς μὴ λειτουργοὺς ἐκάλουν παρεῖναι.  
 De iisdem Julius Episcopus Roma-  
 nus, Πρεσβύτεροι μὴ ἐκ ὀπιτρέπον-  
 ται παρεῖναι οἱ καὶ τῶ μυστηρίων  
 λειτουργοὶ τυγχάνοντες. De Ischyra  
 Presbyteri & Diaconi Mareotici:  
 Ἰσχυρας ἐδὲποτε λειτουργοὺς τῆς Ἐκ-  
 κλησίας γέγονεν. Ἀλλ' αὐτὸν μὴ  
 ὡς τότε ἐφῆμις καλεῖσθαι Πρεσ-  
 βύτερον. Inde fortasse factum ut  
 cum Presbyteri proprie λειτουργοὶ  
 haberentur, etiam Officium Pres-  
 byterii proprium, nimirum Eucha-  
 risticum, proprio suo quodam ju-  
 re λειτουργία appellaretur. Sed  
 maximè propria hujus vocis signi-  
 ficatio ea est quæ pro servitio. Nec  
 enim Suidæ assentior contrarium  
 assenti. Hesychius: λειτουργεῖν,  
 მოხმეო, διακονεῖν. Et Λειτουργὸς  
 ὑπηρέτης. Sic Angeli sunt λειτουργοὶ  
 καὶ ὑπηρετοὶ, non propter Sacri-  
 ficia, sed propter Ministerium quo  
 Deo servant. Sic θεοὶ λειτουργοὶ  
 Angeli apud Clementem Alexandri-  
 num. Proinde λειτουργείας & δια-  
 κονείας

χονίας idem habet pro Synonymis.  
 Sic rem Eleemosynariam, quæ pro- Strom. 6.p.294  
 priè erat Ecclesiastica *ἡ χονία*, *ἡ* 31.  
*χονίδα* τῆς λειτουργίας, 2 Cor. 9. 12. Strom. 3.p.197.  
 Et *Eraphreditum* qui *Philippen-*  
*sium* Eleemosynas ad se detule-  
 rat, λειτουργὸν τῆς χρείας appellat  
 Apostolus, *Phil.* 2. 25. Nec alii  
 proinde propriè λειτουργοὶ apud  
*Pseudo-Dionysium* quàm *Diaconi*,  
 qui harum vocum in re Sacrà  
 Technicarum erat peritissimus. Et  
 de *Leuità* ita *Philo* τὰς λειτουργί- Philo περὶ τῶν  
 αἰπάσας ἀναδέχεται, ὅσαι πρὸς ἱερουργίαν καὶ  
 ἱερουσίων ἀναφέρονται πλείον. καὶ Ἀβελ.  
 Et de *Actio* Hæretico *Diaconatus* gra-  
 du à *Leontio* multato *Theodoretus* : Theodor. Hist.  
 τῆς λειτουργίας ἔπαυσε τὸν Ἀέκον, Eccles. L. 2.  
 Respondetque accuratissimè hujus c. 24.  
 vocis usus primariæ ejus origini.  
 Quæ enim *Romani* Jurisconsulti  
*servitia* appellant ea λειτουργίας  
*Græci*, & immunitatem ab iis ἀλει-  
 τυργησίαν.

§. 6. Sic usurpant hanc vocem  
 Veteres de *singulis* Ordinis Sacri  
 n n 2 Offi-

Theodoret.  
Hist. Eccl.  
L. 1. c. 11.

Officiis, & tamen rursus promiscuè de omnibus. De Constantini M. in Clerum munificentia ita Theodoretus: καὶ ἐκείνῳ πόλιν χορηγεῖν παρεγλυῶν τὰς αἰ παρδένους ἐ χορηγίας, ἐ πῖς ἀφιερωμένοις τῇ θεῷ λειτουργία. Et ut omnes Ecclesiæ Officiarii λειτουργοὶ, sic etiam universa ejusdem Ecclesiæ publica Officia λειτουργία nominatæ, non unicum duntaxat illud Sacrificandi, ut existimant Adversarii. Vocis illius usus antiquissimus fuisse videtur in Hymnis illis quibus numen Sacrificaturi celebrabant. Ita certè Pollux, & quidem Autore Demosthene: ἐπὶ τῶν

Pollux Ono-  
μαστ. L. 3. c. 30

μουσικῶν ἰδίον, ὃ φησι Δημοσθένης, τὸ λειτουργεῖν τῷ θεῷ. Clemens Alex-

Clem. Al.  
Strom. 2. p. 71.

andrinus: μελῶν γάρ τοι καπαρότων, ἐ ῥυθμῶν χορῶν τῆς μέσης τῆς Καθικῆς, αἱ ποικίλαι φαρμακείαι, ἄφροθυμοι τὲς τέρας, ἀκολούθῳ ἐ κακοτέχνῳ μουσικῇ εἰς πᾶσι θεοῦ ὑποσέβουσαι τὸ κάμναι τέρας πλὴν λειτουργίαν δὲ πλὴν θεοῦ διαχωρίζον, ψάλλει τὸ πρῶτον, Αἰνεῖται αὐτὸν ἐν ᾗ ἡχοῦσα λ-

παλιν, &c. Cum *Musicae* la-  
 cinæ hanc opponit δεῖκλὼ λειτ-  
 γίᾳ, proinde & illam *Musicam* tu-  
 ille oportet, & quidem omnium  
 cujuscunque generis *Instrumentorum*  
 quibus usi sunt in illâ, quam dixi,  
*Hymnorum* decantatione. Enume-  
 rat ibi *Clemens* Instrumenta ea  
 quorum meminit *Psalmographus*,  
*Tubam*, *Psalterium*, *Citharam*, *Tym-*  
*panum*, *Organum*, *Cymbala*, tan-  
 quam hujus λειτργίας Instrumen-  
 ta. Sic & LXXII. Interpretes: 2<sup>a</sup> p. XXXI.  
 καὶ ἔταξεν Ἐζεκίας τὰς ἰσημερίας  
 τῶν Ἱερέων ἔ τῶν Λευιτῶν, ἔ τὰς  
 ἰσημερίας ἑκάστη καὶ πλὴν ἑαυτῆς  
 λειτργίαν, τοῖς Ἱερεῦσι ἔ τοῖς Λευί-  
 ταί, εἰς πλὴν ὀλοκαύτωσιν, ἔ εἰς πλὴν  
 θυσίαν τῆς σπερείου, ἔ αἰνεῖν, ἔ ἑξο-  
 μολογῆσαι, ἔ ΛΕΙΤΟΥΡΓΕΙΝ  
 ἐν ταῖς πύλαις ἐν ταῖς αὐλαῖς οἴκῳ  
 κυρίου. Quò minùs hanc λειτργί-  
 αν de *Sacrificiis* ipsis interprete-  
 mur, impediunt voces *Synonymæ*  
 hîc adjunctæ, Ἀινεῖν, Ἐξομολο-  
 γῆσαι impedit vox ipsa *Ebræa*  
 לָהַן quam hîc per ipsam illam vo-  
 cem

cem λειτουργῶν reddunt Seniores, quæ certè nisi de illis quos, dixi, *Hymnis* intelligi non potest. Quid quòd eandem illam vocem *Ebraam* alibi per voces, Ἀιγῆν, Ἐπαγῆν, Ἐγκωμιάζειν, Ψάλλειν. Ὑμνεῖν, χαρυσμνεῖν, Δοξαῖζειν, Ἐυδοξαῖζειν, Ἐυλογῶν, iidem reddunt Interpretes. Sic & vocem חַנְּנִיחַ quam sæpissimè reddunt per λειτουργοῦς: *Esr.* 8. 17. vertunt per ᾄδοντας, quasi verò *Cantores* illi pro λειτουργοῖς essent præcipuis habendi.

§. 7. Nec est quòd miremur vocem λειτουργῶν de *Hymnis*, proprio suo quodam jure, esse usurpandam. Erant enim illi Officiorum Publicorum formæ antiquissimæ. Præsertim si eos latissimè intelligamus pro omni genere *Carminum* Sacrorum, ut *Psalms* pariter *Odasque* complectuntur, ac *Hymnos* propriè sic dictos. Sic certè vocem accipiunt *Philo* & *Josephus* cum *Psalms* in universum alterutro nomine designant. Ut enim *Numinum Oracula*, non pedestri

destri Oratione, sed *metro* concep-  
 ta sunt, sic vicissim & *Preces* ho-  
 minum cujuscunque generis quæ  
 quidem publicè offerrentur, nun-  
 quam pedestri sermone, sed *versi-*  
*bus* conceptas legimus. Nec alias  
 habemus hodièque formas Officio-  
 rum publicorum vetustissimas. Ta-  
 les erant apud *Romanos* versus *Sa-*  
*liares*. Tale Seculare illud Car-  
 men *Horatii* in *Ludis Secularibus*  
 canendum. Nec dubito tales fu-  
 isse omnes quos habemus hodieque  
*Græcorum* Hymnos, *Orphei*, *Ho-*  
*meri*, *Callimachi*, *Dionysii*, & siqui  
 fortè alii. Semper enim inter Sa-  
 crificandum *Hymnum* subjungebant,  
 seu peracto potius Sacrificio. Ta-  
 les denique & *Psalmi*. Fuisse enim  
 illos Publicorum Officiorum for-  
 mas ipsi eorundem *Tituli* osten-  
 dunt apud *Judæos* antiquissimi.  
*Ebræos* enim *Titulos* intelligo, non  
*Græcorum* recentiores. Nempe sic  
*Panegyres* celebrabant vetustissimi,  
 non modò *Ethnici*, verumetiam  
*Judæi*. *Choreas* instituebant singu-  
 lorum

lorum Ordinum singulas, *Viri*, scilicet, *Fæminæ*, *Pueri*, & *Puellæ*, seorsim. Præibat in *Choreis* sui Ordinis primarius, quem propriè *Coryphæum* appellabant. Illi præcipienti *Chorus* deinde respondebat universus, similiter & ipse concinens. Sonabant interim & canentibus accinebant *Instrumenta*, quæ dixi, *Musica*. Cantui etiam addita *Saltatio*. Hoc certè modò vetustissimas quasque *Panegyres* celebratas legimus, tam *Sacrarum* *Literarum*, quàm etiam *Prophanarum*. Erant etiam & læsæ, & *Carmina lugubria*, cum suis *Instrumentis Musicis*, sed sine illis, quas dixi, *Choreis* saltantium. Hi cum *Romani Imperii* universi mores fuerint, proinde consentaneum est in mores transiisse *Christianorum*.

§. 8. Nec sane unquam legimus in *Precibus* *Christianorum Publicis*, ullas fuisse *Prosaicas*. Duo erant apud illos in *Synaxibus* *Sermonum* genera, aliud *docendi* causa, aliud *Orandi*. *Docendi* causa erant *Prophe-  
tiæ*,



*tiae*, tam *lectae* illæ quàm etiam *ser-*  
*mone* editæ. *Orandi* formæ quæ in  
 N. T. memorantur, vix aliæ sunt,  
 ut puto quàm *Metricæ*. *Hymnum*  
 dixisse cum Discipulis Dominum  
 legimus S. *Matth.* 16. 30. S. *Marc.*  
 14. 26. *Psalmi* 22. saltem aliquam  
 partem in cruce, *Matth.* 27. 46.  
*Marc.* 15. 34. *Paulus & Silas* eti-  
 am in carcere *ὁμοθυμαδὸν ᾄδοντες*.  
*Act.* 16. 25. *Hymnus* itaque illa fuit  
 Oratio, vix equidem in carcere ita  
 oraturis, ni, pro more Seculi ita fie-  
 ri solet quoties *plures* in unam  
*Orationem* consentirent. Sic etiam  
 1 *Cor.* 14. 15. *Orabo Spiritu, O-*  
*rabo & mente: Psallam Spiritu,*  
*Psallam & mente.* Et hîc quoque  
*Psalms* Oratio est. Nec aliud le-  
 gimus inter ea Synaxæcon Officia  
*Spiritualium* ibi recensita quin  
 possit eò referri. Rursus *Eph.* 5. 19.  
*loquentes vobismetipsis in Psalmis,*  
*Hymnis & Canticis Spiritualibus,*  
*cantantes & psallentes in cordibus*  
*vestris Domino.* Hîc recensentur  
 tres *Psalmodum* tituli, *Psalmodum,*  
 o o pro-

propriè sic dictorum, *Odorum, Hym-*  
*norum*, nulla certè cultûs Oratio  
*Prosaica*. Quòd si etiam in *Ora-*  
*tione mentali iavtois* *Metricè* lo-  
 qui oportebat, & *psallere in cor-*  
*dibus*; nihil est certè quòd dubi-  
 temus quin in *Oratione publicâ* eti-  
 am voce *cecinerint*. Convenit ad  
 amussim locus, Col. 3. 16. *Verbum*  
*Christi habitet in vobis abundanter,*  
*in omni sapientiâ docentes & com-*  
*monentes vosmetipsos in Psalmis,*  
*Hymnis & Canticis Spiritualibus,*  
*in gratiâ cantantes in cordibus ve-*  
*stris Deo.* Ecclesiæ mores repræ-  
 sentant Visiones *Apocalypticae*. Pro-  
 inde & in *cælis* canitur *Canticum*  
*novum*, Apoc. 5. 9. 14. 3. (cujus  
 meminit sæpissimè *Psalter*) *Canti-*  
*cum Moysis servi Dei & Canticum*  
*Agni*, cap. 15. 3. Similiter & S. Ja-  
 cobus 5. 13. *Tristatur autem ali-*  
*quis vestrum? Oret æquo animo?*  
*& Psallat.* Gratiarum Actio hîc  
*metrica* est. Proinde & *Orationes*  
 tales fuisse consentaneum est. Περ-  
 σιζῶν certè *Titulum* retinent ho-  
 dieque

dieque *Psalmi* 17. 86. 90, 102.  
nec illi modò à *Græcorum* recentio-  
ribus Interpolationibus, sed pro  
mente Codicis *Ebræi*.

§. 9. Nec putò hoc Viros Doctos  
ægrè concessuros, pro illâ saltem  
Temporis periodo quâ Synaxeon  
Officia à *Prophetis* administrata  
ostendimus. Id enim erat vel præ- Hammond. in  
cipuum *Prophetæ* Officium, ut Me- Luc. 1. 67.  
trica illa *Cantica* dictaret atque  
cantaret. Id verò dubitabant num  
postea sit factum cum eadem illa  
Officia subjecta essent *Rectoribus*  
*Ecclesiæ Ordinariis*. Ego etiam  
deinceps factum existimo. Pri-  
mos enim Rectores *donis* Extraor-  
dinariis præditos fuisse ostendi-  
mus, ut proinde quo Spiritûs af-  
flatu *Hymnos* poterant componere  
*Prophetæ* non *Clerici*, eodem possent  
& illi qui in *Ordinem* fuissent alle-  
cti. Et quidem in Ordinariis Eccle-  
siæ Rectoribus hæc *dona* tamdiu du-  
râsse verisimile est, quamdiu erant  
*Ordinaria*. Cum paulatim defice-  
rent, tum *Hymnos* edebant, non

ut antea Divino afflatu & pro re natâ, sed datâ operâ & ingenio humano; vel etiam *Hymnos* adhibebant *Prophetarum* decessorum, seu *Davidicos*, seu alios illos è veteri & Novo Testamento desumptos, quos locum constat habuisse in antiquissimis Ecclesiæ Officiis, aut etiam eorum qui eâ vixissent ætate quâ nondum ea dona defecerant. *Essenorum* (quorum mores quamplurimi in *Christianos* descenderunt) *Preces* alias nullas legimus quàm *Metricas*, & quidem omni *Metri* genere accuratissimè conceptas. Proximum ab ætate *Apostolorum*, de cultu *Christianorum* Testem habemus *Plinium* juniorem, qui cum de summâ *Christiani*, quem appellat, *erroris* indagavisset, alias tamen *preces Christianorum* nullas reperit præterquam *Carmen Christo quasi Deo* nuncupatum. Haud aliter Autor *Philopatridis* quem ego *Trajano* longe recentiore existimo, & ipso fortasse *Luciano*. Is etiam decantatos memorat à *Christianis*

Phil. de vit.  
Cont. p.

Lib. 10. Ep. 97

Philopatrid.

*stianis Hymnos*, & quidem totâ nocte, nequas alias illis preces, saltem nocturnas fuisse suspicemur. Sequitur *Justinus Martyr* Ille quas εὐχαῖς antea & εὐχαριστίας appellaverât, postea πομπαῖς (respicit nimirum *Sacrificiorum* Ethnicorum coronatorum solennem deductionem) & *Hymnos* appellat, ut & ea etiam *Officia Metricè* concepta intelligamus. Jam vidimus ut *Psalms* memoret *Clemens Alexandrinus*, eosque λειτουργίας ipso nomine insigniat. Multa ille etiam de *Canticis Christianorum* in initio *Protreptici*. Sic autem *Strom.* 7. Ἄπας ὁ βίβλ. (veri *Gnostici*) πανήγυρις ἁγία. Ἀνέχεσθαι δύσκει μὲν αὐτῶν, εὐχαὶ τε ἐπὶ αἰοί, ἐπὶ αἰσὶν ποθὲν ἐσιτάσσουσιν ἐν πύξιν τῶν ῥαφῶν, Ψαλμοὶ δὲ ἐπὶ ὕμνοις ὡς πᾶσι ἐσιτάσσουσιν, ποθὲν τῶν καὶ τῶν ἀλλὰ ἐν νύκτωρ εὐχαὶ πάλιν. Porro *Psalmerum* & *Odarum* in *Christum* ἀπαρχῆς ἡμετέρας ῥαφείων meminit *Anonymus Scriptor* vetustissimus sub *Zephyrino*; inter illos *Psalms* nonnullos

*Ap. Euseb. Eccl. Hist.* 5. c. 28.

Dionys. *Al. ap.*  
Euseb. *Eccl.*  
*Hist.* 7. 24.

Tertul. *Apol.*  
c. 39. ad *Ux-*  
*or.* L. 11. c. 6.  
9. *Exhort. Cast.*  
c. 10.

Cypr. *Ep.* 11.  
*Synod. Anti-*  
*och. ap. Euseb.*  
*Hist. Eccl.* 7. 30  
*Quest. ad Orth.*  
CVII.

Athanas. *Ap. i.*  
p. 717. *A.*  
*Syn. Laod. can.*  
*penult.*  
Basil. *Reg. sus.*  
*Disp. interrog.*  
37. *Ep.* 63.  
*Hom. in Psalm.*  
50.

Hieronym. *Ep.*  
4. 7. 17. 48. in *Ep.*  
ad *Ephes.* 5.  
Ambros. *Ep.* 14.  
in *Luc.* c. 16.

Epiphan. *Ex-*  
*pos. fid. ad fin.*  
*Panarii n.* 23.  
Augustin. *Con-*  
*fess.* 9. 6. 10. 33.  
*Ep.* 119. c. 18.  
Socrat. *Eccl.*  
*Hist.* 6. 8.

los edidisse *Nepotem* primæ ab A-  
postolis *Agdoxns* Virum Autorem  
habemus magnum *Dionysium Alex-*  
*andrinum*. Et habemus hodieque  
duos à *Clemente*, alterum antea  
editum ad finem *Clementis*, alte-  
terum nuper à studiosissimo Reip.  
*Literariæ Patre Oxoniensi*. Quid  
plura ? Meminit earundem Canti-  
onum *Tertullianus*, *Cyprianus*, *Sy-*  
*nodus Antiochena* adversus *Samo-*  
*satenum*, Autor Anonymus sub no-  
mine *S. Justini Martyris Quarti* ut  
existimo Seculi initio. In *Quæstioni-*  
*bus ad Orthodoxos*, *Athanasius*, *Sy-*  
*nodus Laodicensis*, *Basilius Magnus*,  
*Hieronymus*, *Ambrosius*, *Epiphani-*  
*us*, *Augustinus*, *Socrates Histori-*  
*cus*. Sic eorum usum deduximus  
ad tempora *Theodoreti*, qui tamen  
justo Seculo junior erat *Frumentio*.  
§. 10. Ita certè vices *Orandi*  
omnes occupabat *Cantio*, in primis  
præsertim Ecclesiæ Originibus, ut  
vix aliæ locum habere possent *Pre-*  
*ces*, præterquam cantatitiæ. *Can-*  
*tabant in Nocturnis Pervigiliis*,  
*Canta-*

*Cantabant Matutinas & Vespertinas. Habemus hodieque formas Hymnorum vetustissimas Matutinas & Vespertinas in MS. Alexandrino. Nec alias fane habemus Ecclesiæ formas antiquissimas. Habemus Cathemerina Prudentii, Odas Nazianzeni, Psalmos Apollinarii, Hymnos Synesii, quorum tamen quatuor priores ab eo nondum Christiano Scriptos existimo. Habemus etiam de usu Psalmorum Athanasii Epistolam ad Marcellinum cum Bibliis compingi solitam. Erant enim in omnium usu Psalmi Davidici, & quæ illis in MSS. Bibliorum Codicibus adjungi solebant, Cantica Moyfis, Annæ, Habbaccuci, Zachariæ, Beatæ Virginis, & similia; & aliorum quoque ubi visum esset, privatorum etiam hominum. Cantabant enim in Ecclesiis; Cantabant in domesticis conviviiis; Cantabant in familiis Maritus & Uxor, & reliqui communis mensæ participes; Cantabant in suis Spiritualibus Exercitiis Monachi, & in suo quisquis opere*

opere *Operarii*. Inde factum puto quòd nullas habeamus Ecclesiæ Primævæ *Liturgicas* formas admodum antiquas. Recentiores enim erant *Prosaicæ* Preces & gradatim in Ecclesiam introductæ. Non quòd *formas* omnes respuebant Primævi illi *Christiani* (nec enim illas respuebant *Judæi* in Officiis Publicis, etiam cum *Prophetas* haberent, nec sane aliter conilare poterant *Respondentium* *Concinentiumque* vices si pro re natâ omnes fuissent editæ) sed quòd receptis uterentur *Judæorum Hymnis*, aliisque à *Prophetis* seu aliis deinde *primarii* nominis *viris*, conditis, quos quidem nos pro publicorum Officiorum *formis* hætenùs non habuerimus. Nec modò in Officiis Ecclesiæ *Ordinariis*, verumetiam in *Sacerdotalibus* horum *Hymnorum* usum obtinuisse crediderim. Certè post administratam *Eucharistiam*, quemadmodum mos erat post *Sacrificia*, *Hymnum* à Domino cum suis decantatum narrant Evangelistæ. Erant enim apud *Judæos*, è Libro suo *Sacrificio Psalmorum*





S. Aug. Conf.

*recitantium.* Gradum fecit primum fortasse *Athanasius* qui ita legi Psalmos iussit, ut ad *recitationem* propius quam ad *Cantilenam* accederent. Inde *Officia Prosaica* admixta, ut in hanc devenerint tandem quam videmus formam.

§. II. Antiquissima tamen omnium quæ habemus *Officia*, *Officiorum* sunt duntaxat *Sacerdotalium*, præcipuè *Sacramentorum*. Quotidianorum *Officiorum* formas, in *Pervigiliis*, in *Matutinis*, in *Horis*, in *Vespertinis*, in *Lucernariis*, habemus adhuc longè recentiores. In promptu ratio est. Hæc enim *Officia* quia erant *Iaicorum*, eorum proinde arbitrio permissa sunt, ut quos vellent *Psalmos* à se etiam in loco sancto cantandos, ipsi, nullâ præscriptâ formâ, pro re natâ deligerent, ni aliud intervenisset publicum Ecclesiæ *Officium*. Nec enim Ordinaria illa *Officia* per publicos Ecclesiæ Ministros, ut nunc mos est, peragi solebant. Conveniebant autem, ut  
tulit

rulit impetus, in Ecclesiam, *Laici* quicunque, etiam *Catechumeni*, & quem visum esset, *Hymnum* illum canebant. Id certè discimus ex Augustino: *Quando autem* ( inquit ) *non est tempus, cum in Ecclesia Fratres congregantur, sancta Cantandi, nisi cum legitur aut disputatur, aut Antistes clarâ voce deprecatur, aut communis Oratio voce Diaconi indicitur ?* Ergo & in Ecclesiam conveniebant, nec aliud ullum cultûs *Officium* exercebant præterquam *Cantandi*; nec enim *Lectio* ad cultum referenda, aut *Disputatio*; nec verò *deprecatio* ad *Canentes* referenda, sed indicenda ad *Diaconum*, peragenda ad *Antistitem*. Inde intelligimus usum vocis *Oremus* in *Liturgiis* attributæ *Diacono*. Monebatur scilicet *Populus* à *Diacono* qui ἱεργὸς ἄρχων & vicem repræsentabat, ut à privatis *Psalmodiis* absisterent, & *communi* illi, quam appellat, omnium *Orationi* attenderent. Aliter, etiam *præsente* Episcopo, & *precibus* eri-

Aug. Ep. 119.  
ad Jan. c. 18.

am *privatis* incumbente, pergebant nihilominus illi, ni aut *indictam* à *Diacono* *Orationem*, aut *clara voce deprecantem* ipsi audiissent. *Canebant* autem aut in medias partes divisi invicem *succinentes*, aut alio *præeunte*, pro *Chori* hodierni more, *respondentes*. Ita certè fecisse *Ægyptios*, *Libyam* utramque ( tam *Pentapolitanam* scilicet, quàm *Libyam* propriè sic dictam) *Thebæos*, *Palæstinos*, *Arabes*, *Phænices*, *Syros*, & qui ad *Euphratem* habitant, immo omnes, apud quos *vigiliæ*, ac *preces*, communesque *Psalmodiæ* in pretio fuerint, testis est *Basilus*. Quarum certè *Regionum* mores *Fruventium* non poterant, ejusque *Mercatores*, earum proculdubio *Regionum* *Mercatores Romanos*, latere.

§. 12. Utque non latuerint, nihil impediēbat quò minùs imitentur. Nec enim *Psalmodia* illa erat *Officium Sacerdotale*. Tantum aberat ut pro tali officio haberetur ut ne quidem in *Ecclesiâ* munus

munus illud obierint *Sacerdotes*. Jam vidimus *Laicos* in *Ecclesiâ* cecinisse *privatas* nempe *Preces*. Et quoties *communis* illa, de quâ loquitur *Augustinus*, *Oratio* offerretur quæ ab *omnibus* omniumque *Ordinum* *Personis* erat offerenda, missis nimirum *Precibus* *privatis*, *Psalmodiam* in eâ similiter *communem* non obibant iidem qui antea *Laici*, sed in *publico* *Ministerio* constituti, similiter tamen & ipsi *Lai-ci*. Nec enim *Sacerdotibus* accensebantur *Ecclesiæ* *Lectores* atque *Cantores*. Tantum inquam hoc aberat, ut cecinerint publicè *Mulieres*, in cœtibus nempe *Mulierum*, vel in proprio saltem *Choro*. Ita coram *Juliano*, in *Translatione* *Babylæ*, concinebant *Psalum* *Viri* pariter ac *Mulieres*, *Juvenes* atque *Virgines*. Quid vetat igitur quominus *Indorum* *Æxumitarum* hanc *λεῖψυρίδρ* non de aliquo *Officio* *Sacerdotali*, sed de hâc *Psalmodiâ*, intelligamus, præsertim cum & illud etiam probaverimus rectè

*λεῖψυρίας*

Socrat. 3. 18.

Sozomen.

5. 19. Theodoret. 3. 12.

λειτουργίας nomine insigniri posse.  
 Sed ubinam (inquires) eo illam  
 nomine insignit ipse *Theodoretus*?  
 En tibi locum, & quidem manife-  
 stissimum. Fovebat *Leontius* Epi-  
 scopus *Antiochenus* Semi-Arianus  
*Actium* hæreticum. Propterea dis-  
 cedunt ab ejus Communione *Flavi-*  
*anus* & *Diodorus*, ἱερακὺς μὴ λει-  
 τουργίας μηδέ πω πετυχησῆς, τῷ δὲ  
 λαῷ συνπαγμήσοι, inquit *Theodo-*  
*retus*, ut proinde illos *Laicos* fuisse  
 certissimum sit. Hi primi *Psallenti-*  
*um* choros duas in partes diviserunt,  
 & *Davidicos Hymnos* alternis canere  
 docuerunt. Quid hinc *Leontius*? Eo  
 novo artificio plurimos pietate in-  
 signes viros pelliciebant à partibus  
*Leontii*, ex *Ecclesiâ* nimirum in *Basi-*  
*licas Martyrum*, in quibus illi per-  
 noctare solebant, Deum *Hymnis*  
 celebrantes. Quid hinc *Leontius*?  
 Prohibere ausus non est, sed blan-  
 dis in speciem sermonibus hortatus  
 est ne id Ministerium alibi quàm  
 in *Ecclesiis* obirent, ἐν ταῖς Ἐκ-  
 κλησίαις πάντως γίνεσθαι παρ' αὐτῶν  
 τὴν

Theodoret.

L. 2. Hist. Eccl.

cap. 24.

τὴν λειτουργίαν ἡξίου. Sic *Theodore-*  
*tus*. Ergo *Theodoreto* *Psalmodia*  
 est λειτουργία, talis tamen λειτουργία  
 quæ convenire possit hominibus  
 ἱερατικῆς λειτουργίας μὴ πω πετυχη-  
 ῶσιν, quæque ab iisdem posset in  
*Ecclesiis* obiri. Notavit certè an-  
 te nos *Valesius*, laxiorem esse apud  
*Theodoretum* hujus vocis significa-  
 tionem. Et ne *Psalmi* illi qui eti-  
 am *Preces* erant *Liturgiæ* nomine  
 putemus excludi, memorat etiam  
*Concilium Laodicænum* λειτουργίαν  
 ὁχλῆς, & quidem verbis disertissi-  
 mis: Περι τῆς τῶν αὐτῶν ΛΕΙ-  
 ΤΟΥΡΓΙΑΝ τῶν ΕΥΧΩΝ  
 πάντοτε, ἢ ὅν τῆς ἐννάτης ἢ ἐν τῆς  
 ἑσπέραις ὀφείλειν γίνεσθαι. Has *Pre-*  
*ces* quotidianas probabile est in *Ec-*  
*clesiis* suis cum *Indis Mercatoribus*-  
 que dixisse *Frumentium*, in quibus,  
 pro *Romano* etiam ritu, nulla erat  
 opera *Sacerdotalis*. De hac ita-  
 que *Liturgiâ* si illum interprete-  
 mur, jam cum *Rufino*, *Socrate*,  
*Sozomeno* accuratissimè conveniet  
 ipse quoque *Theodoretus*.

Valef. Not. ad  
 L. II. c. 27.

Concil. Laodice-  
 cen. Can. 18.

§. 13. Dixi præterea vulgarium Ecclesiæ cœtuum aliud fuisse Officium, *docendi* nimirum causâ illud, idque ipsum rursus duplex, *legendi* Scripturas & *concionandi*. Rectè poterant etiam hæc λειτουργίας nomine generali designari. Scripturæ vocem *Ebraicam* תורה nunc νόμον, νόμους, ἐπιτολήν, πρόταγμα, διαταγὰς reduunt Seniores, nunc ἐξάγγελον, λόγον ut nimirum tam *Legem* scriptam, quàm etiam *ore* traditam explicatamque denoter. Idem illam etiam per λειτουργίαν. Sic enim 2 Par. 31. 4. de Ezechia: *Præcepit Populo habitantium Hierusalem ut darent partes Sacerdotibus & Levitis, ut possent vacare legi Domini* תתן תורה לכהן לשרת *ὅπως χαρίζωσιν ἐν τῇ λειτουργίᾳ οἰκὸς κυρίου*, Græci inquiunt Interpretes. Tantundem ergo valent apud illos *Lex Domini* & λειτουργία οἰκὸς κυρίου. *Lectorum* autem munus non fuisse *Sacerdotale* constat, ne quidem in *solennibus* Ecclesiæ Officiis. Nec fuit etiam illud *Sacerdo-*



*cerdotale Doctorum.* Permissum certe hoc erat *Origeni* ut publice in Ecclesiâ disserteret, *Scripturasque* interpretaretur, præsentem etiam *Episcopo*. Cumque hoc ipsum *Theoctisto* Episcopo *Cæsariensi* & *Alexandro Hierosolymitano* exprobraret *Demetrius* Episcopus *Alexandrinus*, nunquam antea auditum, necdum factum, ut *Præsentibus Episcopis Laici* concionarentur, refellit *Demetrium Alexander* prolatis in medium aliquot exemplis, *Euelpidis* in *Larandis*, in *Iconio Paulini*, in *Synnadis Theodori*. Idque etiam alibi ( inquit ) fieri credibile est, quamvis nos ignoremus. Disputatur utrinque de consuetudine duntaxat, non de Jure aliquo *Sacerdotali* Officii quod impediret quo minus hoc *Laicis* liceret, permittente nimirum *Episcopo*. Quod verò attinet ad munus docendi *Catechumenos*, ubi non interfuisset *Episcopus*, illud eidem *Origeni* concesserat ipse *Demetrius*, ut proinde de eo ne quidem fuerit disputatum,

Euseb. hist.  
Eccles. L. 6. c. 19.

tum, quin rectè possit in *Laicum* convenire. Atqui hoc ipsum satis erat *Frumentio* nostro *Romanisque Mercatoribus*. Non *Fidelium Doctoratum* obibant ( quod fuisset fortasse gravius ) sed duntaxat *Catechumenorum*, credentium nimirum *Axumitarum*. Non ergo impedit vox illa *λαϊτουργία* quo minùs & Orare possent, & *Catechumenos Æthiops* in fide Christianâ erudire, nec tamen obierint munus aliquod *Sacerdotale* verè proprièque sic dictum.

Cont. Vind.  
D. Stillingfl.  
c. 5. p. 357, 358

§. 14. Id verò aliunde colligit Amicus noster *Anonymus*, è verbis illis, quod dicantur more *Romano* illas *λαϊτουργίας* celebrâsse; *Romanis* enim *λαϊτουργίαν* cum *Eucharistiæ* administratione fuisse conjunctam. Ego ex eisdem verbis contrarium elicio. Quas enim dixi *λαϊτουργίας* concedebant *Laicis*, ut jam vilum est, mores etiam *Romani*, præsertim in necessitate constitutis; non item *Potestatem* concedebant obcundi *Sacra Eucharistica*, aut cujus-

cun-

cunque generis *Officium Sacerdotale*. Ut proinde si *Romano* more *ἁγουργίαν* celebrârint *Laici*, id fecisse illos duntaxat necessarium fuerit quod *Laicis* fuerit, pro *Romanorum* more, permixtum; ab eo abstinuisset quod fuisset illis, pro eorundem more, interdictum. *Romano* more, id est, *Christianorum Imperii Romani*, ut opponuntur *Barbaris*, non autem *Ecclesiæ Romanæ* propriè sic dictæ, ut aliis *Romani* Imperii opponitur *Ecclesiis*. Sic enim vertit *Socrates*. Quas appellaverat *Rufinus* *Romano* ritu *Orationes*, easdem *Socrates* *χριστιανικὰς εὐχὰς*, quod scilicet rarus esset extra *Romanum* Imperium *Christianismus*. Nec aliud certè voluit *Rufinus* cum *Romanos* illos *Mercatores* nuncupat, quàm quòd *Imperii* essent *Romani*. Longiùs enim aberat ab illis *Imperii Romani* terminis ipsa *Roma* quàm ut cum eâ illos quippiam commune habuisse verisimile sit. Quid verò permiserint, in id genus *Causis*

qq 2

sis mores *Romani*, ex aliâ constat  
 Controversiâ quæ eâ ipsâ ætate, il-  
 lisque ipsis Imperii partibus oborta  
 est quibus vixit gessitque hæc *Fru-*  
*mentius*. In ipsâ *Tyro Frumentii*  
 patriâ coactum est Concilium ad-  
 versus *Athanasium* ejusdem sym-  
 mystam atque Patronum, à *Semi-*  
*Arrianis*. Hic cusa est inter alias  
 mendaciissimas calumnias & illa  
 quoque in *Athanasium*, celebratam  
 fuisse in *Mareote*, ab *Ischyra* quo-  
 dam *Meletiano*, quem volebant illi,  
*Presbytero Eucharistiam* celebra-  
 ri supervenisse seu *Macarium* Pres-  
 byterum *Athanasianum*, seu ipsum  
 etiam *Athanasium*, & ab eorum al-  
 tero fractum esse sacrum *calicem*  
 in quo celebrârit *Ischyra*. Hæc  
 cum falsa esse constaret aliis idoneis  
 ipsius loci Testimoniis, ita præterea  
 refellunt *Athanasiani* ut ostendant  
 ne quidem fuisse *verisimilia*. Nec e-  
 nim *Presbyterum* fuisse *Ischyram*;  
 nec *Ecclesiæ* curam habuisse; & in-  
 terfuisse, ipsis *Arianis* fatentibus,  
 eodem illo tempore quo hæc gesta  
 fereban-

ferebantur, *Catechumenos* : nec ge-  
 fla etiam eo tempore quo sole-  
 rent haberi, pro illius *Ecclesiæ*  
 more, *Synaxes*. Ita fuisse testa-  
 bantur Presbyteri & Diaconi *Mare-*  
*ctici*, Epistolis duabus, alterâ ad Sy-  
 nodum Tyri, congregatam, alteram  
 ad *Philagrium Ægypti* Præfectum.  
 Inde ita argumentatur ipse *Atha-*  
*nasius* : ἐκ τῶν ἐκ τοῦ θεοσφορὰ εἰ Κα-  
 τηχίμωροι ἐνδον ἦσαν. Ita Synodus  
*Alexandrina* : Καὶ γὰρ ὁ πᾶσι ἡ-  
 χεῖν ἐν ᾧ κεκληῖται τὸ ποτήριον  
 φησιν, ἐκ τοῦ ἐκκλησίας, θεοσβύτε-  
 ρος ἐκ τοῦ ὁ τὴν πόσιν παροικῶν, ἡ-  
 μέρα καὶ τοῦ Μακρίου τῆς τοῦ πέ-  
 ποιηκέναι φασίν, ἐκ τοῦ κυριακῆ.  
 Μήτε τοίνυν Ἐκκλησίας ἔσθαι ἐκεί, μήτε  
 τῷ ἱερουργῶντος. μήτε τῆς ἡμέρας ἀπαγ-  
 γέσθαι, ποῖον ἢ ποτε, ἢ πᾶσι τὸ ποτήριον  
 κέχλασαι μυστήν; Rursus: Μηδὲν  
 τοῦ ὅλως ἐκεί. πῶς γὰρ; ὅπου μήτε  
 τὸ πᾶσι κυριακῆς. μήτε τις ἐκεί τῆς  
 Ἐκκλησίας, ἀλλὰ μήτε ὁ καθεὶς Ἐκ-  
 κλησιῶν τοῦ. Tantum enim aberat  
 ut sacro calice uti possent *Laici* ut  
 ne quidem habere solerent. Sic  
 enim

*Ep. ad Synod.*  
*ap. Athanas. Ap.*  
 11. p. 792.

*Ad Philagr. ap.*  
*eund. p. 794.*  
*Athanas. p. 800*

*Synod. Al. ap.*  
*eund. p. 731.*

*Ibid. p. 732.*

Ibid.

enim illi : πῶς ἐν ἰδιώτης ἀνδρωπεύει,  
 ἔχειν οἰκίαν οἰκῶν ἰουδαϊκὸν, ποτὲρον  
 ἔχειν μουσικὸν πνεύματι; Ita *Julius*  
*Episcopus Romanus* : Πῶς οἱ-  
 ὄντε ὡς περὶ φορὰν περὶ αἵματι ἐνδο-  
 ὦντων ἡμῶν χατηχυμῶν; Ita *Synodus*  
*Sardicensis*, ὡς ἀπὸ τούτου φαίνεται,  
 μηδὲλως γρηγοῦναι τι πῶν μουσικῶν,  
 ὅτι τὸ τὸς χατηχυμῶν ἐνδοῦν εἶναι.  
 Hinc itaque discimus quinam fue-  
 rint, de quibus loquitur *Theodore-*  
*tus*, mores illi *Romani*.

Ap. *encl.* p. 747  
 Ibid. p. 764. C  
 ap. *Theod.*  
*Hist. Eccl.* 2. 8.

§. 15. Discimus imprimis, non in  
*omnibus Ecclesiæ cœtibus* locum ha-  
 buisse *Eucharistiam*, sed duntaxat  
 in *Synaxibus* propriè sic dictis, quæ  
 & ipsæ haberentur duntaxat heb-  
 domadatim, diebus nempe *Domi-*  
*nicis*, quod certè convenit cum  
*Justino* Martyre accuratissimè. E-  
 rat autem hoc proprium fere *Alex-*  
*andrinorum, Romanorumque*, ut pro-  
 inde rectè possit in causâ *Ischyrae*  
 rectè urgeri qui in *Mareote* agebat,  
 in *Dioecesi* nimirum *Alexandrinâ*,  
 Vicini tamen *Alexandrinis Ægyp-*  
*tii & Thebaidis incolæ*, in *Sab-*  
*batis*

*Apol.* 2.  
*Socrat. Hist.*  
*Eccl.* L. 5. c. 22.  
*Sozomen.* 7. 19

*batis* quidem celebrabant *Synaxes*.

*Eucharistiam* tamen non præcipiebant nisi pransi & sub *vesperam*. In

aliis plerisque locis, *binas* celebrabant *Synaxes* hebdomadatim, & quidem illas cum *Eucharistiæ* perceptione conjunctas. Inde Officia

*εὐχαριστίας* cum quis vellet eo die communicare quo *consecrari* *Eucharistia* non soleret. Porro solennes habebant *Alexandrini* *Synaxes* *quartâ* quâque feriâ & *Parascene*, nec tamen *Eucharistiam*. Ita

Socrat. 5. 22.  
6. 8. Soz. 7. 19

factum ut in *quotidianis* Precibus nullum prorsus fuerit Officium *Sacerdotale*, nec proinde necessarij fuerint *Sacerdotes* præterquam in diebus *Festis* & Solennitatibus *Eucharisticis*. Officia enim *quotidiana* cantabant, ut vidimus, etiam in *Ecclesiâ* ipsi *Laici*, seu interesset, seu etiam nullus interesset è *Clericis*. Sed & *Publicos* *Ecclesiæ* *Cantores* *Lectoresque* *Laicos* habebant omnes, sed *fideles*; id proprium fuit *Alexandrinorum* quod admitterent etiam *Catechumenos*. *Baptis-*

Socrat. & Soz.  
ibid.

*mum*

*mum* rarò, nisi in præcipuis *Anni Fests*, administrabant. Proinde nulla est Sequela ex eo quod *Romano more* Cætus Ecclesiasticos habuerint *Mercatores* atque *Fruementius*; habuisse utique *Officia Sacerdotalia*. Id potius sequitur, si *more Romanorum Christianorum* vulgari habuerint, proinde nulla habuisse. Et præsumendum est de *vulgari* more intelligendum esse *Rufinum*, cum qualis fuerit è multis moribus mos ille de quo loquitur, non designarit accuratiùs.

§. 16. Discimus 2. pro *Romanorum* more, recte colligi nullam fuisse Eucharistiam ubi adessent *Catechumeni*. Et tamen *propriam* sibi *Missam* habebant *Catechumeni*. Non est itaque ut ex *Officiis Romano* more celebratis mox concludamus fuisse *Eucharistica*. Poterant enim esse *Catechumenorum* *Officia*, non *Fidelium*. Id quod hec in loco est sane verisimillimum. Eo enim consilio instituta hæc *Officia* sunt, ut *Indi* converterentur. Proinde



inde & *Lectiorem* & *Conciones* tales fuisse consentaneum est quales erant apud *Alexandrinis* illæ *Catechumenorum*. Atqui apud illos *Fidelium* *Doctores* erant plerunque *Presbyteri*, *Doctores Catechumenorum* poterant esse *Laici*, qualis fuerat apud *Alexandrinis* *Origenes*. Id quoque *Alexandriæ* observatum ut ne quidem in *Ecclesiâ* crudirentur *Catechumeni*. Id enim exprobrat *Demetrins Alexandro* atque *Theodistio*, quod in *Ecclesiâ* docuerit *Laicus Origenes*. Proinde *Institutio* ejus illa *Catechumenorum Alexandrina* non fuit tamen in *Ecclesiâ*. Ita, pro more *Romano*, ne quidem *Ecclesiæ* dignitatem assequerantur *Conventicula* in quibus instituebantur *Catechumeni*. Sed & *Officiis* illis interfuisse probabile est *Indorum* illos *Catechumenos*, quorum præcipuè causâ instituta sunt. Quod enim ad *Fideles* atque nebat, ipsos nempe *Mercatores*, illi jam initiati erant, & extra periculum constituti: & si antea non

molestè tulerint quòd *Sacramentis Sacerdotibusque* caruerint, non erat quòd molestè ferrent, dum con-  
 versis *Indorum* Ecclesiis præficere-  
 tur *Episcopus*. *Indorum* ergo cau-  
 sâ ea necessaria existimabant *Officia*,  
 ut proinde exclusos ab iisdem *In-*  
*dorum Catechumenos* non sit omni-  
 no verisimile. Quòd si *interfue-*  
*rint*, jam sane, pro prædicto *Ro-*  
*manorum* ratiocinio à suis *moribus*  
 deducto, nulla esse potuit *Eucha-*  
*ristia*.

§. 17. Discimus 3. pro eorundem  
*Romanorum* more, *Sacra Eucharis-*  
*tica* alibi haberi non potuisse nisi  
 in *Ecclesiis*. Sic enim argumen-  
 tantur, quia Pagus quo agebat *Is-*  
*chyra* ne quidem propriam haberet  
*Ecclesiam*, sed alterius Pagi Eccle-  
 siæ fuisset; proinde colligunt incre-  
 dibile videri celebratam eo quo fe-  
 rebatur loco, ab *Ischyra* fuisse *Eu-*  
*charistiam*. Non negant interim in  
 eo ipso Pago fundi potuisse *Preces*,  
 & *Precibus* fundendis destinata esse  
 potuisse *Oratoria*. *Ecclesiam* ita-  
 que

que intelligunt, proprio Legum  
*Romanarum* sensu, pro loco legiti-  
 mē consecrato. Utque aliis in locis  
 fundi potuissent *Preces*, propriam  
 tamen faciunt id genus *Ecclesiarum*  
*Eucharistiam*. Sic enim accusatus  
 est eo nomine *Athanasius* quod  
*Synaxin* celebrasset, etiam necessi-  
 tate cogente, in novā *Constantii Ec-*  
*clesiā* nondum Consecratā. Quan-  
 quam enim *Synaxin* illam *συνάξις*  
*εὐχῆς* appellet, ut distinguat ab  
*Encæniis*; certum est tamen fuisse  
 cum *Eucharistiā*. Id enim postu-  
 labat Solennitas ipsa *Paschalis*, quā  
 singulis erat communicandum, nec  
 ut antea, in suis cuique Ecclesiis  
*Parochialibus*, sed ubi ipse adesset  
*Episcopus*. Id postulabat quod in  
 eā *Synaxi* responsum dicat à Popu-  
 lo *Amen*; nec enim omnium erat  
*Precum* illa Populi Responsio apud  
 Veteres, sed Officii præsertim *Eu-*  
*charistici*. Itā autem propria erat  
*Episcoporum* legitima illa Consecra-  
 tio, ut etiam Synodum *Episcopo-*  
*rum* indixerit *Constantinus* non alio

*Apolog. ad*  
*Constant. p. 682*

*Euseb. vit.*  
*Constant. L. 4:*  
*c. 43.*

nomine quàm ut *Martyrium Hierosolymitanum* in suis *Tricennalibus* magnificentissimè consecrarent. Quòd si ad *Romanorum mores* exigamus *Oratoria* illa *Frumentii*, nullum certè locum in illis habere potuit *Eucharistia*. Deerant enim *Episcopi* qui *Eccllesias Romano ritu* Consecrarent. Nec ritè potuit in illis, nondum consecratis, *Eucharistia*, pro eorundem *Romanorum* more, ipsa consecrari.

§. 18. Discimus 4. ad *Eucharistia* Consecrationem, pro ritu *Romano*, necessarium fuisse *Sacerdotem*, & quidem illum, pro *Regulis Ecclesie*, legitimum. Sic enim colligunt, non fuisse *Ischyram Sacerdotem*, cum nec *Meletius* illum in fux Factionis *Sacerdotum* albo recensuerit, & pauci admodum illum pro *Sacerdote* agnoverint; quòd *Collabus* illum ordinatè ferretur ipse ab *Hosio* in Synodo *Alexandrinà* *Sacerdotio* multatus, & Potestate omni, si quam antea habuisset, exutus; quòd ipse etiam

etiam *Ischyas* similem fuisset censuram expertus. Inde colligunt, ne quidem credibile esse *Sacerdotem* egisse illam qui fuerit duntaxat *Laicus*. Eodem ratiocinio refellemus etiam *Fruventii Mercatorumque* Officia *Sacerdotalia*. Si enim nulli fuerint inter illos *Sacerdotes* ( id quod maxime contendunt *Adversarii* ) sequetur, pro hujus ratiocinii tenere, nulla fuisse, inter eosdem, Officia *Sacerdotalia*. Quod si fuerint inter illos *Sacerdotes*; jam universa *Adversariorum* Argumentatio concidat necesse est, de Officiis *Laicorum Sacerdotalibus*, praesertim si ad hos, quos dixi, *Romanorum mores* exigantur.

§. 19. Quod si putes de ipsis duntaxat Officiis intelligendum esse *Theodoretum*, eadem nimirum Officia in suis *Oratoriis Indos* praestitisse *Mercatores*, eandemque observasse Officiorum formam quam solerent observare *Romani*; non item de *Ministris*, nec enim *Sacerdotes*

*cerdotes* habuisse *Ministros*, quos tamen in *Officiis Sacerdotalibus* *Ministros* solerent adhibere *Romani*: Hæc si inquam, vera credas, ea credes quæ nuspiam innuunt seu *Rufinus*, seu ipse etiam *Theodoretus*; ea quæ, pro *Ævi moribus*, sunt admodum incredibilia. Nuspiam innuunt illi, ne *Ministros* quidem defuisse, pro *Romanorum more*, legitimos; nuspiam ab illis gestum esse quicquam quod, pro *Romanorum moribus*, esset improbandum. Ni *Frumentius* necessarium credidisset in *Ecclesiâ* illâ novellâ *Episcopatum*, cur adeo longinquum iter suscepisset ad consulendum, eâ de causâ, *Athanasium*? Quod si necessarium crediderit, cur interim *Laicis* munera *Sacerdotalia* mandaret? Quæ quæso illa tanta festinatio quæ tam ægrè pateretur tantilli temporis moram, dum & numerus converteretur, satis amplius ad constituendam *Ecclesiam*, & *Conversis* præficeretur *Episcopus*? *Conversæ* sunt eâdem ætate *Constantini* & aliæ Gentes.

Con-

Conuersi *Gothi*, conuersi *Iberi*, &  
 conuersi adeo necessarios credide-  
 runt *Episcopos*, adeò tamen non  
*Laici* fuisse Juris ut ultrò illos à  
*Constantino* expetierint, nec ulla  
 tamen legimus apud illos interim  
*Officia Sacerdotalia*. Apud *Iberos*  
 certè nulla esse poterant, ne qui-  
 dem pro Principiis *Tertulliani*.  
*Mulier* enim captiva eos converte-  
 rat quæ sola erat inter illos *Christi-  
 ana*, legitimè nimirum *baptizata*.  
 Et tamen *Ecclesiam* illi, antequam  
 accepissent Episcopum, *Orandi* cau-  
 sâ condiderant. Similis erat &  
*Saracenorum* & *Gothorum* aliorum  
 causa Imperante *Valente*. Quod  
 igitur Gentes alias conuersas mi-  
 nime fecisse legimus, non est quòd  
 facilè credamus fecisse *Æthiopus*  
*Axumitas*. Præsertim cum *Episco-  
 pos* adeo necessarios crediderint  
 omnes, non utique ita credituri,  
 siqua *Laicis Sacerdotalia* munera li-  
 cita credidissent.

## CAPUT V.

*De S. Petronillæ Sacerdotio  
Fabula refellitur.*

**V**irginum nulla mentio in *Primævis Ecclesiæ Martyrologiis*. §. 1. *Inde Errores recentium Martyrologiorum, quoties de Seculi Apostolici Virginibus loquuntur, frequentissimi.* §. 2. *Fabulam omnem de S. Petronillâ parùm verisimilem ostendit ipse Baronius.* §. 3. *Consecratam tamen ab eâ Eucharistiam, ne quidem ipsum testatur Martyrologium.* §. 4.

§. 1. **Q**Uæ porro Grotius de *Petronillâ* subjungit, *S. Petri filiâ, quæ etiam Eucharistiam ipsa Fæmina celebrârit, ita sunt levia ut bonorum dignorumque fide Testimoniorum inopiam prodant.*  
*Hoc*



*Hoc ipse credidit, & alios credere  
 voluit (inquit Grotius) Scriptor  
 vetus Martyrologii. Timidè om-  
 ninò, quasi non crederet ipse Gro-  
 tius quod crediderit imperitus Mar-  
 tyrologus. Nec verò admodum la-  
 borandum quid crediderit faber iste  
 Martyrologii. Nos alibi ostendimus  
 quàm sint Apostolicorum Temporum* *Disi. Cypri. II.*  
*testes infidi. Nondum incepisse*  
*morem illum ostendimus colligen-*  
*di Acta Martyrum posterisque*  
*transmittendi; nondum Natales*  
*eorum annuos fuisse celebratos, ut*  
*etiam sine Scriptis eorum fides pos-*  
*sit illibata transmitti. Nedum ut*  
*eorum gesta Scriptis mandarentur*  
*qui ne fuissent quidem Martyres,*  
*nec publico aliquo in Ecclesiâ Offi-*  
*cio illustres, qualis illa fingitur fu-*  
*isse Petronilla. Virginum nulla*  
*mentio in antiquissimis simplicissi-*  
*misque Martyrologiorum formulis,*  
*non illâ Bucherianâ, nec in Afri-*  
*canâ (quæ Bucherianæ simillima*  
*est,) quam nuper edidit ingenti*  
*Antiquitatis Ecclesiasticæ beneficio*  
 ff doctissi.

*Anal. Tom. 3.* doctissimus *Mabillonius*. Ad *Kalendariorum Romanorum* formas proximè accedunt illæ, quibus & *Originem* debuisse verisimillimum est, illorum nempe *Kalendariorum* quæ in *Divorum* Principum memoriam constructa sunt à *Pontificum Collegiis* ad eorum memoriam cultumque institutis, qualia habemus hodiè *Julii Cæsaris* atque *Constantini Magni*. Nullum autem in id genus *Kalendaris* cultæ *Virginitatis* exemplum. Non equidem nego magni *Christianos* primævos fecisse *Virginitatem*. Id unum dico, nulla earum gesta *Scriptis* fuisse mandata, nec in *publica* Ecclesiæ monumenta fuisse recepta, ut in recentiorum *Martyrologiis*. Id quod satis abunde confirmant *Martyrologiorum* errores. Ut enim *Fabulas* prorsus *commentititias* missas faciamus, quæque nullum habeant, in probatæ fidei monumentis vel vestigium; *mulieres* in *Historiâ* commemoratas vix aliquas in *Virginum* censum referunt, primorum ante  
 Con-

*Constantinum* Seculorum, recentiora ista *Martyrologia*, quæ quidem fuerint reverâ *Virgines*. Inde discimus recentiorum Temporum esse illud exemplum referendi *Virgines* in publicas *Ecclesiæ* Tabulas, quod cum vellent in *primævis* *Ecclesiæ* *Seculis* imitari, nec ullum haberent probæ fidei, cur ita facerent, monumentum; proinde omnes id genus *Historias*, partim commentis, partim *Rhapsodorum* conjecturis, fuisse corruptas.

§. 2. Sic in Seculo Apostolico *Theclæ* *Virginis* historiam omnem à *Presbytero* *Achaïæ* penitus fuisse confictam, testis est coævus *Fabulæ* ipse *Tertullianus*. E *Philippi* filiabus duas equidem in *Virginitate* consenuisse ait *Polycrates*, aliam *Ephesi* nuptam innuere existimat *Valesius*. *Flaviam* *Domitillam* unicam memorant bonæ fidei *Historici* quæ *Christi* causâ exulaverit, *Flavii* *Clementis* *Consulis* uxorem, quam tamen duplicem facit *Baronius*, ut fidem *Martyrologorum* tue-

*Tertul. de Bapt.*

*Vales. in Euf. Hist. Eccl. L. 3. c.*

Dio Niphilln.  
in Domitian.  
Bruttius ap.  
Euseb. Hist.  
Eccles. 3. 18. &  
in Chron.

atur, quæ *Domitillam* aliquam in *Virginum* censum retulerunt. Unicam (inquam) refert *Dio*, unicam *Bruttius*, qui tamen ita in illius designatione discrepare visi sunt, ut de unâ eademque fœminâ illos intelligi posse non viderint hætenus Eruditi. *Domitiani* scævitiæ eo nomine accusat *Dio* quod uterque *Domitiani* fuerit affinis, tam *Clemens* maritus occisus, quàm pûlla in exilium uxor *Domitilla*. *Clemens* erat ἀνέψω, consobrinus, *Domitilla* etiam συγγενὴς ἐκυτῆ. Ad *Domitianum* referenda vox illa in *Dione*, ut fuerit nimirum *Domitiani* συγγενὴς, nec enim gradum quo *Domitianum* attigerit *Domitilla*, memorat Historicus. At *Bruttii* verba ita intelligunt ut *Clementis* potius quàm *Domitiani* συγγενὴς fuerit illius *Domitilla*. Sed rectè, ut existimo, monuit *Scaliger*, apud *Euseb.* 2112. *Bruttium*, pro ἐξ ἀδελφῆς legi posse ἐξ ἀδελφῶ, & ad *Domitianum* posse referri. Ita illum eodem attigerit cognationis gradu quo maritus *Clemens*.

*Clemens.* Eundem enim designant gradum *ἐξάδελφον* ac *ἀνέψωπον*. Fieri etiam potest ut è verbis *Bruttii* elapsa sit, aut per Ellipsin usitatissimam intellecta fuerit vox *γυνή*, quâ nimirum relatio ejus ad *Consulem* fuerit consignata. Quod *neptem* fuisse addit, id de proprio certè *Valesius*. Inde tamen constat, Ellipsin, quam dixi, illum agnovisse. Quod autem in *Pandatariam* relegatam scribat *Dio*, in *Pontiam* *Bruttius*, ne ea quidem discrepantia satis magna est ut propterea de fœminis duabus illos intelligamus. Utraque Insula, tam *Pandataria* quàm *Pontia* propriè sic dicta *exiliis* nobilis est, nec adeo invicem dissita quin ut possint faciliè ab Autoribus pro alterâ altera intelligi. *Pontia* erant duæ, *Iscia* altera, altera *Pontia* propriè aduersus *Formidas*, *Pandataria* in sinu *Pateolano*. Sæpe autem junguntur invicem ab Autoribus *Pontia* & *Pandataria*. Porro simili errore *Perpetuam* & *Felicitatem* pro *Virginibus* habent  
*Mar-*

*Martyrologia*, quas tamen nuptas etiam *peperisse* testantur earum Acta genuina edita ab *Holstenio*. Sed *Fæminas* illustres quascunque, ni constaret de Matrimonio, pro *Virginibus* habent *Martyrologia*.

§. 3. Ita meritò suspectiora habebuntur quæcunque de primorum Seculorum *Virginibus* tradunt recentiora ista *Martyrologia*. Id quod ni constaret aliunde, vel hoc ipso *Petronillæ* exemplo colligere poteramus. *Filiæ S. Petri* prima mentio apud *Adimantum Manichæum*, ex *Apocryphis* nimirum, ut ait *S. Augustinus*. Et sane verisimile est supposititiis Apostolorum nomine tabellis (quales multas confinxerant illius *Sectæ* Impostores) deberi hujus *Virginis* *Natales*. Necdum tamen nomen acceperat ista *S. Petri* filia; necdum *Virgo* fuerit, an *Uxor*: an expectita fuerit ad nuptias, & quâ illas arte declinârit, nondum erat exploratum. Recentiorum Monachorum debemus ista commentis.

Certè

Cont. Adi.  
ment. c. 17.

Certè hanc fabellam quod attinet, adeo multa continet à verisimilitudine omni abhorrentia, ut ni eacà *Martyrologiorum* fide fuisset constrictus, ne quidem probaturus fuerit ipse *Baronius*. Observavit ipse fieri vix potuisse ut vera fuerint de *S. Petri* filiâ quæ de *Petronillâ* suâ tradunt Fabulatores. Observavit perperam atque imperitè à *S. Petri* nomine ipsum *Petronillæ* derivari nomen; à *Petri* nimirum nomine *Petrillam* potiùs appellandam, à *Petronio* autem *Romano* nomine, pro *Regulis Grammaticæ*, formari *Petronillam*. Observavit præterea, pro *Ecclesiæ Romanæ Principiis* qui negant Apostolum ab Apostolatu cum uxore consuevisse, proinde eo tempore nasci illam oportere, quo nondum *Petrus*, sed *Simon*, dictus fuerit Apostolus. Eo igitur confugit, ut (si vera sint quæ de eâ traduntur) non à natalibus illud, sed à *Baptismo*, habuerit nomen *Petronillæ*. Sed cur, quæso, nomen *Romanum* à Parente qui

Baron. An. 691  
n. 32, 33.

Dis. Cypr. 5.  
§. 12.

qui non fuerit ipse *Romanus*? Erant fateor, ut alibi ostendi, multi etiam è *Judeis* Cives alioqui *Romani*, qui proinde duplici appellarentur nomine, *Ebræo* alio, alio *Romano*. At *S. Petri* nomen *Romanum* nulum legimus. Et verò *Romanum* non fuisse ex ipsâ ejus *crucifixione* constat. *Civium* enim *Romanorum* non erat ea pœna, ne quidem *capite diminutorum*; sed vel *deportatio* ad *Insulam*, vel damnatio ad *metalla*, aut ad *bestias*. Observavit prætereâ sub *Domitiano*, quo fertur Imperante defuncta, ne quidem adeo potuisse esse *formosam*, ut eam *Flaccus* ardentissimè adamarit, anum nimirum circiter sexagenariam, & quæ fuerit, antequam à Patre sanaretur, prætereâ *Paralytica*. Proinde cò propendet Eruditissimus Cardinalis, proptereâ illam Apostoli *filiam* appellatam, non quòd fuerit ab eo *genita*, sed *regenta* potiùs, pro eâdem formâ quâ & *Marcum filium* idem salutat Apostolus. Propendet cò



cò ut & *Marcelli* nomine inscriptam Epistolam de fide habeat suspectam, testem, ut videtur, proximum *Apocryphis Manichæorum*. Et tamen hisce omnibus opponit recentiorum Seculorum Traditionem. Sic enim sequitur: *Sed quicquid fit, hæc de illâ redduntur certa firmaque majorum Traditione, compluribusque illustrata monumentis*. Quasi verò quæ fuerant in fonte sordes non etiam debuerint in rivos emanare, aut firma posset esse *Conclusio* quæ ex infirmis fuerat collecta *Premissis*, aut plus esset in causâ *Facti* tribuendum recentioribus Testimoniis quàm antiquioribus, quæque propius ad *Factum* ipsum accederent. Ita scilicet Eruditionem sane præstantissimam, præconceptæ tamen depravare poterant opiniones, & Superstitiosæ Institutionis præjudicia.

§. 4. Neque verò est quòd sibi gratuletur aut Causæ suæ Vir Doctissimus si nihil esset in hujus Testimo-

Simonii fide reprehendendum. Nec enim ait *Martyrologus* consecratam à suâ *Petronillâ* fuisse *Eucharistiam*. Id unum dicit, *celebratis Dominicæ Oblationis Mysteriis*, mox ut *Christi Sacramentum* accepisset, *reclinâsse se in lectulum*, *Spiritumque emisisse*. *Acceptum* legimus ab eâ *Christi Sacramentum*: non legimus *traditum*, ne quidem *collactaneæ*, quæ adfuisse fingitur, *Felicillæ*, nedum *consecratum*. *Celebrata* legimus *Dominicæ Oblationis Mysteria*; *Celebrantis* nulla prorsus mentio, an *Petronilla* fuerit, an *Felicilla*, an verò tertius aliquis, qui interfuerit, *Ecclesiæ Sacerdos*. Quæ tamen de *recentioris Ecclesiæ Martyrologiis* intelligenda sunt. *Celebrantis* enim *Presbyteri* nomen *Nicomedem* legi in *Bedæ Martyrologio* monuit me *Amicus eruditus Paulus Colomesius*. Ita universa concidet *Argumentatio*. Et tamen quidni celebrari dicamus *Eucharistiam*, tam ab accipientibus quàm à Consecrantibus?

secrantibus? Non id certè adeò alienum esset in Communione *Præsanctificatorum*, qualem hanc ( si quidem fuisset ulla ) fuisse verisimile est. *Secretò ante omnem cibum panem* Eucharisticum gustare solitas *Uxores* testis est *Tertullianus*. Nihil video quo minùs illa solarum communicatio rectè *Celebratio* possit appellari. In hac tamen specierum jam antea à *Sacerdote* consecratarum communionem nullum prorsus *Officium Sacerdotale*. Fueritne temporibus Apostolicis coævus mos ille *reservandi* species *Eucharisticas*, non opus est ut operosè indagemus. *Coævum* fateantur oportet qui *panem circa domos fractum*, Act. 11. 46. de pane *Eucharistico* intelligunt. Et sane verisimile est fuisse, cum & *multitudinem* credentium perpendimus, & *Synaxeon* nimis frequentium minùs tutos suspectosque *Conventus*. Satis est impræsentiarum si coævum crediderit imperitus *Martyrologii*

Tertul. L. 2.  
ad uxores. c. 5.

faber. Id quòd equidem proclive  
 erat si, pro more imperitorum,  
 è *sui Seculi* moribus judicârit de  
 moribus *Temporum Apostolicorum*.  
 Sed operosiùs fortasse, quàm me-  
 rentur id genus straminea monu-  
 menta, hanc Fabellam refutavi-  
 mus.

---

## C A P. VI.

Presbyteri *Officium nullum exercuit* S. Philippus Diaconus.

**B**aptizavit S. Philippus *antequam constituerentur Ecclesiae Rectores Ordinarii. §. 1. Diaconi Sacerdotes, & Ministerii Sacerdotalis proprium Officium erat Externus Aquæ Baptismus. §. 2. Baptismum Spiritus intellum superioris gradûs Sacerdotibus reliquit S. Philippus. §. 3.*

§. I. **P**ergit Cl. Dissertator, & probare conatur, ab initio Christianismi, non solis Presbyteris Jus fuisse *Eucharistiam* consecrandi. Videamus itaque quibus  
id

id conficiat Argumentis. Nempe eo imprimis quod *Philippum* Baptizasse legamus *Act.* 8. 12. 38. Est tamen illud exemplum ( ut vidimus ) antiquius constitutis in Ecclesiâ *Presbyteriis*. Non aliud hucusque agnovit Ecclesia *Regimen* quam illud *Synagogæ*; nec aliis usa est in *Synaxeon* Officiis *Ministris* quam *Prophetis*, Ministris nimirum *Extraordinariis*, ut proinde nihil inde possit colligi de *Ordinariorum* Ministrorum Jure, quæ nempe Jura *Presbyteris* postea constitutis reliquerint Apostoli, redactis tandem in ordinem *Prophetis*, & Potestate eâ quam antea exercuerant, exutis. Ex ut fuisset eorum Temporum quibus *proprios* sibi Rectores, Regimenque *proprium* habuit Ecclesia; ne ita quidem aliquid probet quod sit ab Ecclesiasticis negandum. Quis enim est qui hodieque neget *Diaconis* Potestatem *Baptizandi*? Tantum abest ut inde sequatur ( quod voluit Cl. Dissertator ) fas esse Laicis *Sacerdotalia*

*taliam munera, capeffere; ut ne id quidem probet (unde hanc Sequelam volunt, per Ratiocinii, quam putant, paritatem elicere Adversarii) vel inferiori Sacerdotii gradu positus Ministris licita esse superioris Officia.*

§. 2. Sed credidit fortasse Dissertator, ut spectat ad Officium Sacerdotale Baptismus, sic pro Sacerdotibus non agnoscendos esse Diaconos, ut proinde Baptismus à Diacono sit Officium Sacerdotale à non Sacerdote administratum. Erravit plurimum si ita senserit Vir Eruditissimus. *Ministros enim Sacerdotum Sacerdotibus accensitos alibi ostendimus. Sic enim Sacerdotibus Levitas adjungit Philo; sic Episcopis Presbyterisque Diaconos Primævæ Ecclesiæ Scriptores. Nempe, pro Hellenistarum placitis, duo erant Sacerdotii propriè sic dicti munera, βελκωτικόν aliud, aliud ὑπηρετικόν. Βελκωτικὸν ἐκχόρα Presbyteris assignat Clemens Alexandrinus, ὑπηρετικὸν Diaconis.*

Clem. Alex.  
Strom. 7. init.

*Diaconis.* Inde illæ *Sacerdotum*, apud Veteres adeò frequentes *ἑπομέναι*. Ad *ὑπηρετικῶν* autem *λατρίαν* spectabat propriè *Baptismus*, præsertim *Aqueus* atque *Externus*. Sic enim quos *Baptizâsse* dicitur ipse *Dominus*, non ipse tamen baptizavit, sed *Discipuli*. S. *Joan.* 4. 1, 2. *Jussit* S. *Petrus* baptizari *Cornelium*, *Act.* 10. 48. ut proinde non obierit ipse *Baptismi* ministerium. Paucos admodum *Corinthiorum* baptizaverat S. *Paulus*, sed præcipuè dignitatis illos inter *Corinthios*, *Crispum* 1 *Cor.* 1. 14. *Archisynagogum*, *Act.* 18. 8. *Gaium*, 1 *Cor.* 1. 14. *hospitem* nimirum *suum*, & *Universæ* præterea *Ecclesiæ*, *Rom.* 16. 23. quem etiam ibidem *Erasto Corinthiacæ* Civitatis *Oeconomo* præponit; *Stephanam*, 1 *Cor.* 1. 16. quem *Corinthiis* omnibus proponit in exemplum, hortaturque ut ei velint esse subditi, cap. 16. 15, 16. Hos nimirum *αὐτοχθόναι*, at per *Ministros* alios quamplurimos baptizâsse probabile



probabile est, qui ejus nomine abusi  
essent ad colorem *Schismati* suo  
quarrendum. Nec enim tantos  
hosce viros, tantisque etiam præ-  
coniis hæc quoque ipsâ Epistolâ or-  
natos, verisimile est fuisse *Schisma-  
ticos*. Nec alio, ut videtur, nomine  
se negat ad *Baptizandum* esse mis-  
sum quàm quòd præ aliis Officii  
Apostolici muneribus vile illud ef-  
ficeret *Aquei Externique Baptismi*. Sic  
enim solent *Ebræi* gradus *Compa-  
randi Negatione* designare. *Mise-  
ricordiam volo, & non Sacrificium*, *Os. 6.* *Matth.*  
*i. c.* *Præ Sacrificio* omni volo *Mi- 9. 13. & 12. 7.*  
*sericordiam*. Certum enim est quo  
tempore scripsit hæc verba Pro-  
pheta, etiam Deo grata fuisse *Ex-  
terna Sacrificia*.

§. 3. Tantum ergo aberat, ut  
in hæc *Aquei Baptismi Ministerio*  
Superioris gradûs Officium usur-  
parint *Diaconi*, dum tamen illo,  
pro superioris *Sacerdotii* nutu, fun-  
gerentur; ut magis proprium fue-  
rit *Diaconorum*, quàm superiorum  
etiam *Sacerdotum*. *Baptismus in-*

u u

terim

terim præcipuus, *Spiritus* nimirum ille, *Supremi Sacerdotii* erat. proprius, nec unquam illum cum inferioribus communicabant. Baptismum *Aqueum* dabant, *Domino* etiam superstitè, *Discipuli*; *Spiritus* Baptismum insufflavit ipse *Dominus*. Inde factum ut à *Supremo Sacerdote* penderent accuratissimè *Ministri Sacerdotales*, propterea nimirum quòd sine hoc *Spiritus* Baptismo Baptismus *Aqueus* prorsus esset inutilis. Et quidem hunc Baptismum *Spiritus* ne quidem ausus est attingere *Philippus* ille *Diaconus*. Accersendi erant ab *Hierosolymis* in *Samaritam Apostoli* qui *Spiritum* darent Baptismo *Aqueo* lustratis atque initiatis. Nec itaque spectabat ad Officium *Philippi* superior ille *Spiritus* Baptismus, nec ausus est *Philippus* eum dare Baptismum qui suum in *Ecclesiâ* superaret Officium. Aliter fuisset ut ne fuisset quidem necessaria *Apostolorum* illa *Expositio*. Sic itaque non inserviet Dissertato-

ris

ris consilio hoc *Philippi* exemplum, ut potius è contra oblit. Temperandum enim censuit à *Supremi Sacerdotii* Juribus *Sacerdos* ipse, sed inferiori gradu, *Philippus*. Multò itaque potiori ratione à *Sacerdotii* Juribus abstinebunt, pro *Philippi* exemplo, *Laici*, ne quidem omnino *Sacerdotes* Externo illo *Ecclesiæ Sacerdotio*. Adeo nulla est sequela à communi cum *Diaconis* Officio *Baptizandi* ad *Eucharistiæ* Officium cum iisdem similiter communicandum; ut ne quidem teneat ab *inferiori* hoc Baptismo ad *superiorem* illum, quem dixi, *Baptismum*.

---

## CAPUT VII.

*De Calicis Benedictione à Subdiaconi Canone Laodicæno.*

**T***Emporum recentiorum Exemplum nec verisimilia sunt ; nec, si vera, pro Dissertatoris Principiis, omnino probanda. §. 1. In Canone Laodicæno Conjecturas parum verisimiles novus probat Conjecturis Dissertator itidem parum verisimilibus. §. 2. De Officiis Ecclesiæ Publicis agit Canon in quibus adessent Ecclesiastici Subdiaconis superiores. §. 3. Nec novum invenit Exemplum Patres Laodicæni, sed veterem duntaxat Disciplinam instaurant. §. 4. Eò spectabant Novitates illæ Subdiaconorum in Canone memoratæ ut*

ut Diaconorum Officium sibi  
 vendicarent. §. 5. Benedictio  
 illa, cuius meminit Canon, non  
 erat Sacerdotalis. §. 6. Verba  
 ποτήριον εὐλογίας desumpta ab  
 Apollolo. §. 7. Vinum præci-  
 pue, præ aliis frugibus, sacrum  
 apud Veteres. §. 8. In univer-  
 sam Vindemiam migrare crede-  
 batur Primitiarum Consecratio,  
 quæ etiam facta in Eucharistiâ.  
 §. 9. Inde Calix Eucharisticus  
 ποτήριον εὐλογίας. Cur Panis  
 Eucharisticus non ἄρτος εὐλο-  
 γίας, sed ἄρτος κλῶδος, ap-  
 pelletur. §. 10. Resp. 1. in Ca-  
 none Laodicæno legendum πο-  
 τήριον εὐλογίας, non εὐλογεῖν.  
 §. 11. Resp. 2. ut legatur εὐ-  
 λογεῖν, de Ministerio tamen, quod  
 obierint in εὐλογία Diaconi,  
 intelligendum potius esse Cano-  
 nem, quàm de ipsâ εὐλογία.  
 §. 12. Resp. 3. de priori Consec-  
 ratione in Prothesi intelligi  
 posse, quæ eâ ætate, propria fue-  
 rit Diaconorum. §. 13. Dia-  
 conorum

conorum *Officium* à Subdiaconis, *longe verisimilius est usurpari potuisse, quam Presbyterorum.*  
§. 14.

§. 1. **A**ddit deinde Cl. Dissertator de Diaconis, factam ab illis *Eucharistiam* tam esse apertum, ut mirum sit reperiri posse *Viros* τῆς τῶν χειριστῶν ἀρχαίῳ τῷ ἐκ ἀγῶνι, qui id negent, nisi forte dicere mussant magis quàm negant. Magnâ id equidem ille fiduciâ. Longe tamen abest ut, pro modo fiduciâ, respondeant Argumenta. Ex omni enim Antiquitate tres ille duntaxat quatuorve *Canones* adduxit, qui tamen ipsi *Walonem* fugerint infinitæ *Lectiōis* & *memoriæ* hominem; & quidem illos *Conciliorum* minùs cognitorum, quorum nullæ prorsus extant *Historiæ* è quibus *Canonum* disci possent *occasionēs*, unde & illud etiam esset eruendum rectè *Patres* Dissertator intellexerit *Canonum* conditores. Inde factum ut sit longe  
facilius

facilius falsum horum Canonum excogitare sensum quàm excogitatum solidis & necessario concludentibus Argumentis alioqui refellere. Nec tamen illud præterea advertit Vir Cl. quàm malè hæc conveniant cum Doctrinâ sui *Tertulliani*, cum eâ (inquam) Doctrinâ quâ solâ putat cum Ecclesiæ Disciplinâ conciliari posse Principia ista *Tertulliani*, atque adeo videri *verisimilia*, si nihil inde sequatur adversum *Disciplinæ* illi Ecclesiæ Primævæ & Catholicæ, quæ longe certior erat atque evidentior quàm singularia illa & Nova *Tertulliani* dogmata. Si enim rectè hosce Canones intellexerit Dissertator; jam sequetur, etiam ubi esset *Sacerdotum Confessus*, ubi locum haberet Confessui debitus *honor*, & primariæ Sedis *Autoritas*, ubi essent *Sacerdotes* quorum eâ, pro Ecclesiasticæ *Disciplinæ* Regulis, propria essent: Officia, etiam *confirmatâ* Seculorum aliquot decursu Ecclesiæ Disciplinâ, adhuc rectè ab ipsis *Ecclesiasticis*,

*clasticis*, in facie *Ecclesiæ*, ipsique solennibus *Ecclesiæ Conventibus*, violatam illam *Ecclesiæ Disciplinam*, permista *Sacerdotum Superiorum inferiorumque* fuisse *Jura*. Hæc, si *Tertulliani* ætate non licuerint, minùs verisimile est licuisse *recentioribus* illis *Ecclesiæ* temporibus quibus hos debemus *Canones*, ut proinde ne id quidem verisimile sit, fuisse unquam id genus *facta*, aliamque adeo quærendam horum *Canonum Interpretationem*. Ea tamen si fuissent, non essent utique, pro Principiis *Tertulliani*, omnino probanda, nedum in *Exemplum Juris*, Argumentumque trahenda. Damnavit enim, ut vidimus, *Tertullianus*, damnavit *Dissertator*, uti essent legitimè *Sacerdotum Confessus*, non *Sacerdotum Facta Sacerdotalia*. Malè itaque & inconsequenter Arguentur ab id genus *Factis* quæ ne quidem ipse probaverit. Ab *Ecclesiâ* autem improbata ipsi illi testantur *Canones* quorum Testimonium



nium adhibuit, hâc in causâ, Vir Cl. Ea certè à nobis potiùs audienda erit quàm *Tertullianus*, quàm nuperi *Dissertatores*, utcunque aliàs Eruditi. Sed vestigium *antiqui moris* in his Factis elucere putant, his ipsis Canonibus tandem extincti. Nihil faciet ad eorum causam quòd fuerint *antiqua*, cum & errores multos fateantur antiquos. Sed ne *primæva* existimemus obstat ipse *Tertullianus*. Cum enim jam defuissent *Laicorum Officia*, sub *Sacerdotum confessu*, *Sacerdotalia*, ætate *Tertulliani*; proinde non est ut existimemus, quæ à *Quarti Seculi Synodis* damnata sunt, ea moris fuisse *primævi*. Quòd si omnia ab Ecclesiæ Synodis *damnata* pro *primævis* habeant, jam *Hæreses* omnes, jam cujuscunque generis *abusus* probabunt fuisse *primævos*.

§. 2. Sed videamus ecquid habeat tantâ dignum fiduciâ. Profert imprimis Canonem *Laodicenum XXV*. Οὐκ ἔστιν ἁγιάζας ἄσποτον

xx

ἰδὼρας,

διδόναι, ἡ δὲ ποτίειον εὐλογεῖν. Duo  
 inde colligit Dissertator: 1. ad id  
 usque tempus, ob multitudinem, ut  
 existimat, communicantium crescen-  
 tem indies, sæpe & Subdiaconos non  
 tantum porrexisse panem, sed & pro-  
 nunciâsse verba illa quibus calix be-  
 nedicitur, sive consecratur; 2. de-  
 inde in posterum id, nondum Diaconis,  
 sed Subdiaconis tantum, inter-  
 dictum. Sic nempe ille *Conjecturas*  
 parum verisimiles aliis probat *con-*  
*jecturis* ex æquo minimè verifi-  
 milibus. Quòd *Panem* porrexe-  
 rint, quòd *Calicem* de *Fausto* bene-  
 dixerint *Subdiaconi*, id rectè potu-  
 it è Canone colligere. Quòd *sæpe*  
 fecerint; quòd *ad id usque tempus*,  
 quasi nimirum ab ætate *Apostolorum*  
 descenderit tunc primum in Con-  
 cilio *Laodicensi* damnata consuetu-  
 do; quòd sit tamen ea tribuenda  
*crescenti indies* Communicantium  
 multitudini; quòd *Calicis* illa *be-*  
*nedictio* de ejusdem Sacerdotali  
*Consecratione* intelligenda sit: non  
 hæc discimus è Canone, sed è *Con-*  
*jecturis*

*jecluris* Cl. Dissertatoris, quæ & ipsæ omni Probabilitatis vel specie destitutæ sunt. Multa sunt è contrà quæ suadeant, nec manasse ab *origine* Calicis qualemunque *benedictionem* à *Subdiaconis*, sed recentiorum fuisse Temporum, sensimque, ut solebant errores, irrepfisse; nec tamen *Sacerdotalem* illam Calicis fuisse benedictionem.

§. 3. Constat imprimis non de *Privatis* sed de *Publicis* Synaxeon Officiis omnem esse in Canonibus illis sermonem. De *Psalms* præcipiunt, non *privatis*, sed in *Ecclesiâ*, Can. 58. *Pfallere* volunt duntaxat *Ecclesiæ Psaltas*, quos *Canonicos* appellant, Can. 15. non utique de *privatorum* Psalmodiâ intelligendi, sed duntaxat *Ecclesiastici*. *Azanas* arcent *Cant.* 28. non à Christianorum usu *privato*, sed *Ecclesiastico*. Proinde non est ut de *carceribus* aut *Insulis desertis*, ubi nullus poterat haberi *Sacerdotum Confessus*, Patres hosce Canonesve *Laodicenos* intelligamus, ut

proinde possint *non Sacerdotum* munera *Sacerdotalia*, pro ipsis *Tertulliani* Principiis, legitima censer. Constat præterea 2. de illis *Ecclesiæ* agi *Conventibus*, in quibus locum supremum ne quidem *Diaconi* habebant, nedum ut potuerint habere *Subdiaconi*. Jam enim obtinuerant diversorum *Ecclesiæ* *Ordinum* diversa etiam *insignia*. Locum habebant *Subdiaconi* ad *Ostia*, Can. 22. nempe ad Sanctissimi *Adyti* *Ostia*, ut videtur, omnia, tam *πύλῳ διασπείκῳ ὡραῖον*, quàm *Διακονικῷ*. *Ostiorum* enim *exteriorum* cura erat penes inferiores *Ostiariorum*. In *Διακονικῷ* locus erat *Diaconorum*, Can. 21. In *Θυσιασθείῳ Ἱερατικῷ*, & quidem *μύροι*, Can. 19. Quos autem *Ἱερατικῶν* nomine complexi sunt, ostendit Can. 24. viz. ἀπὸ *Πρεσβυτέρων ἰὼς Διακόνων*. *Episcopus* enim ipse erat *ἱερεὺς*, reliqui *Ἱερατικοί*, qui ad *Sacerdotalem Catalogum* referrentur. Quanquam etiam locum potuerit hæc habere distributio in  
*Parochiis*,

*Parochiis, etiam Rusticanis, ubi nullus tamen adesset Episcopus, Reliquos inferiorum Ordinum Clericos Ἐκκλησιαστικῆς τάξεως nomine complectuntur Patres Laodicensi, in illis etiam Subdiaconos. Ergo Sacerdotalia Officia, Ὑψίας, & σπονδαίς. Vini nimirum σπονδαίω Eucharisticam, alibi præstitisse credemus quàm in Θυσιασθείῳ? Alios præstitisse quàm Ordinarios Ecclesiæ Sacerdotes? Illos præstitisse quibus in locum Sacerdotalium Officiorum ne quidem aditus de Jure pateret? Et quidem præsentibus, & in Θυσιασθείῳ agentibus, Ecclesiæ Sacerdotibus? Quæ propria essent Ordinis cujusque Jura ex ipsi illà Locorum accuratissimâ distributione satis manifestè colligimus. Inde discimus, si quis Inferiorum Superiorum Jura violâisset, non id tamen Jure suo fecisse, sed per ab-usum; non consuetudine aliquâ ab Apostolorum usque temporibus ad ea Laodicæni Concilii tempora deductâ, nedum ab Ecclesiâ eousque probatâ.*

probatâ. Nihil poterant valere distributi adeò accuratè Ecclesiasticorum *Ordines*, nihil sejuncta *Ordinum loca*, si nihilominus *Jura* omnia permiscere poterat *Inferiorum Ambitio*. Non hæc certè, ubi præsens adesset *Sacerdorum Confessus*, probaturus erat, pro suis Principiis, ipse *Tertullianus*.

§. 4. Hæc adhuc eò fortiùs Adversarios constringet Argumentatio, si animadvertamus, 3. non hujus *Concilii* hanc fuisse distributionem, sed à *Majoribus* acceptam; nec ab eo primùm *institutam*, sed usui pristino *restitutam* atque vindicatam. Supponit enim hoc Concilium jam olim distincta invicem *Θροναρχεον* atque *Διακονικόν*. Supponit *Personarum Ministrantium* causâ factam hanc *locorum* fuisse distinctionem. Quòd ergo cavet de distinctione illâ munerum in posterum cautiùs observandâ, non utique novam introduxit, sed veterem duntaxat disciplinam instauravit. Sic etiam cùm de *Subdiaconis* discernit

cernit τὰς δόξας μὴ χαταλιμπάνειν,  
 Can. 22. non novum illis locum  
 constituit, cavet duntaxat ne à  
*constituto* discederent. Ergo jam an-  
 tea locus *Subdiaconorum* erat ad  
*Offia* Sanctuarii. Jam antea exclu-  
 si erant ex *locis* non modò *Sacer-*  
*dotum*, sed etiam *Diaconorum*. Et  
 cum *Officiorum* causâ distinguendo-  
 rum facta fuerit *locorum* illa distin-  
 ctio: sequitur ut à *locis* Sacerdo-  
 tum, sic ab *Officiis* quoque *Sacer-*  
*dotalibus* jam antea summos fu-  
 isse *Diaconos*. Vel ergo non erat  
*Sacerdotalis* illa *Calicis* à *Subdia-*  
*conis* benedictio; vel necessariò  
 concedendum est *Officium* illos  
 egressos fuisse *Subdiaconos*. Utrum-  
 vis elegerint Adversarii, non pro-  
 cedet eorundem Argumentatio. Si  
*Sacerdotalis* illa non fuerit benedi-  
 ctio, nihil itaque pertinebit ad  
 causam *Officiorum Sacerdotalium*  
 à non Sacerdotibus præstandorum.  
 Sin eam præter *Officium* adhibue-  
 rint, non erit itaque eorum *Factum*  
 pro *Exemplo* statuendum. Con-  
 stabit

stabit certè adeo nihil, in ejus damnatione, novâsse Patres *Laodiceos*, ut contrâ *Subdiaconis* ipsis *Novitas* illa tribuenda sit, qui ipsi ab *Antiquiorum* normâ deflexerint.

§.5. Nec verò ab origine manâsse damnatos illos à Concilio *Subdiaconorum* errores, inde præterea colligimus, 4. quòd eò spectent omnes, ut *Diaconorum* Jura *Subdiaconis* vendicarent, omnemque adeo utrorumque distinctionem funditùs everterent. *Diaconorum* locum proprium diximus fuisse *Διακονικόν*. quibus tamen patebat aditus in *Θυσιαστήριον*, pro eo nimirum quod *Sacerdotibus* propriè sic dictis præbebant Officio *ὑποψευτικῶν*. At utroque loco peliendi erant *Subdiaconi*, à *Θυσιαστήριον* quidem, Can. 19. à *Διακονικῶν*, Can. 21. *Diaconorum* erat *Sacra vasa* contingere, quæ propterea reponebantur in *Διακονικῶν*. At eo *Sacrorum vasorum* etiam contactu arcendi erant *Subdiaconi*, Can. 21.

*Ora-*



*Orarium* etiam proprium erat ita *Diaconorum* ut non aliis conveniret qui quidem essent *Diaconis* inferiores. Nempe ab Officio *Orandi* seu *Prædicandi*, ut vult Synodus *Toletana*, 4. Can. 40. *Prædicatio* illa propria erat *Diaconis*, qui respondebant *Græcorum* ἱερονόμοι, & *Christianis* Orationes indicabant. Id tamen etiam *Subdiaconos* constat usurpasse, 2 Can. *Laodicen.* 22. Sic & in hoc ipso de quo agimus Canone 25. *Panis* Eucharistici *distributio*, ab antiquissimis usque temporibus, erat *Diaconorum*, teste omni exceptione majore *Justino* Martyre; sic & *Poculi* distributio, teste *Cypriano*. Adeo certum est nullum fuisse in hoc *Subdiaconorum* facto moris veteris vestigium, sed potius ipsos à veterum institutis discessisse. Nec enim *Diaconos* credent Antiquarii cum *Subdiaconis* esse confundendos, Juris nimirum *Apostolici* Officiarios, cum aliis illis qui Juris essent duntaxat *Ecclesiastici*; Juris etiam, sine dubio, *Sacerdotalis* cum illis quos ne ipsa quidem quæ illos

constituerit *Ecclesia Sacerdotibus* nunquam accensuerit; Juris denique sine dubio *Primævi* cum illis quos *Ecclesia* Apostolicis Temporibus *recentior* invexerit. Quod si propria sibi jura habuerint, etiam ab origine, *Diaconi, Subdiaconorum* illam oportet fuisse novitatem qui Jura aliena jam antea recepta pervaserint, præsertim Jura hæc *Diaconatus* omnium sanctissima, quæ quidem spectant ad Officium *Eucharisticum*.

§. 6. Nec modò novum erat *Subdiaconorum* hoc exemplum, sed nec quicquam habebat commune cum Officio *Sacerdotali*. Nec enim qualemcunque Calicis *benedictionem Sacerdotalem* fuisse intelligimus, sed illam duntaxat, quæ *Sacramentalis* est, & quâ fit ut promissa Christi Beneficia consequamur, & cum eo *Pactum* ineamus. Ergo alia quæcunque *Benedictio* quæ nec *Pactum* nos initiat, nec Jus quoddam *Legale* confert ad *Beneficia* in *Pactum* promissa, ut *locum* possit in Officio tam Sancto aliquem

quem habere, certè *Sacramentalis* non est, nec proinde propria *Sacerdotii* Evangelici. De eâ autem, quam dixi, *Benedictione* ne intelligamus, obstat imprimis illud, Quòd hæc quæcunque fuerit, ad *Diaconorum* Officium spectârit quod modò dixi à *Subdiaconis* fuisse usurpatum. Tum & ea quæ in priori causâ produximus, quòd & *præsentibus* iis facta sit, quorum ad Officium attingeret Potestas *Consecrandi*, & in loco quo celebrari non soleret Consecratio, & à *Ministris* qui *Sacerdotibus* duntaxat inservirent dum jam *Consecrata* à *Sacerdotibus* Elementa in Populum *distribuerentur*. Id quod, in alia, suppeterent Argumenta, Canonis ipsa verba satis manifestè ostendunt. Ait enim de *Pane Eucharistico*, *Ὅτι ὁ δὲ ἱεὺς κατασκευάζει τὸν ἄρτον διδόναι*. Nulla hîc *consecrandi* Panis mentio. Ergo non *Consecratum* supponemus? Ita esse non potuit *Eucharisticus*, nec cum *Populo Eucharistico* Consecrato jungendus. *Distribuerunt* tamen dun-

taxat *Subdiaconi*, non item pronun-  
 ciarunt in *Panis* distributione *Con-*  
*secrationis* verba solennia. Cur ita-  
 que in *Poculi distributione* pronun-  
 ciâsse fingemus? Nec enim omnino  
 verisimile est, *Panem* ipsos *Conse-*  
*crâsse* Ecclesiæ *Sacerdotes*, *Mini-*  
*strisque* consecratum tradidisse; *Fo-*  
*culum* dedisse *nondum Consecratum*  
 à ministrantium *Diaconorum* infe-  
 rioribus *Ministris* utique *Consecran-*  
*dum*. Quòd factum putat Cl.  
 Dissertator propter *Communicanti-*  
*um Multitudinem*, in eo Virum alio-  
 qui Prudentissimum fugit ratio.  
*Distributio* enim in magnâ Commu-  
 nicantium *Multitudine* multorum  
 operam fortasse postularet, non item  
*Consecratio*. Nec verò peterit ve-  
 risimilis ulla vel fingi ratio cur *Pa-*  
*ni* omnium *Consecrando* suffecerint  
 Ecclesiæ *Sacerdotes*, *Vino* itidem  
*Consecrando* non suffecerint. Utri-  
 usque Consecrationem *Antistiti* tri-  
 buit Antiquissimus *Justinus Mar-*  
*tyr*, & *Vinum* ait à *Diaconis*, pa-  
 riter ac *Panem*, jam *Consecratum*  
 inter

Justia. Ap. 2.  
 p. 2.

inter Communicantes fuisse distributum.

§. 7. Id verò fateor admodum esse difficile, quæ fuerit nimirum illa *benedictio à Consecratione* diversa. Existimat *Petavius* fuisse signum *Crucis* quod super *Calicem* duxerint cum *Diaconis* eum traderent *Subdiaconi*. Nec dubium est quin eam *benedictionis* consuetudinem per signum *Crucis* usurpârint illius ævi *Christiani*. Unde tamen probabit in *Communicatione Eucharisticâ* locum illam habuisse *Benedictionem*? Unde *Diaconis* *Eucharistiam* tradidisse *Subdiaconos*, superioribus nimirum Ministros inferiores, quòd tamen damnârunt in *Diaconis* Patres *Nicæni* cum & illi traderent *Presbyteris*? Si de *Traditione* aliâ Canonem *Laodicenum* intelligat *Consecrationi* præviâ; Unde vel id probabit, *Elementa Consecranda* *Diaconis* tradidisse *Subdiaconos*? Unde de illâ potiùs *Traditione* Patres *Laodicenos* esse intelligendos quàm de aliâ illâ quæ *Com-*  
*munican-*

*municandis facta creditur? Unde  
 nondum sacrata Elementa eâ Laico-  
 rum benedictione fuisse tractanda?  
 Unde potius in Pocalo quàm in Pane,  
 locum illam habuisse benedictionem?  
 Sed conjecturæ suæ diffidit ipse Pe-  
 tavius. Videamus itaque ecquid  
 Nos certius, Deo opitulante, possi-  
 mus investigare. Imprimis for-  
 mam loquendi, quâ usi sunt Lao-  
 dicæni Patres, à S. Paulo accepta,  
 suspicor, cumque habuisse ob  
 oculos Patres illos, cum hunc ip-  
 sum, de quo agimus, constituerent  
 Canonem. Sic enim & ille Panem  
*Eucharisticum* simpliciter Panem ap-  
 pellavit, 1 Cor. 10. 16, 17. non  
*Mystico* nomine *Corpus Domini*, nec  
 ullâ *Consecrationis* factâ mentione.  
 Et in alterâ specie accuratissimè.  
 Nec enim *Sanguinem* illum Do-  
 mini vocavit, sed nec *Vinum*, sed  
 eâdem figuratâ locutione, *πότηριον*  
 & quidem *εὐλογίας*, v. 16. Ideône  
*Benedictionem* aliquam in Calice  
 factam suspicabimur, quæ non fie-  
 ret etiam in Pane: Et quidem *aliâ*  
 quàm*

quàm quæ facta esset in *Pane*? Ita equidem putaveram propterea quòd in *Gentiliis* *Judeorumque* Sacrificiis à libatione, quæ *Pocula* Eucharistico proximè respondebat, incipiebant *Hymni & Choreæ* in laudem Numinis, propterea, ut videtur, quòd post hilaritatem illam quàm è *Vini* haustu conceperant, aptiores viderentur sacro illi *Enthusiasmo* percipiendo quo Sacra illa essent peragenda. Multis hæc probari poterant ni vidissem *Orationem* potius esse contrahendam. Et verò corporeis id genus auxiliis *Judeos* usos esse constat ad concipiendum *Spiritum Propheticum*. Sic *Muscam* adhibuit *Eliseus*, cibum filii *Esaui* & vinum senior *Isaacus*. Sic itaque putaveram ποτίον illud εὐλογίας propterea esse dictum quòd *Populum* ad εὐλογίας concitârit. Rectè enim *Hymni* εὐλογία appellari poterant, à præcipuo nimirum eorum Argumento.

§. 8. Sed ne ita hanc intelligamus εὐλογίαν, ipse obstat *Apostolus*

stolus qui de eâ agit εὐλογία, non quâ *Dens*, sed quâ *Poculum* esset *benedicendum*: τὸ ποτήριον (inquit) τῆς εὐλογίας ὁ εὐλογῶν. Eodem modo *Poculum*, quo & *Panis* per εὐλογία confecturatur. Promiscuè enim hæc verba adhibent Evangelistæ, seu εὐλογεῖν seu εὐχαριστεῖν etiam in causâ *Panis*. Proinde non est quòd concludamus, quæ locum habuit in *Poculi* consecratione *Benedictio*, eam utrique in *Pane* nullam fuisse, quanquam nulla memoretur; aut *aliu*m illius fuisse *Ministrum* quàm qui fuerat in *Pane*. Nec enim hæc prorsus verisimilia sunt, temporibus præsertim *Apostolicis*. Quæ, ergo, (inquies) causa cur in solo *Poculo* *Benedictionis* meminit Apostolus? Ardua omnino *Quæstio*, nec temere dirimenda! Solent Veteris Instrumenti Scriptores necessaria hujus vitæ *Panis* & *Aquæ* nomine designare, & nunquam *Vini*. Proinde ea etiam in *Sacrificiis* adhibebant, ea præsertim in quibus contrivari oportuit

com.



communicantes. Pro *Pane* erat  
 כֶּחָם cui respondebant Græco-  
 rum ἐλοχύται & Latinorum *falsæ*  
*ruges*. Pro *Aquâ* in Sacris *Vinum*  
 duntaxat ( quo & *Gentiles* in *liba-*  
*tionibus* utebantur ) ni *funesta* ef-  
 sent, ut in causâ *Zelotypiæ*, tunc  
 enim pro *Vino Aquam* adhibebant.  
 Eduliorum itaque participationes  
*Epulæ*, *Libationum Convivia* pro-  
 priè solebant appellari. A *bibendo*  
 enim *Convivia* arcessunt *Gramma-*  
*tici*, quibus accuratè proinde re-  
 spondebant Græcorum Συμπόσια,  
 & Ebræorum מִשְׁבֵּחַ. Jam verò ad  
*hilarē* quendam, ut dixi, *Enthu-*  
*siasmum* concitandum instituta erant  
 solennia illa, quæ dixi, *Sacra*, quo  
 alacriùs *Hymnos* in laudem Numi-  
 nis decantarent, ut proinde piacu-  
 lum contraheret siquis importunâ  
 aliquâ *tristitiâ* *Sacra* funestâset.  
 Nec enim apud *Judæos* modò, ve-  
 rum etiam apud *Gentiles* vetitus est  
*Sacerdotibus* etiam propinquorum  
*luctus*. Hanc itaque *hilaritatem* cum  
 præcipuè *Vinum*, ut dixi, concitaret,

proinde & de *Vino* Deum *benedixerunt* Sacrificantes Convivæ, & *Vinum* ipse *Deus*. Sic enim quod sensibus humanis gratum esset, id à Deo *benedici* Veteres existimabant.

- Gen. 27. 27. Sic *Isaacus*, ut sensit *vestimentorum Jacobi fragrantiam*. Ecce, (inquit) *odor filii mei sicut odor Agri pleni, cui benedixit Dominus*. Si propter *olfaciûs* jucunditatem ager à Deo *benedici* censetur, cur non *Vinum* propter *gusiûs* jucunditatem, præsertim accedente ejus usu in *Sacrificiis* ? Proinde vinum Deum *lætificare* dicitur & *homines*. Id fateor pro linguæ *Ebrææ* quodam Idiotismo, quo eximia quæque Deo tribuuntur. Sic suprà v. 9. de *Oliva* dicitur, ejus pinguedine *Deos uti* & *homines*. Sic *Moses* infans Deo *gratus* fuisse dicitur, propter egregiam illius *formam*, Act. 7. 20. ἀγαθὸν καὶ ἡγίασμα. Et *Jesus* puer *gratiâ* profecisse apud Deum & *homines*, Luc. 11. 52. Rectè tamen inde colligemus, ni fallor, pro eximio quodam Dei dono *Vinum* habuisse

buisse *Veteres*, & quidem propter hanc quam ferebat *bilaritatem*, Pl. 104. 15. Nec sane usum illum *Olei & Vini* in *Sacris* à *Jothamo* in *Ænigmate* neglectum esse crediderim. Cum enim *ficum*, cujus nullus usus in *Sacris* commendandam susciperet, jam nullam facit de *Deo* mentionem. Proinde *Deo* de *Vini* dono gratias præcipuè agendas censuerunt, ei illius *primitias*, tam *uvas*, quàm etiam *mustum* consecrabant. Nec mirum id, cùm & *Gentes Ethnicæ* similiter, præ *Diis* aliis omnibus, *Bacchum*, de eodem *Vini* dono, præcipuo quodam cultu celebrarent.

§.9. *Primitias* autem propterea consecrabant, non modo *Gratitudinis* causâ, pro jam receptis à *Deo* Beneficiis, sed eo etiam nomine ut *Benedictio Primitiarum* in universam *Vindemiam* transfiret, ut & illam participarent à *Deo* in *Primitiis* benedictam. Sic enim in *Primitiarum* causâ, & ( quod propiùs ad causam nostram spectat )

Rom. 11. 16.

Isidor. orig.  
L. 6. c. 19.

Etat ) *libaminum*, è receptis illius  
 Ævi dogmatibus argumentatur A-  
 postolus; *Quod si delibatio sancta*  
*est, & massa.* Nec vero id in pri-  
 mâ illâ *novarum frugum* dedicati-  
 one duntaxat habebat locum, sed  
 in aliis quoque *Sacrificiis, Libami-*  
*nibusque.* Recondi enim solebant  
 in totius Anni usus *Primitiæ*, ut  
 proinde omnes, quæ quidem cau-  
 sâ publicâ solerent offerri, è *primitiis*  
 offerrentur. Est enim alia Sa-  
 crificiorum *privatorum* ratio, si è  
 voto illa, & à libero offerentis *ar-*  
*bitrio* proficiscerentur. Aliter enim  
 & illa annicula offerenda erant, ut  
 quàm proximè ad *Primitias* ac-  
 cederent. Inde *delibare* idem a-  
 pud Autores quòd *inchoare*, nem-  
 pe quia è *Primitiis* solebant esse  
*libamina.* *Libatio* autem *tantum-*  
*modo Calicis oblatio* est, inquit *Isi-*  
*dorus.* Inde videmus quàm aptè  
 in *Calicem* conveniat hæc *benedi-*  
*ctio.* Videmus etiam omnium *li-*  
*bationum* benedictionem in univer-  
 sam transire *Vindemiam.* In ipso  
 certè

certè *Poculo Eucharistico* non soliùs  
*Sacramenti*, sed ipsorum quoque  
*Sacramenti Elementorum*, habitam  
fuisse rationem, colligimus è Patre  
post Apostolos omnium antiquissi-  
mo, *Justino Martyre*. Sic enim ille  
de suo *ἁγιστῶν* *Acceptis* (in-  
quit) *Elementis*, *Ἄριστον ἐστὶν δόξαν*  
*τῆς πατρὸς πάντων ὁλῶν. ὅτι τῆς οὐσίας* Justin. Mart.  
*τοῦ τοῦ υἱοῦ, ἐκ τῆς πνεύματος* Ap. 2. p. 97.  
*ἁγίου, ἀνατίμῃ ἐκ εὐχαριστίας ὑπὲρ*  
*τῆς κατηξιάσεως τούτων παρ' αὐτῶν ἐπὶ*  
*πολὺ ποιεῖται.* Non itaque pro  
*Christo* duntaxat, meritisque ejus  
per *Sacramentum* applicandis facta  
est solennis illa *Gratiarum Actio*,  
sed pro ipsis etiam *Sacramenti spe-*  
*ciebus*, quæ ibi *ἄριστον* & *ποτήριον*,  
ut in nostro *Canone*, similiter ap-  
pellantur. Quin potiùs aliam nul-  
lam *εὐχαριστίαν* apud *Ethnicos* Prin-  
cipes commemorandam censuit  
quàm hanc quæ etiam ab ipsis sa-  
tis potuit intelligi. *Εὐχαριστίας*  
causæ sanctiores, apud *αἰωνίους*,  
erant utique omnino reticendæ. Sic Iren. adv. Her.  
& Irenæus: *Sed ὅς suis Discipulis* L. 4. c. 32.  
dans

*dans consilium Primitias Deo offerre ex suis Creaturis, non quasi indigenti, sed ut ipsi nec infructuosi, nec ingrati sint, eum qui ex Creaturâ Panis est, accepit & gratias egit dicens, Hoc est Corpus meum; & calicem similiter, qui est eâ Creaturâ, quæ est secundum nos, suum Sanguinem confessus est, & Novi Testamenti novam docuit Oblationem, quam Ecclesia ab Apostolis accipiens in universo Mundo offert Deo, ei qui alimenta nobis præstat, Primitias suorum munerum in novo Testamento. Vid. etiam l. 5. c. 2. Sic & Origenes cujus verba secundâ Parte excripsit Dissertator.*

Origen. c. Cels.  
l. 8. p. 416.

§. 10. Id porro etiam in *Justino* meritò observandum est, in ipsa *Elementa* transire illam quàm *Patri* factam memorat *Gratiarum actionem*. Postea enim ἀπὸν, οἶνον & ὕδωρ εὐχαριστῶν αὐτῷ ait, cum tamen nulla antea, præter eam quæ *Patri* facta esset, præcesserit εὐχαριστῶν. Rectè id nimirum, pro illius *Seculi* dogmatibus. *Sanctificari* enim

enim *Creaturam* docet Apostolus per λόγον Θεῷ, & ἑντάξιιν. 1 Tim. 4. 5. Ea non alia est quàm εὐχαριστία. v. 3. 4. Ergo *Creaturas* εὐχαριστῶν, factâ Deo, de acceptis ab eo Creaturis, εὐχαριστία. Nec alias fuisse crediderim *Eucharisticas* Ἄντι Apostolici *Consecrationes*, quàm solennes illas de *Terræ* fructibus *Gratiarum Actiones*, adjectâ etiam *Christi passi* mentione, novisque eo nomine *Gratiis*. Sic enim factum ut novam *Sacramenti* sanctimoniâ induerent, novis deinde *Corporis Sanguinisque* Mysticis nominibus appellanda. Ut ergo idem erat Deo εὐχαριστῶν eundemque εὐλογῶν, sic & in causâ *Poculi* tantundem valebunt. Ita intelligimus rectè *Calicem Eucharisticam* ποτήριον εὐλογίας, aptéque potuisse appellari. At eâdem causâ ( inquires ) & *Panis Eucharisticus* ἄρτος εὐλογίας fuerit appellandus. Præcipiebat enim eandem, cum *Calice*, benedictionem, & in eo *Panis communis* universa etiam *species*.  
Fateor

Fateor accepisse. Et tamen frequentiores sunt, in sacris Literis, de *Calice* quàm de *Pane*, id genus locutiones. De *libationis Calice* ita Psalter: *Calicem salutaris accipiam, & nomen Domini invocabo.* Ps. 116. 13. *Dominus pars hereditatis meae, & Calicis mei.* Ps. 16. 5. De *placentis* illis, quarum usus in Sacrificiis, quasque proprio *כוס* nomine intelligunt *Rabbini*, nihil adeò magnificum. Id virtuti *Calicis*, quam dixi, *letificæ* tributum verisimile est. Hæc ergo *Instrumenti veteris* exempla præverint *Apostolo*, Patribus *Laodicens* ipse vicissim præverit *Apostolus*. Potuit in *Apostolo* & alia præterea esse ratio. Ut enim *Calicem Eucharisticum* *πίνεον* nuncupat *ἱερογίας*, sic *Panem* similiter *Eucharisticum* *ἄρτον κλάψον*. Nempe *ultimam* Sacerdotis actionem *Mysticam* memorandam censuit antequam traderet Communicantibus. *Pecuniæ* enim *benedictum* statim tradit Communicantibus, non item *Panem*,



nem, sed benedictus antea *frangendus* erat quàm traderetur. Sic enim illam *fractionem* commemorant *Evangelistæ*, commemorat *Apostolus*, ut *Actionis Mysticæ* partem constituere censeretur. Ἐυλογήσας ἵχλασεν, S. *Matth.* 26. 26. S. *Marc.* 14. 22. Ἐυχαριστίας ἵχλασεν S. *Luc.* 22. 19. 1 *Cor.* 11. 24. Accuratè monendum censuerunt omnes, in *Pane*, præter *Benedictionem* accessisse etiam ejusdem *Fractionem*, ut fuerit ea omnino memoranda. *Calicis benedictionem* cum nihil exceperit, rectè ille *Calix benedictionis* potuit propterea appellari. Quid quod propriò quodam Sacrorum Scriptorum Idiomate Eduliorum perceptio *Panis Fractione* denotatur, & nonnunquam solà *Fractione*. Sic nimirum respondet vocibus *Ebraicis* שֶׁכַּר & פֶּיִס seu שֶׁכַּר. In Liquidorum perceptione nulla vox est quæ ita necessariò soleat adjungi.

§. II. Ergo jam ad Canonem  
*Laodicensem* dupliciter existimo  
a a a posse

posse Responderi. Primò fieri potuisse, per mutationem omnino facillimam, ut non *εὐλογεῖν*, sed *εὐλογίας*, scripserint Patres. Sic *Subdiaconi* nulla erit *Benedictio*, sed ut *Panis*, sic etiam *Benedicti* antea à *Sacerdote Calicis*, distributio. Sic certè accuratissimè conveniet Canon cum *Apostolo*, à quo has desumptas esse locutiones est sane verisimillimum. Sic & alius qui ex iisdem hausisse videtur, unde Patres nostri, Apostoli fontibus, *Dionysius*, quem *Areopagitam* appellant. Ait enim cum Sacerdotibus *Diaconos* proponere solitos in Divino Altari sanctum *Panem*, *ἔ το πῆς Ἐυλογίας πτόριον*. Rursus ne de aliquo Lektionis errore suspectum habeamus, *ἰγκχυλουμενόν*, μὴ ὁ θεὸς ἄρτι *οὐ πίνεται*, *ἔ το πῆς Ἐυλογίας πτόριον*. Ita utrobique de *Calice* etiam *nondum consecrato*, quem tamen quia, per *Consecrationem*, in *Calicem Benedictio-*nis transiturus erat, jam illum solenni & vulgari nomine, *Calicem Bene-*

Dionys. Eccl.  
Hierarcho. c. 3.  
pag. 88.

*Benedictionis* appellat. Et verò proclivis admodum è Scribendi compendio erat error. Cum enim scriptum esset *εὐλογ.* nec succurreret Librario ea, quàm dixi ratio, cur *ποτόριον* *Ἐυλογίας* possit appellari; vero præcellisset, in causâ Panis, verbum *διδόναι*, proinde consentaneum duxit, ut vel mutilaret ipse, aut pro scribendi eo, quod dixi, Compendio, suo jam in Codice mutilum crediderit verbo Infinitivo esse supplendum. Fateor interim antiquissimum hunc errorem. Vulgarem enim Lectionem sequuntur antiquissimi, quot habemus *Latinos*, seu Interpretes, seu Canonum Collectores, *Dionysius Exiguus*, *Isidorus Mercator*, *Cresconius*, *Ferrandus*, *Hadrianus* Papa, &c. Sed & *Græci* etiam Canonum Collectores. In Canonis equidem *breviario* nullam faciunt *εὐλογίας* mentionem *Alexius Aristinus* & *Simeon* Magister Logotheta. Sed in ipso Canone legisse ipse certè videtur *Alexius* dum ita illum in-

terpretatur ut in eo Patres *Laodicensi Subdiaconos*, tam à *Presbyteratus* Officio, quam etiam *Diaconatus* excluderint. *Diaconi* enim Officium in *Panis* distributione, *Presbyteri* in *benedictione* Calicis intellexit. Nec est tamen quòd proinde miremur. Illam enim Canonum universam fere literaturam habemus in MSS. Codicibus plerunque mendosissimam.

Omnino in hanc *sententiam* Patres *Laodiceos* intelligendos esse crediderim. Quòd si tamen vocem *εὐλογεῖν* mordicus retinendam esse quis censuerit; ita locum alia poterit habere Responsio. Nempe pro eodem jure quo *Calicem Eucharisticum* *ποτήριον* *Εὐλογίας* appellandum esse diximus, fieri præterea potest ut voce *Technicâ* ab eodem illo titulo deductâ, Ministerium etiam quodcunque in *Consecratione Calicis* obire, id vitandæ *Periphrasis* gratiâ, & pro contractâ loquendi ratione, tantundem valeat ac *ποτήριον* *εὐλογεῖν*.

γέρ. Est enim id in omni homi-  
 num locutione frequentissimum ut  
 etiam *Ministro* id tribuatur, quòd  
 sit tamen à *Causà Principali*. Ita  
*Gentes & Regna evellere, destruere,*  
*disperdere, dissipare, & edificare* & Jrr. 1. 10.  
*plantare* dicitur *Jeremias*, quòd  
 ejus *Ministerio* usus esset Dominus  
 in *prænuñciandis Gentium Regno-*  
*rumque fati.* Quantò potiori ra-  
 tione illi eadem tribuenda erant  
 qui propriam aliquam *operam* ad  
 eventum contulisset? Eam confe-  
 rebant, etiam in *Calicis* benedi-  
 ctione *Diaconi*, pro suo nimirum  
 in Ecclesiâ loco atque Ordine. Nem-  
 pe *Ministerium* erat *Officium Dia-*  
*coni*, non ut ipse munera *Sacerdo-*  
*talia* propriissimè sic dicta obiret,  
 sed ut obeunti *Sacerdoti* assisteret  
 atque deserviret. Respondēbat-  
 que, ut dixi, Gentilium ἱεροποιῆς,  
 qui Sacra Officia ἑρπύλλον, & ver-  
 bis quibusdam solennibus indice-  
 rent, deque ipsis tam *Populum*,  
 quàm ipsos etiam *Sacerdotes* com-  
 monerent. Ut itaque in aliis *Be-*  
*nedi-*

*nedictionibus, indicare illas sic solebat Diaconus, Εὐλόγησον δέσποτα, cui respondet apud Latinos forma illā, Jube Domine benedicere; eandem etiam operam præstabat in solenni, de quā agimus, Sacramentalium quoque specierum benedictione. Sic enim legimus in Missā Chrysostomi; Διάκ. Εὐλόγησον δέσποτα τὸ ἅγιον ποτήριον. Nec aliter in aliā illā Græcorum Liturgiā quæ Basilii appellatur. Fateor idem, & in Panis benedictione, præstitisse Diaconum. Cur tamen in solo Calice benedictio memoretur, satis est, ni fallor, ostensum. Ergo hoc indicendæ Benedictionis munus, quòd proprium erat Diaconorum, id Subdiaconis Patres Laodicenos interdixisse consentaneum est.*

*Ap. Goar. Rit. Græcor. p. 77.*

*Miss. Basil. Ap. Max. p. 164.*

§. 13. Poterit & alia locum habere Interpretatio, si è receptis hodièque recentioris Ecclesiæ Græcæ moribus veteres Ecclesiæ Græcæ Canones liceat interpretari. Quod certè nescio cur non liceat dum nec certiora suppetant, nec aliunde de recep-

recepti moris *novitate* constet. Duplicem autem adhibent *Græci benedictionem* specierum *Eucharisticarum*, non modò diversis in *locis*, verùm admodum diverso etiam *consilio*, in *Prothesi* aliam, aliam in *Altari*, verùm eodem hodie utramque Consecrationis *Ministro*, ipso nimirum *Sacerdote*. Minorem illam in *Prothesi* propterea solebant, ni fallor, adhibere, ut solenni aliquâ Cærimoniâ è *communi* usu in *Sacrum* vendicarentur antequam in usum *Sacramentorum* migrarent, omnium sanctissimum. Quanquam enim *dona* omnia *Oblationesque* quæ quidem in *sacros usus* destinarentur, ipsæ etiam pro *Sacris* haberentur; propriam tamen quandam præ aliis *donis* sanctimoniam ea habere credebantur quæ in publicos *Synaxeon* usus expendenda erant, propriamque adeò habebant *Consecrationem*. Proinde cum *Primitiæ* omnes *Clero* in *Ecclesiâ primariâ* solverentur, nullæ tamen in *Ecclesiis offerendæ* erant nisi quæ

*Cas. Apost. 3 4.*

in

in *publicos* Ecclesiarum usus, essent, ut dixi, referendæ. *Panem* igitur & *Vinum* consecranda offerebant quibus Jus erat *Communions* cum *Oblatione*. Nec ideo quæ primam illam inferioremque *Consecrationem* obtinebant, proinde etiam secundam majoremque consequerentur in usus *Eucharisticos*. *Panem* enim ita consecratum ad externos mittebant quos *Communions* suæ participes agnoscebant. Quod tamen ne in speciebus *Eucharisticis* fieret, vetant disertissimis verbis Patres nostri *Laodicensi*. Estque id præterea notandum proprio suo nomine sacros *minori Consecratione* Panes *Eulogias* appellari ut à Pane *Eucharistico* distinguerentur. Sic enim nostri Patres: Περὶ τοῦ μὴ τὰ ἁγία εἰς λόγον εὐλογιῶν, καὶ τοῦ ἱερτικοῦ τοῦ Παζα εἰς ἑτέρας ταπεινίας &c. πρὸς τοὺς. Quod si hæc minor consecratio fuerit unquam *Diaconis* *Subdiaconis*ve permessa, non tamen inde sequebatur munus aliquod *Sacerdotale* propriè sic dictum cum

*Concil. Laodiceum. Can. 14.*



cum *Laicis* fuisse communicatum. Sed *Panis* duntaxat *Eulogias* legimus, *Vini* nullas usquam legimus. Primam itaque *Responsionem* *verissimam*, secundam etiam *verisimilem*, existimo.

§. 14. Quod verò diximus Officium *Diaconorum Subdiaconis* interdictum, longe id verisimilius quàm quod putant *Adversarii* Officium *Presbyteratus* à *Subdiaconis* usurpatum. Longiùs summoti erant, pro illius *Ævi* *Disciplinâ*, à *Subdiaconis Presbyteri* quàm ut *Presbyterum* *Jura Subdiaconi*, nullo antea facto gradu, seu auderent, seu etiam possent, sibi vindicare. *Diaconos* propiùs attingebant *inferiorum Ecclesiæ Ministrorum supremi, Diaconis proximi*. Et verò *Diaconorum* istiusmodi erat Officium, ut in *Communicantium multitudine* necessariæ essent *multorum operæ*, non item illud *Presbyterorum*. *Ægriùs* enim poterant à paucis jam consecrata *Elementa* in multos *distribui* quàm nondum consecrata *Consecrari*.

*Concil. Neocæs.  
Can. 19.*

*crari. Accedebat præterea Diaconorum ipsa paucitas, minùs illa numerosa quam Presbyterorum. In Provinciâ certè finitimâ constitutum legimus ne in Civitate quantumvis magnâ plures tamen essent quàm septem Diaconi, propter exemplum Apostolorum. Ea consuetudo si in hac etiam Provinciâ obtinuerit, jam videbimus cur Subdiaconorum auxilium ipsis etiam Diaconis esset expetendum. Quid quod Subdiaconorum locus ad fores Sanctuarii ita situs erat opportunè ad Officium Diaconorum, ut nullum fere Officii sui munus præstare potuerint Diaconi quin per Subdiacones esset transeundum. Hoc itaque si obtineamus Diaconorum illud fuisse munus quod hoc Canone Subdiaconis Concilium interdixerit, jam sequetur de Consecratione Calicis Eucharistici ne quidem intelligi posse quæ nulla prorsus attinebat ad Officium Diaconi. Sed putat se Jus illud Diaconis asseruisse Cl. Disertator. Videamus itaque quàm solidè,*

C A P.

## CAPUT VIII.

De Diaconorum Oblatione,  
cujus mentio in Canonibus An-  
cyrano & Arelatensi.

**C**anon Ancyranus. Nullam  
agnoscebant illius Seculi  
Patres Offerendi Potestatem in  
Diaconis. §. 1. Rectè vox ἀνα-  
φίπειν intelligi potest de priori  
Consecratione in Prothesi. §. 2.  
Consecratio illa prior Antiquitus,  
non in Prothesi, sed in Diaconi-  
co, peracta est, & quidem ab ip-  
sis Diaconis. §. 3. Veterum  
Sanctuaria Prothesin nullam  
habebant, sed duntaxat, Dia-  
conicon. §. 4. De S. Tho-  
mæ Christianis. §. 5. Canon

Arelatensis. §. 6. Resp. 1. intelligi posse de praxiâ illâ Consecratione quæ & ipsa postea ablata à Diaconis Presbyteris asferta est, & quidem primo in Occidente. §. 7. Resp. 2. ut intelligeretur de Consecratione Sacerdotali, speciem tamen illi usurpandæ facere potuit prior illa Consecratio, siue nullo Jure aut primævâ Consuetudine. §. 8. Etiam urgente Necessitate, non aliis tamen quàm Presbyteris Eucharistiæ Consecrationem permittit Ecclesia. §. 9, 10.

§. 1. **P**rofert imprimis Cl. Vir secundum vetustissimæ Ancyranæ Synodi Canonem, in quo de lapsis Diaconis qui denuò Confessionis agonem instaurâssent, ita constitutum legimus. τὸ μὲν ἄλλω κελῷ, ἐχὺν πεπαύμενος δὲ αὐτὸς πάσης τῆς ἱερᾶς λειτουργίας, τῆς τε τοῦ ἁγίου ἡ ποτιζοῦν ἀναφέρειν, ἢ κηρύσσειν. A voce ἀναφέρειν tota pendet Argumentatio,

tio, quàm de *Sacrificâ* Sacrificii  
*Eucharistici Oblatione* intelligen-  
dam contendit Vir eruditissimus.  
Ergo jam, si illum audiamus, ad  
Officium *Diaconi* spectârit, non so-  
lius *Calicis*, sed *Panis* etiam *Euchari-*  
*stici*, *benedictio*, cujus certè mirum  
est non meminisse Canonem *Laodice-*  
*num*, si, in quam ille interprætatus est  
sententiam, reverâ esset intelligen-  
dus. Opponit *Petavius* disertissi-  
mum *Nicænæ* Synodi Canonem re-  
centi Synodi *Ancyranæ* memoriâ  
conditum, in quo ita Patres illi  
supponunt, nullam esse, quam vo-  
lunt Adversarii, in *Diaconis* Con-  
secrandi Potestatem, ut verterint eti-  
am in *Argumentum*. Cum enim  
nonnullis in locis auditum esset *Di-*  
*aconos Presbyteris* dedisse species  
*Eucharisticas*, hoc propterea dam-  
nant Patres quòd indecorum esset  
qui *Consecrandi Potestatem* habe-  
rent ab illis *Eucharistiam* accipe-  
rent, qui ipsi illam *Consecrare* non  
poterant, τὸς ἐξουσίῳ μὴ ἔχοντας δε-  
σφύρειν τοῖς δεσφύροις διδόναι.

Concil. Nicæn.  
 Can. 18.

Hoc

Hoc & Canoni contrarium pronunciant & *αὐθεντικά*. Nulla itaque erat, quam fingunt Adversarii, in contrarium *consuetudo* illius Seculi Canonibus Ecclesiasticis primum improbata. Collectionem præterea habemus rerum Ecclesiasticarum antiquissimam in *Constitutionibus* illis, quas *Apostolicas* appellamus, uno forsitan alterove Seculo post *Nicænos* Canones *Ancyranosq;* in hanc quam hodiè habemus formam redactam, sed è monumentis Antiquissimis Patribus illis omnino *coævis*, vel etiam *antiquioribus*, confarcinatam. Vix enim est quòd dubitemus quin *Epiphanianas Constitutiones* plerasque complectatur, & vetustiores illas *Hippolyti*, & *διδασκαί* illas atque *διδασκαλίας* quæ aut *Apostolorum* aut *Virorum* saltem *Apostolicorum* nomine sub *Quarti* saltem Seculi initio venditabantur. Sic autem illa Potestatem *Diaconorum* describit, ut *cum Nicænis* Patribus conveniat ad amissim, ab Adversariis quàm

quàm longissimè recedat. Διάχο-  
 ρος (inquit) ἐκ ἙΥΛΟΓΕΙ. const. Ap. L 8.  
 ἡ δὲ διδασκὼν ἐν λόγῳ λαμβάνει δὲ c. 28.

καὶ τῷ Ἐποκόπῃ ἔ Presbyterῳ.  
 ἡ βαπτίζων, ἡ ΠΡΟΣΦΕΡΕΙ  
 τῷ δὲ Ἐποκόπῃ προσενεγκεν. ἡ  
 τῷ Presbyterῳ, αὐτῷ δὲ διδασκὼν τῷ  
 λαῷ, ἡ ὡς Ἱερεὺς, ἀλλ' ὡς Ἀγ-  
 χιδεύς. Ἱερεὺς. Sic & ipse Adv. Lucifer.  
*Hieronimus*, quem suum putant p. 623.

Adversarii, de *Hilario Diacono* :  
*Hilarinus*, cum *Diaconus de Ecclesiâ*  
*recesserit*, solusque, ut putat, turba  
*sit mundi*, neque *Eucharistiam* con-  
*ficere potest*, *Episcopos & Presbyte-*  
*ros non habens*, neque *Baptisma sine*  
*Eucharistiâ tradere.*

§. 2. Fieri itaque non potest  
 ut rectè Patres *Ancyranos* intellex-  
 erint Adversarii. Alia ergo quæ-  
 rendam Interpretatio quæ meliùs  
 cum Officio *Diaconorum* & cum *Se-*  
*culi* consuetudine conveniat. Per  
 κηρύσσειν non hîc illud intelligitur  
 quod vulgò solet intelligi, *publicæ*  
 nimirum illæ ad Populum *Cencio-*  
*nes* quæ hodiernarum *Synaxcon*  
 partem

partem faciunt hodiè præcipuam. Erant enim illæ, Primævis Seculis, *Episcoporum* fere propriæ. Et si fuerint aliquando *Presbyterorum*, non tamen *omnium* sed duntaxat *Dottorum*. *Diaconis* vix ullis concessas fuisse crediderim, non certè ipso *Diaconatus* nomine, ut proinde ad *Officii* constitutionem pertinuerit. Voce eâ Potestas *Ἱεραρχικῶν* indicatur quâ *Officia* omnia tam à *Plebe*, quàm etiam à *Sacerdote*, præstanda indicta fuerint. Ex antiquissimis enim quas habemus *Liturgiarum* formis constat propriam illam semper fuisse *Diaconorum*. Sed vocem *ἀναγίγειν* de alio quàm *Eucharistiæ* Officio ne quidem intelligi posse arbitrantur. Perperam illi, & sine ullâ, quæ ita intelligendam suadeat, necessitate. Rectè enim & illa poterit ad priorem illam, quàm dixi, *Consecrationem* adhiberi. Eam certè adhibuit *Simeon Thessalonicensis*. Sic enim ille de priori illâ, quæ in *Prothesi* fiebat, *Consecratione*; rationem reddit cur  
ante



ante secundam *Eucharisticam* Consecrationem *Elementa* tamen à Populo adorentur: ἐν τῇ Προθέσῃ

ἀνετίθησθαι τῷ Θεῷ & ὁ Ἱεροὺς ἐχέει διχλῶς ἈΝΕΦΕΡΕ τῷ Θεῷ. &

προσδέξαται πάντα εἶπεν εἰς τὸ ἄνω θυλάκιον. Voci ἀνετίθησθαι vox

Ἀναφέρειν respondet accuratissimè, ut proinde cū vox prior de priori

illā consecratione dicta sit, deque dicatis in eā Elementis, secunda

etiam non de Prece duntaxat, sed de Elementis, sit etiam intelligen-

da. Nostræ tamen causæ abunde sufficiet si vel illa Precationis ἀνα-

φορὰ possit tribui Diaconis. Verbis tantundem valentibus utuntur

etiam alii. ΠΡΟΣΚΟΜΙΔΗΝ & ΠΡΟΣΦΟΡΑΝ appellat

Germanus. (a) Ἀνατίθησθαι (b) προσάγειν. (c) προσφέρειν. (d) ἱερουργεῖν. Elementa illa in προθέσῃ

docet Cabasilas. Et ne quid suspicemur in hac priori benedictione

Sacerdotale, disertis verbis monet (e) Cabasilas adhuc esse ἄρτον ψαλόν, nec fieri eam mutationem

ccc quā

Sim. Thef. ap.  
Goar. Rit.  
Græc. p. 225.

German. Reta  
Eccles. Cont.  
Tom. 2. Bibl.  
Gr. Lat. Patr.  
Ed. 1624.  
p. 137, 138.  
(a) Cabasil. iō.  
Liturg. Exp.  
c. 2. 6, 8.  
(b) Cab. ib. c. 4.  
(c) Cab. ib. c. 5.  
(d) Cab. ib. c. 8.  
(e) Cab. ib. c. 6.  
11. 24.



inde necessarium est hanc solennitatem solos obiisse *Diaconos*.

§. 3. Valde equidem diversa hæc est à *recentiorum* illâ pompâ quâ *Dona* antea Consecrata è *Prothefi* in *Altare* transferuntur. Vestiti pro more *Sacerdos* & *Diaconus* adeunt *Prothesin*, ibi Sacris à *Diacono* antea præparatis, disco ad *sinistram*, calice ad *dexteram*, trina *Prothesin* adoratione venerantur. Sumit deinde *Sacerdos* in sinistrâ manu *Panem*, dextrâ *lanceam*, qua sigillum *Pani oblatitio* imprimi solitum signo *Crucis* acris ipse signabat. Tum *lanceâ* in *Panem* infixâ partem *Eucharistiæ* dicandam è *Pane medio* excindit. Eam ita excisam primò *supinam* ponit in *disco* immolatque, postea in aliud *latus* conversam quo impressum fuerat *signaculum*, *dexteram* rursus illius partem *lanceâ* pungit. Dein alias oblatitiorum *Panum particulas* suo quamque ordine disponit, infusâ antea in *Calicem* cum *Vino Aquâ*, Inde *Asteriscum* & duplex præterea

Velum Pani superimponit. Tandem adorantes tam ipse quàm Diaconus, Sacerdos Oratione προσέσεως primam illam Consecrationem absolvit. Nec tamen protinus sequitur Donorum in δυσπασχεύων translatio, dum, dimissis Catechumenis, in Missâ etiam Fidelium fuerit aliquousque progressum. Tum secundum introitum faciunt, μεγάλῳ εἰσοδῶν, ab hac ipsâ Donorum translatione ita appellatum. Discum Diaconus in capite, Sacerdos Calicem in manu deferit, Templum thure suffumigante Diacono, dum ἐπὶ προσέσεως πύλῃ transcunt ad πύλῳ ὡραίου δυσπασχεύων. Nihil istiusmodi quo tempore conditæ sunt Antiquiores illæ, quas appellant, Apostolorum Constitutiones. Nulla ibi mentio προσέσεως, nulla Sacerdotum deferentium. Aderat equidem Germani tempore in Prothefi Sacerdos, quod duplex esset Persona repræsentanda Josephi Arimathæensis atque Nicodemi. Officium tamen disertissimis verbis ait peregrisse

German. ii.

p. 137.

Ibid. p. 138.

peregisse *Diaconum*. ὁ μὲντοι Ἐκ-  
 κλη. ὁ τῷτο ἐνεργῶν. Et de *Panis*  
*excisione*: Αὐτὸς δὲ ὁ τὸ δεῖον σῶ-  
 μα Ἐκκλησιῶν Ἐκκλη. Sic nimi-  
 rum in Ecclesiâ Constantinopolitanâ.  
 In Romanâ jam antea probabile est  
 obtinuisse novitatem. *Pseudo-Areo-*  
*pagitam* à Romanis suppositum ve-  
 rissimile est, ab ipso etiam Magno  
 fortasse Gregorio. Fuit Epistola  
*Anastasi* Bibliothecarii præfixa  
*Scholiis Maximi & Joannis Scytho-*  
*politani* à se collectis, Latineque  
 conversis, ut ita suspicemur. Quo  
 etiam facit quòd Romanorum poti-  
 ùs, quàm Græcorum, mores ab eo  
 enarrari observârit ipse *Maximus*,  
 quod equidem non fieret si Græci  
 esset Autoris, gente nimirum Græci  
 pariter ac linguâ. Apud illum  
 proponunt sacrum Panem atque Ca-  
 licem ἐπὶ τῷ δεῖσι δυσιασμεῖς (nec  
 enim ulla ibi mentio *Prothesis* ab  
*Altari* distinctæ) οἱ τῆς λειτουργικῆς  
 Ἐκκοσμήσεως ἔκκερτοι σὺν τοῖς Ἱε-  
 ρεῦσι. *Diaconi* sunt qui hic λειτου-  
 ρικῆς Ἐκκοσμήσεως ἔκκερτοι appel-  
 lantur,

Maxim. Schol.  
 in Dionys. Eccl.  
 Hierarch. c. 3.

Dionys. Eccl.  
 Hierarch. c. 2.

lantur, ut nimirum ita à *Subdiaconis* distinguerentur, quos communi *Λειτουργῶν* nomine solet complecti *Pseudo-Dionysius*. His itaque *Sacerdotes* adjungebant in solenni illo *Donorum* introitu *Romani*.

ϕ. 4. Ita nimirum obtinuit cum non in *Diaconico*, sed in *Prothesi*, fieri solebat prima illa *Consecratio*. Antiquior autem Ecclesiastici *Adyti* distributio è solo *Diaconico* constabat, & *Majori Sanctuario*, quod nunc *Θυσιαστήριον*, nunc *ἄγιον βήμα*, appellant *Græci*, cujus retinent hodieque vestigia recentiorum *Adyta* nonnulla & ipsa quoque bipertita, eo tamen discrimine, quòd *Prothesin* habeant recentiora, neglecto *Diaconico*, *Prothesin* è contrà nullam memorant *Canones Laodicæni*, qui tamen *Διακονικῶ* & *Θυσιαστηρίῳ* mentionem faciunt disertissimam. Cum ergo prior illa *Ἐυλογίων Consecratio* perageretur in *Diaconico* (& verò certum est Concilii *Laodicæni* tempore illas fuisse *Ἐυλογίας*) omnino consentaneum

taneum est *Consecrationis* illius *Ministros* solos utique fuisse *Diaconos*. Nec enim adeo honestum erat & *Officii* dignitati conveniens ut *loci* inferioris *Officium* obirent ipsi *Sacerdotes*. Ita enim in *Sacris* solebant *Officiorum* intervalla sanctè observari, ut ex assignatis cuique muneribus significaretur potius quo in pretio quisque esset habendus. Proinde ut à *Superiorum* muneribus arcebantur *Inferiores*, ita vice versâ nefas erat si quis *Inferiorum* munera *Superior* volens & suapte sponte obiiisset, adesset modò ex *Inferioribus* quispiam qui ipse posset obire. Sic enim Antiquus Autor, sub nomine *Hieronymi*, ipsi tamen, ut videtur *Hieronymo* coævus; *Ipsis etiam Sacerdotibus, propter præsumptionem, non licet de mensâ Domini tollere Calicem, nisi eis traditus fuerit à Diacono*. Ergo ne licuerit quidem *Sacerdoti* *Officium* obire in *Diaconico* obeundum. Et quidem cum *Constitutionibus* Apostolicis, *Diaconis* idem hoc *Officium*

*De Sept. Grad.*  
*Eccl. Tom. 4.*  
*Op. Hieronymi*  
*Edit. Par. 1609*

um alligat. Sic enim ille: *Levitæ inferunt Oblationes in Altari*. Ex his itaq; illius *Ævi* monumentis longè meliùs Canonem *Ancyranum* interpretabimur quàm è conjecturis junioris, utcunq; docti, Dissertatoris.

§. 5. Quæ hîc subjungit de *S. Thomæ* Christianis, qui deficiente *Episcoporum Presbyterorumque* Succellione, unicum rogârunt, qui solus supererat, *Diaconum*, ut *Sacramenta* administraret, non opus est ut fusiùs excutiamus. Unde enim constat rectè fecisse illos? Unde vel illud, ipsos ita credidisse rectè à se factum quod, nisi eâ *Necessitate* cogente, non fuissent utique facturi? Unde, vel eâ ingruente *Necessitate* rectè factum, cum & ad aliquam *verisimilitudinis* speciem habentia, & ad ea quæ nec ipsi *verisimilia* existimant, cogat homines alioqui perspicacissimos, sæpe *Necessitas*? Quanto magis *Barbaros*, & bonarum literarum, Ecclesiasticarumque Historiarum rudes atque imperitos, quales



les illos esse constat *Malabarum* Christianos? Sed *veterum Institutorum* retinentissimos esse observat Dissertator. Itane veterum institutorum retinentes credidit ut *novæ* Instituta nulla habeant *Veteribus* permista? Itane *Veterum*, retinentes, ut etiam *Apostolicorum*? Itane *Apostolicorum*, ut quæcunque apud illos hodieque reperimus, ea propterea, sine aliis antiquioribus Testimoniis, *Apostolis* ipsis necessario tribuenda sint? Et verò quomodo poterant ex antiquis *Apostolorum* Institutis colligere, quid urgente esset *Necessitate* faciendum? Creditne *Grotius* defecisse *Sacerdotes*, aut similem aliquem Casum contigisse, sub *Apostolis*? Inde quid in eo casu fecerint, ad seros usque Posterios, sine literis scriptisque, certum nihilominus firmumque permanasse?

§. 6. Sequitur Canon *Arelatensis*, quem miror à *Petavio* prætermissum, cum faciat aliequi maximè ad institutum Dissertatoris.

*Concil. Arel. 1.*  
*Cap. 15.*

Is ita se habet: *De Diaconibus, quos cognovimus multis locis offerre, placuit minimè fieri debere.* Malè hìc Dissertator conferendum censuit hunc Canonem cum Canone *Ancyrano* in voce Offerendi, si quidem vellet *Disputare*. Alia enim videretur fuisse *Oblatio* de quâ agunt Patres *Ancyrani*, ab Ecclesiâ *probata*, alia hæc Patrum *Arelatensium* ab ejusdem Seculi Ecclesiâ *improbata*. Nec enim est quòd multa illa *loci*, in quibus error *Diaconorum* contrarius obtinuerit, de locis *Orientalibus* intelligamus Patrum *Ancyranorum*. Sux enim ditionis fuisse ostendunt sequentia, *placuit minimè fieri debere*. Fateor equidem *Arelatensis* hujus Concilii, propter *Imperatoris* Mandatum, & causam quæ in eo præcipuè agebatur *Asrorum*, Potestatem ampliorrem fuisse quàm ut solâ *Galliâ* clauderetur. Alius tamen erat, in Oriente, *Licinius* Imperator cujus nulla legimus ad Concilium mandata; nec verò aliarum rerum extra

tra suam provinciam Potestatem habebant quàm earum de quibus fuerat legitimè *relatum*, seu ab *Imperatore*, seu à *Donatistis* appellantibus. Nec verò poterat *Petavius* huc referre usum vocis apud *Cyprianum*, quo Communicantibus *Diaconus* Calicem *efferre* dicebatur. Nec enim eà *oblatione Diaconis* Concilium interdixisse verisimile est, quam ad recentiora usque tempora descendisse, in Ecclesiâ *Latinâ*, videmus.

§. 7. Duobus itaque modis Responderi posse existimo. 1. Ut nihil sit unde *necessariò* colligere possemus de unâ eademque *Oblatione* nostrum agere Canonem *Arclatensem* atque *Ancyranum*; ita vicissim nihil esse quod *pugnet* quo minùs de eâdem utrumque possemus intelligere. Quod enim in uno eodemque Seculo una eum probârit Ecclesia, alia improbârit, fieri id satis commodè potuit, in re præsertim *Adiaphorâ*, qualis erat ea, de quâ Canonem *Ancyranum* inter-

pretati sumus, *Oblatio*. Ut enim postea, in *primâ* illâ Eucharistiæ *Consecratione*, varii erant unius ejusdemque Ecclesiæ mores, ut cum soli illam Concilii *Ancyran* tempore obierint *Diaconi*, postea exclusis ab omni Consecrandi munere *Diaconis*, soli, etiam in *Orientali* Ecclesiâ, obierint illam *Sacerdotes*; sic in *caeteris* etiam Ecclesiis *varii* tamen poterant esse *mores*. Et vero jam ostendimus esse verisimile coepisse apud *Latinos* morem excludendi ab eâ Consecratione *Diaconos*. Sic enim *Pseudo-Areopagita* (quem *Romani* moris testem ostendimus) cum *Diaconis* jungit *Sacerdotes* inferendis in Altare sanctis muneribus; cum tamen Patriarchæ *Germani* tempore (qui *Pseudo-Dionysio* aliquanto recentior est) soli adhuc in Ecclesiâ magnâ *Constantinopolitanâ* (quam reliquis proponit in exemplum) Ministerium illud obierint *Diaconi*.

§. 8. Potius tamen fateor eò me propendere ut secundo modo intelli-

intelligam, de ipsâ nimirum, quam volunt Adversarii, *Oblatione Eucharisticâ Sacerdotum* propriâ Erant nimirum in villis quibusdam *Rusticanis* quæ paucos admodum incolas haberent, *soli*, sine Episcopis Presbyterisve *Diaconi*. Horum munus, pro illorum Temporum disciplinâ, in solâ Ecclesiasticorum *Officiorum* administratione versabatur. *Conciones* nullas *Diaconis* concessas ostendimus. Ergo in erudiendis *Catechumenis*, in solennibus *Synaxeon* fortasse præcibus, in moribundorum *Baptismo* atque *Communiene* erat constituendum, præsertim verò in *Sacramentis*, quâ licebat, administrandis. In causâ *Baptismi*, qui *moram* ferre possent, eos nonnisi *Festis* solennibus præsertim *Paschæ*, in Ecclesiâ *Episcopi* *Metropolitana* *Baptizare* solebant, ut proinde non fuerit necessarium ut eos *Baptizarent* ipsi *Diaconi*, sed ut ad *Episcopum* *Baptizandos adducerent*. Nec verò erat cur hoc ferrent molestè *Diaconi*, cum ne quidem

*Pres-*

*byteris* hoc licuerit extrà *Necessita-*  
*tis* casum constitutis. Qui verò  
 in præsenti mortis periculo age-  
 bant ut moram illam ferre non pos-  
 sent, quin mox illis esset subveni-  
 endum; illos *Diaconus* poterat  
*Baptizare*, eâ tamen lege ut siste-  
 ret *Episcopo confirmandos* si conva-  
 luissent. Ita fuisse dicimus è coæ-  
 vo Canone, & quidem illo Occi-  
 dentali. Sic enim Patres Eliberi-  
 tani: *Si quis Diaconus regens Ple-*  
*bem, sine Episcopo, vel Presbytero,*  
*aliquos Baptizaverit, Episcopus eos*  
*per benedictionem perficere debet.*  
 Alterum *Sacramentum* quâ licebat  
 obire *Diaconis, præsanctificatis*, pro  
 illorum *Seculorum* more, obiisse  
 crediderim. Nempe *arcas* & illos  
 habuisse verisimile est à vicinis  
*Presbyteris* identidem supplendas;  
 inde ad manum fuisse species quas  
 darent morientibus. Siqua verò  
 gravior ingrueret necessitas ut ne  
 quidem illæ præstò fuissent; jam  
 colorem dabat *Consecrationi* ipsa illa  
*Neces-*

Council. Elibe-  
 ritan, Can. 77.

*Necessitas*, & ad Juris asserendi speciem faciebat prior illa *Elementorum* Eucharisticorum in *Prothefi* Consecratio. Præsertim cum & illæ à *Diaconis* consecratæ *Eulogiæ* iisdem fere usibus solerent inservire quibus & species ipsæ *Eucharisticæ*. Dabantur enim iis quibuscum salvam vellent profiteri *Communionem*, etiam *Eucharisticam*, nempe *non Communicantibus*, siqui aderant, *Fidelibus*, & *Amicis absentibus*. Ab hac itaque primâ Consecratione facilis erat ad secundam gradus, cum & in iisdem soleret peragi *speciebus*, & instaret præterea exlex illa & dura *Necessitas*. Cum enim *Charitatem* quandam præ se ferret, insignemque in *Animas* morientium benevolentiam, ne necessaria illis *viatica* deesse paterentur; potius cogitabant simpliciores *quid* fieret, quàm quâ tandem id fieret *Autoritate*.

§. 9. Utcunque tamen, & quibuscunque tandem impulsî rationibus, auderent illud Officiû obire, etiam urgente Necessitate, *Diaconi*, non id tamen, pro Jure *Diaconatus*, nedum *Laicorum*. Sed nec *proban-  
tibus* Ecclesiasticis, nec traditâ ab *Apostolis* eousque *consuetudine* ut-  
cunque improbatâ, ut putant Ad-  
versarii. *Necessitas* ea quæ qui-  
dem habebat in *hec* Sacramento lo-  
cum, pro receptis Primævorum  
Christianorum dogmatibus, erat  
causa *Moribunderum*. Ut enim  
necessarium credebant moribundis  
*viaticum* (sic enim *Eucharistiam*  
appellabant) ut in Ecclesiæ Pace  
decederent; ita etiam curabant  
ne *Legum Ecclesiasticarum* scrupu-  
losa nimis Observatio obstaret quo  
minùs *moribundis* adessent tanta  
mortis solatia; & proinde ipsis *Le-  
gibus*, pro eo nimirum vice, viris,  
quâ licebat, abrogarent. Ita *Bap-  
tismus* non alicui nisi in solenni-  
bus Ecclesiæ *Festis* celebrandum,  
*Clinicis* tamen nunquam censue-  
runt



runt esse negandum. Sic etiam *Encharistiam* cum non alioqui nisi è *Præfidentium* manu sumerent, quo tamen esset in hujusmodi casus paratior, domum deferebant. Ea, si defecisset, nec esset novæ Synaxis copia, petenda erat à *Presbyteris*, qui aut *præsanctificatam* mittebant, ut in causâ *Serapionis*, aut novam ipsi denuò, si opus esset, *consecrabant*. Nusquam id *Diaconis* permissum legimus, nusquam aliis quàm *Presbyteris*, pro eâ etiam, quam dixi, *necessitate* moribundorum. Non aliis permisit *Dionysius Alexandrinus*, non aliis *Cyprianus*.

Euseb. Eccl.  
Hist. 6. 44

§. 10. Sub illo contigit *Lapsorum* illa tam pertinax, quam dixi, *Seditio*, de *Communione Ecclesiæ* sibi vendicandâ. Instabant illi, minabantur, urgebant, usque adeo ut victi tandem cesserint nonnulli tam importunæ *Lapsorum* flagitationi *Ecclesiæ Carthaginensis* tam *Presbyteri* quàm etiam *Diaconi*, ut neutiquam expectato *Episcopi*

e e e                      suffra-

gio, *Lapsis communicarent*. Et tamen communis criminis invidiam in solos *Presbyteros* confert *Cyprianus*. *Aliquos de Presbyteris* id sibi vendicasse queritur Ep. 10. à quibusdam *Presbyteris* resolvi desideria *Martyrum* Ep. 11. quosdam de *Presbyteris* *Lapsis* gratificantes decepisse Ep. 12. Ecquis est quin videat, in communi illo crimine, *Diaconorum* tamen operam fuisse quòd species à *Presbyteris* præsanctificatas ad *Lapsos* detulerint, non propriam ipsi *Consecrationem* obierint? Sic enim fiet ut in *Presbyteros* recte conveniat criminatio, si quæ peccarunt *Diaconi* ea peccarint *Presbyteris Autoribus*, nimirum ut eorum *Ministri*, qui ni acceperissent ab illis *Elementa Eucharistica* ad *Lapsos* deferenda, ne quidem *Potestatem* alioqui habuissent *Lapsos* ad *Communione* admittendi. Si enim nova *Elementa*, neutiquam à *Presbyteris* consecrata, ipsi consecrassent, jam certè

certè parem cum *Presbyteris* ipsis reprehensionem incurrissent, majorem potiùs si *commune* etiam *Officium inferiores* *Superiorum* injussu obiissent. Ut enim in *contumeliam Episcopi* Factum illud *Presbyterorum* interpretatur *S. Cyprianus*; ita si similiter peccassent *Diaconi*, non utique in contumeliam solius *Episcopi* cessisset, sed etiam *Presbyterorum*. Habemus etiam Exemplum *Gaii Did-* Ep. 22.  
*densis*, ejusque *Diaconi* qui, injussu *Episcopi* cum *Lapsis* communicarint. Eorum Factum ita designat *Cyprianus*, quòd *communicarint cum Lapsis*, *Lapsorumque Oblationes obtulerint*. Quid si itaque *Gaius Presbytero Communicationem* tribuamus, *Oblationem* illam de priori *Prothefi Oblatione* intelligamus, eamque *Diacono* assignemus, ita tamen ut & illa laxiori sensu pro *Communicatione* quãdam habenda esset, quod non aliis dandæ illæ essent *Eulogiæ* præterquam

quam illis quos pro *Communicanti-*  
*bus* agnoscerent. Non equidem ita  
 longe fortasse aberraverimus à  
 mente *Cypriani*. Utcunque ta-  
 men hujus etiam *Diaconi* culpam  
*Presbytero* impropere, cum ita  
 queritur, *intercessisse quosdam de*  
*Presbyteris, ut communicandum cum*  
*Lapsis temerè existiment.* Illud  
 certè constat non de *Celebrantibus*  
*Diaconis*, sed duntaxat *Ministran-*  
*tibus* omnem illum esse sermonem,  
*Ministerio* nimirum illo quod Sa-  
 cerdotibus Ecclesiasticis exhibebant  
 pro Officio *Diaconi*, dum & sæpe  
*Presbyteros* reprehensos legimus  
 nullâ factâ *Diaconorum* mentione,  
 nuspiam vice versâ *Diaconos* quin  
*Presbyteros* culpæ socios Autores-  
 que habuerint.

Ita alium quoque *Cypriani* locum  
 intelligemus. Sic enim statuit de  
*Lapsis, si incommodo aliquo & in-*  
*firmitatis periculo occupati fuerint,*  
*non expectatâ ( inquit ) presentia*  
*nostrâ,*

nostrâ, apud Presbyterum quemcunque præsentem; vel si Presbyter repertus non fuerit, Surgere exitus cæperit, apud Diaconum quoque exomologesi facere delicti sui possint, ut manu eis in Pœnitentiam impositâ veniant ad Dominum cum Pace, quam dari Martyres literis ad nos factis desideraverunt. Pacem dederant eâ formâ Martyres. Communicebat ille cum suis, unde Communionem Lapsis à Diaconis datam fuisse constat licet nulla memoretur, sed, quo dixi modo, consecratam antea à Presbyteris.

Quæ porro sequuntur è Synodo Trullanâ, ex Historiâ Gallicanâ & Rananiis, & Erasmo, satis commodè solvit ipse Petavius, & leviora sunt quàm ut longam operam mereantur. Quæ verò Prato

Prat. Spirit.  
c. 199.

Spiritali adducit Dissertator de Sene Laico Eucharistiam consecrante, meræ sunt Dissertatoris ipsius hallucinationes. Nec Laicum illum appellat Moschus, quin potius con-

contrarium innuit cum adesset celebranti *Diaconus*. Nec enim Laicis, ubi adsunt *Diaconi*, hanc *Consecrandi* Potestatem concederet, ut opinor, ipse Dissertator, non certè *Tertullianus*.



FINIS.

---

